

CURSUS THEOLOGICUS

Ad usum Tyronum elucubratus,

Et in Quotidianis Prælectionibus

A P. DOMINICO VIVA
SOCIETATIS JESU

SACRÆ THEOLOGIÆ PROFESSORE

Suis Auditoribus Traditus

In Palæstra Collegii Neapolitani ejusdem Societatis,

DICATUS

EXCELLENTISSIMO DOMINO

BARTHOLOMÆO V.
DE CAPUA

MAGNO ALTAVILLÆ COMITI XIX.

Principi Aricæ, Biccari Comiti, Duci Aerolanorum, Comiti Montis
Auri, & Rotelli, Marchioni Arpadii, Utili Domino Civitatis
Nicoteræ, Baroni Vallis Majoris, Plancatellæ, &
Arnoni, &c. Ex Magnatibus Hispaniæ,
Domino Domus Capuæ.


PARS TERTIA

DE DIVINA GRATIA
AUXILIANTE, & SANCTIFICANTE.



PATAVII, Ex Typographia Seminarii, MDCCXXVI,
Apud Joannem Manfrè.

Superiorum Permissu, ac PRIVILEGIO:



THE [illegible] OF [illegible]
[illegible] [illegible] [illegible]
[illegible] [illegible] [illegible]
[illegible] [illegible] [illegible]

[illegible] [illegible] [illegible]
[illegible] [illegible] [illegible]
[illegible] [illegible] [illegible]
[illegible] [illegible] [illegible]

[illegible] [illegible] [illegible]
[illegible] [illegible] [illegible]
[illegible] [illegible] [illegible]
[illegible] [illegible] [illegible]

[illegible] [illegible] [illegible]
[illegible] [illegible] [illegible]
[illegible] [illegible] [illegible]
[illegible] [illegible] [illegible]

[illegible] [illegible] [illegible]
[illegible] [illegible] [illegible]
[illegible] [illegible] [illegible]
[illegible] [illegible] [illegible]

I N D E X

QUÆSTIONUM

DE GRATIA.

DISPUTATIO I.

DE Gratia auxiliante secundum se. pag. 1.

QUÆSTIO I.

Quid, & quomplex sit Gratia? Et quinam de illa Hæreticorum errores? ibid.

QUÆST. II. An Deus possit per auxilia gratia quamcumque voluntatem emollire, aut obdurare? 4

ART. I. Admittitur infragrabilitas auxiliorum relate ad emollendum. 5

ART. II. An deus infragrabilitas auxiliorum relate ad obdurandum? 9

QUÆST. III. Num auxilia gratie unice consistant in actibus intellectus, & voluntatis? 13

QUÆST. IV. Quomodo concurrat gratia auxiliatrix ad actus salutes? 17

ART. I. Num gratia causet actus salutes etiam physice? ibid.

ART. II. An gratia auxilians sit tota ratio agendi? 18

ART. III. An gratia auxilians debeat esse voluntati intrinseca? 21

QUÆST. V. Utrum gratia sufficiens ad salutem deus omnibus omnino aduizet? 23

QUÆST. VI. Utrum parvulis omnibus etiam in matris decedentibus consideris Deus remedium sufficiens ad salutem? 27

QUÆST. VII. Utrum infantibus omnino intra iterum existentibus possit, ac debeat aliquid Baptismus conferri? 31

QUÆST. VIII. Num possit homo per operationes naturales ad gratiam se disponere, sive positive, sive solum negative? 37

QUÆST. IX. Quomodo intelligendum sit axiomam illud, Facienti quod in se est Deus non denegat gratiam suam? 41

DISPUTATIO II.

DE Gratia, prout substat divinis Prædeterminationibus. 43

QUÆSTIO I.

AN, & quomodo Deus prædeterminet tum effectus necessarios, tum actus liberos? ibid.

QUÆST. II. Utrum in omni providentia necessaria sit prædeterminatio actus boni consequens ad scientiam mediam? 45

QUÆST. III. Utrum Deus prædeterminando actus honestos conferat auxilium efficax, quod efficax? 47

QUÆST. IV. Utrum prædeterminatio consequens ad scientiam mediam tum in offendo, tum in operando cohereat cum libertate actus prædeterminati? 54

QUÆST. V. Utrum prædeterminatio antecedens scientiam mediam in offendo, & consequens in operando cvertat libertatem actus prædeterminati? 60

ART. I. Auctoritate, & ratione stabilis conclusio affirmativa. 61

ART. II. Stabilis maxima universalis in hac materia. 63

ART. III. Roboretur Conclusio Regulis Summularum. 66

ART. IV. Objectionibus sit satis. 67

QUÆST. VI. Utrum Deus prædeterminet peccata, solum quoad materiale, an solum ita permittat? 73

QUÆST. VII. Utrum formalis malitia peccati consistat in positivo, an in negativo? 78

QUÆST. VIII. Utrum auxilium inefficax deus quia inefficax. 84

DISPUTATIO III.

DE efficacia divine Gratie. 87

A 2 QUÆST. 2

INDEX QUÆSTIONUM.

QUÆSTIO I.

- E**xponuntur sententiæ celeberrimæ de efficacia Gratiæ. *ibid.*
QUÆST. II. De Physica Præmotione, ac de decreto prædeterminante. 89
ART. I. Num physica prædeterminatio cohereat cum libertate arbitrii? 90
ART. II. Utrum admissa physica præmotione, sequatur, eos qui peccant, carere sufficientia ad non peccandum, adeoque non peccaret? 95
ART. III. Num præmotio reddat Deum Auctorem peccati? 97
ART. IV. Num ratiocinationes Thomistarum efficaciter evincant necessitatem physica præmotionis? 99
QUÆST. III. Utrum Decretum concomitans Scotistarum ovetas libertatem arbitrii? 104
QUÆST. IV. Exponitur sententia reponens efficaciam gratiæ in prædeterminatione morali: Necnon reponens illam in collatione auxilii prævisi per scientiam mediam efficacis. 106
QUÆST. V. Explicatur, per quid discriminetur Gratiæ efficax in actu primo ab efficaci in actu secundo. 108

DISPUTATIO IV.

De Gratiæ Habituali iustificante. 113

QUÆSTIO I.

- Q**uenam sit physica essentia Gratiæ habitualis? 114
QUÆST. II. Quenam sit participatio Divina naturæ, in qua reponitur essentia metaphysica Gratiæ. 116
QUÆST. III. Utrum Gratiæ dici possit donatio Spiritus Sancti, adeo ut Persona Spiritus Sancti de formali veniat ad constituendum filium Dei adoptivum? 118
QUÆST. IV. Utrum admissa possibilitate Gratiæ, quæ habeatur per donationem Spiritus Sancti, posset iustus satisfacere pro mortali de condigno? 121

QUÆST. V. Utrum Gratiæ sit essentialiter impossibilis cum mortali? 125

QUÆST. VI. Utrum independenter ab extrinseco Dei favore Gratiæ reddat hominem iustum, Dei adoptivum, & heredem? 129

QUÆST. VII. An Gratiæ sanctificans realiter distinguatur ab Habitu Charitatis? 134

QUÆST. VIII. Num Actus, & habitus Charitatis iustificent formaliter? 135

QUÆST. IX. Num possit homo in alio ordine sanctificari per Gratiæ extrinsecam; Et circa retractationem peccati? 138

ART. I. Num possit homo extrinsece sanctificari positive? *ibid.*

ART. II. Num possit peccator negative sanctificari extrinsece? 142

ART. III. Num possit peccatum remitti absque prævia ejus retractatione? 144

DISPUTATIO V.

De Gratiæ Auxiliantis necessitate. 145

QUÆSTIO I.

Utrum sit possibilis status pure naturæ, & Naturæ non integræ? *ibid.*

ART. I. De multiplici naturæ statu. *ibid.*

ART. II. Admittitur status pure Naturæ. 146

ART. III. Admittitur etiam status pure Naturæ non integræ. 148

QUÆST. II. Utrum naturæ lapsa debilius sit, quam pura? 149

QUÆST. III. De Necessitate Gratiæ in naturæ lapsæ tum ad veritates cognoscendas, tum ad honeste operandum. 150

QUÆST. IV. An possit circa Gratiæ hominibus lapsis totam legem servare? 152

QUÆST. V. An requiratur Gratiæ in naturæ lapsæ ad diligendum Deum, & ad perseverandum finaliter? 155

QUÆST. VI. Utrum impotentia ad vitanda omnia venialia sit antecedens, an consequens; Physica, an Moralis; determinata, an vaga? 156

CURSUS THEOLOGICUS

Ad Usū Tyronum elucubratus.

PARS TERTIA.

DE DIVINA GRATIA AUXILIANTE, ET SANCTIFICANTE.

PROOEMIUM.

Post considerationem Dei optimi Maximi in ordine ad se, quatenus Unus, & Trinus est, & in ordine ad creaturas præsertim intellectuales, quatenus eorum Creator est, & primum principium, aggreditur Angelicus in 1. 2. Deum contemplari, in quantum est ultimus finis, & nostra Beatitudo; necnon Actus humanos tam honestos, seu moraliter bonos, quibus ad Beatitudinem promovemur, quam moraliter malos, quibus a cælesti patria excludimur: Agit deinde de Legibus, per quarum violationem sunt formaliter inhonesti; ac de habitibus moraliter malis, seu de Vitiis, & peccatis; Antequam vero in 2. 2. disputet de virtutibus in genere, & in specie, & in 3. p. de Incarnatione, ac de Sacramentis, quibus, tamquam per media extrinseca, ad beatitudinem contendimus, disputat in eadem 1. 2. de Divina Gratia, quæ medium intrinsecum est, & simpliciter necessarium ad beatitudinem consequendam: Et primo quidem de gratia auxiliante, seu actuali; Deinde de Sanctificante, seu habituali, ad quam homo per auxilia gratiæ bene operando disponitur. De utraque nobis hoc anno agendum. Quare in prima disputatione disceptemus ea, quæ spectant ad gratiam auxiliantem secundum se: In secunda quæ ad eandem spectant, prout subsistat divinis prædefinitionibus: In tertia, quæ ad ejusdem efficaciam: In quarta de Gratia sanctificante, ad quam actualis gratia ordinatur: In quinta demum de Gratia actualis necessitate.

DISPUTATIO I.

De Gratia Auxiliante secundum se.

Inquiremus primo, quid, & quod duplex ea sit? Secundo num possit Deus omnes o-

Pars III.

mnino creaturas rationales per illam libere convertere, ac obdurare? Tertio num coexistat unice in actibus intellectus, & voluntatis? Quarto quomodo ad actus salutare concurret? Quinto an gratia sufficiens ad salutem omnibus omnino adultis conferatur? Sexto num etiam parvulis decedentibus in utero Matris providerit Deus de remedio sufficienti ad salutem? Denique num possit homo per operationes naturales se disponere ad salutem? ubi quomodo sit intelligendum axioma illud, *Facienti quod in se est Deus non denegat gratiam suam.*

QUESTIO I.

Quid, & quod duplex sit Gratia, & quoniam de ea Hæreticorum errores?

I Gratia ex sua Etymologia est Donum gratis datum. Hinc Apostolus ad Rom. 11. *Si gratia, jam non ex operibus, alioquin gratia non est gratia.* Additque in hunc locum Hieronymus. *Gratia gratuitum munus appellatur.* Et August. *Ideo gratia, quia gratis datur.* Sumitur aliquando active pro amore gratis aliquid donante; in quo sensu dicitur ad Roman. 4. *Reputatur fides ejus ex justitia secundum propositum gratiæ Dei:* Scpe vero sumitur passive pro dono gratis collato, sive gratuitum hoc donum sit naturale, & philosophicum, ut est Gratia Creationis, ac specialis providentiæ, quæ Deus disponit res creatas, ita ut servato ordine naturali huic potius homini, quam alteri occurrant occasiones, circumstantiæ, & cogitationes congruæ, quibus prævidet vitandum aliquod peccatum, aut exercendum aliquod opus morale bonum nature vires non excedens: Sive donum hoc gratuitum sit supernaturale, & theologicum, in quo sensu communissime, & proprie accipitur nomen Gratia.

Porro Gratia sumpta pro dono superna-

turali, alia est supernaturalis quoad modum, ut si debeat naturæ lapsæ vires ad diu servandam totam legem naturalem; quod donum est quidem debitum naturæ integræ, sed non lapsæ. Alia vero est supernaturalis quoad substantiam, excedens omnem naturæ exigentiam, conferens ad beatitudinem supernaturalem obtinendam, juxta illud ad Titum 3. *Ut justificati gratia ipsius, heredes simus secundum spem vite æternæ*. Et in hoc sensu propriissimo usurpatur nomen Gratæ, quæ dicitur stricte theologica.

II. Dicendum itaque, Gratiam theologicam (de qua in præsentî tractatu) esse Donum supernaturale superans omnem naturæ exigentiam, seu debitum tum physicum, tum morale, conferens ad beatitudinem supernaturalem. Ita communiter Patres, & Theologi ex Scripturis, & Concil. ut videre est apud Ripal. tom. 3. contra Bajanos disp. 5. sect. 3. Et sane quod excedat omnem exigentiam naturalem, colligitur ex illo præsertim Apostol. ad Ephes. *Non sumus sufficientes cogitare aliquid ex nobis quasi ex nobis, sed sufficientia nostra ex Deo est*: Et constat, quia Gratia theologica est illa, quæ homo disponitur ad Deum videndum; Visio autem Dei est indebita cuiusque creaturæ, ut ostenditur in prima parte; ergo Gratia theologica est etiam cuiusque creaturæ, seu naturæ rationali indebita; in eodem enim ordine est dispositio ad formam, in quo est ipsa forma. Ex hoc etiam fit, quod Gratia theologica excedat omnem exigentiam moralem, adeo ut nullatenus debeat operibus naturalibus, sive ut meritoriis, sive ut impetratoriis, sive ut aliter disponentibus ad illam, quod aperte dixit Apostolus ad Roman. 3. *Ei, qui operatur, merces non imputatur secundum gratiam, sed secundum debitum*: hoc est non habet nomen Gratæ, quod est debitum operibus, atque adeo gratia superat exigentiam moralem nostrarum operationum: quavis non excedat debitum morale ortum ex divina promissione, veracitate, aut alia virtute; nam unio hypostatica v. gr. non ideo desit esse gratia theologica, quia promissa fuit posteritati Abrahæ. Neque est verum, quod delirant Bajani, gratiam connotare indignitatem positivam personæ, cui confertur; Nam sine ullo prævio demerito collata fuit Humanitati Christi Domini: unio hypostatica; & donum perseverantiæ confertur iustificatis ab æque positiva eorum indignitate.

III. Quod attinet ad hujus Gratæ divisionem, dividitur primo in Habitalem, & Actualem. Illa est permanens, & consistit in habitibus supernaturalibus gratiæ sanctificantis, fidei, spæ, charitatis, & aliarum virtutum insuatum; Hæc est transiens, & consistit tum in specialibus auxiliis naturæ indebitis, quibus Deus nos movet, & adjuvat ad eliciendos actus salutares, tum etiam in ipsis actibus supernaturalibus meritorii vite æternæ, quæ pariter dona Dei sunt gratis collata, ut prout Celestinus Papa ad Episcop. Galliz dixerit, c. 11. *Tanta est erga homines bonitas Dei, ut nostra velis esse merita, quæ sunt ipsius dona, & pro iis, quæ largitus est, æterna præmia sine largiturus*.

Dividitur secundo in Internam, quæ scilicet in anima recipitur, ut est Gratia sanctificans, illuminationes, & Inspirationes Spiritus Sancti; & Externam, qualis est Passio Christi Domini, Institutio Sacramentorum, Predicatio Evangelii, Gratia protectionis in tentationibus, &c.

Dividitur tertio in Increata, & Creatam: Increata est Spiritus Sanctus, qui datur iustus, quando charitas Dei diffunditur in cordibus eorum, Verbum communicatum Humanitati assumptæ, Dilectio Dei, quæ nos ab æterno dilexit, & quæ decrevit conferre nobis in tempore dona supernaturalia. Creatæ vero est effectus talis dilectionis in tempore productus.

IV. Dividitur quarto in Gratiam gratis datam, & Gratum facientem; Hæc per se ordinatur ad propriam sanctificationem, atque adeo vel sanctificat formaliter, ut gratia habitualis, vel ad sanctitatem confertur, ut virtutes morales, vel disponit ad sanctitatem, ut sunt auxilia actualia. Illa vero est, quæ per se ordinatur ad aliorum utilitatem, quales sunt gratiæ ab Apostolo enumeratæ secunda ad Corinth. 11. *Sermo sapientiæ, & scientiæ, fides, Gratia sanitatum, operatio virtutum, Prophetiæ, Discretio Spirituum, genera linguarum, & Interpretatio sermonum*. Sermo Sapientiæ est donum supernaturale inferendi ex principis fidei conclusiones circa divina; Sermo scientiæ est consimile donum inferendi conclusiones circa humana; Fides, quatenus est gratia gratis data, est donum supernaturale explicandi mysteria fidei; quatenus vero est gratia gratum faciens, est habitus assentiendi mysticis revelatis; Operatio virtutum est donum faciendi opera miraculosa distincta a corporum sanitate, ut

fecit Moyses in Ægypto. Neque dicas, etiam gratiam gratum facientem esse gratis datam: Nam hoc nomen genericum Gratia gratis datur per antonomasiam tali generi gratiarum ascribitur; sicuti quamvis quælibet gratia etiam philosophica consecratur nobis intuitu meritorum Christi; tamen nomine gratia per Christum antonomastice venit sola Gratia Theologica.

Dividitur quinto in Prævenientem, Comitantem, & subsequenter. De præveniente dicitur Psalm. 8. *Miser cordia ejus præveniet te*: & hæc præcedit omnes omnino actus salutare, contra Semipelagianos negantes, necessariam esse gratiam, quæ præveniat ipsum primum velle: Gratia Comitans est, quæ adjuvat, & cooperatur; Subsequens est, quæ indigemus ad perseverandum in bono proposito; de qua dicitur Psalm. 22. *Miser cordia tua subsequenter me*: Sic v. g. qui tenetur restituere, indiget gratia Præveniente consistente in illustrationibus supernaturales, quibus impellitur ad dicendum, Volo restituere; indiget gratia Adjuncta, quæ dicat, Volo restituere, & Subsequente, quæ in proposito perseveret, ita ut actu restituat.

Dividitur sexto in Excitantem, quæ consistit in illustrationibus, & inspirationibus, quibus voluntas veluti torpens, & sopita excitatur, juxta illud Apoc. 5. *Ego sto ad osium, & pulso*; & in Adjunctam, quæ vires præbet voluntati infirmæ ad conatum requisitum; unde Ber. lib. de gratia, & lib. arbit. dixit. *Conatus nostri cassi sunt, si non adjuvantur, nulli, si non excitentur*. Aliquando tamen gratia Excitans usurpatur pro Præveniente, & Adjuncta pro Comitante.

V. Dividitur septimo in Operantem, & Cooperantem: nomine Operantis venit primo gratia, quæ Deus operatur in nobis sine nobis meritorie nos disponentibus ad recipiendum id, quod Deus in nobis operatur; qualis est prima operatio nostra meritoria, ad quam certe meritum præcedere non potest, aliter non esset primum meritum; & hujusmodi est primum initium fidei, quo disponimur ad alios actus ad fidem subsequentes, ut notat Aug. contra Semipelagianos. Secundo venit gratia, quæ Deus operatur in nobis sine nobis libere consentientibus, & operantibus, ut sunt illustrationes, & inspirationes nobis a Deo infusæ, quæ cum sine actus vitales, indigent nostra physica cooperatione, non tamen libertate. Tertio venit gratia, quæ Deus operatur in nobis sine nobis physice concurren-

tibus; & talis est qualitas illa supernaturalis infusæ, quæ anima elevatur ad producendas illustrationes supernaturales; quamvis enim Deus posset immediate cum concursu speciali Omnipotentie elevare animam ad hujusmodi actus vitales producendos; at cum Deus in operibus supernaturalibus servet rerum connaturalitatem, & connaturalis sit, actum vitalem procedens a principio intrinseco; idcirco sicut ad visionem beatam producendam admittimus communiter lumen gloriæ, tamquam principium intrinsecum elevans intellectum ad Dei visionem; ita in casu nostro (juxta multorum sententiam apud Maurum, contra Suarium, & Ripaldam, ut dicemus quæst. 3. num. 4.) admitti debet qualitas infusæ elevans animam ad actus supernaturales intellectus, & voluntatis a Deo nobis infusus sine nobis libere operantibus.

Gratia vero cooperans est, per quam Deus in nobis actum supernaturalem operatur, nobis ad illum libere concurrentibus. Ubi nota, posse eandem entitativè gratiam considerari secundum respectus diversos dici prævenientem, excitantem, comitantem, adjuvantem, cooperantem, &c. sicut idem homo est Pater, Avus, Filius, Nepos, &c. Hinc Aug. de eadem entitativè gratia dixit in Enchir. cap. 31. *Nolentem prævenit, ut vellet, & comitatur, ne frustra velit*.

Dividitur ultimo Gratia in SuffICIENTem, & EFFICACem: Illa dat solum posse facere, hæc vero dat tum posse, tum ipsum facere. Quamvis enim gratia efficax sit sufficiens: at nomine sufficientis per Antonomasiam venit quæ est pure sufficiens, seu inefficax; potestque Sufficiens aliquando esse sufficiens tantum physice, aliquando etiam moraliter.

VI. Denique quod attinet ad Hæreticorum errores in materia gratia, sciendum, dogmata Catholica esse. Primo liberum arbitrium non posse viribus naturalibus preceptum servare, prout oportet, ad justificationem obtinendam, ac promerendam gloriam, ut definitur in Concilio Milevitano can. 5. ex illo Jo: 15. *Sine me nihil potestis facere*; atque adeo gratiam esse necessariam ad posse simpliciter operari salutariter: Secundo Gratiam non dari ex meritis arbitrii viribus naturæ operantis; cum ad Rom. 11. dicatur: *Si gratia, jam non ex operibus, alioquin gratia non esset gratia*: Tertio gratiam non solum esse necessariam ad operandum, prout oportet, sed etiam ad credendum; atque ad-

coipsum salutis initium esse ex gratia. Quare adiutorium gratiae non ledere libertatem arbitrii.

VII. Circa hæc Primo erravit Pelagius somnians, ad salutem consequendam sufficere liberum arbitrium absque gratiae adiutorio: quare negavit gratiae supernaturalitatem, necessitatem Redemptoris, gratiam sanctificantem, &c. Secundo errarunt Semipelagiani putantes, ad initium fidei, & voluntatem credendi non esse necessariam gratiam, sed sufficere liberum arbitrium. Ac relate ad parvulos dixerunt, alios baptizari in præmium bonorum operum, quæ videntur a Deo facturi fuisse, si viverent; alios a baptismo excludi in penam scelerrum etiam conditionate futurorum. Ex quo apparet, in quo discrepet horum hæresis a doctrina admittentium scientiam mediam: Illi enim contendebant, ob opera conditionate futura conferri absolute præmium, & penam: Illi solum docent, quod scientia horum oporum dirigat Deum tam ad prædestinandum actum bonum, seu ad decernendum pro libito cui maluerit auxilium prævium efficax, unde oriatur in statu absoluto meritum exigitivum præmii; quam ad permitendum pro libito peccatum, decernendo auxilium prævium inefficax ex intentione seræ boni operis. Præterea Semipelagiani dicebant, Deum expectare voluntatem nostram, ut a peccato purgemur; quæ propositio damnata est a Concilio Arausicano, in eo videlicet sensu, quod Deus ad suam gratiam impertiendam expectet nostros primos actus viribus naturalibus elicitos; non vero in eo sensu (ut Prædeterminatores contendunt) quod concursus divinus a voluntate creata determinetur; cum huiusmodi determinatio necessaria sit ad libertatem voluntatis tuendam. Tertio Lutherus, & Calvinus duobus ab hinc sæculis errarunt in eo, quod putarent, liberum arbitrium in natura lapsa esse extinctum, atque adeo hominem ex necessitate, non libere, agi vel a concupiscentia in peccatum, vel a gratia in bonum. Discreparunt tamen in eo, quod Lutherus putavit, voluntatem nostram nec libere, nec active se habere ad actus salutares, sed eos ab extrinseco, tamquam inanime quoddam, recipere, ac mere pati: Calvinus autem voluit, voluntatem moveri quidem ab intrinseco, sed absque indifferentia. Unde Calvinus solum Theologice erravit; Lutherus vero etiam philosophice. Uterque autem a Tridentino damnatur sess. 5. 6.

& 14. Denique e Catholicis Michael Bajus Doctor Lovaniensis, & Janſenius Episcopus Iprensis varie errarunt; sed præsertim in eo, quod dixerint, Ad merendum, & demerendum in natura lapsa non requiri libertatem a necessitate, sed sufficere libertatem a coactione; quam propositionem tamquam hæreticam cum aliis quatuor eiusdem furfuris damnavit Inn. X. & Alex. VII. sicut propositio illa 39. Baii dicens, *Quod voluntas sit, etiam si necessario fiat, libere tamen sit*, damnata olim fuerat a Pio V. Gregor. XV. & Urbano VIII.

Post hoc successit pugna scholastica in materia Gratiae inter Catholicos. Prædeterminatores enim contra Hæreticos docent, gratiam salutarem necessariam ad salutariter operandum coherere debere cum libertate indifferentiæ; hanc tamen a prædeterminatione non everti; quod infra examinandum, cum de gratiæ efficacia, quæ cum libertate arbitrii concilianda est. Nam ut solide arguit Aug. epist. 46. *Si non est gratia Dei, quomodo salvat Mundum? si non est liberum arbitrium, quomodo iudicat Mundum?* Progredimur nunc enucleare ea, quæ ad Gratiam auxiliantem spectant.

QUÆSTIO II.

An Deus possit per auxilia Gratiae quamcumque voluntatem emellere, aut obdurare?

I. **S**UB aliis terminis præfata quæstio agitur, An detur non solum moralis, sed etiam metaphysica necessitas, ut quælibet voluntas videatur per scientiam mediam libere consensura sub aliquo vage auxilio? quod est dicere, An voluntas creata, salva libertate, habeat metaphysicam necessitatem consentiendi sub aliquo vage auxilio, adeo ut collectioni auxiliorum indifferentium competat infirmitas metaphysica ad inducendum consensum: Cum enim Deo suppetant infinita auxilia, ac infiniti modi trahendi voluntatem ad libere consentiendum, quorum plurimi fundare possint moralem certitudinem de futuriore consensu, & quorum collectio quo major, eo majorem fundat certitudinem moralem, quod voluntas sub aliquo eorum sit libere consensura; idcirco quaeritur, An omnium auxiliorum collectio fundet metaphysicam infallibilitatem de futuriore consensu liberi sub aliquo

vage auxilio; quo posito, facile erit nodum Gordianum solvere, & infallibilitatem gratiae cum libertate arbitrii conciliare.

II. Prima sententia solum admittit moralem, non metaphysicam necessitatem in collatione auxiliorum relate ad inducendum actum liberum; sicut de facto datur moralis, non metaphysica necessitas committendi aliquod veniale vage sine auxilio Dei speciali; & sicut in magna hominum multitudine datur moralis necessitas, ut aliquis peccet, juxta illud Christi Domini Matth. 17. *Necesse est, ut veniant scandala*. Ita videntur sentire Suar. lib. 1. de Praedest. cap. 7. Albert. 5. principio philosophico, quæst. 3. corol. 3. Ariag. p. 1. disp. 55. Erice disp. 71. cap. 6. Ex qua sententia sequitur, possibilem esse creaturam aliquam liberam inextinguibilem, seu quæ per scientiam mediam videatur libere toti collectioni auxiliorum aut consensura, unde sit inobdurabilis, aut dissensura, ac reitutura, unde sit inconvertibilis, & inemollibilis; ut proinde solum possit ab ea Deus extorquere consensum necessarium prædeterminando ad illum.

Secunda sententia fere communissima hanc metaphysicam necessitatem admittit, tum relate ad consensum, tum ad dissensum: Unde sit, repugnare creaturam liberam aut inemollibilem, aut inobdurabilem. Ita Coninck, Mærat, Tann., Granad. de Scientia Visionis quæst. 4. sect. 4. Ruiz, Fasolus disp. 14. art. 13. num. 137. & noster Pater Thyrsus Gonzalez t. 2. disp. 4. qui pro hac sententia laudat etiam Vasq., & Suar., aliosque Recentiores: cum ab antiquis, ut notat Haunoldus, questio hæc non sit expressè agitata: Quamvis convenerint communissime, quod possit Deus quancumque voluntatem ad se libere trahere, & de lapidibus istis suscitare filios Abraham, quod Thomistæ tribuunt physica prædeterminationi, & Scotistæ condeterminationi.

Tertia sententia Patris Henao de Scientia media sect. 444. admittit necessitatem metaphysicam relate ad consensum in collectione auxiliorum, non relate ad dissensum; unde putat, repugnare creaturam inemollibilem, non vero inobdurabilem. De utraque nos agemus scorsim.

ARTICULUS I.

Admittitur inextinguibilis Auxiliorum relate ad emollendum.

III. Prima conclusio. Necessitas metaphysica, quod voluntas creata prævideri debeat per scientiam mediam sub aliquo vage auxilio consensura, bene coheret cum libertate consensum sub quolibet auxilio determinato.

Prob. 1. ad hominem. Necessitas moralis, quæ ab Adversariis admittitur, quod voluntas sub aliquo vage auxilio sit consensura, non pugnat cum libertate morali ad consensendum sub quolibet auxilio determinato; ergo pariformiter necessitas hujusmodi metaphysica non pugnat cum libertate metaphysica, seu simpliciter dicta. Præterea bene intelligitur primo, quod sine speciali Dei privilegio dectur in nobis necessitas moralis ad patrandum in tota vita aliquod veniale vage, quin talis necessitas sit relate ad veniale determinatum: Secundo, quod in magna hominum multitudine dectur moralis necessitas, ut aliquis peccet, quin ullus habeat hanc moralem necessitatem. Tertio, quod repugnante pura omissione libera, Deus necessiter ad alterutrum actum, v. g. volitionis, vel nolitionis mundi; & tamen neuter actus sit necessarius, & data possibilitate puræ omissionis liberæ, intelligitur, quod Deus necessiter metaphysice ad unum vage ex his tribus exercitiis liberis relate ad Mundum; videlicet vel ad illum volendum; vel ad nolendum, vel ad suspendendum tam volitionem, quam nolitionem Mundi, quamvis nullum ex his tribus exercitiis voluntatis Divinæ sit necessarium; ergo bene etiam intelligi potest, quod dectur necessitas ad consensum sub aliquo auxilio vage, quin dectur ea necessitas sub ullo auxilio determinato.

Prob. 2. a priori: tunc datur in instanti A plena libertas in voluntate sub auxilio A determinato, quoties voluntas in statu absoluto sub eo auxilio potest agere, vel non agere, seu est indifferens ad ponendum, vel non ponendum consensum; atqui etiam cum illa metaphysica necessitate, quod debeat voluntas prævideri per scientiam mediam pro statu conditionato sub aliquo vage auxilio consensura, adhuc potest voluntas in statu absoluto sub auxilio A esse indifferens ad ponendum, vel non ponendum consensum, ut constat paritatibus adductis; ergo cum illa metaphysica necessitate.

A 5. sita.

fitate bene cohaeret libertas voluntatis ad consentiendum sub quolibet auxilio determinato.

IV. Obijc. 1. Ad plenam libertatem requiritur, ut possit voluntas resistere non solum omnibus auxiliis distributive, sed etiam collective; atqui data illa metaphysica necessitate, hoc non haberetur; ergo ea metaphysica necessitas evertit libertatem. Major probatur, quia ex terminis constat, plenam esse libertatem, quæ potest omnibus collective resistere, quam quæ potest tantum singulis; sicut majores sunt vires illius, qui potest plures hostes prostrare simul, quam qui tantum seorsim.

Resp. 1. per instantiam. Ad plenam libertatem requiritur, quod possit voluntas moraliter resistere omnibus auxiliis, etiam collective; ergo in collectione auxiliorum neque datur necessitas moralis ad consensum liberum; quod non admittitur.

Respondeo 2. nego majorem: est enim plenissime libera voluntas, si sub quolibet auxilio, & sub qualibet auxiliorum collectione possibili possit ponere, vel non ponere consensum, etiam si non possit resistere toti collectioni auxiliorum. Et ratio est, quia tota collectio auxiliorum poni nequit a parte rei, etenim solum possunt poni collectiones finitæ in infinitum, non vero infinitæ categorematice, ne in infinitis quidem partibus horæ, vel anni proportionibus; quia supponimus, partes horæ proportionales distinctas possibiles esse tantum finitas in infinitum, seu infinitas syncategorematicæ, non vero categorematice; unde cum verum sit, quod possit voluntas & cuilibet auxilio, & cuilibet collectioni auxiliorum finitæ in infinitum resistere, sive dentur successive, sive simul, erit plenissime libera. Ad probationem majoris, concedo, validiores requiri vires ad resistendum pluribus simul, quam seorsim, quod tamen collectio aliqua plurium est possibilis, non chimerica; collectio autem omnium auxiliorum per me est chimerica, non fecus ac collectio omnium possibilem, juxta dicta anno superiore, disp. 4. q. 1. n. 11. ergo quamvis non possit voluntas resistere toti collectioni, dummodo possit omnibus distributive resistere, erit plenissime libera.

Adde, libertatem ad resistendum omni collectioni auxiliorum neque esse utilem, neque possibilem creaturæ: non est utilis, quia ad libertatem solum facit, quod possit voluntas sub quolibet auxilio agere, vel

non agere; neque est possibilis, quia talis libertas solum deſerviret, ut creatura subtrahat se a dominio Dei, qui propterea non posset in illam, quæ liberam, dominari, cum non posset ab ea consensum liberum obtinere, si prævideretur omnibus auxiliis resistura.

Denique ad ubiorem solutionem transmitti potest, quod in infinitis partibus proportionalibus horæ, aut successive per totam æternitatem dari possint voluntati infinita auxilia categorematice, dummodo non ponantur omnia, quia sic exhauriretur Omnipotentia; sicut in communiore infinitariorum sententia poni possent infiniti homines, sed non omnes. Hoc posito, bene voluntas dici posset libera ad resistendum etiam infinitis categorematice auxiliis, non tamen omnibus; quia cum supponamus, in ætærio Omnipotentia dari infinita auxilia efficacia, & infinita inefficacia, potest Deus conferre voluntati in infinitis partibus horæ infinita auxilia ex inefficacibus, unde resisteret infinitis.

V. Obijc. 2. Non dicitur plene, sed solum secundum quid liber, v. g. ad mortem declinandam, qui debet sub aliquo patibulo vage mori, quamvis sub quolibet moriatur libere: sic Christus Dominus non fuisset liber quoad substantiam, sed solum quoad circumstantiam mortis, si potuisset quolibet ex triginta tribus suis vitæ annis mortem declinare, dummodo deberet aliquo ex iis vage mori: ergo neque voluntas est plene libera ad consensum, si sub quolibet auxilio est indifferens, debet tamen sub aliquo vage consentire.

Resp. 1. recurrere instantiam de necessitate morali. Deinde dico, plene liberum esse ad mortem declinandam, qui potest illam sub quovis patibulo, & sub quavis patibulorum collectione possibili declinare, quamvis detur necessitas metaphysica, quod debeat per scientiam mediam prævideri libere amplexurus mortem sub aliquo vage patibulo, quia necessaria ista connexio cum morte est solum intentionalis, & in scientia conditionata, non realis, & pro statu absoluto, cum supponatur impossibilis collectio omnium patibulorum a parte rei, ita ut necessario debeat cum aliquo eorum componi mors. Christus Dominus ideo in casu adducto fuisset liber solum ad circumstantiam mortis, quia necessitas vaga reduci deberet ad determinatam: etenim clapsis triginta duobus annis non poterat amplius mortem declinare: at in
casu

casu nostro nunquam per totam æternitatem necessitas vaga reducitur ad determinatam, quia posita quavis collectio finita in infinitum, imo etiam infinita auxiliorum, semper potest voluntas illis resistere; ergo est libera ad consensum tum quoad circumstantiam, tum quoad substantiam. In forma dist. antec. non est plene liber, qui sub aliquo vage paribulo ex iis, quæ possunt coexistere in statu absoluto, debet mori, concedo: ex iis, quæ tantum sunt pro statu conditionato, nego antecedens, & consequentiam.

VI. Secunda conclusio. Datur de facto metaphysica necessitas, ut quilibet creata voluntas videatur per scientiam mediam sub aliquo vage auxilio consensura; atque adeo repugnat Creatura rationalis, quæ per scientiam mediam prævidetur toti collectioni auxiliorum resistere, unde sit inemollibilis, & inconvertibilis, quatenus ab illa non potest Deus per auxilia suæ gratiæ consensum liberum obtinere. Ita Doctores pro secunda sententia laudati.

Prob. 1. auctoritate Scripturarum, & Patrum. Prover. 21. dicitur: *Cor Regis in manu Domini, quocumque voluerit, inclinabit illud*: Ad Rom. 3. *Cuius vult miseretur, & quem vult indurat*. Jer. 18. *Sicut lutum in manu figuli, ita vos in manu Dei*. Aug. c. 14. de corr. & grat. *Sine dubio habet Deus humanorum cordium, quo placet inclinandum omnipotentissimam potestatem. magis enim habet in potestate voluntates hominum, quam ipsi sunt*. & in Enchir. cap. 88. *Quis tam impie despiciat, ut dicat, Deum non posse malas hominum voluntates, quando voluerit, & quomodo voluerit, in bonum converteret*.

Prob. 2. ratione. Deo tribuendum est dominium erga creaturas, quo majus excoGITARI non possit citra implicantiam, sicut e converso Creaturæ summa subiectio; atqui majus est dominium Dei erga creaturas, si possit eas libere convertere, quam si non possit, ut constat ex terminis; & hoc non involvit implicantiam, ut constat solutione argumentorum; ergo de facto Deo competit huiusmodi dominium in creaturas liberas: Sed hoc dominium competere non posset Deo, nisi collectio auxiliorum fundaret metaphysicam necessitatem consensui pro statu conditionato, ita ut repugnet creaturæ, quæ non prævidetur per scientiam mediam sub aliquo vage auxilio consensura; ergo datur hæc metaphysica necessitas.

Confirm. 1. quia lumine nature notum

est, unumquemque posse, ac debere a Deo petere operationes bonas, ac meritorias, ac victoriam tentationum; ergo evidens est, unumquemque posse habere a Deo auxilium efficax ad bene operandum, ergo evidens etiam est, in collectione auxiliorum possibilem videri a Deo per scientiam mediam aliqua efficaciam, seu conjugendam cum consensu libero, si darentur: Hæc autem procul dubio sunt infinita, quia quibuscumque conversionibus, & consensibus positus, potest Deus ex supremo dominio iterum iterumque creaturam convertere, & ad novum consensum liberum inducere in infinitum.

Confirm. 2. creatura essentialiter indestruibilis, aut ineliminabilis ad quodlibet, sicut etiam creatura Durandi, cum qua scilicet Deus non concurrat immediate ad operandum, & similes communiter dicuntur repugnare præcisè per hoc, quia subtraherent se a plenissimo Dei dominio; ergo idem dicendum de Creatura Inconvertibili. Et ratio est, quia quoties positive non constat de possibilitate alicuius creaturæ, qua posita, dominium Dei restringitur, standum potius pro dilatatione domini, quam Omnipotentæ, cum illud sit attributum ex suo conceptu præstantius; atque adeo dicendum, huiusmodi creaturam repugnare; Sicut etiam diximus in tractatu de Angelis dist. 5. qu. 2. loquentes de creatura rationali natura sua impeccabili.

VII. Objic. 1. voluntas resistere potest cuilibet auxilio; ergo etiam omnibus; ergo non datur necessitas metaphysica, quod sub aliquo vage per scientiam mediam prævidetur consensura. Probatur prima consequentia, quia voluntas, quæ resistit singulis, resistit omnibus collectivè, non enim aliter resistitur omnibus, quam per hoc, quod resistatur singulis; ergo si potest singulis resistere, potest & omnibus.

Resp. concessio antecedente, nego consequentiam; non enim tenet illatio a distributivo ad collectivum, ut patet in innumeris exemplis; voluntas enim potest moraliter resistere singulis auxiliis, sed non omnibus; homo sine speciali privilegio potest vitare in tota vita quodvis veniale, non tamen omnia, ex Triden. sess. 6. can. 23. Sic partes quantitatæ possunt singulæ distantificari, non tamen omnes; ergo poterit etiam voluntas resistere cuilibet auxilio, quin possit omnibus collectivè. Ad probationem antecedentis, concessio iterum antecedente, nego consequentiam. Ratio est, quia

quia tunc valet a distributivo ad collectivum, quoties distribuuntur exercitia, non potestates; v.g. si singula venialia vitantur, omnia collectivè vitantur; at si possunt singula vitari, non eatenus possunt vitari omnia: Sic etiam si singulæ partes quantitatibus distantiarentur, omnes collectivè distantiarentur; at per hoc, quod possunt singulæ distantiari, non per hoc possunt omnes; potest enim dari repugnantia aliqua, ut componantur exercitia, quin detur repugnantia, ut componantur potestates; ut patet in voluntate, quæ relate ad amorem, & odium habet simultatem potentiz, non potentiam simultatis; quare poterit etiam voluntas habere simultatem potentiz relate ad resistendum singulis auxiliis, quin habeat potentiam simultatis.

VIII. Objic. 2. ex Henao. Non obstat perfectissimo Dei dominio, quod non possit naturaliter destruere animam rationalem; ergo etiam quod non possit libere inducere voluntatem aliquam ad consensum; ergo non repugnat creatura inconvertibilis ex capite diminutionis divini domini.

Confirm. non obstat Dei dominio, quod non possit obtinere consensum liberum ex aliqua collectione auxiliorum finita, aut etiam infinita; ergo neque quod non possit consensum liberum obtinere ex collectione omnium auxiliorum. Antecedens patet; nam Deus per scientiam mediam videt infinita auxilia esse efficaciacia, & infinita inefficacia; ergo relate ad collectionem illam infinitam auxiliorum inefficaciam non potest Deus obtinere consensum liberum a voluntate; idque sine præjudicio domini perfectissimi.

Resp. argumentum probare etiam, quod sicut non obstat perfectissimo Dei dominio, quod non possit naturaliter destruere animam rationalem; ita nec obstat creatura essentialiter indestruibilis. In forma, concessio antecedente, nego utramque consequentiam. Quod anima sit naturaliter indestruibilis, commendat Omnipotentiam, quippe quæ non solum potest ponere animam, sed etiam exigentiam in anima naturalem, ut conservetur, salvo semper dominio, quod possit illam ad nulum destruere: Contra vero creatura inconvertibilis derogat dominio divino; non secus ac creatura essentialiter indestruibilis, eo quod non possit ab ea Deus consensum liberum obtinere.

Neque dicas, ad perfectissimum dominium sufficere, quod possit Deus a creatura

libera extorquere consensum necessarium per prædeterminationem physicam, quia requiratur, quod possit obtinere consensum liberum; Sicuti satis est, quod animam rationalem possit Deus destruere supernaturaliter, quin requiratur, quod possit illam naturaliter destruere.

Nam contra est, quia sicuti non satis est, quod possit Deus producere, vel non producere creaturam aliquam essentialiter indestruibilem, sed requiritur etiam ad perfectissimum dominium, quod possit illam libere conservare, quia sic est magis subjecta Deo; ita non satis est, quod possit Deus a voluntate extorquere consensum necessarium, sed debet etiam posse obtinere consensum liberum, quia sic est magis Deo subjecta. Anima rationalis non debet posse naturaliter destitui, quia ex hoc prædicato non traheret majorem subjectionem Deo, sed solum minorem perfectionem; minus enim perfecta est creatura, quæ potest naturaliter destitui, quam quæ exigit naturaliter conservari.

Ad confirm. concessio antecedente, nego consequentiam. Disparitas est, quia si Deus non possit per collectionem omnium auxiliorum infrustrabiliter obtinere consensum liberum a voluntate, non subiceretur Deo creatura libera, quatenus libera est; quod repugnat: At quod in collatione auxiliorum dentur infinita efficaciacia, & infinita inefficacia, ita ut si Deus conferat hæc infinita inefficacia, non possit per illa consensum obtinere, hoc ampliat Omnipotentiam citra diminutionem domini.

IX. Objic. 3. Si ad Dei dominium spectaret posse vi collectionis omnium auxiliorum obtinere consensum liberum, spectaret etiam posse hujusmodi consensum obtinere vi cujuslibet auxilii determinati; quia sic esset majus Dei Dominium, aut saltem vi cujusvis binarii, aut alterius collectionis finitæ auxiliorum; ita ut consensus sit liber relate ad auxilium A, sed necessarius relate ad binarium auxiliorum A, & B; sequela non admittitur; ergo nec admittendum id, unde ea sequitur.

Resp. nego sequelam, si enim sub auxilio A determinato consensus poneretur a voluntate necessario, eo ipso esset necessarius, & non liber, ut patet: citò probabilis sit sententia Patris Nolri Thyrri Gonzalez loc. cit. disp. 5. sect. 2. quod scilicet possit Deus vi cujusvis auxilii determinati collati sub infinitis variis circumstantiis consensum liberum infrustrabiliter obtinere,

eo modo, quo potest vi collectionis omnium auxiliorum.

Ad id, quod additur, nego, quod dari possit necessitas vaga consensus sub binario, aut alia collectione finita auxiliorum; tum quia necessitas hæc vaga reduceretur ad determinatam; nam si collato auxilio A voluntas non consentit, deberet deinde necessario consentire sub auxilio B, posito quod sub alterutro dari debeat consensus: tum etiam, quia voluntas non esset plenissime libera, si positis quibuscumque auxiliis in statu absoluto, non posset omnibus dissentire; ea enim est libertas, quam Patres, & Scholastici omnes in voluntate agnoscunt, ut positis quibuscumque vocationibus in infinitum, semper possit resistere. Adde, quod derogaretur potius divino dominio, si non posset creaturam vocare infinitis auxiliis efficacibus, & infinitis inefficacibus.

Hinc habes, quod sicuti quando dicitur, Aliqua navis est necessaria ad navigandum, necessitas de nulla navi in particulari verificatur, nec de quacumque navium compositibilium collectione (posito quod non sit possibilis collectio omnium navium possibilium, quippe quæ Omnipotentiam exhauriret) iis enim sublati, adhuc dari posset navigari cum alia navi possibili: Ita cum dicitur, Aliquod auxilium pro statu conditionato necessario conjungitur cum consensu libero, de nullo auxilio, aut collectione auxiliorum compositibilium in statu absoluto id verificatur, quia quæcumque auxilia possunt aut simul, aut successive coexistere, possunt esse inefficacia. Quapropter necessitas ista consensus liberi est solum necessitas logica pro statu conditionato, seu est necessitas tantum scientiæ medice de consensu libero sub aliquo vage auxilio; quæ necessitas non evertit libertatem consensus; sicut necessitas logica peccati pro statu possibilitatis non evertit libertatem, quia non est necessitas peccati physica, & pro statu absoluto.

X. Objic. ultimo. Infrustrabilis exigentia consensus liberi non potest identificari cum quolibet auxilio, ut modo diximus; neque potest identificari cum collectione omnium auxiliorum; cum ista collectio supponatur esse chimæra; ergo hæc exigentia infrustrabilis consensus liberi sub aliquo vage auxilio simpliciter non datur.

Respond. cum eodem Patre Thyrsio num. 28. exigentiam hanc non identificari cum auxiliis, sed cum Omnipotentia, quæ exi-

git, ut aliquod vage auxilium prævideatur efficax: Quare exigentia ista neque identificatur cum quolibet auxilio, neque cum collectione auxiliorum, quamvis consensus ab auxiliis causetur: Sic data necessitate ad optimum in Deo, omnipotentia est quæ causat optimum; hoc tamen non exigitur ab Omnipotentia, sed a Bonitate divina, quæ est diffusiva sui; Sic etiam data distinctione potentiarum ab essentia, potentie causant actum, qui tamen ab essentia exigitur. Quod diximus de exigentia consensus, dicas etiam de necessitate, ut sub aliquo vage auxilio prævideatur; quæ pariter cum Omnipotentia, non cum auxiliis identificatur: etenim, ut hic supponimus cum eodem Auctore, sicut possibilitas omnium possibilium, ita necessitas omnium necessariorum identificatur cum Omnipotentia, quæ sicut est necessitas, ut homo v. gr. si exultat, excludat contradictionem, ita est necessitas, ut sub aliquo vage auxilio consensus per scientiam mediam prævideatur. In forma itaque concessa antecedente, nego consequentiam.

Intabis: Si medium non est inductivum finis, qui potest ponere medium, non potest per illum inducere finem: sed auxilia, cum sine indifferentia, non possunt inducere infrustrabiliter consensum, & illa sunt medium unicum ad inducendum consensum liberum: ergo Omnipotentia non poterit per huiusmodi auxilia inducere consensum infrustrabiliter.

Resp. auxilia esse medium unicum ad efficiendum, non ad exigendum consensum. Quare dist. maj. si medium non est inductivum, hoc est exigitivum finis, qui potest ponere tale medium, non potest inducere finem, nego maj. si medium non est effectivum finis, conc. maj. & distincta pariter min. nego consequentiam.

ARTICULUS II.

An detur Infrustrabilis Auxiliorum relatu ad obdurandum?

XI. TERTIA conclusio hypothetica. Si verum esset, quod Deus posset vel simul in eodem instanti, vel successive in infinitis partibus, v. g. horæ, conferre omnia collectivè auxilia, non posset in hac hypothesi dari metaphysica necessitas in collectione auxiliorum, quod voluntas per scientiam mediam prævideatur sub aliquo vage auxilio dissensura, etiam transmissio, quod

quod talis necessitas cohereret cum libertate dissenſus; proinde in hac hypotheſi poſſibilis eſſet voluntas, quæ omnibus auxiliis conſentiret, atque adeo non repugnaret voluntas inobdurabilis, cujus ſcilicet peccatum. permittere non poſſet Deus.

Prob. Etiam tranſmiſſo, quod in hac hypotheſi collectio auxiliorum non everteret libertatem, adhuc metaphyſica hæc neceſſitas ad diſſenſum eſſet diſſona divinæ bonitati; ergo repugnat; atque adeo in hac hypotheſi voluntas creata inobdurabilis non repugnaret. Prob. antecedens. Eſt diſſonum bonitati Divinæ id, quod ſi ponatur pro ſtatu abſoluto a parte rei, inferret neceſſario a priori peccatum; ſed collectio omnium auxiliorum, ſi poneretur a parte rei intra horam, traheret peccatum a priori, ſeu tanquam a cauſa; ergo eſſet diſſona bonitati Divinæ. Major probatur. Ideo enim dicimus contra Thomiſtas, prædeterminationem phyſicam ad peccatum eſſe diſſonam bonitati Divinæ, & arguere in Deo amorem peccati, quamvis non everteret libertatem, quia prædeterminatio trahit a priori peccatum; atqui ex collectione auxiliorum continente metaphyſicam neceſſitatem ad diſſenſum inferret etiam, tanquam a priori, peccatum intra horam, in qua ea conſerretur; ergo eſſet pariter diſſona bonitati Divinæ, & faceret Deum Auctorem peccati.

Conſirm. 1. Quia qui vult A, ad quod neceſſario conſequitur B, cenſetur velle iplum B; ergo Deus volens ſive prædeterminationem, ſive collectionem auxiliorum, ad quas conſequitur neceſſario peccatum, cenſeretur amare iplum peccatum.

Conſirm. 2. Si Deus ſuaderet peccatum libere ponendum a creatura, cenſeretur amare peccatum, & eſſe auctor peccati, quia ex Aug. *Illo Auctore cum dicimus, illo volente dicimus*; ergo a fortiori ſi Deus aut prædeterminet ad peccatum, aut conferat collectionem omnium auxiliorum, ad quam inſallibiliter peccatum ſequatur, quamvis libere. Prob. conſequentia, quia magis dicitur amare peccatum qui compellit ad illud phyſice, quam qui tantum moraliter ſuo conſilio; atqui Deus conferendo aut prædeterminationem, aut collectionem omnium auxiliorum intra horam, compelleret phyſice ad peccatum, ponendo cauſam neceſſariam illius; ergo magis eſſet Auctor peccati, conferendo collectionem omnium auxiliorum, quam ſuadendo peccatum.

Neque dicas, quod Deus amaret peccatum pro ſtatu conditionato, non pro ſtatu abſoluto, quia non tenetur ponere collectionem omnium auxiliorum, ex qua inferretur a priori peccatum. Nam contra eſt, quia neque tenetur ponere prædeterminationem ad peccatum, & tamen ſi ea eſſet poſſibilis, Deus diceretur Auctor peccati: quare ſatis eſt, quod ſi in hypotheſi poſſibili ponatur talis collectio, aut prædeterminatio, inferant a priori peccatum pro ſtatu abſoluto, ut dicantur diſſonæ bonitati Divinæ, atque adeo repugnare.

XII. Dixi in conſiſſione, etiam tranſmiſſo, quod talis neceſſitas cohereret cum libertate; Nam re vera non videtur ea poſſe coherere cum pleniffima libertate ad declinandum peccatum. Ratio eſt, quia in ea hypotheſi huiusmodi neceſſitas inferret neceſſario peccatum intra illam horam, in qua conſerretur omnia auxilia voluntati; ergo voluntas non eſſet plene libera ad peccatum vitandum. Probat conſequentia; nam Chriſtus Dominus ex gr. ſi intra ſpatium triginta trium annorum deberet, in aliquo ex iis anno, aut aliqua parte proportionali talis temporis vage mori; quamvis in nullo inſtanti determinato deberet mori, ſolum diceretur liber: quoad circumſtantiam, non quoad ſubſtantiam moris; ergo etiam in caſu noſtro voluntas, ſi haberet omnia auxilia intra horam, cum neceſſitate ad peccatum in aliqua parte horæ vage, eſſet libera ad peccatum vitandum ſolum quoad circumſtantiam huius, vel illius inſtantis, non quoad ſubſtantiam; ergo non eſſet plene libera.

Conſirm. Si darentur omnia auxilia in eodem inſtanti, & libertas eſſet ad declinandum peccatum ſub quolibet determinato auxilio, non tamen ſub collectione omnium, in eo inſtanti: non daretur plena libertas ad peccatum declinandum: ergo ſi darentur omnia auxilia in inſinitis partibus horæ cum ſimili neceſſitate, neque daretur plena libertas in illa hora ad peccatum vitandum.

Neque dicas, nos de facto poſſe eſſe in quolibet inſtanti plene liberos ad vitanda venialia, etiam ſi detur neceſſitas moralis ad patrandum in tota vita aliquid vage veniale; ergo etiam in caſu conſiſſionis daretur plena libertas.

Nam quamvis in quovis inſtanti habere poſſimus libertatem moralem ad vitandum quodvis veniale, non ſumus tamen pleniffime liberi moraliter, poſſito, quod alicui vage in tota vita ſuccumbendum ſit; ergo pa-

pariter neque daretur plenissima libertas in casu conclusionis.

XIII. Obijc. Ex hoc quod Deus amandus creaturam liberam amet in illa necessitate, quod ponat vel adimplere praeceptum, vel ejus omissionem, seu peccatum, non per hoc dicitur amare peccatum; ergo neque dicitur amare peccatum ex eo, quod ponat in statu absoluto necessitatem, quod voluntas sub aliquo vage auxilio dissentiat. Ratio a priori pro utroque casu est, quia amare necessitatem ad disjunctum, non est amare utramque partem disjuncti; ergo infirmitas auxiliorum ad dissentium in hypothese conclusionis non est dissolutio bonitati Divinae.

Confirm. Necessitas, quam habet homo in statu naturae lapsae ad succumbendum alicui veniali vage sine speciali Dei privilegio, non derogat bonitati Divinae; ergo neque necessitas metaphysica in casu conclusionis.

Resp. concessio antecedente, nego consequentiam. Ratio a priori adducta militat pro primo, non pro secundo casu; potest enim Deus amare in creatura libera necessitatem, ut ponat disjunctive vel actum bonum, vel malum, quin proinde dicatur Deus velle malum; quia scilicet ex hac necessitate creatura ad alterutrum non inferitur determinare existentiam peccati; seu quia nunquam in nulla hypothese possibili inferitur necessario peccatum pro statu absoluto; unde potest Deus velle istam necessitatem, seu velle creaturam liberam, & simul odisse peccatum, contra vero ex necessitate metaphysica ad dissentium in hypothese conclusionis; ergo haec tantum necessitas argueret in Deo amoris peccati.

Ad confirmationem concessio etiam antecedente, nego consequentiam; in primo enim casu necessitas illa est tantum moralis, quae non tollit libertatem ad peccatum, sive ea sit vaga, sive sit determinata: at in casu nostro necessitas est metaphysica, impossibilis cum libertate ad peccatum declinandum.

XIV. Ult. conclusio: Absolute loquendo datur metaphysica necessitas, ut quilibet voluntas per scientiam mediam videatur sub aliquo vage auxilio dissentura; adeoque repugnat voluntas, quae videatur per scientiam mediam omnibus auxiliis consentura; unde fit, repugnare creaturam inobdurabilem, cujus peccatum a Deo permitti non possit. Ita communiter contra Henricum secti. 444. Dixi, absolute loquendo, quia supponimus, non posse Deum conferre omnia

omnino auxilia, etiam si posset conferre infinita, sicut non potest omnes partes quantitatis dilatificare, nec potest ponere omnia collectivae possibilita; exhauretur enim Omnipotentia, si posita omnium creaturarum collectione, quae secundum magnitudinem perfectionis finita est, collectionem perfectiorem ponere non posset; sicut exhauretur, si poneret creaturam, aut numerum finitum maximum. Si posset autem Deus intra horam conferre omnia auxilia, & aliqua istorum necessario essent inefficacia, sequeretur, quod necessario esset peccatum hujus creaturae intra horam; & sic tale peccatum tribueretur Deo, ut ostendimus in tertia conclusione.

Prob. conclusio 1. ex Scripturis, & Patribus pro secunda conclusione adductis, quibus non minus ostenditur, voluntatem esse a Deo emollibilem, quam esse obdurabilem. Ad Rom. 9. Cui vult miseretur, & quem vult induratur: & infra, An non habet potestatem singulis ex eadem massa facere aliud vas in honorem, aliud in contumeliam? Ubi Augustinus advertit, obdurantem creaturam non esse positivam, per hoc scilicet quod Deus peccatum intendat, aut malitiam impetiat, sed negativam per hoc, quod non impetiat misericordiam, seu auxilium efficax.

Prob. 2. eadem ratione, qua probavimus secundam conclusionem, quia scilicet spectat ad dominium Dei perfectissimum supra creaturas liberas quae liberas, posse ab iis obtinere non solum consensum, sed etiam dissentium liberum, permittendo peccatum: ad qui hoc Deus non posset, negata metaphysica necessitate, quod quilibet voluntas videatur per scientiam mediam sub aliquo vage auxilio dissentura, ut patet; ergo datur haec necessitas metaphysica.

Confirm. 1. quia instinctu naturali quilibet a Deo postulat victoriam temptationum, ac de his donis gratias agit; ergo signum est, quod a Deo libere conferatur auxilium efficax, atque adeo nulla voluntas praevideatur sub omnibus auxiliis consentura.

Confirm. 2. ex illo Apost. 1. ad Cor. 4. Quis enim te discernit? ubi ostendit, Deum discernere pium ab impio, electum a reprobo. Si autem creatura aliqua praevideretur omnibus auxiliis consentura, jam a semetipsa discernere, non a Deo; ergo non potest praevideri omnibus auxiliis consentura.

Confirm. demum, quia ista necessitas metaphysica scientiae mediae de dissentiu ex una parte non derogat plenae libertati ad con-

consensum sub quolibet auxilio determinato, ut ostendimus in prima conclusione; ex alia parte in nulla hypothesi possibili trahit a priori peccatum pro statu absoluto; quia posita quacunque collectione auxiliorum, potest voluntas illis consentire, cum possit Deus conferre non tot, quin plura, immo etiam infinita auxilia efficaciter; neque demum derogat bonitati Divinae; quia ista necessitas peccati pro statu conditionato nullatenus est necessitas, seu amor peccati pro statu absoluto, sed solum est necessitas, seu amor scientiae mediae de peccato, quae stare potest, quin unquam peccatum sit ponendum; necessitas autem scientiae mediae de peccato non derogat bonitati Divinae, quia est necessitas, & amor objecti de se boni, licet terminati ad malum; sicut necessitas possibilitatis peccati non derogat Divinae bonitati, quia est solum necessitas scientiae simplicis intelligentiae de peccato, atque adeo necessitas objecti boni terminati ad malum.

XV. Objic. 1. Est possibilis tum creatura libera, tum non libera; ergo est etiam possibilis tum voluntas obdurabilis, tum inobdurabilis, necnon inflexibilis libere sive ad consensum, sive ad dissentium; ergo non datur metaphysica necessitas asserta in hac, & in secunda conclusione. Prob. prima consequentia, quia sicut non derogat Divino dominio, quod non possit Deus a creatura non libera, v. gr. a lapide, actum liberum obtinere, quia non obstat Divino dominio quod non possit uti creaturis ad usus impossibiles; ita non derogat Divino dominio, quod non possit libere flectere ad consensum, vel dissentium voluntatem inflexibilem.

Resp. per instantiam; ergo potest etiam dari creatura tum destruibilis, tum indestruibilis. Directe nego consequentiam. Disparitas est primo, quia Scripturae aperte docent, Deum posse quemlibet obdurare; ergo repugnat creatura inobdurabilis: Neque possunt intelligi Scripturae solum de voluntatibus existentibus, non de possibilibus, quia obstat huic interpretationi communis sensus Patrum: Aliiter possemus etiam admittere possibilem creaturam indestruibilem, creaturam Durandem, voluntatem creatam impeccabilem; quia quando Scripturae dicunt, *Deum posse omnia uno nutu delere; Deum operari cum creaturis; & quod non infirmabitur apud Deum omnis virtus*, possemus haec omnia contra commu-

nem sensum interpretari tantum de creaturis existentibus. Secundo, Creatura non libera ideo non derogat Divino dominio, quamvis non possit Deus ex illa actum liberum extorquere, quia positive ostenditur, creaturam non liberam esse incapacem actus liberi, & hanc incapacitatem oriri ex imperfectione talis creaturae non libere, puta lapidis, non autem ex perfectione summa, quae se subtraheret Divino dominio: Contra vero quolibet voluntas de se est capax obdurationis, posito quod libera sit ad consentiendum, vel dissentiendum sub auxilio indifferenti; ergo si non posset a Deo obdurari, id haberet ex defectu subjectionis debita Divino dominio. Præterquamquod Omnipotentia esset limitata, si careret facultate ad obdurandum; quia scilicet deficerent illi auxilia prævisa inefficacia. Quare ad probationem consequentiae dico, non obstat Divino dominio, quod non possit uti creaturis ad usus certo impossibiles, seu de quibus positive constaret esse impossibiles, v. gr. quod lapis cognoscat; non vero ad usus, qui assumuntur, & non probantur esse impossibiles, & qui arguunt in talibus creaturis defectum subjectionis debitae Divino dominio.

XVI. Objic. 1. Amans disjunctive vel actum bonum, vel malum, peccat, quia indifferenter se habet ad utrumque; ergo a fortiori Deus censeretur amare malum, si exigeret aliqua auxilia fore inefficacia, & cum peccato conjungi; omnis enim exigentia in Deo est appetitus elicitus voluntatis Divinae identificatus cum Divina natura. Neque dicas, quod Deus exigendo inefficaciam aliquorum auxiliorum, exigeret illam solum pro statu conditionato, non pro statu absoluto. Nam tam repugnat, quod Deus amet peccatum pro statu absoluto, quam pro statu conditionato; repugnat enim, quod Deus velit peccatum conjungi cum auxilio A, in hypothesi quod detur tale auxilium; ergo non potest Deus exigere, quod aliqua auxilia prævideantur per scientiam mediam inefficacia, ut possit Creaturam libere obdurare; atque adeo non repugnat Creatura inobdurabilis, & quæ prævideatur per scientiam mediam libere consensura omnibus Divinae Gratiae auxiliis.

Resp. concessio antecedente, nego consequentiam. Deus enim sicut non amat malum per hoc, quod conferat auxilium inefficax, quia tunc intendit solum actum bonum, & permittit peccatum; ita non censetur amare malum per hoc, quod exigit ali-

aliqua auxilia prævideri per scientiam mediam inefficacia, quia hanc inefficaciam auxiliorum exigit tantum pro statu conditionato, nunquam in statu absoluto. Sicut autem exigere peccatum in statu possibilitatis non arguit in Deo amorem peccati, quia solum exigit scientiam simplicis intelligentiæ de peccato, & possibilitatem creaturæ liberæ, quæ scilicet peccare possit: ita exigere peccatum pro statu conditionato neque arguit in Deo amorem peccati: quia solum exigit scientiam mediam de peccato, & possibilitatem creaturæ liberæ, cum subiectione debita Divino dominio, unde possit ad arbitrium flecti, & obdurari, quin unquam Deus exigit peccatum pro statu absoluto in quacunque hypothesi possibili. Ad id quod additur, dico, repugnare quidem, quod Deus velit peccatum conjungi cum auxilio A determinato, si illud daretur, quia sic vellet peccatum poni pro tali hypothesi ceteroqui possibili: at non repugnat, quod Deus velit, & exigit aliqua ex auxiliis possibilibus prævideri per scientiam mediam efficaciam, aliqua vero inefficacia: quia sic nunquam vellet, quod ponatur peccatum in statu absoluto pro quacunque hypothesi possibili.

Neque replices, quod hoc ipsum repugnet, Deum scilicet velle peccatum pro statu conditionato, quamvis in nulla hypothesi possibili esset transferendum necessario ad statum absolutum. Nam contra est, quia sicut non repugnat, quod Deus velit peccatum pro statu possibilitatis, quia sic solum vult creaturam liberam, scientiam simplicis intelligentiæ de peccato, & peccatum secundum esse logicum, odio habendo illud in statu absoluto, & secundum esse physicum: ita non repugnat, quod Deus velit peccatum pro statu conditionato sub aliquo auxilio vage, & sub nullo determinate: quia sic vult solum creaturam liberam plene subiectam Divino dominio quoad emoliri, sui obdurari, & simul vult scientiam aliquam mediam de peccato conditionare futuro: peccatum autem conditionate futurum solum vult Deus secundum esse logicum, odio habendo illud pro statu absoluto, & secundum esse physicum pro quacunque hypothesi possibili. Quare exigentia peccati secundum esse logicum, quæ stat cum odio peccati secundum esse physicum pro quacunque hypothesi, non solum non est dissona Divinæ bonitati, sed est valde illi consona, quia non fert ullum amorem peccati, sed solum fert amorem, & exi-

gentiam creaturæ liberæ, cui peccatum sit possibile, & creaturæ plene Deo subiectæ quoad obdurari, ut proinde possit Deus eius peccatum permittere. Aliiter non posset Deus suam iustitiam, misericordiam, providentiam, & alia attributa erga hanc creaturam exercere, si nullum ejus peccatum posset permittere.

QUÆSTIO III.

*Num. Auxilia Gratiæ consistant
unice in Actibus intellectus,
& voluntatis?*

I. **C**onsideravimus Principium gratiæ auxiliantis necessarium ad actus salutares, nunc discutenda est ejusdem natura, & deinde causalitas.

Dico 1. Ratio gratiæ auxiliaris, seu actualis de facto convenit tum actibus intellectus, tum voluntatis: hoc est tam piis, & supernaturalibus cogitationibus, per quas, ut loquitur August. *apparet, quod laetabatur*: quam sanctis, & supernaturalibus inspirationibus, ac delectationibus, per quas *Suave fit, quod non delectabatur*. Ita communiter contra Prædeterminatores.

Prob. 1. ex Scripturis, Conciliis, & Patribus: Nam ad Eph. 1. dicitur: *Deus dei vobis Spiritum Sapientiæ, & revelationis in agnitione ejus: illuminatos oculos cordis vestri, ut sciatis*, &c. ubi signatur gratia auxilians pertinet ad intellectum: & Psalm. 10. dicitur: *Prævenisti eum in benedictionibus dulcedinis*: ubi explicatur gratia affectionis, seu inspirationis pertinet ad voluntatem. Item Jo. 7. dicitur: *Omnis, qui audit a Patre, & didicit, venit ad me*: Ubi audire pertinet ad intellectum. Ibidem dicitur: *Nemo potest venire ad me, nisi Pater traxerit eum, quod a Patribus explicatur pro pia affectione voluntatis*. Unde August. tract. 26. in Jo. dixit: *Quomodo voluntate credo, si irahor? Parum est voluntate, etiam voluptate traheris: si enim potes dicere licuit, Trahit sua quemque voluptas, non necessitas, sed voluptas, non obligatio, sed delectatio: quanto magis nos dicere debeamus, trahi homines ad Christum, qui delectatur veritate*. Præterea Triden. sess. 6. cap. 5. ait. *Ita ut tangentem Deo cor hominis per Spiritus sancti illuminationem: neque homo ipse nihil omnino agat inspirationem illam recipiens: & Millevitanum can. 4. Utrumque est donum Dei, & scire quid facere debeamus, & diligere, & sal-
sa. 14.*

faciamus. Aug. lib. 2. de peccatorum meritis, & remissione, cap. 19. *Cum a Deo ad quorundam deprecamur, quid aliud deprecamur, quam ut aperiat, quod latebas, & suave fiat, quod delectabas?*

Prob. 2. ratione. In eo consistit ratio gratiæ auxiliariæ, per quod homo de se impotens naturæ viribus ad eliciendos actus salutare, intelligitur complete potens ad illos ponendos, ut contra Pelagium definiunt Concilia; atque posita cogitatione supernaturali objecti honesti in intellectu, & pia supernaturali affectione, seu complacentia boni honesti in voluntate, intelligitur voluntas humana proxime potens prodire in actus salutare; ergo in his actibus intellectus, & voluntatis consistit gratia auxiliatrix.

Confirm. Deus in ordine gratiæ accommodat se naturæ, ut omnes faciantur; ergo per gratiam auxiliantem movet homines ad actus salutare, modo consentaneos naturæ rationali; modus autem consentaneus naturæ rationali est, ut ad bonum proficere moveatur tum a cognitione illius, tum a complacentia, & delectatione, quæ ex eadem cognitione suboritur; ergo Deus in ordine gratiæ movet voluntatem ad actus salutare tam per cogitationes, quam per delectationes supernaturales; æque adeo in his actibus consistit ratio gratiæ auxiliantis.

II. Dico 2. Præter gratiam auxiliantem consistentem in illustrationibus, & inspirationibus supernaturalibus, non datur de facto alia Gratia auxilians consistens in tulla qualitate mortua, seu non vitali, qualis est præmotio physica, citò hæc effectus possibilis. Ita etiam communiter contra prædeterminantes.

Prob. Gratia auxiliatrix, quæ de facto datur, non potest nobis aliter innascere, quam per Scripturas, Concilia, Patres, ac Traditiones; atque nusquam in iis fit mentio auxilii, quod per modum qualitatæ mortuæ, seu non vitalis voluntatem disponat, ac moveat ad bene operandum, sed solum fit mentio illustrationum, & inspirationum; ergo de facto præter gratiam auxiliantem consistentem in his actibus intellectus, & voluntatis, non datur præmotio physica supernaturalis, & indebita; etiam si non repugnaret; quod infra examinabimus.

Neque dicas, Concilia, & Patres ab hac præmotione præcendere, non vero illam negare. Nam universim propositiones Conciliorum, & Pontificum doctrinales inde-

finiæ æquivalent universalibus, atque adeo præcindunt, negant; aliter doctrinæ esset mutila.

Confirm. conclusio, quia videtur intelligibile, quod aliter moveatur voluntas humana, quam cognitione boni, ac delectatione ejusdem; quia est intelligibile, quod potentia vitalis moveatur ad vitaliter operandum, & non per qualitates vitales; sicut & converso est intelligibile, quod potentia non vitalis moveatur ad suas operationes per qualitates vitales: Ex. gr. est impossibile, quod lapis moveatur ad centrum per cognitionem centri, sed solum moveri potest per qualitatem mortuam, hoc est per gravitatem; ergo & contrario voluntas moveri nequit ad bonum proficere per qualitatem mortuam, hoc est per præmotionem, sed moveri unice potest per qualitates vitales, videlicet per cognitionem boni, ac ejusdem delectationem.

III. Dubitatur tamen, Quinam sint actus intellectus, & voluntatis, quibus competere potest ratio gratiæ prævenientis, seu auxiliantis?

Resp. competere posse tribus omnibus operationibus intellectus, & actibus voluntatis tam indeliberatis, quam deliberatis; immo actibus deliberatis competere etiam potest ratio gratiæ ab intrinseco efficacia. Primo itaque competit juvare hominem ad actus salutare apprehensioni supernaturali objecti, ut patet: Secundo idem competit iudicio tum speculativo, tum pratico: Tercio etiam discursui supernaturali, quatenus ex præmissis supernaturalibus inferuntur conclusiones dirigentes ad recte operandum; unde dicitur Psal. 35. *In meditatione mea exardescet ignis*; atque adeo ratio gratiæ competit tribus operationibus intellectus. Quarto etiam affectus indeliberati simplices, & ab intrinseco inefficaces sunt vera gratia: Quod explicatur a D. Prospero contra Collatorem cap. 14. in illud Jo. 6. *Nemo venit ad me, nisi Pater, qui misit me, traxerit eum*; dicens: *Trahit ad Deum timor: Iustitiam enim sapientie timor Domini: trahit lætitia, quoniam lætatus sum in his, quæ dicta sunt mihi: trahit desiderium, quoniam concupiscit, & deficit anima mea in ætria Domini: trahit delectatio lætitionis, quoniam dulcia enim faucibus meis eloquia tua? Quis perspicere, aut enarrare possit, per quos affectus visitatio Dei animam ducat humanum, ut quæ fugiebat, sequatur, quæ oderat, diligat, quæ fastidiebat, esuriat? Dixi tamen, huiusmodi affectus esse inefficaces ab intrinseco,*

Tercio, quippe qui sunt in nobis sine nobis libere operantibus; si enim censerentur ab intrinseco efficaces, actus salutaris consequens istos affectus non esset actus liber; sicut actus consequens ad prae-motionem physicam, utpote ab intrinseco efficacem, non est actus liber, ut hic supponimus. Denique affectus deliberati possunt esse gratia non solum auxiliaries, sed etiam ab intrinseco efficaces, & determinans ad actum supernaturalem; & talis est actus imperans supernaturalis, qui determinat ad actum imperatum, & actus intentivus finis, qui determinat ad electionem mediorum; ut eam diximus questione penultima de actibus humanis, potest aliquando actus imperatus non esse formaliter liber; ita ut superaddat quidem novam bonitatem moralem actui imperanti, sed non novum meritum. Unde habes, in hoc tantum sensu locutum esse Angelicum, ubi dicit, arbitrium a gratia aliquando praemoveri; quia scilicet vere actus deliberati imperantes determinando voluntatem ad novos actus imperatos, illam praemoveant; sed non praemoveant illa Bagneziana ineluctabili, praesens libertatis, etiam mediatæ, de qua suo loco.

IV. Objic. 1. Si gratia praevieniens consistat in actibus intellectus, & voluntatis supernaturalibus, qui sunt in nobis sine nobis libere operantibus, eo ipso deberet necessario supponere aliud comprincipium supernaturale, quod cum intellectu, & voluntate ad hos actus concurrat; ergo eo ipso, antecedenter ad actus intellectus, & voluntatis, daretur alia qualitas supernaturalis, non vitalis, cui competere ratio gratiae praevieniens, ergo gratia praevieniens non consistit unice in actibus intellectus, & voluntatis. Antecedens probatur, quia intellectus, & voluntas non possunt propriis viribus elicere actus supernaturales, ergo debent elevari a comprincipio supernaturali, & quidem intrinseco, non vero per Omnipotentiam specialiter assistentem, ut connaturalius fiant: Sicut intellectus Beati elevarur ad visionem Dei producendam per lumen gloriae intrinsecum, ut visio procedat connaturaliter; actus enim vitalis connaturaliter petit prodire a principio intrinseco.

Resp. Suarez tom. 2. de Gratia lib. 3. Cap. 18. & Ripaldam disp. 24. probabiliter existimare, quod huiusmodi actus intellectus, & voluntatis, quibus competit ratio gratiae praevieniens, connaturaliter fiant a comprincipio supernaturali intrinseco,

sed cum Omnipotentia specialiter assistente. Neque putant, obflare paritatem adductam luminis gloriae, quod est comprincipium intrinsecum elevans intellectum ad visionem producendam, quia scilicet Dei visio procedit permanenter, & propterea dari debet principium intrinsecum permanens, ut connaturalius fiat: Contra vero illustrationes, & inspirationes supernaturales sunt actus transientes; ergo non requirunt comprincipium intrinsecum permanens, sed satis est Omnipotentia specialiter assistens. Alii vero cum Mauro quest. 17. de Gratia, num. 6. probabilius censent, dari etiam relate ad hos actus comprincipium supernaturale permanens, quod sit instar luminis gloriae, ad hoc ut connaturalius fiant cum concursu ordinario Omnipotentiae; Negant tamen; huiusmodi comprincipium esse gratiam praevienientem stricte dictam, de qua hic quærimus (quæ scilicet immediate causet actus salutares) cum hæc ratio gratiae solum competat illustrationibus, & inspirationibus, non vero comprincipio illi supernaturali intrinseco permanenti, cum quo a potentia vitali illustrationes, & inspirationes causantur; huiusmodi enim comprincipium cum habeat rationem speciei impressæ, & hæc species impressa non sit qualitas transiens, sed permanens, non potest habere rationem gratiae praevienientis stricte dictæ, quippe quæ est sola gratia actualis transiens, non habitualis permanens. Ex hoc autem quod huiusmodi comprincipium causans illustrationes habeat rationem speciei impressæ, habet rationem qualitatis intentionalis, & sic suo modo vitalis, seu completis potentiam vitalem; unde citra inconveniens movere potest immediate voluntatem; quod tamen præstari nequit a prædeterminatione physica, quæ non est qualitas intentionalis, nec ullo pacto vitalis, sed mortua.

Neque dicas, posse illustrationes elici vi habituum supernaturalium, abique hoc alio comprincipio intrinseco, quod habeat rationem qualitatis intentionalis. Nam contra est, quia in peccatore, in quo non dantur habitus supernaturales, non daretur comprincipium supernaturale intrinsecum, cum quo illustrationes supernaturales causantur; quod tamen dari debet, ut illustrationes connaturalius ponantur.

V. Objic. secundo. Etiam dato, quod actibus intellectus tribuenda sit ratio gratiae auxiliantis, non est tamen tribuenda etiam actibus voluntatis; quia cum naturali-

raliter consequantur ad illustrationem supernaturalem inclinatio, & affectio in voluntate, sequitur, quod gratia inspirationis includatur in gratia illustrationis; sicut in dono creationis includuntur reliqua dona proprietatum naturalium, quæ ad creationem consequuntur.

Respond. cum Mauro loc. cit. num. 17. Gratiam inspirationis esse diversam a gratia illustrationis, quia in natura lapsa voluntas nostra propter vulnera malitiæ, concupiscentiæ, & infirmitatis non nisi imperfectissime inclinatur ad prosequenda bona æterna, etiam si per illustrationem supernaturalem represententur. Quare indiget gratia sanare ab iis vulneribus, ut ad bona superna inclinetur, sicut oportet, iisque delectetur: Quod dixit Aug. lib. de Spir., & litera, ubi hæc habet, *Cum id, quod agendum, capere non latere, nisi etiam delectetur, & ametur, non agitur, non suscipitur, non bene vivitur.* Ad argumentum itaque dico cum Ripal. disp. 103. sect. 6. quod quamvis ex propositione objecti boni naturaliter consequatur aliqua complacentia de illo non libera per actum primo primum, adhuc pia affectio supernaturalis est nova gratia, non inclusa in gratia illustrationis: Ratio est, quia quamvis ad illustrationem supernaturalem naturaliter consequantur affectio, & inclinatio voluntatis ad bonum representatum, at non proinde ista affectio est supernaturalis, prout requiritur, ratione illorum vulnerum: Sicuti quamvis ex actu supernaturali naturaliter relinquatur species illius in intellectu, at huiusmodi species non est supernaturalis: ergo præter gratiam illustrationis requiritur gratia inspirationis, quæ a vulneribus per peccatum intinctis voluntatem sanat, illamque ad bene & salutariter operandum inclinet.

VI. Obijc. ultimo: habitus tam naturales, quam supernaturales inclinant potentiam vitalem ad actus suos, quamvis non sint qualitas vitalis, sed mere physica, & mortua; ergo poterit etiam id præstare prædeterminatio physica. Præterea cibus etiam, somnus, &c. adjuvant ad actus intentionales perfectiones eliciendos: ergo a fortiori poterit inclinare præmotio.

Confirm. quia Concilia, & Patres positivam mentionem faciunt hujus præmotio- nis, tum quia passim docent, gratiam auxiliarem fieri in nobis sine nobis: quod competere non potest nisi prædetermina- tioni, non vero actibus intellectus, & vo-

luntatis, qui cum fine vitales, fieri non possunt sine nobis; tum etiam, quia gratia præveniens dicitur vocare, ac pulsare, juxta illud Apocalyp. 3. *Sto ad ossum, & pulso*: pulsatio autem, & vocatio est a solo pulsante, & vocante, quod unice convenit præmotioni, non vero actibus intellectus, & voluntatis: ergo gratia præveniens consistit in præmotione.

Respond. cum Esparza quæst. 15. de Gratia, distinguo antecedens: habitus inclinant ad actus mediate, concedo; immediate, nego antecedens, & consequentiam. Habitus naturales inclinant ad actus solum mediate; quatenus excitant species actuum præteriorum, & delectationis perceperunt in actu præteriorum exercitio; cognitio autem talis delectationis præteritæ novam delectationem causat in voluntate, & a tali delectatione voluntas immediate inclinatur ad actus naturales: quod supponi debet ex Philosophia. Habitus infusi supernaturales exigunt in voluntate principium illud supernaturale, de quo diximus in prima objectione, consistens in qualitate intentionali, seu specie impressa supernaturali, & qua causatur illustratio, & inspiratio supernaturalis: & sic habitus infusi etiam mediate inclinant, quamvis etiam immediate concurrant physice ad actus supernaturales, & dent potentia simpliciter posse. Pariformiter major dispositio habetur ad perfectiores actus intentionales eliciendos post somnum v. g. quam post vigiliam, in sano, quam in ægroto, in jejuno, quam in bene pranso; non quia qualitates physice influunt immediate in actus vitales, sed quia reddunt corpus magis, vel minus aptum ad phantasmatum vividiora, quibus causatur perfectior cognitio.

Ad Confirm. quando Concilia dicunt, gratiam fieri in nobis sine nobis, sensus est, fieri sine nobis libere operantibus: quod enim non sit libere, dicitur non fieri ab homine, quia non fit ab homine, quia homo est. Sic Apostolus ad Roman. septimo dixit: *Nunc quod volo malum, hoc ago*: quia non libere illud agit, quamvis physice velit, & agat: & Matth. 10. dicitur: *Non enim vos estis, qui loquimini, sed Spiritus Patris vestri, qui loquitur in vobis*: quia scilicet quamvis physice ad locutionem concurrant Martyres, non proinde dicuntur loqui, quia non loquuntur libere: Et sane negari non potest, quod gratia consistat in actibus intellectus, & voluntatis, etiam si esset possibilis præmotio, ut ostendimus in præ-

prima Concl. æqui gratia consistens in his actibus etiam dicitur fieri in nobis sine nobis, quamvis ad eos actus physice concurramus; ergo ex hoc, quod gratia dicatur fieri in nobis sine nobis, non per hoc evincitur, quod detur præmortio. Ad id, quod additur, respondet Rip. disp. 104., sect. 4. pulsationem, & vocationem materialem esse a solo pulsante, & vocante; non vero spirituale, internam, & vitalem, qualis est ex Trid. scilicet. 6. cap. 5. pulsatio gratiæ consistens in inspiratione, & illustratione. Præterquam quod dici potest, quod ea sit a solo pulsante, ut libere operante, quin per hoc excludatur physicus concursus ejus qui pulsatur.

per gratiam; hæc autem causalitas antecedit causalitatem physicam, quia inclinatio, & vocatio habetur etiam quando Petrus non consentit: ergo antecederet ad causalitatem physicam habetur causalitas moralis; Sicut enim qui suadet v. gr. homicidium, dicitur esse causa moralis illius, etiam si homicidium non sequatur: ita vocatio Dei, & suasio est causa moralis relate ad actum salutarem, etiam si hic vitio voluntatis non sequatur. Probatur deinde, quod hæc eadem causa moralis dicatur etiam esse causa formalis; etenim ea habetur unice per formam, nempe per vocationem unitam subjecto antecederet ad omnem efficientiam actus salutaris.

QUÆSTIO IV.

Quomodo concurrat Gratia Auxiliatrix ad Actus Salutares?

EXaminabimus primo, Num gratia exerceat causalitatem tum moralem, tum physicam erga actus salutares? Deinde, Num sit tota ratio agendi hos actus? Tertio, Num debeat esse inersinsecuta voluntati, quin possit supplere per Omnipotentiam extrinsecus adiutantem?

ARTICULUS I.

Num Gratia causet etiam Physice actus Salutares?

I Dico primo: auxilia gratiæ exercent causalitatem aliquam moralem, ac formalem relate ad actus salutares, etiam si supponatur, quod debeant illos causare etiam physice. Probatur. Proprium est gratiæ auxiliantis pertinentis ad intellectum illustrare, docere, suadere, vocare, pulsare, excitare, allicere; & gratiæ pertinentis ad voluntatem inspirare, delectare, inclinare, reddere suave quod non delectabat; æqui hæc omnia important causalitatem moralem, ac formalem, relate ad actus salutares, antecederet ad omnem causalitatem physicam; ergo auxilia gratiæ sive pertinent ad intellectum, sive ad voluntatem, exercent aliquam causalitatem moralem, sive formalem relate ad actus salutares, etiam si debeant illos physice causare. Probatur minor, & primo quidem quod ea important causalitatem moralem antecederet ad causalitatem physicam. Nam valet hæc illatio: Ideo Petrus consentit, quia vocatur, & inclinatur a Deo

II. Dico secundo. Auxilia gratiæ causant etiam physice actus salutares. Ita Molina, Vasquez, Sotus contra Suarezum, Tannezum, Martinonium disp. 38. Lorcam apud Rip. disp. 100.

Probatur primo ex Scripturis, & Conciliis: Apost. 1. ad Cor. 15. dicit: *Plus omnibus laboravi; non ego, sed gratia Dei mecum;* ergo gratia vires physicas subministravit: Alter non diceret Apostolus laborasse per vires gratiæ, si gratia tantum suassisset laborem: sicut non dicitur levare pondus qui suadet ad levandum, & vires non ministrat; præsertim quia homo per gratiam vix agit, cum dicat Apost. 1. ad Corinth. 15. *Non ego autem, sed Gratia Dei mecum;* & ad Philipp. 2. *Deus est, qui operatur in vobis velle, & perficere.* In Conciliis vero passim dicimur nos *Cooperari gratiæ*, ut in Milevicano can. 3. & in Tridentino sect. 9. can. 5. ergo sicut nos physice operamur, ita gratia physice cooperatur relate ad actus salutares.

Probat. 2. ratione. Gratia ex celebri effato accommodat se naturæ; in naturalibus autem tenet hoc principium: Si ad præsentiam A consurgat B, & illi non sit improporionata vis activa B, in tali casu A dicitur causare physice B: ergo cum ad præsentiam gratiæ consurgat actus salutaris, & gratiæ non sit improporionata vis hujus productiva, dicendum, quod gratia exerceat causalitatem physicam erga actus salutares.

Confirm. gratia actualis non solum debet ostendere viam salutis, sed etiam subministrare vires ad iter peragendum; cum non possit voluntas viribus naturalibus hoc iter aggredi, ut definitum est contra Pelagium: ergo gratia præter causalitatem moralem exhibet etiam efficientem.

B

III.

Part III.

III. Neque dicas primo, quod voluntas simul cum habitibus infusus supernaturalibus integret principium adequatum effectivum actus salutaris: ergo non est necesse ex hoc capite tribuere causalitatem Physicam gratiæ prævenienti. Nam contra est, quia etiam in peccatore carente habitibus infusus datur gratia supernaturalis, quæ posset peccator elicere actus supernaturales, v. gr. fidei, contritionis, &c. in quo casu non posset refundi supernaturalitas talium actuum, nisi gratiæ prævenienti: Proinde quando cum hac gratia concurrat habitus infusus, tunc istæ dux causæ attemperant concurrunt, cum enim ad præsentiam utriusque confluat effectus, nempe actus salutaris, & neutri sit improporcionata vis activa hujus, utraq; debet partialiter concurrere. Adde, communiter DD. velle, quod gratia auxilians, puta illustratio, se teneat ex parte objecti, sicut species impressa, & suppleat insufficientiam virtutis objecti; habitus vero infusus se teneat ex parte potentie, & suppleat insufficientiam virtutis potentie: ergo utriusque causalitas requiritur: Quicquid sit, an in peccatore carente habitibus infusus possit eadem gratia præveniens se tenere ex parte objecti, & simul complere insufficientiam potentie, ut multi dicunt de specie impressa creata Dei, quam ponunt indistinctam a lumine gloriæ, & volunt se tenere tum ex parte objecti, tum ex parte potentie.

IV. Neque dicas secundo, quod gratia auxilians exigit tantum influxum specialem Omnipotentie in actus salutares, quin ipsa physice influat: ergo non est necessarius influxus physice gratiæ in tales actus.

Nam tunc posset hoc dici, quando probaretur positive impossibilitas causalitatis physice in gratia præveniente: Aliter sicut causa naturalis non dicitur exigere influxum Omnipotentie, sed debet etiam ipsa influere, ut salvetur, quod Deus communicet creaturis vim activam; ita dicendum de gratia actuali: Idemque de habitibus infusus, si non probetur, repugnare illis physicam activitatem. Præterquamquod si gratia non influeret physice in actus salutares, non tribueretur gratiæ cooperatio, quam illi tribuunt Concilia in eodem sensu, quod tribuitur operatio voluntati, cum qua gratia dicitur cooperari, sed solum cooperaretur metaphorice, quod non est dicendum.

ARTICULUS II.

An Gratia Auxilians sit tota ratio agendi?

V. Recentes Thomistæ communiter docent, voluntatem non concurrere physice ad actus saluatares, atque adeo totam virtutem producendi illos esse gratiam auxiliantem: quamvis enim voluntas sit id, quod agit; at id, quo voluntas agit, in sententia Thomistarum, est sola gratia; sicut ignis est id, quod ignem producit, quamvis ratio producendi ignem per Thomistas sit solus calor; & sicut aqua calida calefacit ut quod, calor vero ut quo; ita voluntas agit ut quod, gratia ut quo. Idemque docent de Visione beata, quæ ab intellectu beati produciatur, ut quod, a lumine vero gloriæ ut quo; & proinde dicunt, lumen esse totam rationem agendi, seu producendi Visionem, quamvis lumen gloriæ non sit totum agens, quia etiam intellectus agit ut quod.

VI. Dico equidem contra hanc sententiam, Gratiam adjuvantem non esse totam rationem agendi actus saluatares, sed cum illa concurrere physice etiam voluntatem. Ita consequenter Doctores Societatis, Scotistæ, Nominales, & Thomistæ antiquiores, Capreol. Ferrar., Cajet., cum ipso D. Th. juxta ea, quæ dicit prima parte quæst. 12. art. 5., ubi docet, virtutem supernaturalem luminis gloriæ superaddi virtuti intellectus in ordine ad efficiendum visionem beatam.

Prob. primo ex Scripturis, & Conciliis; dum enim Apostolus prima ad Cor. 15. dicit: *Plus omnibus laboravi*, Non ego autem, sed gratia Dei mecum, aperte videtur innuere suam operationem: quomodo enim laboraret, nisi operaretur? Trid. sess. 6. c. 4. definit, quod homo divinæ gratiæ assensendo, & cooperando, non se habet mere passive, veluti quoddam inanime nihil agendo. Neque valet responsio Adversariorum, quod voluntas agat ut quod recipiendo gratiam, qua agit. Nam hoc non negabatur ab Hæreticis, contra quos loquitur Tridentinum; illi enim solum negabant, voluntatem præbere aliquem concursum immediatum ad actus saluatares: ergo talis concursus de facto datur ex Tridentino.

Probatur deinde ratione; & Primo quidem, quia ex conceptu gratiæ adjuvantis habetur, gratiam non agere adæquate, sed inadæquate complendo operationem alterius;

ergo cum gratia adjuvante simul coagit voluntas; atque adeo gratia non est tota ratio agendi. Hinc Aug. tract. 4. in Epist. Jo. notat. *Si dicis, adjuvat mens esto, aliquid agis; nam si nihil agis, quomodo ille adjuvat?* idemque passim habet D. Th. præsertim quest. 27. de Veritate art. 4.

Probatur secundo, quia ex conceptu actus vitalis (qualis est actus salutaris) habetur, huiusmodi actum esse motum ab intrinseco, quatenus procedere debet a principio vitali se ipsum movente, ac perficiente altiori modo, quam perficiuntur inanimata; atque adeo debet esse cum concursu potentie vitalis.

Probatur tertio ex conceptu actus liberi, qualis etiam est actus salutaris; Actus enim liber est electio libera, atque adeo debet esse a principio eligente, nempe voluntate; ergo actus salutaris procedere debet a gratia cum concursu voluntatis. Etenim sola voluntas est virtus electiva consensus præ dissenso; Gratia vero non potest esse electiva, cum non possit influere in electam partem, nempe in malum.

Confirm. ex dictis artic. præcedente, quia Gratia accomodat se naturæ: ergo sicuti in naturalibus, ita in supernaturalibus si ad præsentiam A confurgit B, & A non est improporcionata vis productiva B, tunc A dicitur causare B; sed actus salutaris confurgit ad præsentiam tum gratiæ, tum voluntatis, & utrique non est improporcionata vis productiva illius; ergo non solum gratia, sed etiam voluntas producit actum salutarem; atque adeo Gratia non est tota ratio agendi.

VII. Obijc. 1. voluntas est potentia naturalis; ergo non potest producere actum supernaturalem, ne partialiter quidem, hoc est etiam cum consorcio principii supernaturalis; atque adeo tota ratio agendi est gratia. Probatur consequentia primo, quia aliter sequeretur, quod voluntas esset potentia, & virtus partialis relate ad effectum supernaturalem, quod dici nequit, quia principium supernaturale dat simpliciter, & adæquate posse; Verificari enim debet illud Christi Domini Joan. 15. *Sine me nihil possitis facere*; Si autem voluntas concurreret partialiter, jam aliquid fieri posset viribus naturæ.

Secundo sequeretur, quod voluntas esset potentia naturalis exigens principium sufficiens ad producendum actum supernaturalem; sicut potentia visiva v. gr. quia

cum specie objecti potest producere visionem, idco exigit hanc speciem; & universim potentia incompleta exigit suum complementum, ne sit frustra in natura.

Resp. nego consequentiam. Ad primam probationem nego sequelam. Voluntas relate ad actus salutares non est potentia naturalis incompleta, & partialis, sed est potentia inchoata, & obediencialis. Hinc principium supernaturale dat voluntati simpliciter posse, quia quantumcumque concutit voluntas, non potest, circumscripto principio supernaturali, erumpere in actum supernaturalem; Ubi e contra habitus naturalis dat voluntati facile posse, quia sine tali habitu voluntas potest eundem actum producere, licet cum majori eonatu. Præterea verificatur illud Christi Domini, *Sine me nihil possitis facere*, quatenus sine gratia nullus omnino actus supernaturalis fieri potest; quamvis deus potentia obediencialis identificata cum ipsa voluntate relate ad illum.

Ad secundam nego etiam sequelam. Solum potentia naturalis incompleta exigit principium, a quo compleatur, non vero potentia obediencialis, seu inchoata, qualis est voluntas relate ad actum salutarem; Ratio est, quia potentia obediencialis non est ordinata, nisi ad præstandam Deo debitam subjectionem relate ad effectus totius naturæ indebitos; unde non exigit compleri; cum non debeat actu agere naturaliter, sed solum debet posse ad Dei arbitrium compleri, quodcumque Deus illi præcipit, ut agat. Nec per hoc est frustra in natura, quia semper est parata ad præstandam obedienciam Deo debitam. Contra vero potentia naturalis incompleta, cum sit ordinata ad agendum, exigit suum complementum; aliter esset frustra; sicut potentia visiva frustra esset in natura, si non darentur naturaliter species objecti, a quibus compleatur. Quod ab ipsis adversariis dici debet in potentia passiva obedienciali, ut conditio actus a naturali; potentia enim passiva naturalis exigit correspondenciam activam in ipsa natura, ne sit frustra; secus vero potentia passiva obediencialis. Univerfim autem illa potentia dicitur naturalis incompleta, quæ in effectu manifestat perfectionem in se ipsa contentam, non vero aliam præcontentam in alia causa partiali; Sic potentia visiva dicitur naturalis incompleta, ac proinde exigens complementum speciei, quia in visione manifestat prædicatum vitalitatis in potentia

præcontentum, & non similitudinem objecti præcontentam in specie. Contra vero potentia dicitur obediencialis, quæ in effectu manifestat prædicatum in ipsa non præcontentum, & excedens vires naturæ, ut intellectus dicitur potentia obediencialis relate ad Dei visionem; voluntas relate ad actus salutare; aqua in Sacramento baptismi relate ad gratiam, quam producit.

Adde, argumentum solvendum ab ipsis Thomistis, in quorum sententia potentia distinguuntur ab anima, adeo ut anima agat ut quod, & potentia ut quo; sicut voluntas per illos agit actus salutare ut quod, & gratia ut quo. Nunc sic instamus contra Thomistas: Anima exigit potentias naturales, quibus producat actus naturales; ergo etiam voluntas deberet exigere gratiam, qua producat actus salutare; ideo autem hoc non est verum, quia voluntas relate ad actus salutare est solum virtus obediencialis, unde non exigit principium supernaturale; anima vero est virtus naturalis relate ad actus naturales, & ideo exigit potentias naturales.

VIII. Obijc. 2. In actu salutare quamvis detur prædicatum vitalitatis, & supernaturalitatis, nihilominus ipsa vitalitas est identice supernaturalis; ergo non potest voluntas influere ad vitalitatem talis actus; cum non possit potentia naturalis producere effectus supernaturales; ergo tota ratio agendi est gratia. Hinc Jacobi 1. dicitur: *Omne donum perfectum deservum est*, quia donum supernaturale est unice a Deo.

Resp. quod sicut principium supernaturale, puta lumen gloriæ, influit in actum vitalem, licet non qua vitalem; ita principium vitale, seu voluntas influit in actum supernaturalem, licet non qua supernaturalem; Et est sensus, quod supernaturalitas actus respondeat principio supernaturali, & vitalitas principio vitali; sicut in cognitione expressio objecti respondet speciei impressæ, & vitalitas intellectui. Actus salutaris deservum est, quia relate ad hunc actum Deus non solum dat principium supernaturale, & ipsum suadet, sed etiam confert auxilium prævisum efficax ex intentione, quod talis actus ponatur; propterea Deo debetur actus salutaris, & merita nostra, ut loquitur Aug., sunt Dei dona; quod non excludit nostram cooperationem, sed illam aperte importat, quia Deus adjuvat, & cooperatur, ut dicere possumus cum Apostolo: *Non ego, sed gratia Dei mecum*. A-

ctus vero malus non tribuitur Deo, nec dicitur esse deservum, quamvis quando homo peccat, habeat principium supernaturale, quo possit bene operari, & peccatum declinare. Ratio est, quia Deus non confert auxilium prævisum inefficax ex intentione, quod ponatur peccatum, sed ex intentione, quod ponatur actus bonus; unde in Scripturis soli arbitrio tribuitur peccatum; dicitur enim Osee 13. *Perditio tua Israel; tantummodo in me auxilium tuum*; & Jo. 8. *Pos ex Patre Diabolo effit*. Ad utrumque itaque actum tam bonum, quam malum & voluntas, & Deus concurrunt; quia tamen actus malus a Deo non intenditur, sed prohibetur, & a creatura eligitur, ideo tribuitur creature: Contra vero quia actus bonus suadetur, & efficaciter prædefinitur a Deo conferente media ex intentione illius, idcirco quamvis etiam eligatur a creatura, tribuitur tamen magis Deo: Si enim homicidium v. gr. magis tribuitur mandanti, quam exequenti; unde ille prius tenetur ad restitutionem; & tamen mandans non dat vires exequenti homicidium, nec ineluctabiliter illud trahit; a fortiori actus bonus magis tribuitur Deo, qui & moraliter ad illum inclinat suasionem, & consilio, ac simul physice cooperatur per gratiam, tribuendo vires, & ineluctabiliter ad illum libere ponendum inducit; ut proinde non possumus de bonis actibus gloriari, quasi non acceperimus. Quia tamen etiam nostra cooperatio, & libera electio intervenit, etiam aliquantulum tribuitur nobis bona operatio, & ideo possumus de ea aliquantulum gloriari, hoc est *In Domino*; dicente Apostolo 1. ad Cor. 1. *Qui gloriatur, in Domino gloriatur*; immo etiam honorem inde debitum expectare, juxta illud ad Rom. 2. *Gloria, & honor, & pax omni operanti bonum*.

IX. Obijc. ult. Voluntas relate ad actus salutare agit qua elevata; ergo solum agit ratione elevationis, seu gratia elevantis: Sicuti quia aqua calefacit qua calida, agit solum ratione caloris; ergo tota ratio agendi est gratia.

Confirm. quia si voluntas etiam influeret in actus supernaturales, non posset explicari, num concurrat ut causa principalis, an ut instrumentalis? cum enim refundat perfectionem suam vitalitatis, videtur esse causa principalis; & cum agat nomine Dei principaliter operantis, videtur esse causa instrumentalis.

Resp. nego consequentiam; etenim ro-

dupluplicativa aliquando reduplicat meram conditionem, ut cum dicitur, objectum qua cognitur amatur; Aliquando reduplicat rationem formalem adequatam, ut cum dicitur, aqua in quantum calida calefacit; Aliquando virtutem naturalem incompletam; ut cum dicitur, potentia viviva, in quantum sub specie subiecti, videt; Aliquando denum virtutem supernaturalem superaddicam potentie obedientiali, & inchoat, ut cum dicitur, aqua in quantum elevata causat gratiam; & in hoc ultimo sensu verum est, quod voluntas, in quantum elevata per gratiam, agit actus salutare.

Ad confirmationem dico, quæstionem hanc esse de voce; Videtur tamen voluntas dicenda causa principalis obedientialis, & non pure instrumentalis relate ad actus salutare, quia assimilatur sibi effectum in vitalitate, seu in prædicato communi aliis effectibus naturalibus ab ipsa voluntate procedentibus, relate ad quos dicitur causa principalis: de ratione enim cause principalis est assimilare effectum sibi; de ratione vero cause instrumentalis est assimilare effectum alteri, nempe cause principali. Præterea gratia etiam dici potest causa instrumentalis, quatenus est virtus a Deo concessa homini, ut possit ejus adiutorio asurgere ad ponendos actus supernaturales; qui propterea Deo potius tribuuntur, quam voluntati, quia Deus est causa principalis ponens illos per gratiam, tanquam per suum instrumentum; voluntas vero in tantum dici potest causa principalis, non quia per suum instrumentum illos ponit, sed quia assimilatur illos sibi in vitalitate.

ARTICULUS III.

Num Gratia Auxilians debeat esse Voluntati intrinseca?

X. Dico ultimo. Auxilium gratiæ, quo producuntur actus salutare, connaturalius est intrinsecum voluntati; potest tamen divinitus voluntas ab Omnipotentia specialiter assistente elevari ad illos producendos absque principio supernaturali intrinseco. Prima pars est communis. Secunda est contra Thomistam; coheret tamen ad ea, quæ communiter diximus in prima parte contra eosdem, posse scilicet intellectum beati videre Deum absque lumine gloriæ intrinseco cum sola speciali assistentia Omnipotentis.

Part. III.

Quod attinet ad primam partem Conclusionis, constat ex dictis, quia actus naturalis voluntatis connaturaliter procedit a principio adequate intrinseco; ergo cum gratia, juxta celebre effatum, accommodet se naturæ, connaturaliter etiam actus supernaturalis procedere debet a principio adequate intrinseco; atque adeo auxilium gratiæ, quo producitur actus salutaris, connaturalius est intrinsecum voluntati.

Secunda pars Conclusionis probatur, quia potest Deus immediate producere quicquid potest creatura, nisi effectus essentialiter exigit concursum cause secundæ; atqui actus salutaris procedens ab auxilio gratiæ intrinseco voluntati non exigit essentialiter concursum talis comprincipii; ergo potest Deus hujus defectum supplere specialiter assistente voluntati. Minor probatur tum solutione argumentorum, tum quia si potest Deus concurrere cum aqua v. gr. ad producendam gratiam in baptismo absque qualitate intrinseca aquæ, & potest cum oculo absque specie impressa intrinseca concurrere ad visionem, poterit pariter cum voluntate absque comprincipio illi intrinseco concurrere ad actum vitalem salutarem. Et ratio a priori est, quia Deus eminenter continet perfectionem omnem creaturarum; ergo poterit se solo producere quicquid potest per creaturas, nisi adsit specialis implicatio contradictionis; puta si actum vitalem, aut meritum absque concursu potentie vitalis poneret, vel si poneret actum voluntarium absque prævia cognitione, aut actum gaudii citra præsentiam objecti; in quibus casibus essentia, & definitio talium actuum destrueretur, ut explicavimus in de Beatitudine disp. 1. qu. 5. ar. 1.

XI. Objic. 1. Ut voluntas possit ponere actum supernaturalem, debet esse intrinsece potens; atqui absque comprincipio intrinseco supernaturali est intrinsece impotens, quia secundum vires naturales sibi intrinsecas non potest actum supernaturalem producere; ergo habere debet comprincipium intrinsecum.

Confirm. 1. quia actus salutaris, cum sit vitalis, debet esse ab intrinseco; ergo a potentia intrinseca; atqui voluntas sine comprincipio supernaturali intrinseco non est potentia ad actus supernaturales, sed est simpliciter impotens; quandoquidem comprincipium supernaturale dat simpliciter posse; ergo sine comprincipio intrinseco nequit divinitus voluntas ponere actum salutarem.

B ; Con.

Confirm. 2. quia unumquodque in tantum agit, in quantum est actu, seu in quantum est in potentia proxima ad aliquid agendum; atqui voluntas non potest esse actu, seu in potentia proxima ad actum supernaturalem, nisi actuatur comprincipio supernaturali, nec potest ab illo actuari, nisi illud habeat sibi intrinsecum; ergo ut prius.

Resp. dist. maj. debet voluntas esse intrinsece potens adquate, nego: saltem inadquate, & secundum potentiam incompletam, con. maj. & dist. min. nego consequentiam: sicut puer ut tollat pondus simul cum gigante, debet esse intrinsece potens, sed inadquate; ita voluntas, ut ponat actum salutarem simul cum Omnipotentia specialiter assistente, satis est, quod sit intrinsece potens secundum inchoamentum virtutis, & inadquate.

Ad primam confirm. dist. conf. debet esse a potentia intrinsece completa, nego; a potentia intrinseca saltem incompleta, aut inchoate, conc. confeq. & distincta pariter min. subsumpta, nego ultimam consequentiam. Voluntas absque comprincipio supernaturali intrinseco est simpliciter impotens ad actus salutaris, non quia ne inchoate quidem sit potens intrinsece, sed quia talis effectus simpliciter prodire non potest sine comprincipio supernaturali vel intrinseco, vel extrinseco; & sane de facto omnis actus vitalis producitur cum concursu ordinario Omnipotentis, quæ tamen non est intrinseca potentia vitali; ergo universum ut actus procedat ab intrinseco, non debet procedere a potentia intrinseca adquate.

Ad secundam nego minorem: etiam si comprincipium non sit intrinsecum, adhuc voluntas dicitur actuata, seu in actu primo proximo ad actum supernaturalem; sicut puer dicitur in potentia proxima ad tollendum pondus, etiam si non actuatur intrinsece a gigante, a quo adjuvatur.

XII. Objic. 2. nequit voluntas ponere actum liberum naturalem absque prævia cognitione naturali intrinseca, cum nil voluit, quin præcognitum; ergo neque poterit actum supernaturalem absque illustratione supernaturali, atque adeo absque comprincipio intrinseco.

Resp. concessio antecedente, quod tamen negant Argentina, Paludanus, & alii, nego consequentiam; satis enim est cognitio naturalis objecti cum concursu speciali Omnipotentis, ut possit voluntas ponere actum salutarem.

XIII. Quæri hic etiam solet, Utrum voluntas ita cum gratia actuali concurrat ad actus salutaris, ut possit pro libito aut perfectiorem, aut minus perfectum actum elicere, saltem intra menturam comprincipii elevantis? Ad quod respondendum affirmative, cum communi apud Martinoniam disput. 38. sect. 18. contra nonnullos cum Didaco Alvarez. Ratio est; quia ex Tridentino sess. 6. cap. 5. liberum arbitrium a Deo motum, & excitatum libere potest consentire, & cooperari illi, vel dissentire, si velit; ergo etiam poterit libere magis, vel minus cooperari, atque adeo producere actum salutarem vel minus, vel magis perfectum pro libito. Etenim si influxus simpliciter est liber, a fortiori erit liberum voluntati talem influxum moderari, prout voluerit. Dixi in responsione, saltem intra mensuram comprincipii elevantis, quia multi cum Molina apud Ripal. disp. 38. & Martinoniam docent, posito comprincipio elevante intenso v. gr. ut tria, posse voluntatem elicere actum salutarem etiam intensum ut quinque, ut octo, &c. quia ad quemcunque actum intensiorem; & intensiorem potest naturaliter voluntas concurrere cum comprincipio naturali, videtur posse concurrere cum quolibet comprincipio supernaturali. Sed dato, quod non possit actus procedens a comprincipio supernaturali intenso, v. gr. ut tria, esse magis intensus quam ut tria, adhuc posset esse intensus vel ut unum, vel ut duo; ita ut ad arbitrium voluntatis influxus comprincipii supernaturalis modificetur.

XIV. Quæri demum solet, Utrum natura perfectior cum æquali auxilio gratiæ, ceteris paribus, producat actum supernaturalem perfectiorem? affirmant Scotistæ; negant Thomistæ, Suarez, Vasquez, Fasol. Resolutio autem quæsit pendet ab iis, quæ dicuntur in 1. p. inquirendo in disp. 2. qu. 4. art. 3. Utrum inæqualitas Visionis desumenda unice sit ab inæqualitate luminis gloriæ, an etiam ab inæqualitate intellectuum.

QUAESTIO V.

Num Gratia sufficiens ad Salutem detur omnibus omnino Adultis

L Calvinistae cum Jansenistis negant, hanc dari in statu naturae lapsae omnibus hominibus, quamvis admittant illam pro statu Innocentiae. Hinc deliravit Jansenius dicendo in §. ex propositionibus damnatis: *Sempolegionum est dicere, Christum pro omnibus omnino hominibus mortuum esse, et sanguinem fudisse*. Inter Catholicos etiam nonnulli cum Gonetio disp. §. de praedict. art. §. negant, de facto dari auxilia sufficientia ad salutem tam Infidelibus, & Barbaris, quibus Evangelium non praedicatur, quam Fidelibus obduratis; idque in poenam peccatorum praecedentium. Citat pro hac sententia Gonetius plures ex antiquis Theologis; quos tamen minus apte interpretatur, ut ostendit Ruiz disp. 41. de Praedestinatione. Denique nonnulli cum Vasq. 1. p. disp. 96. cap. 2. contra Suar. lib. 4. de Praedestinatione cap. 4. & alios communius negant, dari auxilium sufficiens ad salutem parvulis decedentibus sine baptismo. De his tamen in sequenti quaestione theorum inquiremus.

II. Dico nunc primo: Etiam in natura lapsa, ac reparata per Christum, omnibus omnino adultis per baptismum justificationis, antequam labantur in culpam, conferuntur de facto auxilia sufficientia ad non peccandum, & ad salutariter operandum, usque ad vitae terminum.

Prob. quia omnes adulti de facto obligantur ad non peccandum, & ad salutariter operandum; ergo omnes ad id sufficientiam habent; aliter non possent ad hoc obligari; cum nemo obligetur ad impossibile, seu ad ponendum id, ad quod ponendum sufficientiam non habet. Hinc dicitur Isaia §. *Quid est, quod debui ultra facere vineae meae, & non feci?* Matth. 23. *Jerusalem Jerusalem, &c. quoties volui congregare filios tuos, quemadmodum Gallina congregat pullos suos sub alas, & noluiisti?* Act. 2. *Pot semper Spiritui Sancto resistitis?* quae omnia innuunt, dari ante lapsum auxilia sufficientia ad non peccandum.

Confirm. Tum quia Christus Dominus pro omnibus mortuus est, ut definitum est

contra, an senium; tum quia *Deus vult, omnes homines salvos fieri*, ex Apost. 1. ad Timoth. 2. ergo omnibus dat auxilia sufficientia ad salutem: propterea Trid. sess. 6. cap. 11. dicit: *Deus sua gratia semel justificatos non deserit, nisi prius deseratur; desereret autem Deus iustos, nisi sufficientiam illis daret ad perseverandum in gratia, atque adeo ad non peccandum*.

Dices: in Trident. sess. 6. can. 22. huc habentur: *Si quis dixerit, Justificationem vel sine speciali Dei auxilio in accepta Justitia perseverare posse, vel cum eo non posse, Anathema sit*; ergo ex Tridentino in natura lapsa non dantur auxilia sufficientia ad non peccandum, seu ad perseverandum in gratia, & ad salutariter operandum. Probatur consequentia, quia si haec auxilia darentur omnibus, non diceret Concilium, requiri speciale auxilium ad perseverandum; quod enim datur omnibus, non est speciale.

Resp. Tridentinum huius docere, quod ad resistendum gravibus tentationibus in decursu vitae occurrentibus, atque adeo ad perseverandum in gratia requiratur speciale Dei auxilium, & protectio, quae non solum physice possumus non succumbere, sed etiam moraliter. Quare speciale auxilium non requiritur, ut possit homo physice in gratia perseverare, sed solum ut possit moraliter. Et sane quod non requiratur, ut possit physice gratiam conservare, est evidens; nam tunc homo gratiam amittit, quando peccat; tunc autem peccat, quando sufficientiam physicam habet ad non peccandum: Aliter non libere operatur, atque adeo non peccat; ergo ad non peccandum, atque adeo ad gratiam conservandam dari debet sufficientia physica; & consequenter non requiritur ad id speciale Dei beneficium: solum itaque speciale beneficium requiritur ad hoc, ut moraliter possit justificatus perseverare in gravibus tentationibus; cum non omnibus hoc concedatur; & ideo plurimi succumbunt.

III. Dico 2. etiam Adultis omnibus Infidelibus, & Barbaris, nondum per baptismum justificatis dantur de facto auxilia sufficientia ad hoc, ut justificentur, & baptizentur, saltem baptismi fluminis. Ita communissime contra Gonetum.

Conclusio constat tum ex Scripturis prima conclusione adductis, tum ex propositione quinta ex consensu ab Alex. VIII. quae habet: *Pagani, Judaei, Haeretici, alique huius generis nullum omnino accipiunt a Jesu Christo influxum: adeoque hinc recte inferes*.

feres, in illis esse voluntatem nudam, & invicem sine omni gratia sufficienti.

Prob. breviter ratione, quia etiam parvulis post contractum originale dantur a Deo auxilia sufficientia ad baptismum suscipiendum, ut ostendemus quæst. sequenti; ergo etiam adultis; dicente Apostolo 1. ad Timoth. 2. *Unus Deus, unus mediator Dei, & hominum homo Christus Jesus, qui dedit Redemptionem semetipsum pro omnibus*; si autem pro omnibus; ergo etiam pro adultis nondum per baptismum justificatis; atque adeo conferuntur illis per merita Christi auxilia sufficientia ad salutem. Aliter quid illis conferret Christi Domini mors? & quomodo diceretur redempti? Debent itaque per merita Christi sufficientiam physicam habere tum ad non peccandum (non enim peccarent, si non possent non peccare) tum etiam ad diligendum Deum super omnia, statim ac advertunt ad id obligari; Quia tamen ex Apostolo, *Sine fide impossibile est placere Deo*; & necessaria est necessitate medii fides in Deum etiam ut Remuneratorem, ut constat ex propositione 22. damnata ab Innoc. XI. idcirco infidelis in sylvis enutritus sufficientiam habere debet pariter ad credendum Deo fide supernaturali, & quidem fide fidei dicta, ex thesi 23. ab eodem Pontifice profligata. Hoc autem ita solet evenire. Statim ac Infidelis Deum cognoscit lumine naturali, illustratur a Deo lumine superno, ut possit Deum remuneratorem cognoscere, & credere fide Divina; adjuvaturque pariter auxilio supernaturali ad Deum super omnia diligendum; unde possit sic baptizari baptismo flaminis, & justificari; ac deinceps sufficientiam habet ad perseverandum in accepta iustitia, juxta dicta in prima Conclusionem. Quod si vera sit opinio purantium, post promulgationem Evangelii necessariam esse necessitate medii etiam fidem mysteriorum Trinitatis, & Incarnationis, tunc Infideli, qui gratia actuali sibi collata correspondet, antequam decedat, mittet Deus, ut loquitur D. Th. quæst. 14. de verit. art. 11. Concionatorem, a quo his mysteriis imbuetur, sicut misit Petrum ad Cornelium Act. 10. aut ad id mittet etiam Angelum de Cælo, qui instruat illum mysteriis omnibus credendis, quorum fides preesse dicta necessaria est necessitate medii ad salutem; Aliter non diceretur Deus velle, illum salvum fieri, nec diceretur dare illi auxilia ad salutem necessaria, quod planius fiet quæst. 7.

Dices, bene salvari, quod Deus velit

omnes salvos fieri, & quod Christus pro omnibus mortuus sit, etiam si adulti post lapsum in originale non habeant sufficientiam ad salutem, si dicatur, dedisse Deum Adz sufficientiam ad non peccandum; & sic dedisse omnibus hominibus sufficientiam in causa ad non contrahendum originale, & ad salutem.

Sed contra est, quia Apost. dicit, Christum Dominum dedisse semetipsum redemptionem pro omnibus; redemptio autem supponit servitutem peccati; ergo omnibus peccatoribus auxilia conferuntur non solum ad non peccandum, sed etiam ut resurgant post lapsum. Aliter nihil magis profuisset Christus Dominus hominibus peccatoribus, pro quibus est mortuus, ac Dæmonibus, quos non redemit; cum utrique dederit auxilia sufficientia ad non peccandum. Quare Deus vult omnium hominum salutem non solum in causa, conferendo Adz auxilia, ne ipse in actuale peccatum, & postea in originale laberetur, sed etiam conferendo peccatoribus auxilia sufficientia ad respiciendum; dicitur enim Ezech. 18. *Nolo mortem peccatoris, sed ut convertatur*; quomodo autem diceretur Deus velle peccatores converti, si non daret sufficientiam ad conversionem?

Dices 2. Ut enutritus in sylvis, & Indus possit justificari, requiritur fides in Deum remuneratorem stricte dicta, hoc est ex testimonio Divino, non vero ex testimonio creaturarum, ut dictum est ex propositione 23. damnata ab Innoc. XI. Ad hanc autem fidem requiritur in presenti providentia Prædicator, juxta illud ad Rom. 10. *Fides ex auditu*; Quomodo audient sine prædicante? Prædicator vero, qui Indos, & Barbaros ad fidem instruat, non habetur passim; ergo dicendum, quod plurimi infideles carentes Prædicante careant auxiliis sufficientibus ad salutem.

Resp. ex Vasquez 1. p. disp. 97. cap. 5. quod etiam citra miraculum poterit Deus providere omnibus adultis de prædicante, a quo edoceretur necessaria ad fidem, & ad salutem; quatenus si providisset ab æterno, quod nutritus in sylvis, & Indus esset cooperaturus communibus illustrationibus supernaturalibus, orando Deum pro sua salute, ita res creatas disposuisset, ut sine miraculo Prædicator ibi esset affuturus. Unde colligitur, quod cum innumeri adulti careant prædicante, innumeri propter defectum propriæ cooperationis careant fide stricte dicta, necessaria ad salutem.

lutem, & consequenter damnentur.

IV. Dico 3. Gratia sufficiens datur de facto omnibus adultis etiam obduratis, & obcæcatis, etiam Infidelibus, & Barbaris, qui naturæ legem violantur; ita ut quamvis aliquando in penam peccatorum precedentium denegat Deus plurimis sufficientiam moralem ad resurgendum, & ad ætatis salutares, nulli tamen denegat sufficientiam physicam usque ad vitæ, ac viæ finem in opportunitatibus occurrentibus. Ita communissime cum D. Thom. 3. p. qu. 79. art. 7. ad 2. contra eundem Gonetum, & alios.

Prob. 1. ex Scripturis adductis. Christus Jesus, ut loquitur Apost. 2. ad Tim. 1. venit in hunc mundum peccatores salvos facere. & cap. 2. Dedit semetipsum redemptionem pro omnibus; ergo omnibus peccatoribus dat auxilia sufficientia ad salutem. Quod etiam probat illud Ezech. 18. Nolo mortem peccatoris, sed ut convertatur; & apertius ad Rom. 2. ubi alloquens peccatorem obstinatum secundum duritiam, & impœnitens cor, ait: *Benignitas Dei ad penitentiam te adducit.*

Prob. 2. ratione, quia quilibet peccator obligatur ad penitentiam, cum omnibus dicatur a Deo illud Zachar. 1. *Convertimini ad me, & ego convertar ad vos*; ergo omnes omnino post quodcumque peccatum sufficientiam physicam habent ad resurgendum: cum non detur obligatio ad impossibile: & quamvis hæc obligatio ad penitentiam non detur pro singulis momentis, sed in opportunitatibus in decursu vitæ occurrentibus; nemini tamen in his opportunitatibus denegantur auxilia: Quamvis aliquando denegetur sufficientia moralis; unde illud Apost. 1. ad Cor. 10. *Fidelis Deus est, qui non patietur vos tentari supra id, quod possitis*, communiter ita explicant Theologi, quod licet Deus non permitat aliquem tentari supra vires physicas, permittit tamen in penam peccatorum precedentium aliquem tentari supra vires morales.

Confirm. quia 2. Petri 3. dicitur, *Patienter Deus agit propter vos, nolens aliquos perire, sed omnes ad penitentiam reverti*: Quomodo autem posset Deus id velle, nisi daret omnibus sufficientiam ad penitentiam? Quomodo Apostolus ad Rom. 1. Gentiles diceret esse *inexcusabiles*, si carerent physica potentia ad credendum? Quomodo Deus diceretur Sap. 11. *misereri omnium*, si ne physicam quidem daret sufficientiam ad salutem?

Neque respondeat Gonetus, Deum dare omnibus auxilia per hoc, quod offerat illa, ac præparet pro omnibus, cum pro omnibus instituerit Sacramenta, & Christum Dominum miserit. Nam contra est, quia si ita præparat hæc remedia, ut tamen velit aliquos carere physica potentia iis utendi, illa oblatio, & præparatio est illusoria, & Deo indigna: non secus ac si quis pararet convivium pro Petro, & offerret; clauderet tamen ostium, ne ingrederetur.

Confirm. demum, quia D. Thom. 3. p. quæst. 86. art. 1. habet hæc: *Dicere, quod aliquod peccatum sit in hac vita, de quo peccator panitere non possit, erroneum est; & in Cap. Firmiter de Summa Trinitate definitur: Si post baptismum quisquam relapsus fuerit in peccatum, per veram semper penitentiam reparari potest; ergo omnibus peccatoribus dantur auxilia ad resurgendum.*

V. Objic. 1. varia Scripturæ loca, quæ videntur ostendere, denegari obstinatis hæc auxilia. Ad Heb. 6. dicitur. *Impossibile est eos, qui semel sunt illuminati &c. gustaverunt etiam donum cælestis &c. & prolapsi sunt, rursus renovari ad penitentiam.* Jo. 5. dicitur: *Est peccatum ad mortem; non pro illo dico, ut roget quis.* Matth. 12. *Qui dixerit verbum contra Spiritum Sanctum, non remittetur ei neque in hoc sæculo, neque in futuro.* August. etiam in Epistolam ad Rom. loquens de Pharaone, hæc habet: *Non ergo hoc illi impusatur, quod tunc non obtinuerat; quandoquidem obdurato corde obtemperare non poterat, sed quia dignum se præbuit, cui cor obduraretur priori infidelitate.*

Confirm. ex Goneto, quia quamvis obdurati careant auxilio ad resurgendum, non per hoc dicuntur caruisse sufficientia ad salutem per merita Christi Domini: est enim imputabilis illis defectus conversionis in causa, quatenus propter obstinationem libere volitatem reddiderunt se impotentes ad salutariter operandum: sicut homicidium est imputabile ebrio in causa.

Rcip. Ad primum, ibi significari impossibilitatem moralem. Ad secundum vel dicendum cum Beda, ibi sermonem esse de finali impœnitentia, pro qua certe frustra oratur; vel cum D. Hieron., Cajetan., & Vasq. dicas, D. Joannem spem veniæ (quam antea promiserat orantibus pro peccatore non obdurato) negare orantibus pro obdurato, ob moralem impossibilitatem penitentiae. Ad tertium vel dicendum, esse valde difficile remissionem blasphemie in Spi-

Spiritum Sanctum, seu contra Divinam bonitatem; vel dicas cum Athan., Gregor., Vafq. blasphemiam hanc adeo displicere Deo, ut nisi de ea poenitentia agatur, tam in hac, quam in alia vita punienda sit; ubi alia peccata non semper in hoc etiam seculo puniuntur. Ad auctoritatem Aug. Inobedientia Pharaonis erat impossibilis etiam physice in sensu composito obstinationis, qua nolebat Deo credere; atque adeo inobedientia illa erat imputabilis tantum in causa non praterita, sed praesente, cum libere nollet credere, & sic non obediret.

Ad confirm. non solum est salvandum, quod peccatores per merita Christi Domini poterint resurgere, sed etiam salvandum, quomodo per merita Christi quilibet peccator possit ad poenitentiam reverti post quodvis peccatum; ergo non satis est, quod obdurati habuerint in causa sufficientiam ad salutem. Adde, libertatem in causa non satis esse, ut actus hic, & nunc sit liber, & imputabilis; unde qui in ebrietate committit homicidium, non est reus homicidii, si illud non praevидit; quod si praevидit, tunc peccavit peccato homicidii interno, quando libere voluit ponere causam homicidii, scilicet ebrietatem; non vero nunc, quando sine libertate homicidium sequitur; ergo si obdurati in poenam obstinationis carent sufficientia physica ad poenitendum, non peccant omittendo poenitentiam, nec est illis imputabilis omisso. conversionis: Immo non possit Deus illis praecipere, ut convertantur. Ratio a priori est, quia nemo peccat, qui non potest physice non peccare, cum non deat obligatio ad impossibile. Hinc proscripta est ab Alex. VIII. Theses illa prima ex triginta tribus dicens: *In statu naturae lapsae ad peccatum formale, & demeritum sufficit illa libertas, qua voluntarium, ac liberum fuit in causa sua, peccato originali, & libertate Adams peccantis.*

VI. Objic. 2. Experientia constat, obduratos carere conscientiae remorsibus, ac sanctis cogitationibus, piisque affectionibus, in quibus consistit gratia sufficiens; ergo carent gratia sufficienti.

Confirm. quia non omnibus momentis datur peccatoribus gratia sufficiens, unde multi antequam habeant auxilium sufficiens ad resurgendum, incidunt in amenitatem, vel somnum capiunt, & interim de Caelo tanguntur; ergo auxilium sufficiens sicut non semper datur, ita nec da-

tur omnibus.

Resp. peccatores, dum actu peccant, auxilium sufficiens habere ad non peccandum; ac tunc habere conscientiae remorsum, cum nemo peccet, qui non advertit, se contra dictamen conscientiae operari. Quando autem peccator in poenam peccati commissi obducatur, & obduratur, tunc caret quidem sufficientia morali ad resurgendum, sed non physica: aliter non obligaretur ad poenitentiam. Et in hoc sensu dixit Aug. lib. 3. de libero arbitrio cap. 18. *Iuste peccator puniatur: ut qui recte facere cum posset, noluit, amittere posse, cum velis: quatenus ea est magnitudo inclinationis ad culpam, & ea subtrahio auxiliorum, quae necessaria sunt ad superandam potentiam moralem, ut quamvis habeat obduratus voluntatem inefficacem de sua conversione, & displicentiam de obstinatione, non per hoc respiciat, etiam si physice possit.*

Ad confirm. certum est primo, singulis momentis, etiam in peccatoribus, adesse auxilium sufficiens ad non peccandum; aliter non peccarent, dum peccant. Secundo, singulis momentis inefficaciter unicuique auxilium sufficiens ad implenda praecipia negativa, v. gr. non blasphemandi, utpote quae obligant semper, & ad semper. Tercio, ad implenda praecipia affirmativa; v. gr. amandi Deum, quae obligant semper, sed non ad semper, dari auxilium sufficiens, pro quando urget obligatio ea implendi. Quarto, Deum non conferre adultis auxilia supernaturalia singulis momentis; sed illa conferre tum quando urget obligatio operandi salutariter, tum quando juxta cursum causarum secundarum adsint opportunitates a Deo misericorditer destinatae; puta, dum occurrit casus repentinus, mors amici, terrae motus, exemplum sociorum, exhortatio &c. dicitur enim Psal. 144. *Dans escam illorum in tempore opportuno: & Psal. 9. Adjutor in opportunitatibus.*

His positis dicendum, Nullum peccatorem excipi posse ab accipiendis a Deo auxiliis sufficientibus ex defectu opportunitatum; cum istae sint innumeratae, ut constat experientia; potest tamen excipi aliquod tempus, quo non conferantur hujusmodi auxilia, ut etiam experientia constat; caret enim is peccator, dum v. gr. dormit; unde dixit Aug. *Quis tam beatus, ut semper ascendat? Quare si contingat, peccatorem mori, dum dormit, non proinde fit, denegatum fuisse illi auxilium eo modo, quo solet justis conferri, id est juxta con-*
sue-

fuetas opportunitates; & ideo in Conclusionem dixi, dari obduratis auxilia in opportunitatibus; hoc enim dumeaxat contrahitur, Num scilicet obduratis in penam denegentur auxilia eo modo, quo conferuntur iustis; ita scilicet ut si per longum tempus vixerent, semper sint iis deneganda? cito accidere posse ex concursu causarum secundarum, quod aliquis peccator dormiens occidat, antequam opportunitas occurrat, qua auxilium habeat ad respiciendum.

VII. Adde, dici posse, quod Deus singularis momentis de omnibus peccatoribus auxilia ad resurgendum, quatenus semper paratus est ea dare, nisi ex concursu causarum secundarum impediatur; non enim dicitur Deus denegare auxilia per hoc; quod non tollat impedimenta causarum secundarum, quibus impeditur, quominus hic, & nunc consurgat illustratio supernaturalis: sicut non dicitur Deus nolle bonas operationes per hoc, quod non impediat malas. Quare in hoc sensu explicari potest, quod definit Concilium Senonense contra Lutherum decr. 15. apud Platellum p. 3. n. 217. dicens: *Divina gratia semper est in promptu, nec momentum quidem praeterit, in quo non stet ad osium, & pulset; cui si quis aperuerit januam, intrabit ad illum.* Et hoc pacto dici etiam potest Deus semper conferre infidelibus omnibus, & Barbaris auxilium sufficiens ad salutem, quatenus semper ex parte sua, & quatenus Prima Causa, nisi a concursu causarum secundarum impediatur, paratus est pulsare eorum cor illustrationibus internis invitantibus ad fidem, quibus positus, si facerent quod est in se, posteriores a Deo acciperent illustrationes, quousque ad fidem, & ad iustificationem pervenirent.

Adde denique, probabile esse, unicuique dari in actu secundo in ultimo momento usus rationis ultimum auxilium preveniens; sicut probabile est, dari etiam in primo momento usus rationis. Cum enim in utroque hoc momento urgeat per se obligatio convertendi se ad Deum per dilectionem, videtur concedenda ad id sufficientia. Et juxta hanc sententiam nulli peccatori denegatur in penam auxilium sufficiens ad resurgendum, non solum juxta opportunitates hujus vitae, prout conceditur iustis ad salutariter operandum, nec solum singularis momentis in actu primo, & quantum est ex parte Dei primae causae, sed etiam in actu secundo ante mortem.

QUESTIO VI.

Num parvulis omnibus etiam in utero Matris decedentibus contulerit Deus remedium sufficiens ad salutem?

Non quaeritur, Num Deus conferat infantibus auxilia, nempe illustrationes supernaturales, cum istarum sint incapaces; Sed Num provideat omnibus de remedio sufficienti ad salutem, v. gr. de Baptismo, non solum instituendo pro illis tale Sacramentum, sed etiam volendo, ut conferatur, & disponendo res naturales, ita ut possit iis conferri? Affirmant communius cum Suar. apud Amicum disp. 28. sect. 5. Negant Bagnez, & Vasq. 1. p. disp. 96. cap. 2. putantes, hanc esse mentem Augustini dicentis lib. de Natura, & Gratia, cap. 12. *Plerumque festinantibus parvulis, & paratis ministris, ut baptizmus parvulo datur, Deo tamen volente, non datur; & lib. de correctione, & gratia cap. 8. habet: Quid clarius, ut asseratur per Deum stare, quominus parvuli salutem accipiant?* Juxta hanc sententiam, Deus infantibus iis contulit auxilium sufficiens ad salutem solum in causa, videlicet in Adamo, ne scilicet in originale laberentur; at post originale contractum, decrevit in penam absolute eorum damnationem, quin provideat illis de remedio.

II. Dico equidem cum communiore, Deum parvulis omnibus providit de sufficienti remedio ad salutem; ita ut dici nequeat per Deum stare, quominus illis applicetur, & salvetur.

Prob. Deus omnes homines vult salvos fieri, ut habet Apost. 1. ad Tim. 2. & quidem etiam post contractum originale; cum Christus Dominus dederit semetipsum redemptionem pro omnibus, & baptismum pro omnibus instituerit, dicens Matth. 28. *Evangelizate omnes Gentes, baptizantes eos in nomine Patris, & Filii, & Spiritus Sancti;* ergo Deus parvulis omnibus providit de remedio ad salutem. Hinc Aug. lib. 4. contra Jul. cap. 8. dixit: *Numquid parvuli homines non sunt, ut non perveniant ad id, quod distum est, Vult omnes homines salvos fieri?* Neque obstat, quod ibi Apostolus addat: *Et ad agnitionem Veritatis venire, quod videtur solum adultis competere;* unde solum

lum de adultis intelligendum est, quod Deus omnes homines velit salvos fieri: Nam etiam parvuli ad agnitionem veritatis perveniunt, perveniendo ad regnum Cælorum; & per baptismum perveniunt ad fidem habitualement, qua credunt habitu, si minus actu, creduntque etiam fide Ecclesiæ.

Confirm. 1. Quia magis Deus dilexit hos pueros, pro quibus voluit Christum pati, juxta illud Jo. 3. *Sic Deus dilexit Mundum*, &c. quam Æmoneis, quibus tantum dedit auxilia sufficientia, ne peccarent, quin eos redemerit post servitutem peccati; ut communiter Patres, & Theologi docent; & colligitur ex illa parabola de nonaginta novem ovibus dimissis; ergo pueris non solum contulit in Adamo auxilium sufficiens, ne laborerent in originale, sed etiam providit de remedio ad resurgendum.

Confirm. 2. quia magis consonum est benignitati Divinæ, & Christi Domini redemptioni asserere, quod remedium ad salutem etiam pro parvulis omnibus institutum sit, ita ut servato cursu causarum secundarum possit illis applicari; ergo ita dicendum, cum nihil obstat.

III. Objic. 1. auctoritatem adductam Augustini dicentis: *Plerumque seftinantibus parentibus, & parvis ministris, ut baptismus parvulo detur, Deo nolente, non datur*; ergo Deus peccati originalis vindex non providit illis de remedio; siquidem per Deum unice stat, quominus baptismus huic parvulo detur.

Confirm. 1. Quia in tali casu non pendet collatio baptismi a voluntate parvulorum, ut patet, nec a voluntate parentum, qui quamvis velint, non possunt; ergo unice pendet a voluntate Dei, atque adeo, Deo nolente, non applicatur.

Confirm. 2. Quia aliquando de Cælo tangitur prægnans, quæ cum infante decedit; in quo casu defectus baptismi unice tribuitur ictui fulminis, quæ juxta cursum naturæ a Deo dispositum ab æterno debuit huc cadere, ubi reperitur prægnans, ergo ex divina dispositione habetur defectus baptismi.

Neque obstat, quod si mater ab eo loco abesset, ut libere poterat, non tangeretur de Cælo, & sic baptismus applicaretur infanti tempore opportuno. Nam mater id providere non poterat; unde ista remedia applicabilitas esset omnino casualis matri; atque si est casualis, non potest di-

ci, quod Deus ex seria intentione velit salutem parvuli; ergo simpliciter Deus non providit de remedio omnibus parvulis. Prob. minor: Nam qui v. gr. thesaurum abscondit, non dicitur habere seriam voluntatem dandi illum Titio per hoc, quod si casu Titius ibi fodiat, potest illum sibi usurpare, tum quia inventio thesauri esset omnino casualis, tum etiam quia esset moraliter impossibilis, & quod est moraliter impossibile censetur in morali æstimatione impossibile simpliciter; ergo idem in casu.

Confirm. ultim. quia Numer. 31. & 1. Regum 15. Deus præcepit internecionem mulierum omnium, atque adeo etiam prægnantium; in quo casu directe voluit occisionem infantium, antequam iis conferretur remedium ad salutem; ergo saltem in tali casu voluit eos directe excludere a regno Cælorum.

Ante responsionem adverto, Deum posse serio intendere alicui aliquid bonum, non solum absolute, & efficaciter, sed etiam conditionate, & inefficaciter, v. g. si petatur, si non obstat culpa, &c. sic Antichristo Deus vult serio vitam æternam sub conditione, quod non peccet: Sic potest velle serio prorogationem vite Titio, nisi se ad fenestram exponat, quo juxta cursum causarum secundarum fulmen casurum est. Hinc stat in Deo & seria intentio penitentis Antichristi, dum confert illi auxilium sufficiens, & simul permissio impenitentis per hoc, quod ille non respiciat. Rursus bonum, quod Deus conditionate, inefficaciter, & serio intendit, potest etiam dupliciter intendere: Primo ita ut non desit in homine potentia proxima ad illud obtinendum; sicut intendit penitentiam Antichristi, quando illi confert auxilium sufficiens: secundo ita ut desit quidem hic, & nunc potentia proxima, & expedita; hujusmodi tamen defectus potentie proximæ inductus sit a causa libera creata sive proxime, sive remote, sive sciente, sive ignorante talem defectum a se inducendum. Et ratio est, quia seria voluntas inefficax, & conditionata in Deo conferendi aliquid bonum non determinat Deum ad seligenda media, quæ per scientiam mediam prævidet conjugenda cum tali bono, seu non determinat ad removenda impedimenta libere appendenda a causis secundis; atque adeo potest serio intendere bonum, quod saltem remote potest ab homine obtineri, etiam si prævidetur, non esse obtinendum. Et hoc pacto dici-

mus, Deum serio quidem, sed inefficaciter intendere remedium parvulis, quibus hic, & nunc applicari non potest, quia scilicet illud vult conditionare, dependenter a voluntate libera parentum. Nam si parentes, quorum curæ committuntur infantes, libere non apponerent aut impedimentum physicum, V. gr. cundo quo fulmen decidit, vel impedimentum morale, committendo aliquam culpam, saltem venialem, v. gr. intemperantiæ, aut omitiendo orationem debitam, certe baptismus parvulis conferretur.

Resp. nunc ad argumentum primo, quod sicut auxilia sufficientia confert Deus peccatoribus adultis dependenter ab ipso libera voluntate, non quidem singulis momentis in actu secundo, sed juxta opportunitates; ita pariter, ut notat Amic. disp. 28. sess. 5. providit Deus de remedio pueris dependenter a voluntate libera parentum, servato cursu causarum naturalium; Quare sicut adultus non dicitur carere auxilio sufficienti ad resurgendum a culpa per hoc, quod de cælo tangatur, dum dormit, quia scilicet libere voluit ibi dormire, quo fulmen cecidit, quod si ibi non dormisset, haberet juxta opportunitates consuetas auxilium ad respiciendum; ita prorsus infans, dum de cælo tangitur prægnans, non dicitur carere remedio ex voluntate Divina, quia libere mater voluit ire, quo fulmen decidit, apponendo physicum impedimentum ad proximam applicabilitatem remedii; si enim ibi non fuisset, quo fulmen decidit, applicaretur remedium in consueta opportunitate. Idemque a fortiori dicās, si prægnans ob intemperantiā, aut aliam culpam causet abortum, apponendo impedimentum etiam morale ad collationem baptismi; ut mox dicemus.

Resp. 2. cum D. Prospero apud Amic. loc. cit. & Bellar. lib. 2. de Grat. cap. 5. Deum providisse parvulis de remedio dependenter ab oratione, & bonis operibus Parentum, vel Avorum, aut Majorum applicando; ita ut infallibiliter illud parvulis applicandum sit, servato cursu naturali causarum secundarum, si non obset impedimentum morale, puta defectus orationis debita, aut alia culpa parentum. Quis enim negat, Deum habere seriam voluntatem salvandi puerum, cum exhibeat remedium ad salutem dependenter a precibus, aut a carentia culpæ parentum, quorum curæ committuntur infantes? Certe Deus relate ad obduratos dicitur communissime habere

seriam voluntatem illos salvandi per hoc, quod offertur auxilia dependenter a propria voluntate, si scilicet non positive indisponantur ad illa per novam culpam; ergo etiam relate ad pueros dicitur habere seriam voluntatem salvandi illos per hoc, quod offertur remedium dependenter a voluntate parentum; ita ut illud sit negaturus voluntate consequente, seu supposita culpa parentum; non quidem in penam peccati parentum, sed quia noluit Deus indignis illis pueris in peccato originali existentibus conferre applicationem remedii absolute, ut poterat, sed voluit illam conferre conditionate, videlicet si non obset culpa parentum, aut defectus orationis: Unde probabiliter docet Vega apud Suar. Deum alligasse proximam applicabilitatem remedii orationi parentum.

In forma ad argumentum dist. antecedens; baptismus non confertur, Deo nolente, voluntate consequente ad impedimentum sive physicum, sive morale, positum a parentibus, concedo; voluntate antecedente, nego antecedens, & consequentiam. Ad id, quod additur, per Deum itare, ne baptismus conferatur, distinguendum eodem modo: voluntate consequente ad impedimentum libere positum a parentibus, conceditur; voluntate antecedente, negatur, per hoc enim quod Deus, ut causa prima nolit removere impedimenta libere posita a creatura ad aliquem effectum, solum sequitur, quod nolit talem effectum efficaciter, & absolute, non vero quod nolit inefficaciter, & conditionate.

Ad primam Confirm. nego secundam partem antecedentis: pendet enim collatio realis baptismi a voluntate parentum non quidem proxime, sed remote, quia si non appossissent impedimentum, Baptismus conferendus esset.

Ad secundam dist. antecedens: defectus baptismi unice tribuitur ictui fulminis immediate, & proxime, concedo; remote, nego antecedens, & consequentiam. Ad id, quod additur, verum quidem est, quod non habeat seriam, & sinceram, sed illusoriam, & fallacem voluntatem conferendi thesaurum, qui abscondit illum, ubi est moraliter impossibile, quod invenitur a Titio, secus vero, si facile inveniri possit; v. gr. si paratus sit ad preces Titii manifestare locum thesauri. In casu nostro facile applicari poterit remedium infantibus, cum Deus paratus sit ad preces parentum conferre proximam applicabilitatem; promissit enim

enim exauditionem orationis, juxta illud Jo. 16. *Petite, & accipietis*. Et sane quis dixerit, Deum non habere voluntatem sciam, sed illusoriam salvandi obduratos per hoc, quod ii versentur in impossibilitate morali conversionis? quamvis enim Deus in pœnam peccatorum præcedentium subtrahat vires morales ad operationes salutares, non per hoc dicitur nolle illas serio, cum facile a nobis poni possint per hoc, quod petamus quod nobis deest, juxta illud Tridentini scis. 6. cap. 11. *Deus impossibilia non jubet, sed jubendo monet & facere quod possis, & petere quod non possis, & adjuvas, ut possis*. Hinc Aug. *Ideo Deus*, inquit lib. de Gratia, & libero arbitr. *jubet aliqua, que non possumus, ut noverimus, quod ab illo petere debeamus; & propterea* Suar. Tom. 2. de Religionem lib. 1. de Oratione cap. 18. censet, orationem necessariam esse ad salutem, non solum necessitate præcepti, sed etiam medi, juxta illud Christi Domini, Lucæ 13. *Oportet semper orare*.

Ad tertiam, Præcepit Deus internecionem in pœnam alicujus culpæ, aut omissionis precum parentum talium infantium, concedo; seclusa culpa, nego; ac proinde Deus voluit directe occisionem infantium, antequam applicaretur remedium, voluntate consequente, concedo; antecedenter ad aliquam culpam parentum, nego antecedens, & consequentiam.

IV. Objic. 2. Divus Prosper docet, quod etiam pueris ortis a sanctis genitoribus aliquando desit copia baptismi; hæc enim habet in carmine De ingratiss. *Nec meritis istud poteris aptare parentum, Cum videas multos sanctis genitoribus ortos, Nullo salvari studio potuisse suorum*; ergo Baptismus non deest infantibus ob culpam parentum, sed Deo nolente.

Confirm. quia si defectus culpæ parentum esset conditio requisita, ut conferatur baptismus infanti, posset etiam dici, quod defectus culpæ in Gentilibus sit conditio requisita, ut iis conferatur gratia sufficiens ad salutem; quod est dicere, quod Gentiles viribus propriis disponant se negative ad gratiam. Sequela a nobis non admittitur quærit. octava, quamvis illam graves auctores admiserint; ergo ut prius.

Resp. Divum Prosperum lib. 2. cap. 23. aperte docere, quod pueris remedium applicaretur, nisi culpa parentum obstitaret; hæc enim habet: *Non irreligiose arbitror credi, neque inconvenienter intelligi, quod isti pauciores dierum homines ad illam pertineant*

gratia partem, que semper universis est impensa nationibus, qua nique si bene eorum mererentur parentes, etiam ipsi per eosdem jurerentur. Quare dum loco laudato Divus Prosper negat, puerorum damnationem procedere a culpa parentum, negat solum procedere ab hac speciali culpa, nempe ab ignavia, ob quam hic, & nunc non confertur baptismus, non vero ab alia culpa, v. gr. a defectu orationis debite, vel parentum, vel saltem avorum, aut majorum, ex quorum ebrietate v. gr. vel intemperantia factum fuit, ut exilis, & invalida prodiret eorum progenies; Unde hic, & nunc ad factum recedendum non esset apta.

Ad confirm. nego sequelam. Disparitas est, quia ex propositione s. damnata ab Alex. VIII. Gentiles non carent gratia sufficienti; ergo quantumvis se indisponant ad illam per peccatum, adhuc illis confertur gratia, qua possint physice, si minus moraliter, fidem desiderare, & sic ad justificationem se disponere. Quare Gentilibus non confertur gratia sub conditione ulla, sed absolute. Contra vero applicabilitas remedii non datur omnibus pueris absolute, sed sub conditione, & probabiliter sub conditione orationis parentum: Sicut enim omnibus Gentilibus confertur Gratia, ut fidem desideret, & assequantur; ita rationabiliter dicitur, quod parentibus gratia sufficiens datur, ut possint pro salute filiorum orare; quod si oraverint, infallibiliter remedium applicabitur.

V. In calce questionis adverte, sententiam laudatam Vasquii 1. p. disput. 96. putant, Deum nolle proximam applicabilitatem baptismi infantibus in utero matris decedentibus, quamvis rigida nimis videatur, posse aliquatenus emoliri, ac sustineri, juxta ea quæ dixi in Trutina Theologica Thesum confixarum exponendo quintam thesim Alex. VIII. videlicet dicendo, Deum voluisse salutem horum etiam infantum per hoc, quod dederit Christum D. qui etiam pro iis oraret, & sui sanguinis pretium offerret, quod pro Demonibus non præstitit; quod si Christus D. absolute pro iis orasset, & non conditionate, prout oravit ut a se calix transiret, (videlicet si ita esset placitum Patri, & ad ejus majorem gloriam reducere) procul dubio exauditus fuisset, & ii parvuli salutem fuissent consecuti. Propterea in hac sententia salvatur etiam, quod Christus dederit semetipsum Redemptionem pro omnibus, atque adeo etiam pro his infantibus, & non pro De-

monibus, quia pro his etiam infantibus sanguinem suum obtulit, ac oravit non quidem absolute, sed sub ea conditione, quam expresse, dum oravit, ut calix a se transferret, dicendo, *Vinumamen non mea, sed tua voluntas fiat*. Quia tamen voluntas Patris non fuit, quod his infantibus proxima Baptismi applicabilitas daretur, idcirco ea caruerunt. Nihilominus sententia communior, quod neque per Deum, neque per Christi voluntatem iter, quominus parvuli omnes proximam habeant baptismi applicabilitatem, sed iis aliquando ea desit mere ob culpam, aut ob defectum orationis parentum, quorum curæ commisi sunt, non solum est conformior Dei benignitati, ac Misericordiz, ac Christi D. redemptioni, sed etiam locutionibus Patrum, præsertim D. Prosperi loco laudato lib. 2. cap. 12., idcirco ab ea non recedendum.

QUÆSTIO VII.

Utrum Infantibus omnino intra uterum existentibus possit, ac debeat aliquando Baptismus conferri?

I. **Q**uæstionem hanc præcedenti annecto in gratiam parvulorum in utero Matris decedentium; plurimum enim conferre potest ad non paucos in perpetuum salvandos. Cum ostendimus, Christum D. sui sanguinis pretium etiam pro his parvulis obtulisse, ac providisse iis de remedio ad salutem, ita ut per ipsum non iter, quominus illis applicetur, inquirimus, Utrum ita remedium hoc, nempe Baptismus, instituerit, ut voluerit solum conferri posse parvulis jam natis, ut per Baptismus renascantur, juxta illud Jo. 3. *Nisi quis renatus fuerit ex aqua, & Spiritu Sancto &c.* an etiam parvulis omnino intra uterum existentibus, quoties ablui possunt, si sint in discrimine vitæ, ne sine baptismo decedentes in æternum priventur Beatitudine, ac forte etiam aliquatenus poena sensus crucientur, juxta nonnullorum sententiam in tractatu de Pœnitentia discutendam? Apud Antiquos hac de re nullum dissidium, videnturque omnes uno ore in sententiam negativam inclinare nixi locutionibus Scripturæ, Sanctorum Patrum, ac Canonum Sacrorum. Recentiores tamen in medium quæstionem hanc adducentes communius Christi D. benigni-

tatem, ac redemptionem commendantes, benignam sententiam amplectuntur, docendo valde probabile esse, quod Baptismus his parvulis collatus sit validus, ac proinde possit, ac debeat sub conditione illis conferri.

Præ cæteris nuper summa cum eruditione, ac animarum zelo benignæ huic opinioni adhæsit, illamque in bono lumine collocavit Pater D. Gabriel Gualdo Clericus Regularis in libello hac de re Patavii edito, quod ante præstiterat in Tractatu Probabilitatis, quem in lucem dederat Lovanii 1707. sub nomine Nicolai Peguleri; ibique cap. 41. fuisse ostendit, Primo posse aliquando hujusmodi pueros in utero existentes ablui, vel immediate ab obstetrice spongia aliqua inter digitos posita, vel per aliquod instrumentum, puta per fistulam, seu clysterem, quando scilicet aut uterus aperitur a fetu tentante egressum irritato conatu, aut uterus a Peritis inciditur, prout sæpe citra periculum vitæ prægnantis factitatum est. Secundo eos posse, ac debere in his casibus sub conditione baptizari juxta opinionem plurimorum Recentiorum apud Dia. p. 2. tr. 15. ref. 43. & p. 5. tr. 5. v. 12. cum Præposito, Ledesma, Bonac., Laym., Lezana, Less., Con., Gobat., Dicaet., Tann., Martinio, & aliis; etiam si per quindecim fere sæcula communissime Sancti Patres, ac Doctores viderantur id negasse cum D. August., D. Isidoro, D. Thom., D. Bonav., D. Antonio, & aliis Theologis, & Canonistis usque ad annum 1490. quo tempore Gabriel Biel cepit de hoc dubitare advertendo, quod Sanctorum Patrum mentem possumus benigne interpretari.

II. Dico equidem 1. Probabile est, Christum Dominum instituisse Sacramentum Baptismi etiam pro his infantibus, qui in utero matris positi ablui aliquando possunt, vel quia uterus ab ipso fetu recluditur, vel quia arte aliqua magistra scinditur; atque adeo probabile est, posse iis valide Baptismus conferri. Ita communis Recentiores; quin huic doctrinæ Sancti Patres, Sacri Canones, ac Theologi antiqui refragantur, ut infra ostendetur.

Prob. 1. ex Trid. sess. 5. can. 3. ubi anathematizatur qui negat, Christi meritum per Baptismi Sacramentum in forma Ecclesiæ rite collatum tam adultis, quam parvulis applicari; Cum autem etiam infantes in utero matris positi sint parvuli (dicitur enim Genes. 25. quod in utero Rebeccæ col-

collidebantur *Parvuli*, nempe Jacob, & Esau, sequitur, quod etiam pro hujusmodi infantibus institutum sit a Christo Domino Baptisma, ita ut iis proffit, si possint aliquando physice abluī. Eademque doctrina habetur in Cap. *Firmius* de Summa Trinitate.

Prob. 2. ratione, quia quamvis duplex datur nativitas, altera ex utero, altera in utero; & juxta primum sensum dixerit Angelus pastoribus Lucæ 2. *Natus est vobis hodie Salvator Mundi*; juxta secundum sensum dixerit Angelus D. Josepho Matth. 1. *Quod enim in ea natum est, de Spiritu Sancto est*: Nihilominus ut quis per Baptismum renascatur spiritualiter, non est necessaria nativitas infantis ex utero, sed sufficit nativitas in utero, dummodo possit hujusmodi infans physice abluī, utero referato; ergo Christus Dominus etiam pro his infantibus Baptismi Sacramentum instituit. Antecedens probatur ex Trid. sess. 5. can. 4. ubi de parvulis dicitur, quod *in remissionem peccatorum veraciter baptizentur*, ut in eis regeneratione mundetur, quod generatione contraherunt: *Nisi enim quis renatus fuerit, &c.* atqui pueri contrahunt originale per nativitatem in utero, seu per generationem; ergo ut possint renasci, seu regenerari, sufficit quod eorum nativitas in utero, seu generatio præcesserit, dummodo abluī possint. Et sess. 6. cap. 3. idem Tridentinum docet, homines ex semine Adæ propagatos nasci injustos, & per meritum passionis in Christo renasci; cum autem injustitia, seu peccatum originale contrahatur per nativitatem in utero, sequitur, quod renascantur in Christo solam nativitatem in utero debeat præsupponere; unde valide potest Baptismus conferri infantibus omnino intra uterum existentibus.

III. Confirm. 1. Quia D. Raymundus Nonnatus, etiam si non sit natus *Matre pariente*, adhuc potuit baptizari; sic etiam quilibet partus cæsareus, seu qui sit ex utero matris cæso. Præterea ex D. Tho. 3. p. quest. 68. ar. 11. ad 4. & ex Rituali Romano de Bapt. §. de Baptizand. parvulis, si infans caput emiserit, & periculum mortis imminet, potest absolute baptizari, quin sit deinde rebaptizandus, eo quod in capite omnes sensus fundentur; si tamen alia pars egredietur, est baptizandus, urgente periculo, solum sub conditione, eo quod in aliis partibus non habeatur integritas vitæ; ergo etiam potest sub conditione baptizari, quamvis nulla pars factus potuerit egredi.

Probatur consequentia; intantum enim non potest baptizari, quia revera tunc non est natus extra uterum; atqui quando solum aliqua pars, puta manus, egreditur, neque tunc infans est absolute natus extra uterum, cum manus infantis non possit dici infans, & tamen tunc potest sub conditione baptizari; ergo etiam quando infans totaliter est in utero: Aliter si uterum matris sive mortuus, sive vivens incidatur, nec possit extrahi ulla pars factus absque periculo ejus vitæ, tunc nec posset sub conditione baptizari; quod asserere quisnam aude?

Confirm. 2. Quia non est præsumendum de Divina Bonitate, & de infinitis Christi meritis, quod voluerit hos infantes reddere incapaces gratiæ baptismalis, si abluantur in utero. Immo ex communissimo DD. calculo positive asserendum quodcumque ad Christi gloriam exaltandum spectat, nisi positive constet, quod Deus aliter ob altissimos fines decreverit: atqui non constat positive, ut mox ostendemus, quod Christus noluerit, lavacrum regenerationis posse etiam ad infantes istos se extendere; ergo dicendum, quod Sacramentum Baptismi vere suscipiant, si debite abluantur. Sicut enim Martyrium, seu Baptismus sanguinis etiam infantibus, qui sunt in utero Matris, prodest, ut docet Scotus in 4. dist. 4. p. 2. ita Baptismus fluminis, cum æque sit universalis uterque Baptismus.

Confirm. ult. quia communissime DD. docent cum Angelico 3. p. q. 68. art. 9. contra Pelagium, quod pueri sint baptizandi, quia scilicet, ut habetur ad Rom. 5. *Nisi fuerit delictum, ita & donum*; si enim unius delicto multi mortui sunt, multo magis gratia Dei & donum in gratia unius hominis Jesu Christi in plures abundavit. Hæc autem ratio sicut probat pucros extra uterum baptizandos esse, & per Christi merita spiritualiter regenerari, ita hoc idem probat de pueris intra uterum existentibus, quoties abluī possint. Neque dicas, hujusmodi argumentum probare nimis, quod scilicet etiam pueri in utero matris clauso possint per Christi merita baptizari, ac salutem consequi. Nam certum est, noluisse Christum quemquam regenerari spiritualiter, nisi ipse in se, non vero in matre prægnante abluatur, juxta illud: *Nisi quis renatus fuerit ex aqua, & Spiritu Sancto &c.* providet tamen sufficienter hujusmodi pueris de sufficientia remedii ad salutem, ut cum communiore diximus quæstione antecedente: quia-

quarentes possunt in lucem edi, & baptismum suscipere, nisi parentes, quorum cura sunt commissi, impedimentum apponant.

IV. Dico 1. peccat graviter qui negligit baptismum conferre pueris in utero existentibus, quoties possunt aliquatenus aperto utero abluī, si sint in vitæ discrimine.

Probat. ex communissima doctrina apud Dianam p. 3. tr. 3. ref. 9. de qua nonnulla dixi in Append. meæ Trutinæ Theologicae in calce §. XI. Quoties possumus citra grave incommodum subvenire proximo periclitanti circa aeternam salutem, sequendo opinionem probabilem, ad id sub gravi obligamur: in casu autem nostro, sequendo opinionem probabilem primæ conclusionis, subveniremus infantibus circa aeternam salutem periclitantibus; ergo tenemur sub gravi juxta laudatam opinionem illos baptizare; quamvis sub conditione (si sint capaces) ob incertitudinem, & meam probabiliter talis opinionis. Et sane ex cap. *De quibus* de baptismo, baptizandus est sub conditione factus in dubio an sit homo, vel monstrum, an sit vivus, vel mortuus; ergo a fortiori baptizari debent sub conditione infantes in utero existentes, quoties abluī possunt saltem per aliquod instrumentum; quia non solum est in dubio positum, an sint baptisimi capaces, sed etiam valde probabile est, quod sint capaces, tum ob rationes adductas, tum ob auctoritatem plurimorum Recentiorum, qui hac de re quaestionem instituerunt, quin Antiquorum sententia sit in contrarium, si rite eorum verba perpendantur, ut mox dicemus.

Neque obstat reverentia Sacramento debita, quominus possit sub conditione conferri baptismus, ita ut exponatur periculo frustrationis. Nam ex doctrina subtilissimi Doctoris in 4. dist. 3. qu. 2. communiter recepta; Quando in Sacramentis conficiendis urget necessitas, tunc citra ullam irreverentiam adhiberi potest, ac debet materia, forma, aut opinio, quæ tutior haberi potest, ut subveniamus proximo extreme indigenti; cum Sacramenta instituta sint in bonum fidelium; ut proinde potius exponendum sit Sacramentum periculo frustrationis, quam homo periculo aeternæ damnationis.

V. Objic. 1. contra primam conclusionem. Infantes in utero positi non sunt notæ Ecclesiae, nec vitam cum aliis degunt; ergo non sunt capaces sacramentorum Ecclesiae.

Parti III.

Confirm. 1. ex Scoto, quia pueri, dum sunt totaliter in utero matris, non subjacent operationi humanae, sed solum subjacent operationi Divinae; ergo quamvis Deus possit illos spiritualiter regenerare per speciale privilegium (prout concessum fuit D. Jo. Baptiste) non per hoc poterunt per baptismum ab homine collatum spiritualiter regenerari.

Confirm. 2. Prima regeneratio spiritualis, quæ fit per baptismum, est secunda nativitas; ut proinde Christus D. dixerit: *Nisi quis renatus fuerit* &c. Secunda autem nativitas essentialiter supponit primam; ergo cum nondum sint nati, ne partialiter quidem, qui sunt in utero Matris adæquare, non poterunt renasci per baptismum, etiam si possent abluī. Neque dicas, sufficere quod præcesserit nativitas in utero. Nam regeneratio, quæ habetur per baptismum, haberi debet ex aqua, & Spiritu S. contra infectionem tum carnis, tum animæ per originale, atque adeo debet baptismum præcedere tum nativitas in utero, qua infunditur anima, tum etiam nativitas ex utero, qua nascatur caro: ac proinde in Rituali Romano loco laudato dicitur: *Nemo in utero Matris clausus baptizari debet*.

Resp. pueros in utero existentes esse sufficienter notos Ecclesiae, ita ut possint Sacramentum baptismi suscipere, si utero aperto possint abluī; sicut enim est sufficienter Ecclesiae notus ille foetus, de quo dubitatur an sit homo, vel monstrum, & sufficienter est notus, si solum ex utero manum extrahatur; ita sufficienter notus, qui deprehenditur esse in utero jam aperto, ita ut possit abluī: & omnino gratis dicitur requiri, quod possit esse visibilis extra uterum; sufficit enim, quod possit esse tangibilis saltem per aquam a baptizante immisam; cum Ecclesia non debeat aliam cognitionem de personis habere, nisi eam, qua possit illis Sacramenta ministrare ponendo, quæ necessaria sunt ad illorum collationem. Aliter nec posset foetus in cenebris existentis extra uterum baptismus conferri, eo quod non possit tunc Ecclesiae esse visibilis, sed solum tangibilis.

Ad primam confirmationem: sufficienter isti parvuli subjacent operationi humanae per hoc, quod possint ab homine abluī, & sic baptizari, ac spiritualiter regenerari. Tunc non subjacent operationi humanae, solumque a Deo per speciale privilegium possent sanctificari, quando uterus esset o-

C

mm

minino clausus, ita ut nullatenus possent abluui.

Ad secundam; Habetur quidem per baptismum secunda Nativitas, hæc tamen licet debeat primam præsupponere, at non debet præsupponere nativitatem ex utero, sed satis est, quod præsupponat nativitatem in utero: etenim ut ostendimus ex locutionibus Scripturarum, tam dicitur natus qui solum habet nativitatem ex utero, juxta illud Lucæ 2. *Natus est vobis hodie Salvator Mundi*; quam qui habet nativitatem in utero, juxta illud Matth. 1. *Quod enim in ea natum est* &c. quamvis non sufficiat sola nativitas in utero, ut possit homo spiritualiter renasci per baptismum, nisi etiam possit aperto utero abluui; cum per solam abluitionem sacramentalem hujusmodi renativitas concedatur. Ad regenerationem vero spirituales simpliciter dictam, quæ non habeatur per baptismum, sed per Dei privilegium, sufficit sola nativitas in utero, quantumvis clauso, ut proinde ex D. Th. in sanctificationis in utero habeatur vera regeneratio spiritualis.

VI. Neque obstat, quod si nomine nativitatis veniat etiam nativitas in utero, sequeretur, quod homo dum paritur, renascetur; unde ante baptismum esset renatus, atque adeo per baptismum haberetur deinde tertia nativitas, ut ratiocinatur Augustinus in Epistola 57. ad Dardanum.

Nam certum est, non requiri nativitatem ex utero, quæ fiat matre pariente; ut possit quis baptizari: etenim D. Raymundus Nonnatus baptizari potuit, etiamsi non fuerit natus matre pariente; & quamvis extra uterum suscepit baptismum, nihilominus caruit hac nativitate strictè dicta, ut proinde Ecclesia vocet illum *Nonnatum*; sufficit itaque ad renativitatem spirituales, quod præcesserit sola nativitas in utero. Hinc tamen non sequitur, quod dum homo paritur, renascatur, ut proinde habeatur per baptismum tertia nativitas. Nam licet tam nativitas in utero, quam nativitas ex utero venire possit nomine nativitatis, utraque tamen ista nativitas non est duplex nativitas, seu generatio; neque enim est duplex Origo viventis a vivente principio conjuncto in similitudinem naturæ, sed est eadem nativitas diverso modo accepta, quatenus una denotat tantum generationem, altera denotat eandem generationem factus jam ex utero egressi; ut proinde prior importet productionem entis simpliciter, & transitum de non ente ad

ens, posterior vero importet etiam transitum ejusdem entis de uno statu ad alium, videlicet transitum ex utero ad extra uterum.

Ad id quod additur in argumento, dicendum cum Angelico in 4. dist. 6. q. 1. a. 1. Nativitatem in homine non esse aliam nativitatem animæ, aliam nativitatem carnis, sed unam esse nativitatem totius hominis indivisibiliter sumpti. Quamvis autem vulgo nomine nativitatis soleat venire nativitas extra uterum, nihilominus vere, & proprie etiam in Scripturis hominis nativitas habetur per hoc tantum, quod homo sit genitus, & in utero natus, quia tunc habetur vere, & proprie origo viventis a vivente principio conjuncto in similitudinem naturæ: cito, ut possit homo renasci spiritualiter, requiratur, ut possit utero aperto a baptizante abluui, non tamen est necesse ad baptismi validitatem, quod homo sit natus extra uterum, ut hæcenus ostendimus. Denique verum est, quod in Rituali Romano dicitur, videlicet neminem in utero matris clauso esse baptizandum, cum non possit abluui immediate; potest tamen utero aperto in necessitate baptizari sub conditione, eo quod tunc possit abluui immediate; immo ex Præposito, Ochagavia, & aliis apud Dianam p. 5. tr. 2. ref. 4. potest sub conditione baptizari, etiamsi ferus sit involutus in secundinis, quia hujusmodi pellis, & tegumentum censetur esse pars hominis, & ea abluta censetur homo abluui.

VII. Objic. 3. Auctoritatem D. Augusti, D. Isidori, Magistri Sententiarum, D. Th. D. Bonaventuræ, ac Theologorum omnium, necnon Canonistarum usque ad annum 1490. quo tempore Gabriel Biel in 4. dist. 4. quæst. 4. art. 4. in dubium revocare cepit, an possit infans in utero matris valide baptizari; Cum autem per quindecim fere secula omnes uno ore docuerint, non posse hominem spiritualiter per baptismum renasci, antequam natus sit; videtur ea esse Ecclesiæ traditio, quod Christus D. baptismi Sacramentum noluerit conferri pro infantibus in utero positus, ut proinde non liceat, ne sub conditione quidem, eos baptizare; Etenim, ut habet Augustinus lib. 9. de Bapt. contra Donatistas cap. 24. *quod universa tenet Ecclesia, ac Conciliiis institutum, sed semper ritentum est, non nisi auctoritate Apostolica traditum rectissime creditur*. Quod autem Ecclesia tenuerit, baptismum non esse conferendum infantibus

in utero existentibus, constat pendendo verba SS. PP., ac Theologorum, & Canonistarum omnium, quos longo ordine recenset laudatus P. D. Gabriel Gualdo cap. 2. Verba August. in Ep. 57. ab Dardanum, quorum meminit Magister in 4. dist. 6. cap. 2. sunt: *Nec renasci quisquam potest, antequam natus sit*; ac deinde subdit, Nativitatem, quæ præcedere debet baptismum, esse nativitatem, quæ fit matre pariente, non concipiente, atque prægnante; quæ fit ex ea, non quæ fit in ea; Quod inferit ex verbis Christi D. *nisi quis renatus fuerit denuo*, quibus indicatur, baptismum esse secundam nativitatem, non vero tertiam; atque adeo prior natiuitas, quæ ad baptismum præsupponitur, non est natiuitas in utero, sed natiuitas ex utero. Et lib. 2. de bapt. parvul. c. 26. aperte docet, *Neminem in suo parente potuisse renasci, cum nondum sit natus*. D. Isidori verba l. 1. sentent. cap. 22. referuntur in Cap. *Qui in maternis de Consecr.* dist. 4. ubi habetur: *Qui in maternis sunt materis, ideo cum matre baptizari non possunt, quia qui natus secundum Adam non est, secundum Christum regenerari non potest*. D. Isidorus duobus sæculis post D. August. scripsit (si Philippum Labbé audiamus) & quinque sæculis. ante Magistrum sententiarum, qui in 4. dist. 6. cap. 2. eadem sententiam subscripsit; sicut etiam Albertus art. 9. D. Th. p. 3. quæst. 68. art. 11. D. Bonnav., & alii omnes usque ad finem sæculi decimi quinti: ut proinde negari non possit, hunc fuisse Ecclesiæ sensum, & veluti traditionem, a qua nefas est recedere.

Confirm. 1. auctoritate Sacrorum Canonum; etenim in Cap. *si baptizata*, & cap. *Qui in Maternis de Consecr.* dist. 4. necnon Cap. *si ad Matris* ibi. juxta mentem, & verba laudata D. August. & D. Isidori hoc idem deciditur, ut proinde idem sentiant omnes Canonistæ putantes, decretum Gratiani habere vim legis Ecclesiasticæ.

Confirm. 2. ex Trident. sess. 5. can. 4. ubi anathematizatur qui negat, parvulos recentes ab utris Matrum esse baptizandos; cum autem solum loquatur de parvulis recentibus ab utris Matrum, videtur definire, quod solum hi parvuli capaces sint baptismi, non vero parvuli, qui sunt in matris utero.

Resp. non paucos esse primæ notæ Recentiores, ut diximus, putantes, debere sub conditione parvulos in utero baptizari, si vitæ periculum immincat, & possint; aliquid via ablu; iis autem Doctoribus non

levi irrogatur injuria, dum dicitur, quod contra Ecclesiæ traditionem opinantur. Quare non solum negandum, Ecclesiæ aut traditionem, aut consuetudinem esse, quod hujusmodi pueri non baptizentur, sed negandum etiam, D. Augustinum, D. Isidorum, ac Theologos antiquos ita sensisse: etenim si eorum verba perpendantur, apparebit, solum ab iis doceri, quod pueri in utero Matris clauso baptizari non possint, cum non possint ablu; quin doceant usquam, baptizari non posse, quoties apertio utero ablu; possint, & sic subjacere humanæ operationi. Ubi juxta dicta in expositione Thes. 30. ab Alex. VIII. proscipitur advertendum, quod universim ubi verba Augustini videntur pugnare cum verbis alicujus Bullæ, aut Concilii, potius verba Augustini accipienda sint juxta sensum Bullæ, aut Concilii, quam ex converso; Cum autem Trid. sess. 5. can. 3. dicat, Christi meritum per baptismum rite collatum tam adultis, quam parvulis applicari, & indiscriminatim loquatur de omnibus parvulis, qui baptizari possunt, sive in utero matris sint, sive extra uterum, sequitur, quod non sint accommodanda verba Tridentini verbis Augustini, ita ut excludantur pueri intra uterum, qui ablu; possint, a capacitare suscipiendi baptismum; sed potius verba Augustini accommodanda sint verbis Tridentini, explicando Augustinum, quod velit solum baptizari non posse parvulos, qui non sint nati nativitate, quæ subijciat illos operationi humanæ, seu qui ablu; nullatenus possunt; per hoc enim quod ablu; possunt, non solum sunt nati nativitate Theologice dictæ, seu in Matre concipiente, ac prægnante, sed etiam nativitate requisita ad baptismum, hoc est nativitate, quæ subijci possunt operationi humanæ; quæ natiuitas minus proprie potest dici quod sit natiuitas ex Matre pariente, non secus ac natiuitas partus cælestis, ac S. Raymundi Nonnati. Idemque dicendum de verbis D. Isidori, ac aliorum Theologorum, qui dicuntur esse in opposita sententia.

VIII. Itaque hoc nomen *Natur* quinque potest habere significationes. Primo enim significat vulgo, qui est natus matre pariente; secundo qui in lucem editus est per uteri scissionem, ut D. Raymundus Nonnatus: tertio qui ex utero partem aliquam corporis, pura manum, emisit: quarto qui subijci potest operationi humanæ; atque adeo ablu;, etiam si sit in utero: quinto denum qui conceptus est, nec potest

est humanæ operationi subijci, eo quod sit in utero omnino clauso . Ut possit homo per baptismum renasci, sicut in omnium sententia non requiritur, quod sit natus juxta primam tantum significationem, hoc est matre pariente, sed sufficit, quod sit natus in secundo, aut in tertio sensu; ita sufficit, quod sit natus juxta quartam significationem, quin hinc sequatur, quod baptismus deinde sit tertia nativitas, ut supra diximus . Quare non solum possunt, sed etiam debent verba D. Aug. & D. Isidori, ac Theologorum antiquorum juxta benignam hanc interpretationem explicari, ut in suo proprio sensu verba Tridentini explicentur, utque saluti parvulorum consulatur, ac Divina Misericordia erga illos magis commendetur .

Et sane quamvis videatur Augustinus sentire, quod parvuli sine baptismo decedentes igne Tartaro, ac poena sensus cruciantur in æternum, ut conatur ostendere Cardinalis de Noris in Vindiciæ D. Aug. c. 3. §. 1. & docuit Ariminenfis, dictus proinde *Tortor puerorum*; nihilominus quia in Cap. *Majores de Baptismo* ab Innoc. III. dicitur: *Pœna originalis peccati est carentia visionis Dei; actualis vero peccati pœna gehenna perpetua cruciatur*; ideoque communis, & verius dicimus, verba August. accommodanda esse verbis Pontificis; ut proinde solum voluerit Augustinus, pueros sine baptismo decedentes puniri poena ignis, sumendo nomine *ignis* quamcumque tribulationem, atque adeo etiam poenam damni, juxta illud Scripturæ: *Transivimus per ignem, & aquam*; *Ignis* mo examinasti &c. præsertim quia & Divina Misericordia, & rationes Theologicæ suadent hanc benignam interpretationem, ne simus *Tortores puerorum*; & tamen opinio opposita nihil reversa confert ad puerorum torturam: In casu autem nostro, si verba Augustini non sumantur in sensu accommodato, prout verba Tridentini, & Rationes Theologicæ, ac Divina Redemptoris misericordia erga illos pueros suadent, opinio opposita, denegando illis baptismum, conferret ad æternam illorum poenam; unde effemus Puerorum tortores non speculative duntaxat, sed etiam præfice; ergo a fortiori in casu nostro verba Augustini juxta benignam interpretationem sumenda sunt; atque adeo dicendum, D. Augustinum, D. Isidorum, & Antiquos Theologos, cum Magistro Sententiarum, D. Thoma, & aliis pro nostra sententia stare, non pro opposita.

Ad 1. confirmationem: verba illorum Canonum desumpta sunt a D. Augustino, & D. Isidoro, atque adeo pariter in sensu accommodato sumenda sunt, ut velint neminem posse per baptismum renasci, nisi sit natus ea nativitate, qua possit subijci operationi humanæ, & abluui . Quicquid sit, an sententiæ Sanctorum Patrum, quæ in Decreto Gratiani habentur, vim habeant legis Ecclesiasticæ, donec a Pontifice fuerint Canonizatz, & inter Decretales reponantur? Quod verius negat Suar. l. 4. de Leg. cap. 5. n. 6. eo quod Patres non fuerint Canonici Scriptores, nec assistentiam Spiritus Sancti habuerint .

Ad 2. Tridentinum aperte docuerat Canone 3. quod tam adultis, quam parvulis applicari possit Christi meritum per baptismum, non excludendo parvulos, qui sunt in utero Matris, si possent subijci humanæ operationi, & abluui; Ubi autem Canone 4. definit, pueros recentes ab utero Matris esse baptizandos, vel loquitur etiam de pueris, qui in utero Matris positi subijci possent operationi humanæ, qui etiam in aliquo sensu dici possunt recentes ab utero Matris, quatenus aliquo modo extra uterum sunt, dum non sunt in utero clauso, sed possunt abluui; Vel loquitur tantum de pueris, qui extra uterum sunt, quia sic possunt baptizari; unde satis erat, quod designaret horum baptismum esse validum, ut intelligatur validum esse baptismum omnium omnino, qui abluui possunt, nisi ex institutione Divina aperte excludantur .

Neque dicas, interpretationem adductam (quod scilicet dicatur aliquo modo natus ex utero, immo esse aliquatenus extra uterum, qui est in utero aperto, ita ut possit subijci operationi humanæ) esse alienam vero sensu verborum, quandoquidem idem simul dici posset esse in utero, & esse extra uterum .

Nam contra est, quia sicut juxta diversam acceptionem verborum D. Raymundus dicitur natus, cum renatus fuerit in baptismo; & ab Ecclesia appellatur *Nonnatus*, quatenus non fuit in lucem editus Matre pariente: ita juxta diversam acceptionem potest dici natus ex utero, & esse aliquatenus extra uterum, qui dum est in utero subijci potest humanæ operationi, & simul dici potest natus in utero, & non esse extra uterum, quatenus nulla ejus pars ex utero egressa est .

IX. Objic. 3. contra secundam conclusio-

nem.

nem. Nemo potest adversus conscientiam dictamen licite operari; ergo si quis juxta opinionem Doctorum primæ notæ putet, nullatenus licere hujusmodi infantibus conferre baptismum, etiam si possint abluī, adversus dictamen conscientie operaretur conferendo illis baptismum; ergo falsum est, quod peccet qui negligit Baptismum pueris in utero existentibus in necessitate conferre sub conditione, juxta probabilem opinionem, quod illi liceat.

Resp. concessio antecedente, distinguo primum consequens: adversus dictamen conscientie operaretur, si putaret nullatenus id licere juxta opinionem Doctorum primæ notæ, & simul ex errore putaret, opinionem benignam faventem pueris esse improbabilem, concedo; & simul putaret, opinionem benignam esse probabilem, ut re vera est, nego primam, & secundam consequentiam. Sicut potest quis ex errore putare, esse illicitum conferre Baptismum etiam pueris recentiter natis, in quo casu peccaret baptismum iis conferendo, quia operaretur contra ultimum dictamen conscientie erroneæ; ita potest quis ex errore putare, esse improbabilem sententiam, quam propugnāvimus, docentem posse pueris in utero conferri valide Baptismum, si possint abluī; & in hoc casu nihil mirum, quod peccaret baptismum conferendo. At si putet, opinionem hanc benignam nixam validis rationibus, & gravi autoritate Doctorum esse probabilem, peccaret contra charitatem non accommodando se huic opinioni ad liberandos, quoad ejus fieri potest, pueros illos ab originali, atque adeo a pœna damni æterna.

Instabis: saltem Probabiliorista citra errorem peccaret accommodando se huic opinioni benignæ, si putaret, hanc opinionem benignam esse minus probabilem; cum Probabiliorista doceat, non licere sequi opinionem minus probabilem in conspectu probabilioris; ergo recurrit, quod citra culpam, & citra errorem possit aliquis non conferre his infantibus Baptismum sub conditione.

Resp. distinguo antecedens, si per errorem putaret certum esse, quod non liceat sequi opinionem minus probabilem relicta probabiliori, concedo; si solum putaret id esse probabilius, & simul probabile esse, quod liceat sequi opinionem minus probabilem in conspectu probabilioris, nego antecedens, & consequentiam. Probabiliorista, nisi decipiatur, solum potest opinari, quod sit probabilior sententia obhgans ad

Part. III.

magis probabile, quin possit asserere, quod sententia opposita careat sua probabilitate; atque adeo ad liberandos pueros ab æterna pœna damni non solum potest, sed etiam debet accommodare se huic nostræ opinioni benignæ, baptizando illos sub conditione, si citra grave incommodum potest illos abluere, quando imminet periculum mortis.

QUÆSTIO VIII.

An possit homo per operationes naturales ad Gratiam se disponere, sive possit, sive saltem negativè?

I. Dispositio ad gratiam multipliciter contingere potest per opera naturalia, Primo si homo bonis operibus naturalibus causaret gratiam physice. Secundo si moraliter; videlicet merendo aut condigne, aut de congruo auxilia supernaturalia gratiæ, aut si opera naturalia haberent vim impetrandi gratiam; ita scilicet ut Deus ad conferendam gratiam non moveretur ex indigentia, & miseria potentis opera naturalia; sicut dives movetur ad dandam elemosinam ex indigentia pauperis illam petentis; sed moveretur ex merito ipsarum precum, juxta illud: *Omne debitum dimisi tibi, quoniam rogasti me*: Hæc enim impetratio sic explicata ex Augustino apud Iugo de Fide disp. 12. num. 31. non est sine omni merito. Tertio, si operationes naturales sint mera dispositio moralis positiva importans connexionem cum gratia fundatam in quadam congruitate constituta a quovis merito, & exigentia. In hoc enim differt Meritum a morali dispositione, quod illud importet obsequium præstitum in honorem, vel commodum præstantis; hæc vero importet solum coactionem ad bonum, ad quod disponit, præciso quovis obsequio: Sicut doctrina, & probitas hominem coarctant ad dignitates in Republica assequendas, quamvis nullum obsequium præstiterit aut Principi, aut Republicæ, ut videre est apud Ripal. disp. 18. Denique si opera naturalia essent dispositio negativa importans connexionem cum gratia ex mero extrinseco Dei decreto, ac liberalitate, qua voluit facienti quod in se est viribus nature conferre gratiam; quamvis etiam illam conferat pluribus aliis non facientibus quod est in se.

II. Certum est 1. opera pure naturalia non

C 3

non

non posse esse causam physicam gratiæ, quia gratia est altioris ordinis: Nec possunt esse conditio physica ad productionem gratiæ requisita, quia nec sunt conditio ex parte Dei producentis, cum Deus agens perfectissimum nulla indigeat conditione ad producendum; neque sunt conditio ex parte subjecti gratiam recipientis, quia independentes ab operibus naturæ potest anima elevari obedientialiter ad gratiam recipiendam.

Certum est secundo, opera naturalia non esse causam moralem gratiæ; neque enim illam merentur de condigno, ut est de fide ex Tridentino sess. 6. cap. 16. ubi dicitur, *Christus Dominus tanquam caput in membra, & tanquam vitis in palmites in ipsos justificatos jugiter virtutem influere, sine qua bona eorum opera nullo pacto Deo grata, & meritoria esse possunt*. Et ratio est, quia ut opus sit condigne meritorium, debet esse ejusdem ordinis cum præmio. Neque merentur illam de congruo, aut impetrant impetratione strictè dicta importanter aliquid meriti; quod pariter tenetur de fide ex eodem Tridentino, & Arausicano 2. can. 3. deficientibus contra Massilienses, *Opera naturæ non esse initium aliquod imperfectum ex parte nostræ, quod Deus sua gratia juvet, promoveat, & perficiat*. Et ratio est, tum quia Jo. 15. dicitur: *Sine me nihil potestis facere*; ubi August. addit: *Non ait, Sine me nihil potestis perficere, sed facere; Nam si perficere dixisset, possent illi dicere, non ad impediendum bonum, quod a nobis est, sed ad perfectiendum adiutorium esse necessarium*. Tum etiam quia opus gratiæ est opus omnino gratuitum, & indebitum; ergo excludit omne meritum etiam de congruo; cum de ratione meriti sit quoddam debitum & exigentia, unde Apost. ad Roman. 11. dixit: *Si autem gratia, jam non ex operibus, alioquin gratia jam non est gratia*.

III. Dubitatur itaque solum, An opera naturalia possint esse quoddam moralis dispositio ad gratiam sive positivā, sive saltem negativā? Quam unice videntur admittere Suar. t. 2. de Gratia lib. 4. cap. 15. Valent. Lessus, Pallav. de Gratia, & alii apud Ripal. loc. cit. Qua de re plures Congregationes habitæ fuerunt coram Clemente VIII., & Paulo V. coram quibus isthæc Molinæ doctrina ad trutinam revocata fuit, eo quod videbatur favere errori Massiliensium, qui docebant, *Initium justitiæ, & salutis esse ex nobis per voluntatem credendi, & pie vivendi solis liberi arbitrii viribus eliciti, & per orationem, ac petitionem au-*

xilii ad id necessarij pure naturalem, ut notat Platelius n. 487.

Et sane, quod Deus de facto omnibus omnino adultis det gratiam sufficientem, quæ possint ad Fidem, & ad salutem pervenire, quamvis non solum non disponantur per bonas operationes naturales, sed etiam positive indisponantur per peccata, est omnino certum; præsertim post propositionem quintam damnatam ab Alex. VIII. qua dicitur, *Voluntas Paganorum, & Hereticorum esse nuda, & inermis sine omni gratia sufficienti*. Quærimus igitur, An licet per peccatum homo demeretur sufficientiam moralem ad salutariter operandum, quamvis non proinde careat sufficientia physica, seu gratia sufficienti; ita pariter per bonas operationes viribus naturæ elicitis aliquatenus disponatur ad gratiam recipiendam sive positive, sive saltem negative, prout explicavimus?

IV. Dico primo. Nequit homo viribus propriis positive se disponere ad gratiam; per hoc scilicet quod operationes naturales connexionem habeant cum gratia fundatam in congruitate condistincta a merito, & exigentia. Ita communiter.

Probat, tum quia ad Roman. 11. dicitur, *Si ex operibus gratia, jam non est gratia*: ergo non potest gratia auxilians dari intuitu operum naturalium, tanquam positive disponendum ad illam; tum etiam quia si opera naturalia disponentur positive ad gratiam, haberent rationem meriti congrui; quod repugnat. Probat sequela, quia, nisi fiat lis de vocabulo, quoties bonum aliquod confertur intuitu alicujus operis honesti, seu obsequij præstiti, toties tale obsequium habet rationem meriti relate ad tale bonum, dicente Apostolo ad Rom. 4. *Ei, qui operatur, merces non imputatur secundum gratiam, sed secundum debitum*; atqui si opera naturalia haberent rationem dispositionis, Deus Gratiam conferret intuitu operum naturalium: ergo hæc eo ipso haberent rationem meriti, si minus condigni, saltem congrui. Nam idcirco dicunt Adversarii, Deum in collatione Gratia attendere bona opera naturalia, quia congruum est iis addere gratiam: ergo habent rationem meriti congrui; atque adeo essent, & non essent in diverso ordine Natura, & Gratia.

Constat, quia Massilienses, ut ostendit Amic. disp. 16. sect. 10. n. 408. nunquam dixerunt, opera naturalia mereri gratiam de congruo, sed solum dixerunt, quod præ-

cedant Gratiam, si tanquam initium aliquod imperfectum ex parte nostra, quod Deus deinde sua gratia proveheret, ac perficeret; *Ne penitus dormiemus*, ut loquitur Cassianus Antesignanus Semipelagianorum col. lat. 13. c. 13. *aut inerti visio dissoluto sua dona conferre videatur*. Et adversus hos Hæreticos Arausicanum damnat has propositiones, vid. Can. 6. *Sine auxilio Gratiae credentibus, volentibus, conantibus, &c. adjungitur Gratia*; & Can. 25. *In opere bono nos incipimus, & postea per Dei misericordiam adjuvamus*. Ex quibus propositionibus infertur, opera naturæ non solum non posse gratiam mereri de congruo, sed neque posse esse initium gratiæ, nec dispositionem moralem ad gratiam: Imo hinc arguunt Patres contra Massilienses, non posse esse dispositiones morales, quia haberent rationem meriti, quod repugnat.

V. Dico secundo. Neque possunt esse opera naturalia dispositio ad gratiam mere negativa, quatenus Deus ex mera sua liberalitate non ponentibus obicem peccati, & bene operantibus infallibiliter sit gratiam daturus, absque ulla operum naturalium intrinseca connexionē, exigentiā, & conducentiā; sed quia libere iis, tamquam conditionibus, gratiam alligavit; quamvis etiam ponenti obicem sepius gratiam conferat. Ita Ripal. loc. cit. contra Suar., Valent. Lorcan.

Probatur iisdem rationibus; tum quia si opera naturalia disponent negative ad gratiam, eo ipso haberent rationem meriti congrui, nisi iis sit de voce; nam eo ipso ac intuitu boni operis confertur bonum (quia sc. congruum est potius illud dare bene, quam male operanti) huiusmodi opus habet rationem meriti congrui; etenim ex Apost. *Ei, qui operatur, merces non imputatur secundum gratiam, sed secundum debitum*; tum etiam, quia si opera naturalia disponent negative ad gratiam, verè essent propositiones adductæ damnatæ a Concilio Arausicano contra Massilienses.

Confirm. Si homo posset disponente se ad gratiam negative, vel Deus exigeret bonas operationes naturales, tanquam conditionem conducentem ad gratiam, vel tanquam conditionem omnino impertinentem; perinde ac si exigeret actum moralem indifferentem, aut peccatum veniale, tanquam conditionem ad conferendam gratiam. Si dicatur primum, jam opera naturalia non sunt dispositio negativa nullam importans conducentiam relate ad gratiam,

sed sunt dispositio positiva; si dicatur secundum, gratis omnino, & inopinabiliter dicitur: ergo opera naturalia neque possunt esse dispositio negativa, ut Gratia auxilium a Deo conferatur ad salutariter operandum.

Confirm. secundo: Hinc enim sequeretur, quod si quis per magnam vitæ partem esset saluus, & deinde in mentem sanam rediret, deberet statim gratiam accipere: quia esset negative dispositus, cum non posuerit obicem: quod pariter sine fundamento asseritur. Idemque dicas de eo, qui per longum tempus ex motivo indifferenti, aut leviter malo moveretur ad non peccandum graviter.

VI. Dico tertio: Potest homo viribus propriis ad gratiam se disponent tantum indirecte, & remote: quatenus per habitum acquisitum virtutis morali potest se disponente ad facilius, promptius, inensiusque eum gratia operandum. Ita Amic. disp. 16. num. 432. & hoc dumtaxat voluisse Molinam in sua Concordia, dicemus questione sequenti.

Probatur. Quia ex Augustino de bono perseverantiæ cap. 4., nobilius, ac præstantius ingenium cum gratia est aptius, cæteris paribus, ad melius intelligenda, penetranda, & credenda mysteria fidei; ergo etiam nobilior potentia volitiva cum eadem gratia est aptior, cæteris paribus, ad perfectiores actus supernaturales ponendos: ergo etiam voluntas prædita habitibus moralibus cum gratia est aptior ad perfectius operandum; quandoquidem ad melius operandum magis conducit habitus acquisitus, quam potentia perfectior.

Confirm. Voluntas prædita habitibus virtutum moralium, cæteris paribus, facilius, & intensius operatur, quam si careat his habitibus; ergo etiam voluntas adjuncta eomprincipio supernaturali facilius, & intensius ponit actus supernaturales, si sit prædita habitibus moralibus, quam si his careat. Probatur consequenti, quia voluntas adjuncta eomprincipio supernaturali intensius operatur actus supernaturales, si magis concetur; ergo cum habitus morales acquisiti equivalent majori conatui voluntatis (quandoquidem voluntas cum habitu, cæteris paribus, majorem conatum exerceat, quam sine habitu in operando) sequitur, quod voluntas adjuncta eomprincipio supernaturali facilius, & intensius operetur actus supernaturales, si sit prædita habitibus moralibus, & consequenter eum posse viribus

naturæ acquirere habitus morales, poterit sic indireccte, & remote se disponere ad gratiam, hoc est ad facilius, & intensius conoperandum cum gratia.

VII. Obijc. primo contra primas Conclusiones: Proverb. 16. dicitur: *Hominis est preparare, & Domini gubernare linguam*: ergo opera naturæ disponunt ad Gratiam.

Confirm. primo, quia frustra essent adhortationes, & orationes, si non solum perfectio, sed etiam initium salutis a solo Deo penderet. Secundo *Non est acceptor personarum Deus*, ut dicitur Act. 10. esset autem personarum acceptor, si uni præ altero Gratiam conferret, non expectata prius bona operatione. Tercio, quia potest aliquis initium salutis impetrare alteri; ut D. Stephanus impetravit D. Paulo ex consensu PP. ergo poterit illud a fortiori impetrare sibi.

Respond. preparari voluntatem hominis vi gratiæ prævenientis, & non per meras operationes naturales, ut notat Augustinus dicens: *Dominus admonet, ut præparemus voluntatem, & tamen non hoc faciat homo, adjuvat Deus*.

Ad primam confirm. Adhortatio vel est prima Dei vocatio externa, cum qua Deus solet conjungere internam, vel supponit gratiam vocationis, & excitat hominem, ut cum ea ulterius proficiat; unde nunquam est frustra; sicut nec oratio, quæ semper supponit gratiam vocationis, sine qua nemo potest orare, sicut oportet, ex Araucano can. 3. Ad secundam, acceptio personarum opponitur iustitiæ distributiæ, quæ respicit distributionem bonorum communium, quæ scilicet distribui debent in bonum communis; At Deus non bona communia, sed bona propria distribuit absque ullo debito, cui maluerit. Unde dicitur Matth. 10. *An non licet mihi facere, quod volo?* & D. Petrus Act. 12. dicens, *In veritate comperi, quia non est personarum acceptor Deus, sed in omni gente, qui timet eum, & operatur iustitiam, acceptus est illi*, loquitur de Gente, quæ timet Deum, ex præveniente gratiæ auxilio, non ex viribus naturæ. Ad Tertiam distinguo antecedens; potest aliquis existens in gratia promereri, aut impetrare alteri initium salutis, concedo: non existens in gratia, nego antecedens, & consequentiam.

VIII. Obijc. secundo. Deus de facto juxta communioem sententiam cum D. Th. p. quæst. 62, art. 6. Angelis perfectionibus

in natura dedit dona gratiæ uberiora, ut diximus quæst. penultima de Angelis; tum quia juxta celebre esatum, Gratia solet accommodare se naturæ; tum etiam, quia hoc videtur exposcere ordo sapientissimus distributionis; & tamen ex hoc non sequitur, quod dona gratiæ amittant rationem Gratæ: ergo pariter dicendum, de facto Deum alligasse gratiam bonis operibus naturalibus, quin sequatur, gratiam amittere rationem gratiæ.

Respond. concessio antecedente, nego consequentiam. Disparitas est, quia natura Angelorum est opus Dei, bona opera naturalia sunt operationes creaturæ: Deus distribuendo gratiam proportionaliter ad opera sua, sapienter operatur, donatque gratiam operi ipsi suo omnino liberaliter; ad distribuendo gratiam juxta opera bona moralia creaturarum non donat gratiam operi suo, sed alieno; æque adeo non dat gratiam omnino liberaliter, sed veluti ex debito, seu ex merito; quandoquidem ut diximus ex Apostolo, *Ei, qui operatur, merces non imputatur secundum gratiam, sed secundum debitum*. Quam disparitatem videtur expressisse D. Th. loc. cit. ad secundum; ubi dixit, quod actus naturales creaturæ sunt ab ipsa, sed natura est immediate a Deo; unde magis videtur, quod gratia deat secundum gradum naturæ, quam ex operibus.

Neque dicas, D. Thom. admisisse tum quæst. 14. de Veritate, tum secundo Sent. dist. 27. quod possit homo viribus naturalibus ad gratiam negative se disponere, tanquam removens prohibens, hoc est impediendo culpas, quæ prohibent collationem gratiæ.

Nam licet aliqui putent, D. Th. id affirmasse iis locis, & quod deinde in Summa cecinerit palinodiam; verius dicendum cum aliis, Angelicum solum docuisse, quod opera naturalia ex carentia obicis disponant ad gratiam solum indireccte, & remote, ut explicavimus in 3. Conclusionem; Quicquid sit, Utrum in alia providentia possit homo viribus propriis se disponere negative ad gratiam; quod nonnulli affirmant apud Ripal. disp. 18. Probabilius tamen negandum ex illo Apostol. *Ei, qui operatur, merces non imputatur secundum gratiam, sed secundum debitum*.

IX. Ex dictis sequitur 1. Deum volentem omnes homines salvos fieri decrevisse pro omnibus omnino, sive bene operantibus viribus naturæ, sive pessime auxilia sufficientia ad salutem; Aliiter voluntas salvan-

di omnes esset nugatoria: proinde Barbaris etiam, & enutritis in sylvis conferuntur hujusmodi auxilia; quatenus statim ac Deum cognoscunt lumine naturali, illustrantur panter lumine supernaturali, ut Deum ipsum cognoscant, & fidei honestatem, unde possint ad fidem pie affici, illamque exoptare. Quod si huic gratiæ cooperentur, tunc Deus non denegabit ulteriorem gratiam, qua actu credant fide stricte dicta, & sic ad justificationem se disponant, & ad salutem. Quare ante actum fidei stricte dictæ admitti debet in Gentilibus gratia supernaturalis, qua velint fidem exoptare, & amplecti: quia Fides in tantum est meritoria, in quantum est libera; atque adeo ante fidem, quæ est actus intellectus, admitti debet actus liber voluntatis, qui sit pia affectio ad fidem, quo actu supernaturali fidem Gentiles exoptent, & amplectantur; ut dicemus in de Fide disp. 3. qu. 2. Non est ramen admittendum ante fidem stricte dictam ullum aliud meritum supernaturale, quia ex Trident. sess. 7. c. 7. *Fides est humana salutis initium, & radix justificationis.*

Neque dicas cum Lugo, nos communiter suadere Turcis, ac Gentilibus, ut Deum orent ad hoc, ut illuminentur ad fidem suscipiendam; ergo oratio ista videtur esse etiam supernaturalis; non secus ac pia affectio ad fidem. Nam cum communiori dicendum contra Lugo, orationem istam non esse supernaturalem, atque adeo non mereri fidem de congruo; aliter initium salutis non esset ipsa Fides, in quantum libere posita, sed esset hujusmodi oratio; quod est contra Trident. Quapropter oratio illa, jejunia, eleemosynæ, & aliz virtutes morales in Turca non deserviunt ad fidem promerendam, sed solum ut indirecte disponatur ad facilius credendum, & cooperandum gratiæ: qui enim habet virtutes morales, & caret habitibus vitiosis, facilius gratiæ cooperatur.

X. Sequitur 3. Nullum adultum damnari sine proprio peccato personali; communissime enim Patres & Theol. docent, hoc nobis Christum Deum meruisse. Quare si Barbarus primæ gratiæ, qua ad fidem allicitur, cooperatur, fidem obtinebit, & sic ad justificationem se disponet; scus vero peccat, & propter hujusmodi peccatum æquale detruditur ad inferos, si interim decedat.

Neque dicas, quod si Barbarus illustratus lumine supernaturali ad cognoscendum

Deum velit credere, non semper in promptu habet Predicatorem, a quo instruat; ergo falsum est, quod Deus non denegat gratiam suam ad fidem amplectendam illi, qui primæ gratiæ supernaturali cooperatur. Nam contra est, quia ut diximus quæst. 5. ex Valsq. si Deus prævidisset, hunc Barbarum primæ gratiæ prævenienti cooperaturum, ita res creatas disposuisset, ut ibi citra miraculum assitutus esset concionator. Adde, quod aliquando Deus vel per seipsum, vel per Angelos homines instruat, quamvis hoc, utpote præternaturale, sit perrarum, ut notat Aug. lib. de bono perseverantiz, cap. 10. apud Mxrat. disput. 5. cap. 5. ubi hæc habet. *Pacificus est donatus, ut nullo sibi predicante per ipsum Deum, aut per Angelos doctrina salutis exhibeatur.*

QUÆSTIO IX.

Quomodo intelligendum sit Axioma illud: Facienti quod in se est Deus non denegat Gratiam.

I. EX hætenus dictis facile intelligitur, in quo sensu usurpandum hoc axioma.

Dico igitur 1. non esse verum in eo sensu, quod Deus facienti quantum est in se per vires naturales, non denegat gratiam; sive opera naturalia dicantur mereri de congruo gratiam, sive ad illam disponere, aut positive, aut negative. Ita communiter cum Tami. disput. 6. sess. 3. Aldrete disp. 17. de Providentia sect. 7. qui fuisse ostendunt, in hoc sensu usurpatum fuisse a Scimpelagianis hoc axioma.

Prob. Si axioma in hoc sensu verum esset, non vitaretur, quominus gratia amitteret rationem gratiæ; dicente Apostolo ad Rom. 11. *si autem gratia, jam non ex operibus; alioquin gratia jam non est gratia.* & ad Rom. 4. *Ei qui operatur, merces non imputatur secundum gratiam, sed secundum debitum;* ergo non est verum in hoc sensu.

II. Dico 2. In eo sensu axioma verum habet, quod scilicet Deus facienti quantum est in se per vires gratiæ prævenientis, & vocantis, non denegat ulteriorem gratiam, quousque ad justificationem, & salutem perveniat. Ita Auctores laudati; & hoc videtur expressisse Aug. qui lib. 3. de prædestinatione Sanctorum quæst. 5. hæc habet:
Solus

Solet dici; ideo credere meritis, quia vir bonus erat, antequam crederet; quod de Cornelio dici potest, cuius acceptæ erant elemosynæ, & exauditiæ orationes, antequam credidisset in Christum; nec tamen sine aliqua Fide donabas, & vrabas; Nam quomodo invocabas, in quem non crederas? sed si posset sine fide Christi esse salvus, non ad eum edificandum mitteretur Archiepiscopus Apostolus Petrus. Quare ex Augustino. fidem Christi solent præcedere bona opera, non quidem naturalia, sed procedentia ex fide supernaturali Dei Remuneratoris, quæ ad fidem Christi necessariam ad salutem disponant.

Prob. Conclusio. Non potest esse sensus illius axiomatis, quod Deus conferat auxilium gratiæ facienti quantum est in se viribus naturæ, seu intuitu operum naturalium, ut iam ostendimus; ergo sensus esse debet, quod non denegat gratiam ulteriorem facienti quod est in se, viribus primæ gratiæ prævenientis.

Confirmat. ex Patribus, & Conciliis: Fulgent. in Epist. ad Theod. habet: *Ipsa namque Gratia incipit infundi, ut incipias possi; ipsa quoque amplius infunditur, cum poscentibus datur.* D. Bernard. de Gratia, & lib. Arbitr. *Omnes nostri conatus ad bonum & casti sunt, si a gratia non adveniant, & nulli, si non excitentur.* Hoc etiam expresse Trid. sess. 6. cap. 5. dicens: *Cum dicitur, Convertimini ad me, & ego convertar ad vos, libertatis nostre admonemur; cum respondemus, converte nos Domine ad te, & convertemur, Dei nos gratia præveniri consuevit.*

III. In hoc sensu locutum esse Molinam in sua concordia, fuscè ostendit idem Aldrete, ut propterea immerito contra illum tragediæ fuerint excitatæ coram summis Pontificibus; perinde ac si voluisset, gratiam esse naturæ pedissequam, juxta hæresim Massiliensium: nunquam enim Molina docuit, quod prius homo. faciat quod est in se viribus naturæ, & deinde Deus conferat gratiam; quia sic aliquo pacto natura se ad gratiam disponeret, & Deum excitaret ad gratiam conferendam. Docuit solum, quod quoties conflurgunt cogitationes naturales ad bene operandum, Deus simul gratis concedat in præsentî providentia ex meritis Christi Domini illustrationes supernaturales, quia semper stat ad ostium, & pulsât; si quis autem his illustrationibus adjunctus faciat quantum in se est, ulteriorem gratiam obtinebit, quousque ad gratiam habitalem, & Gloriam perveniat.

IV. Ex dictis sequitur, minus apertè ali-

quos cum Scoto, Gabr. Pallav. de Gratia hac in re distinguere inter gratiam sufficientem, & efficacem, dicendo, quod facienti quantum est in se viribus naturæ datur gratia sufficiens, non efficax: cum enim utraque gratia sit supernaturalis, neutra confertur intuitu operum naturalium. Quod autem gratia æqualis auxilians, etiam si non sit efficax, sed mere sufficiens, sit in se inefficax supernaturalis, constat, quia simul cum voluntate potest causare actum salutarem intrinsece supernaturalem; ergo cum supernaturalitas actus salutaris non præcontineatur in voluntate, præcontineri debet in auxilio sufficienti. Hinc secunda ad Cor. 3. dicitur: *Non quod sufficientes simus cogitare aliquid ex nobis, tanquam ex nobis, sed sufficientia nostra ex Deo est;* & Trid. sess. 3. can. 3. *Si quis dixerit, sine præveniente Spiritus Sancti adjutorio hominem credere, sperare, diligere, & pantere posse, sicut oportet, ut ei iustificacionis gratia conferatur, anathema sit.* Præterea quod actus salutaris sit intrinsece supernaturalis, ex eo etiam constat, quia causat principaliter salutem meritorie gratiam, & gloriam, quæ toti naturæ est debita. Nam vel actus salutaris antecedit iustificacionem, ut est contritio peccatoris, & meretur gratiam de congruo; vel subsequitur, & meretur augmentum gratiæ, & gloriæ de condigno: atque adeo positus actibus salutaribus, est illis debita gratiæ, & gloria; non secus ac est debita forma subjecto disposito. Dispositio autem quamvis differre possit genere a forma, ad quam disponit, ut calor differt genere a forma ignis, & organizatio corporis ab anima; at non potest differre ordine, quia differre ordine importat nullam habere proportionem, adeo ut nec vage, nec determinate ab eo, quod est in ordine inferiori, exigatur quod est in superiori; ergo actus salutes cum disponant ad gratiam, & gloriam, illamque mereantur, non possunt non esse in eodem ordine, atque adeo intrinsece supernaturales.

V. Adde ætèrum, Axioma illud in hoc alio sensu habere etiam legitimam explicationem, si dicatur, quod Deus ponenti bonam operationem supernaturalem vi gratiæ actualis, ultimo disponentem, ad gratiam habitalem iustificancem, infallibiliter hanc gratiam sit collaturus. Ratio est, quia Deus in ordine gratiæ accommodat se naturæ; atque in naturalibus. post ultimam dispositionem statim forma introducitur; ergo etiam post ultimam dispositionem ad gra-

gratiam justificantem statim hæc introdu-
citur, & consequenter etiam in hoc sensu
axioma illud verificatur.

Ac demum, Num auxilium inefficax deor-
qua inefficax?

QUÆSTIO I.

DISPUTATIO II.

*De Gratia Auxiliante, prout subsistat Di-
vinis Prædeterminationibus.*

*An, & quomodo Deus prædeterminat tum
effectus necessarios, tum actus
liberos honestos?*

AD intelligendam gratiæ auxiliaris ef-
ficacitatem oportet illam considera-
re, prout subsistat prædeterminationibus Divinis,
sive scientiam mediam consequentibus, si-
ve antecedentibus; sic enim constabit, quo-
modo conciliari possit infirmitas Divi-
næ voluntatis efficaciter intendenti con-
sensum liberum, & prædestinantis creatu-
ras, cum libertate voluntatis creatæ; ap-
parebitque, quomodo Scientia media ita sit
necessaria divino intellectui, cui omnium
omnino objectorum debetur notitia, ut sit
etiam necessaria ad salvandam efficaciam
divinæ gratiæ, & infirmitatem divinæ
prædeterminationis actum liberum intendenti.
Cum enim nequeat Deus efficaciter velle
actum liberum creaturæ per physicam præ-
determinationem, quam supponimus liberat-
em eversivam, (sicut etiam libertatem
actus evertit decretum concomitans scotti-
cum, & prædeterminatio-actus antecedens scien-
tiam mediam, ut mox ostendemus) sequi-
tur, non posse Deum aliter consensum libe-
rum infallibiliter obtinere, nisi conferendo
auxilium, quod per scientiam mediam præ-
visum fuit efficax, cum non possit non so-
re, quod prævisum est futurum, si tale
auxilium indifferens conferatur. Ex quo et-
iam fit, quod Deus discernat Electos a Re-
probis per hoc, quod Electis præter auxi-
lium sufficiens, quod etiam Reprobis con-
feratur, conferat ex speciali benevolentia
auxilium prævisum efficax; unde non so-
lum operari possit, sed etiam de facto o-
peretur. Quæremus itaque primo, an,
& quomodo prædestinantur a Deo tum ef-
fectus necessarii, tum actus liberi? Secun-
do, Utrum in omni providentia necessaria
sit prædeterminatio actus boni? Tercio, Num præ-
determinatio actus honestos Deus conferat auxi-
lium efficax ut efficax? Præterea Num præ-
determinatio actus liberi sive consequens, sive
antecedens scientiam mediam, adimat li-
bertatem actus prædestinati? An Deus præ-
destinat materiale peccati? Num peccati ma-
teria consistit in positivo, an in negativo?

I. PRæmittendum 1. plures esse actus
voluntatis Divinæ. Primus dici-
tur Amor, seu simplex complacentia obje-
cti, quæ consistit in quadam affectiva æsti-
matione voluntatis, præscindens ab existen-
tia, vel non existentia objecti. Sicut enim
simplex apprehensio neq; affirmat objectum,
neque negat; ita simplex complacentia ne-
que vult objectum esse, neque non vult;
idemque dicas de simplici displicentia, quæ
simplici complacentiæ opponitur. Secundus
actus divinæ voluntatis est desiderium, seu
voluntas, ut res existat; quod si verificetur
circa finem, dicitur intentio, si circa me-
dia ad finem conducentia, dicitur Electio:
Huic actui opponitur Fuga, seu nolitio exi-
stentiæ rei. Tercius dicitur complacentia
de re existente, puta de actibus honestis;
Cui opponitur displicentia de existentia
objecti, puta de peccato.

Præmittendum 2. voluntatem faciendæ
rei in Deo vel esse efficacem, quæ scilicet
effectum habet; vel inefficacem, quæ
non habet. Rursus voluntas Dei efficax
alia est efficax ab intrinseco, habens scilicet
intrinsecam & essentialiam connexio-
nem cum effectu sive immediatam, &
ratione sui, sive mediatam, & ratione al-
terius: alia est efficax ab extrinseco, quæ
scilicet cum effectu connectitur, inde-
pendenter a prædicato ullo sibi intrinse-
co.

Præmittendum ult. nomine prædetermina-
tionis venire voluntatem efficacem rei faciendæ,
atque adeo connexam essentialiter cum
effectu; quæ aliquando est absoluta, nul-
lam expectans conditionem, aliquando est
conditionata, quæ effectum non trahit,
quousque ponatur consilio. His positis,
Quærimus, An & Quæ sit prædetermina-
tio effectus necessarii, tum actuum honesto-
rum? in sexta enim questione quære-
mus, An peccatum prædestinatur saltem
quoad ejus materiale?

II. Prima Conclusio. Effectus pendens a
solo Deo, & nullatenus a libertate creatæ,
cadit sub prædeterminationem Dei absolutam:
ita

ita ut nequeat poni circa huiusmodi præ-
viam prædefinitionem.

Prob. quia huiusmodi effectus, v. gr. ex-
istentia Angeli, poni nequit, nisi per vo-
luntatem Dei; atqui non per voluntatem
Dei indifferentem, ut patet; ergo per vo-
luntatem Dei prædefinitionem absolutam.

Dices: potest Deus concurrere ad actum
liberum creature, v. gr. ad peccatum, abs-
que ulla prædefinitione; ergo etiam po-
test ponere Angelum absque prævia præ-
definitione.

Confirm. Voluntas creata determinat se
ad amorem absque prædefinitione prævia:
ergo etiam Deus potest Angelum ponere
absque prævia prædefinitione.

Resp. concessio antecedente, nego con-
sequentiam. Nam in primo casu voluntas
creata determinaret se ad agendum, vide-
licet ad peccatum; in secundo casu non-
nisi Deus potest sua voluntate determinare
existentiam Angeli.

Ad Confirm. nego pariter consequen-
tiam; quia cum amor sit actus voluntatis,
non indiget actu alio voluntatis prævio,
quo determinetur ad existendum: Angelus
vero non est actus Divinæ voluntatis, &
ideo indiget prædefinitione prævia, ut po-
natur.

Quod dictum est de existentia effectus
independentis a libertate creata (quod
scilicet per prædefinitionem divinam abso-
lutam ponatur) dicendum etiam primo de
non existentia effectus huiusmodi; puta de
non existentia alterius Mundi, cum non
possit aliter determinari alius Mundus ad
non existendum, nisi per voluntatem Dei
prædefinitivam absolutam, qua efficaciter
Deus vult, alium Mundum non existeret;
& ideo in Scripturis tam existentia rerum,
quam non existentia tribuitur Dei
voluntati. Supponimus autem ex dictis in
de Actibus Humanis disp. 6. quæst. 5. pu-
ram omissionem liberam repugnare, ac præ-
sertim in Deo; unde non potest alterius
Mundi non existentia haberi per puram Dei
liberam omissionem circa illud, sed haberi
debet per positivam notionem illius, seu
per prædefinitionem talis non existentis.

Secundo hoc idem dicendum etiam de
effectu necessario causæ secundæ omnino
independente a libertate creata, puta de
existentia lucis, posito Sole; quandoquid-
em hic pariter effectus a voluntate divina
determinatur ad existendum. Si tamen ef-
fectus aliquis necessarius sive solius Dei,
sive causarum secundarum aliquando pen-

deat a libertate creata, tunc vel potest
prædefiniri a Deo absolute, vel conditio-
nate: quando enim conditio potest ipsa et-
iam prædefiniri, tunc effectus hic prædefi-
nitur absolute, ut infusio gratiæ in pecca-
tore, postea contritione, vel infusio gratiæ
in infante, posito quod baptizetur. Quan-
do vero conditio prædefiniri non potest,
tunc prædefinitur solum conditionate, pu-
ta, si prædefinitur auxilium sufficiens ad
resurgendum, posito peccato, quia scilicet
peccatum, quod est conditio, præfiniri non
potest.

Tertio idem dicendum de non existentia
necessaria effectus liberi, v. gr. de non ex-
istentia necessaria liberæ conversionis Ty-
riorum. Ratio est, quia in tantum ista
non existentia conversionis liberæ Tyriorum
potest esse necessaria, inquantum vel non
existit causa talis conversionis, puta volun-
tas Tyriorum: vel inquantum causa non
est completa ad agendum; atqui Deus vo-
luntate sua efficaci determinat absolute
vel quod non existat huiusmodi causa, vel
quod non compleatur ad agendum; ergo per
prædefinitionem Dei absolutam haberetur non
existentia necessaria effectus liberi.

III. Secunda Conclusio: Actus liberi ho-
nesti præfiniri possunt a Deo absolute;
Ita communiter contra nonnullos apud Vasq.
1. p. disp. 99. cap. 5. num. 32. putantes,
ex tali præfinitione tolli libertatem actus
præfiniti.

Prob. primo ex Scripturis: Proverb. 17.
dicitur: *Cor Regis in manu Dei, quocunque
volueris inclinabit illud*; Esther 13. *In di-
tione tua cuncta sunt posita*; Non est qui
possit resistere voluntati tue. Hinc August. in
Enchirid. cap. 98. *Desipere*, ait, & *impia
desipere qui negat, Deum malas hominum vo-
luntates, quas volueris, quando volueris, &
ubi volueris, in bonum posse convertere*.

Prob. secundo ratione, quia ad Dei do-
minium erga creaturas spectat, posse ab il-
lis obtinere actus etiam liberos, quos volue-
rit, ut ostendimus disp. antecedente, qu.
2.; ergo potest Deus absolute præfinire a-
ctus bonos honestos; neque enim obstat
versio libertatis, ut infra ostendimus qu.
4. Circa actus vero liberos malos, quod so-
lum præfiri a Deo possunt, non præfini-
ri, dicemus postea, quia scilicet obstat bo-
nitati divinæ illos intendere, seu velle, ac
præfinire.

IV. Tertia Conclusio. Actus liberi ho-
nesti de facto ab æterno non solum præfi-
ti sunt, a Deo, sed etiam præfiniti, & ef-
fica.

efficaciter decreti determinate in particulari cum omnibus suis circumstantiis. Ita etiam communiter.

Prob. primo auctoritate Patrum, & Scripturarum apud Ruiz de Providencia disp. 9. sect. 3. præsertim D. Prosperi, dicentis: *Dubium non est, Deum & præscisse simul, & prædestinasse quæ ipso erant auctore facienda, vel quæ malis meritis iusto erant iudicio reservanda: præscisse autem, & non prædestinasse, quæ non ex ipso erant causam operationis habitura.* Hinc illa. 45. dicitur: *Sanctus Israel Pater ejus, hoc est operum bonorum Deus est singularis, prædestinans illa per decretum absolutum efficaciter, non vero per voluntatem, aut voluntatem conditionatam, quæ communis est præcitiis, & electis; & Psal. 31. apertius dicitur: Qui finis sigillatim corda hominum: hoc est, ut explicat August. Cogitationes, & voluntates.*

Probatum secundo, quia Deus est Prima causa per se, & ex efficaci intentione omnis boni: ergo omne, quod est simpliciter bonum, Deus causat per se, & ex intentione, ac voluntate efficaci illud causandi; sed actus liberi honesti creaturarum sunt simpliciter boni: ergo causantur ex efficaci divina absoluta prædeterminatione.

Confirm. Nequit capillus nasci, quin Deus illum efficaciter prædestinat, ac velit nasci, juxta dicta in prima Conclusionem; ergo a fortiori id dicendum de actibus liberis honestis, quippe qui sunt bonum præstantius.

Confirm. secundo ex gratitudine, ad quam instinctu naturæ inclinamur erga Deum, gratias agendo non solum, quod dederit nobis posse benefacere, sed etiam quod dederit ipsum benefacere; atque adeo non solum est Dei beneficium actus primus proximus ad bene operandum, sed etiam ipsa bona operatio; atqui non esset Dei beneficium bona operatio, nisi illam præfunderet efficaciter, seu si vellet nobis solum dare actum primum proximum ad bene operandum; ita ut bona operatio consequens nobis tribueretur, non voluntati divinæ præficienti illam: ergo de facto omnes actus libere honestos Deus prædestinat.

V. Objic. Prædeterminatio istorum actuum neque dici potest prior natura ipsius actibus liberis, neque posterior, neque concomitans; ergo non est possibilis, nec datur. Antecedens probatur. Non enim potest antecedere natura, quia cum sit causa determinata illorum impossibilis cum omni-

natura consequi ipsos actus, quia est illorum causa; neque potest illos comitari, quia cum sit causa, non potest non antecedere.

Respond. omnes convenire in hoc, quod Deus prædestinat actus liberos honestos, quamvis discrepent in modo explicandæ prædeterminationem. Thomistæ docent, esse priorem naturam, quia per Thomistam prædeterminatio non est nisi decretum prædeterminans, quod per nos evertit libertatem. Alii cum Caterino apud Vasq. p. 1. quæst. 99. cap. 7. putant, prædeterminationem esse naturam posteriorem ad actus liberos, eorumque præscientiam absolutam. Sed neque hæc sententia subsistit, quia sic daretur nobis auxilium post bellum, seu post bonam operationem; nec Deus faceret, ut nos faciamus, sed liberum arbitrium efficeret, ut Deus concurrat ad nostras operationes, eodem modo, quo concurrat ad peccata determinatus, non determinans. Alii demum apud eundem Vasq. putant, prædeterminationem esse in eodem signo, & concomitantem cum actibus liberis honestis, quia nec potest natura antecedere, eo quod everteret libertatem, nec potest natura consequi; quia non deserviret ad actus eliciendos; unde sequitur, esse in signo concomitanti.

VI. Dicendum tamen cum Auctoribus Societatis, prædeterminationem, qua Deus efficaciter vult actus liberos honestos, dirigi a scientia media de iisdem conditionate futuris; atque adeo ita esse physice priorem naturam actibus liberis, ut sit etiam aliquo modo, hoc est intencionaliter, & logice posterior.

Primo quidem, quod prædeterminatio dirigatur a scientia media, probatur, quia prædeterminatio divina est sapientissima; non esset autem hujusmodi, si cæco modo procederet, non prælucens scientia media, quia vellet finem, nempe consensum, per auxilium, quod nesciret, an conjungeretur cum illo, si non prævideretur efficaciter per scientiam mediam; ergo non sapientissime Deus prædeterminet, nisi ad prædestinandum a scientia media dirigeretur: Ad hoc enim ut sapienter finis aliquis intendatur, & non frustretur intentio, debet prius examinari per quodnam medium obtineri possit; ergo ut divina prædeterminatio sit infallibilis, debet prius scientiam mediam consulere, ne loco auxilii efficacis det inefficax, & sic frustretur sine intento. Hinc qui docent, prædeterminationem antecedentem scientiam mediam non evertere libertatem actus præ-

destin-

finiti, non docent, illam esse possibilem, sed absolute dicunt repugnare, eo quod Deus cæco modo procederet decernendo finem, antequam consulat de mediis, citò non repugnaret ex eo, quod læderet libertatem.

Deinde quod præfinitio ista directæ a scientia media sit prior naturæ physice ipsius actibus liberis prædefinitis, probatur, quia potentia proxima faciendi actum liberum est prior naturæ illo, ut patet: ergo etiam decretum de danda voluntati potentia proxima faciendi actum liberum, cum huiusmodi decretum sit causa talis potentia: atque quando Deus actum prædefinit, tunc simul vult & actum, & potentiam proximam faciendi illum; cum omnia Deus eodem simplicissimo decreto decernat, ut supponimus. ex dicendis in de Incarnatione; ergo præfinitio efficax actus liberi est physice prior naturæ ipso actu libero, idque sine detrimento libertatis, ut quest. 4. ostendimus.

Denique quod præfinitio isthæ sit posterior ipso actu libero intentionaliter & Logice, etiam probatur, quia Præfinitio supponit actum liberum per scientiam mediam prævisum; unde tenet hæc logica illatio: Ideo actus per scientiam mediam prævidetur, quia erit conditionate; & ideo potest prædefiniri, quia prævidetur, atque adeo ideo potest prædefiniri, quia erit conditionate. Quare sicut revelatio v. gr. facta a Christo Domino de peccato D. Petri dicitur prior tempore, sed logice posterior ipso peccato; quia futuritudo peccati determinat Deum ad scientiam Visionis de illo, & hanc præscientiam consequitur revelatio: ita in casu nostro præfinitio est quidem tempore, tum naturæ prior physice ipso actu libero prædefinito, sed est logice, & intentionaliter posterior, quia consequitur ad scientiam mediam de tali actu conditionate futuro, & talis scientia media præsupponit eundem actum conditionate futurum, hoc est si tale auxilium conferretur: unde præfinitio, quæ est prior naturæ, & physice actum liberum antecedit, intentionaliter, & logice ad illam consequitur.

QUESTIO II.

Utrum in omni Providentia necessaria sit Præfinitio actus boni consequens ad Scientiam mediam?

I. Præfinitio, seu decretum efficax intentivum consensus definitur

Præfinitio aeterna actus liberi boni, suæ efficacia inducens illum tempore præfinito per causas proportionatas naturæ talis actus. Hinc fit primo, prædefinitionem actus liberi præcedere actum prædefinitum non solum tempore, cum ea sit ab æterno, sed etiam naturæ, quatenus vi, & efficacia prædefinitionis. ponuntur causæ proportionatæ actus prædefiniti. Fit secundo, prædefinitionem actus non præsupponere scientiam Visionis de illo, ut patet (consequitur enim ad prædefinitionem existentia absoluta actus, & consequenter scientia Visionis de illo) sed præsupponere solum scientiam mediam de tali actu conditionate futuro; nisi enim Deus videret, quod si Petro daretur auxilium A, consentiret, & cæco modo prædefiniret tale consensum, posset divina Præfinitio, & voluntas frustrari.

Ostendimus autem quest. superiore, dari de facto in præfinito ordine prædefinitionem cuiuscumque actus liberi honesti. Difficultas nunc est, An ea necessaria sit in omni providentia? seu, an possit Deus in alio ordine conferre auxilium per scientiam mediam prævisum efficax absque efficaci intentione actus boni secuturi? Negant communius esse necessariam Recentiores perantes, posse a Deo in alia providentia conferri auxilia efficacia intendendo solum actum primum proximum ad bene operandum absque prædefinitione boni operis; eo modo, quo de facto confert Deus auxilium inefficax absque prædefinitione, sed cum sola permissione actus mali; Sicut enim Deus confert auxilium inefficax eo animo; ut si prævideretur efficax, adhuc illud conferret; & ideo non intendit, nec prædefinit, sed solum permittit inefficaciam, seu actum malum: ita docent, posse a Deo in alia providentia conferri auxilium A efficax eo animo, ut si prævideretur inefficax, adhuc illud daretur; Unde non intendatur, nec prædefinatur a Deo efficacia, seu actus bonus. In quo casu Deus non conferret specialius beneficium bene operato, quam non bene operato, quia bona operatio, seu gratia cooperans non conferretur bene operanti ex efficaci intentione illius: Unde bene operans ipse sibi bonam operationem compararet ex bono usu liberi arbitrii, citra speciale Dei providendum intendens illam.

II. Censeo equidem, in omni providentia necessariam esse prædefinitionem actus liberi honesti, atque adeo impossibile esse, quod operatio libera procedat absque divina præ-

prævia prædefinitione consequente ad scienciam medium. Ita Arrubal prima parte disput. 65. Mau. de Deo disp. 78. num. 7. Perez in primam partem disput. 6. Fasol. quest. 23. art. 4. dub. 1. contra. Gisbert, & alios communis. Ubi adverte, nos non asserere, quod prædefinitio illa actus boni ab ipso actu exigatur: eodem enim pacto procederet actus ab auxilio intellucenti, circumscripta ejus prædefinitione; sed quod ea exigatur a divina voluntate, quæ nequit ad bonum ullum creatum, non solum necessarium, sed etiam liberum concurrere absque efficaci intentione, & amore illius. Neque asserimus, quod Deus teneatur conferre auxilium efficac, ut efficac simpliciter, ut explicabimus quest. sequenti; sed solum, quod quando dat auxilium A efficac, det illud ex amore efficacis, seu ex amore actus boni secuturi, etiam si non debeat esse paratus dare auxilium B efficac in hypothesi, quod auxilium A prævisum fuisset inefficax. Eo modo, quo emens v. gr. equum, solvit pecuniam argentam ex amore equi, quamvis non sit paratus dare aurum, si venditor non esset contentus argento. Sic explicata conclusio consonat iis, quæ diximus in de actibus humanis, ostendendo, Deum non posse pure libere omittere, nec posse non prohibere actu peccatum.

Prob. primo, quia auctoritates adductæ quest. precedenti ostendunt, necessariam esse hujusmodi prædefinitionem in omni providentia: *Sanctus Israel plastes ejus: Qui singulis sigillatim corda hominum: Deus attingit a fine usque ad finem forisiter*, atque adeo efficaciter præfiniendo. Scripturis concinunt Patres. Aug. in illud Apoit. *Quis est, qui te discernit?* subdit: *Ille discernit, qui unde discernamus, imperiis; videlicet per gratiam, & per efficacem prædefinitionem bonorum operum; Et in Enchiridio, cap. 105. Nullus fit salvus, nisi quem Deus voluerit salvare; quod esset falsum, nisi Deus actus bonos prædefiniret efficaciter, sed solum haberet eorum vellicitatem, seu voluntatem conditionatam, quæ communis est præcitis, & electis.*

Prob. secundo a posteriori, quia naturalis instinctus ad gratias agendum Deo, non solum pro auxiliis ad bene operandum, quæ dantur etiam male operantibus, sed etiam pro ipsa bona operatione, indicat, quod ex natura rei, atque adeo in omni providentia Deo tribuenda sit bona operatio; ergo hæc in omni providentia efficaciter præde-

finiatur. Consequentia sequitur. Antecedens probatur, quia instinctus naturalis non datur relate ad ea, quæ per accidens contingunt, sed relate ad ea, quæ per se, & ex natura rerum; ergo ex instinctu illo naturali bene colligitur, non esse per accidens in hac tantum providentia, sed per se, quod actus boni Deo tribuantur, atque adeo præfiniantur.

Confirm. ex illo Christi Domini Jo. 6. *Nemo potest venire ad me, nisi Pater, qui misit me, traxerit eum*; ergo impossibile est dari actum bonum citra præviam divinam præfinitionem; atque adeo in omni providentia hujusmodi prædefinitio est necessaria. Probatur consequentia, quia verba illa Christi, *Nisi Pater, qui misit me, traxerit*, indicant, bonam operationem non haberi principaliter a nobis sequentibus, sed a Deo trahente, atque adeo prædeficiente illam. Quare si posset in alia providentia bona operatio non prædefiniri, possemus ad Deum ire, absque eo, quod Pater nos trahat, quod ex verbis Christi Domini est impossibile.

III. Prob. demum a priori, quia Deus carere nequit perfectione simpliciter simpliciter; atqui actu profectui, ac intendere efficaciter omne bonum, quod ponitur sine necessario, sive ex libera determinatione creaturæ, est perfectio simpliciter simplex; ergo nequit Deus carere efficaci prædefinitione relate ad quodcumque bonum, atque adeo in omni providentia necessario actus boni præfiniuntur. Major probatur; Quia sicut est perfectio simpliciter simplex posse quodcumque verum cognoscere, & actu cognoscere quodcumque cognoscibile; ita est perfectio simpliciter simplex posse amare quodvis bonum, & actu illud amare, quando amor non minuit libertatem divinam ad earendum quolibet a se distincto; & est perfectio etiam simpliciter simplex posse odisse; & actu odisse quodvis malum, quando odium non minuit eandem libertatem; atqui amare efficaciter, seu præfinire actus bonos, qui libere ponuntur a creatura, non minuit eam libertatem divinam, ut patet: ergo est perfectio simpliciter simplex illos præfinire.

Confirm. Deus necessario actu amat simpliciter; quia est perfectio simpliciter simplex actu amare summum bonum; atqui eadem ratione, qua probatur esse perfectionem simpliciter simplicem actu amare summum bonum, & actu cognoscere quodvis

verum etiam creatum, evincitur etiam, esse perfectionem simpliciter simplicem actui præfinire actus bonos libere positos a creatura; ergo. Probatur minor. Ideo est perfectio simpliciter simplex actui amare summum bonum, & cognoscere quodvis verum, quia huiusmodi actus sunt actus secundi voluntatis, & intellectus; atque adeo ex suo conceptu important perfectionem, quæ quoties non derogat divinæ libertati ad carendum quovis a se distincto, eo ipso est perfectio simpliciter simplex; sed hoc probat, etiam præfinitionem bonorum actuum esse perfectionem simpliciter simplicem: ergo istorum actuum præfinitio est perfectio simpliciter simplex. Et sane non alia de causa docent communis Doctores, ut diximus in de Actibus humanis, non posse Deum pure libere omittere, nisi quia carere nequit divina voluntas actui secundo, qui est perfectio simpliciter simplex; hoc autem accidit in casu nostro; ergo non potest actus liberos honestos non præfinire. In tantum Deus non debet actui efficaciter amare, ac præfinire quodvis bonum possibile, quia non esset liber ad carendum quovis a se distincto, & sic non haberet sufficientiam, & aſſecutem debitam; at si prædefiniret tum effectus necessarios, tum actus liberos honestos, qui possunt, adhuc est liber ad carendum quovis a se distincto; ergo debet huiusmodi actus præfinire in omni providentia.

IV. Obijc. 1. Præfinitio actus boni non est necessaria ex parte ipsius actus, seu ad hoc, ut ponatur actus bonus, ut admittitur; quia aliter esset eversiva libertatis actus, non secus ac prædeterminatio physica: Neque est necessaria ex parte Divinæ providentiæ, quia hæc perfectissime distribuit auxilia, si solum intendat sufficientiam, & aptitudinem ad bene operandum; quin amet, ac efficaciter intendat bonam operationem, quam prævidet scituram; ergo præfinitio bonorum actuum non est necessaria in omni providentia. Et ratio a priori est, quia perfecta providentia non exigit, quod Deus inæquali amore amet media æqualiter apta ad finem; ergo cum æqualiter sit aptum ad finem, (nempe ad bonam operationem) tam auxilium A prævisum efficax, quam B prævisum inefficax, non debet a Deo amari magis auxilium efficax, quam inefficax: unde non debet præfiniri recta operatio in omni providentia.

Resp. Concedendo, quod præfinitio non sit necessaria prærequisa determina-

te ex parte actus prædefiniti, quia evinceret ejus libertatem, non secus ac prædeterminatio, ut ostendimus quæst. 4. Dico tamen, præfinitionem necessario prærequiri ex parte providentiæ, ex hoc scilicet quod sit perfecta, & digna Deo; unde possit Deus exigere gratiarum actionem propter bonam operationem prædefinitam; nam si hæc non prædefiniretur, non tribueretur Deo, sed nobis, atque adeo non deberentur Deo gratiæ speciales propter illam. Præterea est necessario prærequisa ex parte Divinæ voluntatis: Primo, quia voluntas Divina, ut suppono, necessatur moraliter ad optimum, atque adeo cum melius sit prædefinire actus bonos, & posse propter illos exigere a creatura gratiarum actionem, quam non prædefinire, necessatur voluntas Divina ad illos præfiniendos. Secundo, quia prædicendo a quæstione de necessitate ad optimum, voluntas Divina carere non potest actui secundo perfectissimo, relate ad quodvis bonum etiam creatum, compossibili cum libertate ad carendum quolibet a se distincto; perfectior autem est actus prædefiniens nostras bonas operationes, usque trahens illas efficaciter, & debitum actionis gratiarum, quam vellicat, seu voluntas conditionata; ergo Divina voluntas ad præfinitionem necessatur. Quare sicut præscientia de peccato v. gr. Antichristi tam conditionate, quam absolute futuro non est necessaria ex parte ipsius peccati, sed ex parte intellectus Divini, ad quem spectat actus cognoscere quodcumque cognoscibile; ita præfinitio actus boni est unice necessaria ex parte Divinæ voluntatis, ad quam spectat efficaciter velle quodcumque potest ita velle, & amare citra diminutionem suæ libertatis in ordine ad ponendas creaturas. Hinc diximus in de actibus humanis disp. 7. quæst. 1. cum Lumbier de voluntate Dei num. 221. Deum necessitari ad amorem simplicis complacentiæ erga creaturas possibiles, ut docet D. Thom. 1. p. quæst. 37. art. 2. ubi hæc habet: *Sicne Pater diligit se, & omnem creaturam Verbo, quod genuit; ita diligit se, & omnem creaturam Spiritu Sancto*; atque adeo sicut necessario Deus omnem creaturam possibilem cognoscit, & dicit Verbo; unde Verbum procedit ex cognitione possibilium; ita etiam necessario omnem creaturam possibilem diligit Spiritu Sancto, atque adeo Spiritus Sanctus procedit ex amore possibilium, quæ diligit Deus; non quidem dilectione efficaci,

Q U Æ S T I O III.

*Utrum Deus præfiniendo actus honestos
conferat auxilium efficax
ut efficax?*

ci, quia hæc derogaret Affectui, sed dilectione simplicis complacentiæ.

Ad rationem a priori dicimus, ad Divinam voluntatem spectare, ut auxilium efficax amet non solum qua sufficiens est, sed etiam qua efficax, seu ex intentione efficaciz, & actus boni, ut explicabimus quæstione sequenti. Sic enim potest Deus gratiarum actionem exigere ex bona nostra operatione; unde & Providentia Divina est perfecta, & Deus ponit optimum, ad quod necessitatur, & Divina voluntas non caret actu suo perfectissimo.

V. Obijc. 2. Deus potest amare efficaciter auxilium A sufficiens, non amando efficaciter ejus efficaciam; sicut non amat efficaciter auxilium efficaciam, quando confert auxilium prævium inefficax; ergo conferendo auxilium A prævium efficax, potest etiam amare ejus sufficientiam, & non amare efficaciam: Antecedens constat: Consequentia probatur, quia hoc videtur spectare ad Divinam libertatem, posse ex duobus bonis separabilibus unum tantum efficaciter velle, & amare, non alterum; atqui sufficientia auxilii, & efficaciam sunt duo bona realiter separabilia; ergo potest Deus velle solum sufficientiam, & de efficaciam habere ad summum complacentiam, non vero intentionem efficacem, seu prædefinitionem.

Rsp. concessio antecedente, nego consequentiam. Ad probationem respondeo primo per instantiam: Deus potest velle auxilium sufficiens, quin habeat complacentiam de ejus efficaciam, ut contingit, quando dat auxilium inefficax; ergo potest etiam conferendo auxilium prævium efficax velle sufficientiam, & non habere complacentiam de ejus efficaciam. Consequentia non sequitur, posito, quod Deus necessitatur non solum ad simplicem complacentiam de quolibet bono possibili, sed etiam ad complacentiam de quolibet bono aliquando existentis, idque ex perfectione suæ voluntatis, quæ nequit carere actu secundo perfectissimo relate ad quodvis objectum: ita in casu. Quare directe ad probationem consequentiz, concessa majore, distinguo minorem: Sufficiens auxilii, & ejus efficaciam sunt duo bona realiter separabilia secundum se, concedo; in hypothesi quod auxilium A prævidetur efficax, nego minorem, & distinguo consequens: potest Deus amare sufficientiam auxilii A, & non efficaciam, si auxilium A non prævidetur efficax, concedo; si prævidetur efficax, nego consequentiam.

Parti III.

I. Q Uæritur, Utrum Deus prædefinendo consensum liberum creaturæ per auxilium A efficax, eo animo conferat auxilium A, ut si videret illud esse inefficax, adhuc illud ipsum daret permittendo dissentium; an vero eo animo conferat auxilium A efficax, ut si videret per scientiam mediam, illud esse inefficax, seeligeret aliud efficax ad obtinendum consensum? Quod est querere, An Gratia efficax detur ut efficax; Cui quæsitio sequentibus propositionibus facio satis.

Prima propositio. Deus conferendo auxilium A prævium per scientiam mediam efficax, intendit ejus efficaciam (in quacumque ea consistat, quod examinabimus dissequenti) seu confert illud ex motivo efficaciz intendendo, ac prædefinendo consensum.

Conclusio constat ex dictis quæstione præcedenti, ubi ostendimus, Deum conferendo auxilium efficax intendere efficaciter, ac prædefinire actum honestum; non enim per accidens, ac veluti præter intentionem concurrat ad bonam operationem, quando confert auxilium efficax, sed cum intentione efficaci conferendi creaturæ non solum auxilium, seu potentiam proximam ad actum bonum, sed etiam ipsum actum bonum: Unde benevolus, & beneficus est, & quia dat auxilium, & quia dat ipsam operationem bonam: Ubi relate ad peccatores, quibus confert auxilium prævium inefficax, solum beneficus est, quatenus confert potentiam proximam ad bene operandum, quæ posita per malum usum liberi arbitrii stat, quominus bona operatio sequatur; non est benevolus, ita ut ipsam bonam operationem eadem efficaciam velit relate ad peccatores, ac relate ad bene operantes.

II. Secunda propositio: Deus dupliciter potest conferre auxilium A prævium efficax ex motivo efficaciz, seu intendendo efficaciam, & actum bonum efficaciter. Primo ita ut si videret illud inefficax, adhuc daret illud idem, & permitteret dissentium. Secundo ita ut si prævidere illud auxilium esse inefficax, daret aliquod

D aliud

aliud intra aliquam seriem auxiliorum efficacium.

Prob. Qui vult efficaciter finem per aliquod medium, per quod videt, se finem obtenturum, vel potest finem illum velle, quatenus per tale medium obtineri potest, non curaturus de fine, si per hoc medium obtineri non potest; vel potest ita velle finem per medium A, ut sit paratus alia media adhibere, si per medium A non esset obtinendus; v. gr. qui vult emere gemmam decem aureis, vel potest velle emptionem, quatenus videt illam fieri posse, solvendotantum decem aureos, non curaturus de gemma, si tanto pretio obtineri non potest; vel potest velle emptionem ex motivo gemmæ, ita ut sit paratus illam emere etiam pretio altiore; ergo Deus intendendo actum bonum creaturæ, & præfiniendo illud, utroque modo potest conferre auxilium A efficax, & ita ut non sit curaturus de actu bono, si non obtineretur per auxilium A; & ita ut esset collaturus aliud auxilium, si auxilium A prævideretur inefficax.

Confirmat. Multi docent, quod Adamo non peccante ex vi præsentis decreti, Verbum non fuisset Incarnatum ex alio motivo a Redemptione, puta ex motivo exaltandi naturam humanam; ergo potest Deus intendere finem ex motivo A, & per medium A, ita ut non sit eundem finem intenturus ex motivo B, aut per medium B, si medium A esset inefficax; ergo potest conferre auxilium A efficax ex motivo efficacis, ita tamen, ut si auxilium A non prævideretur efficax, non daretur aliud auxilium, sed permitteretur dissentius; quamvis possit etiam dare auxilium A efficax, in quantum efficax; ita scilicet ut si prævideretur inefficax, daretur aliud efficax intra aliam seriem auxiliorum.

III. Ubi adverte, quod sicut qui vult emere gemmam decem aureis, potest esse paratus dare pretium altius intra certam summam, puta infra 20. aureos, non tamen omne pretium; ita Deus præfiniendo consensum per auxilium A, potest esse paratus dare aliud auxilium efficax intra certam seriem, puta vocationem intensiorem, quin sit paratus dare auxilium efficax, seligendo illud ex collectione omnium auxiliorum efficacium. Et sicut potest quis emere gemmam eo animo, ut sit paratus offerre quodvis pretium pro illa emenda; ita pariter potest Deus dare auxilium A ef-

ficax eo animo, ut si prævideretur inefficax, daretur aliud efficax seligendum ex omnibus. Utrum autem in hoc casu eveniretur libertas actus præfiniti, pendet ex dicendis quæst. 5. Qui enim docent, quod prædefinitio antecedens ad scientiam mediam evitaret libertatem consensus præfiniti, quia esset essentialiter connexa cum illo, & inimpedibilis a voluntate, docent communiter, quod evitatur libertas actus honesti, quando Deus dat auxilium A efficax, in quantum efficax simpliciter, seu eo animo, ut si illud non prævideretur efficax, seligeretur aliud efficax ex omnibus auxiliis possibilibus; quia pariter huiusmodi prædefinitio esset essentialiter connexa cum actu, & inimpedibilis a voluntate. Quare nos, qui propugnabimus, prædefinitioem antecedentem eviteret libertatem, dicimus, quod si Deus conferat auxilium efficax, quia efficax simpliciter modo explicato, prædefinit consensum necessarium, non liberum, ac proinde quando prædefinit consensum liberum, non confert auxilium efficax, in quantum efficax simpliciter, sed in quantum efficax secundum quid: hoc est confert auxilium A efficax eo animo, ut si prævideretur inefficax, daretur aliud efficax intra certam seriem, non vero aliud efficax seligendum ex omnibus; Sicut communiter accidit inter homines intendentes efficaciter aliquem finem; qui enim vult v. gr. emere gemmam, aut ire Romam efficaciter, si non potest obtinere finem expendendo v. g. decem aureos, expendet forte 20. at non mille, vel omne pretium; ergo etiam Deus confert auxilium A in quantum efficax secundum quid, non simpliciter; tum quia aliter eviteretur libertas actus præfiniti, ut dicemus quæst. 5. tum etiam quia gratis in Deo simpliciter decretum huiusmodi intentivum efficacis simpliciter, quod est præter ordinem; Ad eum modum, quo gratis fingeremus, quod Adamo non peccante, & cessante fine redemptionis generis humani, Verbum incarnatum fuisset ob redemptionem solius Petri (ut docent communius) aut pro peccatis venialibus generis humani; huiusmodi enim decreta in Deo non sunt gratis assumenda.

IV. Tertia propositio. Deus utrolibet ex duobus iis modis in secunda propositione adductis conferat auxilium A efficax, semper confert illud cum speciali benevolentia, cum qua non confert auxilia prævia inefficacia; sive scilicet daturus esset aliud

Quaestio III. Num detur Gratia efficax ut efficax.

51

auxilium, si auxilium A non praevideretur efficax, sive non esset daturus.

Prima pars conclusionis est manifesta, quod scilicet cum speciali benevolentia det auxilium A efficax in quantum efficax, seu daturus aliud, si illud non praevideretur efficax; hae enim benevolentia non reluctet, quando datur auxilium inefficax. Secunda pars conclusionis, quod scilicet etiam habeatur specialis benevolentia, quando auxilium A non confertur qua efficax, sed solum ex motivo efficaciae, ita ut si praevideretur inefficax, adhuc illud idem daretur, prob. quia quando Deus dat auxilium A praevisum efficax, etiam non det qua efficax, sed solum det ex motivo efficaciae, tunc praeter gratiam praeventivam, dat etiam gratiam cooperantem, seu praeter potentiam proximam ad operandum, dat ipsum bene operari, quod non dat ei, cui confert auxilium inefficax; ergo conferendo auxilium efficax ex motivo efficaciae, & non in quantum efficax, modo explicato, adiuc et specialiter beneficis, & benevolus.

Confirm. quando Deus dat auxilium pure sufficiens, seu inefficax, habet voluntatem inefficacem consensus, seu meram voluntatem; quando vero dat auxilium efficax, habet iuxta dicta quatuor. praecedenti voluntatem consensus efficacem, etiam si non esset daturus aliud auxilium, si praevisum esset hoc inefficax; atqui voluntas efficax, & absoluta consensus est majus beneficium, quam voluntas inefficax, & conditionata illius, ut patet; ergo Deus specialius beneficium confert, dando auxilium efficax, quam dando inefficax, etiam si non det efficax, ut efficax, seu aliud daturus si praevideretur inefficax; Quamvis specialius esset beneficium, si efficax daretur ut efficax; nam qui amat finem per hae media, paratus adhibere alia, si hae forent inefficaciae, eerte magis amat finem, quam si non esset ad id paratus.

V. Ultima propositio. Deus de facto probabilis confert auxilia efficacica qua efficacica secundum quid, hoc est alia daturus ejusdem rationis, si hae praevideret inefficacia, atque adeo praedestinatis ita confert auxilia efficacica, cum quibus videt esse salvandos, ut alia ordinaria auxilia esset daturus, si videret, per hae auxilia non esse salvandos; quamvis non esset daturus auxilia extraordinaria, eo quod non det auxilia efficacica in quantum efficacica simpliciter, ut ostendimus in calce quintae qua-

stionis. Hae conclusio est conformis ordinationi P. Claudii Aquavivae, quae habetur apud Henao, & Platel. prima parte cap. 4. §. 2. dicens. *Mandamus, ut nostri in posterum doceant, quod Deus ex efficaci proposito, ac intentione efficiendi certissime alius boni, de industria ipse ea media seligat; atque eo modo, & tempore conferat, quo videt effectum infallibiliter habitura, aliis usurus, si hae inefficacia praevidisset.* Haecenus P. Claudius, quamvis deinde in hoc suo decreto ipsimet dispensaret, ut notat idem Placellius, relinquens nobis liberum, ut oppositam etiam sententiam sustinere possimus.

Prob. conclusio 1. ex Scripturis. Matth. 24. dicitur. *Nisi breviter fuissent dies illi, non fieret salva omnis caro; sed propter electos abbreviabitur dies illi;* ergo Deus voluit dies, quos praevidit non nocituros electis, & noluit dies, quos praevidit nocituros; ergo si plures dies praevidisset nocituros, plures dies breviorum fuisset, seu pauciores voluisset; atque adeo electis dat auxilia efficacica, seu congrua, ita ut alia daturus esset, si hae non forent congrua. Sapientiae etiam 4. dicitur. *Reptus est, ne malitia mutaret intellectum ejus;* ergo ex speciali benevolentia Deus removet auxilia inefficacia qua talia, atque adeo dat efficacica, qua efficacica, non quidem simpliciter, quia everteret libertatem, sed qua efficacica secundum quid.

Prob. 2. ratione. Connaturalius est, & consuetum, ut qui finem intendit efficaciter, & ad illum obtinendum eligit medium, eligat ea intentione sive formali, sive virtuali, ut aliud medium ejusdem rationis sit electurus, si illud prius non cognosceretur conducent ad finem; v. gr. Qui ex fine sublevandi miseria pauperis dat monetam argenteam, quam videt conducentem ad finem, ea intentione solet illam dare, ut si cognosceret illam non conducentem, daret monetam aream, vel auream ejusdem valoris, esto non esset daturus omnem suam rem familiarem, aut ingentem vim pecuniae; Similiter qui emit domum v. gr. centum aureis pecunia numerata, eo animo offerre solet pecuniam, ut offerret etiam oleum, vel frumentum constans centum aureis, si per pecuniam numeratam non posset obtinere finem; quia scilicet cum hinc hic emptio domus fit moraliter expetibilis per utrumque hoc medium, regulariter ad utrumque est paratus, qui vult efficaciter domum emere; quamvis non sit paratus ad solvendum mille aureos, quia.

D. 2.

finis.

finis ille non est expetibilis, ut acquirendus per hoc aliud medium; ergo pariter Deus intendens efficaciter consensum per auxilium A efficax, dicendus est juxta connaturalitatem talis voluntatis eo animo dare auxilium A efficax, ut si illud videretur incongruum, daret aliud ejusdem rationis, quamvis non esset daturus omne quodcumque auxilium extraordinarium, si videret omnia auxilia ordinaria esse incongrua; quia scilicet finis ille, nempe consensus, est quidem æque expetibilis per quodcumque auxilium ordinarium, non extraordinarium.

Confirm. 1. quia Deus semper facit optimum: quicquid sit, an moraliter necessetur ad optimum; atqui melius est conferre auxilia efficaciam in quantum efficaciam secundum quid, juxta connaturalitatem intendentis efficaciter aliquem finem; ergo ita de facto confert; Præsertim quia dando auxilium efficax in quantum efficax, non solum donat valorem auxilii, sed etiam ipsius bonæ operationis, etiam in hypothesi, quod hoc auxilium esset inefficax.

Confirm. 2. Dignius sentimus de benevolentia Dei erga prædestinatos, si dicamus iis contulisse auxilia efficaciam in quantum efficaciam secundum quid, paratum scilicet dare alia ejusdem rationis, si videret hæc fore inefficacia; ergo dicendum ita contingere. Immo ita de facto contingit: quoties v. gr. ad preces Beatæ Virginis, aut Sanctorum Deus confert peccatori auxilium efficax, tunc profecto si per auxilium A peccator non converteretur, aliud conferretur auxilium, ne preces sint inanæ, & vacuæ: Sic quando Verbum expectavit consensum Deiparæ, ut carnem sumeret, si auxilium A non transisset liberum consensum Beatæ Virginis, aliud contulisset.

VI. Ex dictis sequitur 1. Deum erga Prædestinatos de facto exercere non solum dilectionem specialem præ Reprobis, conferendo iis auxilium efficax ex motivo efficaciz, sed etiam dilectionem specialiorum, quatenus contulit auxilia efficaciam qua efficaciam secundum quid, quamvis non exercuerit specialissimam, conferendo efficaciam qua efficaciam simpliciter. Ratio est, quia sic optimo modo Deus intendit salutem prædestinatorum; nam si daret auxilium efficax in quantum efficax simpliciter, quamvis specialissimam dilectionem exerceret, eo quod infallibiliter salutem intenderet, at non optimo modo illam exerceret, quia operationes sic præstitæ non essent libæ.

Sequitur 2. quomodo verum sit, quod Deus Electos eligat, & discernat a Reprobis, juxta illud ad Ephes. 1. *Elegit nos in ipso ante Mundi constitutionem*; & 2. ad Cor. 4. *Quis est, qui te discernit? quid habes, quod non accepisti?* quibus verbis Augustinus Pelagianos, & Semipelagianos redarguit, ostendendo, Electos non discernere seipsos per omnia, aut etiam per aliqua merita, quæ non accepterint a Deo. Ratio itaque est, quia cum Deus ex sua speciali benevolentia conferat Prædestinatis efficaciter non solum auxilia ad merendum, & perseverandum, sed etiam ipsa merita ad perseverantiam, ad quam salus consequitur, reprobis vero solum confert potentiam ad merendum, sequitur, quod prædestinatos sic specialiter dilectos eligat, ac discernat.

VII. Dices: Adhuc Deus eligit, ac discernit bene operantem, & confert illi majus beneficium, quam reprobo, per hoc, quod confert auxilium prævivum efficax, quin prædestinat bonam operationem, & confert auxilium efficax qua efficaciam; ergo ex hoc capite non est altruenda ista prædestinitio. Antecedens explicatur ab Aldreere disp. 10. de Prædeterminatione; nam qui v. g. vult dare pauperi totum, quod est in crumena, majus beneficium confert, si prævideat ibi esse centum, quam si solum decem; ergo etiam Deus majus beneficium confert dando auxilium A, si prævideat illud efficax, quam si non prævideat, etiam si bonam operationem non præstinet.

Sed contra est, quia beneficium ex Augustino est *Actio benevola gaudium tribuens capienti*; ergo ut majus sit beneficium, non solum debet haberi scientia de bono majori, sed etiam voluntas; & ideo qui dat totum, quod est in crumena, majus beneficium confert, si prævideat ibi esse centum, quia vult dare donum majus. Deinde transmissio, quod beneficium sit majus, quando confertur auxilium cum sola præscientia bonæ operationis, quam si conferatur sine tali præscientia; at si bona operatio non præstinetur, non tribuitur Deo, sed voluntati creatæ; ergo non Deus discernit, & eligit, sed propria voluntas; nec Deo debentur gratiæ speciales propter bonam operationem efficaciter intentam, ad quod instinctu nature inclinamur. ergo revera bona operatio prædestiniatur. Alter quoque Apostolus diceret: *Non est currensis, neque volentis, sed miserentis Dei: Quid habet, quod non accepisti?* Quomodo Aug.
lib.

lib. de Prædestinatione Sanctorum cap. 3. adeo commendaret illam Cypriani sententiam : *In nullo glorandum, quando nostrum nihil est ?* Quomodo verum esset illud Augustini apud D. Th. qu. 29. art. 8. *Nihil sit saluus, nisi quem Deus voluerit salvare ; & ideo rogandus est, ut velit, quia si velit, necesse est esse !*

VIII. Obijc. 1. Si Deus conferendo auxilium efficax, necessario illud in omni providentia conferret ex amore, & motivo efficacis, præfiniendo actum bonum, juxta dicta in prima Conclusione, & connaturalis conferret qua efficax secundum quid, ita ut efficaciam auxilii, & bona operatio tribui debeat speciali Dei benevolentie, sequeretur, quod Reprobi carerent sufficientia ad bonam operationem; sequela est absurda; ergo & id, unde sequitur. Probatur sequela, quia qui caret eo, quod est necessarium ad salutem, caret sufficientia ad salutem; Reprobi carerent speciali Dei benevolentia, quæ habetur per præfinitionem bonæ operationis, & hæc est necessaria ad salutem; ergo carerent aliquo ad salutem necessario. Probatur secunda pars minoris: Necessaria est ad salutem bona operatio, & ad bonam operationem necessaria est specialis illa benevolentia, & præfinitio; ergo isthæc præfinitio, qua caret Reprobi, necessaria est ad salutem.

Resp. nego sequelam. Ad probationem dico, absq; speciali illa benevolentia dari auxilium sufficiens, seu sufficientiam ad bonam operationem, & ad salutem. Verum quidem est, quod ad salutem bona operatio sit necessaria, & quod præfinitio bonæ operationis necessaria sit, ut ponatur bona operatio; at nec ipsa bona operatio, nec ejus præfinitio est necessaria, ut possit bona operatio poni, & ut habeatur sufficientia ad salutem: Quod est dicere: necesse est, quod non ponatur bona operatio, si non ponitur ejus præfinitio; at non per hoc bona operatio non poterit poni. Sic præfinitia ab æterno de peccato Antichristi est necessaria, ut sit in tempore peccatum Antichristi; at non est necessaria, ut possit esse peccatum; nam si Antichristus bene operetur, adhuc poterit peccatum ponere, & tunc non daretur præfinitia de peccato.

Ut hoc alius percipiat sciendum ex Angelico 1. p. qu. 14. art. 13. ad 3. aliquas propositiones esse necessarias necessitate dictæ, quin sint necessariz necessitate rei, ut sunt v. gr. istæ: *Sciunt a Deo necesse est esse ; Prædestinatus necessario salvabitur, &c.*

Part III.

Sensus enim est, hæc dicta esse necessaria vera, videlicet res scitur a Deo; ergo erit necessario; Res tamen ipsa, quæ scitur, non est necessaria; nam quod scitur a Deo, quamvis necessario erit, potest tamen libere esse. Ita in casu nostro in hac propositione, Carentem auxilio efficaci, aut præfinitione impossibile est bene operari, habetur impossibilitas dicti, non rei; Sensus enim est, hoc dictum esse necessario verum: Datur carentia auxilii efficacis; ergo necessario non dabitur bona operatio; seu Impossibile est, bonam operationem coexistere cum carentia auxilii efficacis; sicut impossibile est, bonam operationem Antichristi coexistere cum præfinitia de peccato; at non proinde impossibile est, quod ponatur bona operatio, posito auxilio inefficaci, aut posita præfinitia de peccato: Aliud enim est cum auxilio inefficaci bonam operationem non posse componi, quod est verum, aliud vero non posse poni, quod est falsum.

IX. Obijc. 2. Deus eadem facilitate qua confert auxilium A efficax, confert quodcumque aliud efficax; ergo si confert auxilium A ex amore, & motivo efficacis, dicendum, quod confert illud qua efficax simpliciter, non qua efficax secundum quid. Probatur consequentia. Nam in tantum volens efficaciter emergere domum v. gr. centum aureis non est paratus solvere mille, quia non ea facilitate, & commoditate solvuntur mille, quam centum; sed Deus eadem facilitate confert auxilium ordinarium, ac extraordinarium; ergo si paratus est dare quodvis aliud ordinarium, erit etiam paratus dare extraordinarium.

Resp. nego consequentiam. Sicut enim Deus eadem facilitate secundat rerum exigentias, ac patrat miracula; sed non proinde dicendum, quod hic, & nunc patret miracula citra rationem positivam: ita eadem facilitate dat auxilia ordinaria, & extraordinaria, sed non proinde præsumendum, quod quando confert auxilium efficax ordinarium, esset collaturus alia non solum ordinaria, sed etiam extraordinaria, si illud prævideretur inefficax. Sic etiam eadem facilitate Verbum incarnatur ad ostendendam condignam satisfactionem pro mortali, ac pro veniali, sed non est præsumendum, quod incarnatum sit eo animo, ut si defuissent mortalia, adhuc incarnatum fuisset propter venialia. Ratio a priori est, quia Deus semper facit optimum, & probabiliter etiam necessatur moraliter ad o-

D 3 pti-

titum; atqui optimum est, quod miracula raro parentur, & quod auxilia extraordinaria raro conferantur; ergo dicendum, de facto Deum plerumque secundare rerum exigentias, & raro admodum conferre auxilia extraordinaria, prout v. gr. contulit D. Paulo, ut converteretur. Propterea cum connaturalitas voluntatis efficacia ferat ita eligi medium A conduens ad finem efficaciter intentum, ut si illud non prævideretur efficax, eligeretur aliud ejusdem rationis, non vero diversæ rationis, & extraordinarium, dicendum de facto ita a Deo conferri auxilia efficacia, cum voluntate scilicet sive formali, sive virtuali dandi alia efficacia ejusdem rationis, si ea præviderentur inefficacia. Quare ad probationem consequentiæ nego majorem; vera causalis est, quia id fert connaturalitas voluntatis efficacia.

QUÆSTIO IV.

Utrum Prædefinitio consequens ad scientiam mediam tum in essendo, tum in operando cohercat cum libertate actus prædefiniti.

I. **A**gredimur nunc extricare Gordianum nodum; Quomodo scilicet conciliari possit infrustrabilitas Divinæ prædefinitionis cum libertate consensus prædefiniti. Triplex datur Prædefinitio actus liberi apud Scholasticos. Prima est omnino independens a scientia media; & hujusmodi est decretum prædeterminans Thomisticum, & decretum condeterminans Scotisticum; utrumque enim independenter ab omni usu scientiæ mediæ intendit actum voluntatis creatæ, & hujusmodi decreta non coherere cum libertate actus prædefiniti, non secus ac ipsam prædeterminationem, & condeterminationem ostendimus Disputatione sequenti. Secunda est Prædefinitio consequens ad scientiam mediam tum in essendo, tum in operando; & hæc est decretum intentivum actus boni, quod a Deo non ponitur, nisi post scientiam mediam de eodem actu; unde scientiam mediam præsupponit hæc prædefinitio, & antequam sit, & antequam opereatur, seu antequam conferat auxilium prævisum efficax, & de hac quærimus in præsentī. Tertia est Prædefinitio actus boni, quæ antecedit scientiam mediam in essendo, sed consequitur in o-

perando, & hujusmodi est decretum, quod intendit actum bonum, antequam consulat scientiam mediam, sed non confert auxilium, seu non operatur, nisi post consultationem scientiæ mediæ: Quare Prædefinitio consequens dicit, Volo consensum per auxilium, quod prævidi per scientiam mediam efficax; Præfinitio vero antecedens dicit, Volo consensum per auxilium, quod post consultationem scientiæ mediæ invenero efficax. De hac secunda præfinitione agemus in quæstione sequenti. Quærimus nunc, An prædefinitio consequens evertat libertatem actus prædefiniti? ut appareat quomodo efficacia gratiæ concilietur cum libertate arbitrii. Ratio dubitandi est, quia prædefinitio ista, quamvis consequatur ipsum actum sub scientia media, atque adeo intentionaliter sit posterior actu præviso; (non secus ac revelatio de peccato D. Petri est intentionaliter posterior ipso peccato præviso) physice tamen est causa mediata actus boni, cum sit causa auxilii, a quo actus immediate causatur: unde prædefinitio est aliquod antecedens ipsum actum, impossibile cum omissione actus, & ideo videtur esse libertatis everfiva.

II. Dico 1. Necessitas quæcumque mere consequens nullatenus lædit libertatem actus; si hic prodeat a principiis indifferentibus ad utramque partem contradictionis.

Prob. Necessitas, quæ consequitur ad actum, non immutat intrinsecam constitutivam actus; atqui si actus procedat a principiis indifferentibus, est intrinsecè liber; ergo necessitas consequens ad talem actum non lædit ejus libertatem intrinsecam, si hic prodeat a principiis indifferentibus. Hinc qui peccat, libere peccat, quamvis ex suppositione quod peccet, non possit non peccare; & quamvis ex suppositione præscientiæ peccati, vel revelationis de peccato necessario peccet; quia omnis ista necessitas est mere consequens; unde peccatum est quidem necessarium, sed non necessarium, nisi solum necessitate consequente, non antecedente, seu, ut loquitur Angelicus, necessitate dicti, non necessitate rei, prout explicavimus quæstione superiore.

Confirm. Deus libere decrevit ponere Mundum, & cognoscit scientia visionis hujusmodi decretum; ex suppositione autem talis scientiæ non potest non esse hujusmodi decretum, & tamen est liberum: ergo impossibilitas seu necessitas quoties est ex suppositione, seu consequens, non lædit libertatem; quamvis enim præscientia v. g.

de peccato Antichristi, tempore praecedat peccatum, logice tamen ad illud consequitur; & ideo dicitur esse logice, & intentionaliter prius; Esto nonnulli per abulum vocabuli dicant, esse etiam natura prius, per hoc scilicet, quod peccatum pro tali tempore existens sit conditio necessaria, ut confluat in Deo ab aeterno praesentia de illo.

III. Dico secundo: omnis necessitas mere consequens ad actum liberum est impedibilis, saltem indirecte, a potentia libera, proxime potente ponere illum, & ejus omissionem; v. gr. Antichristus, qui ita peccat, ut possit non peccare, potest impedire indirecte praesentiam de suo peccato; cum necessitas hujus praesentiae sit mere consequens ad peccatum, quod pro tali tempore libere ponetur.

Probat. I. Qui potest impedire A, potest etiam impedire quodcumque consequitur ad A; sed Antichristus v. g. peccans potest impedire, seu non ponere peccatum; ergo potest impedire indirecte praesentiam de illo, & quodcumque ad peccatum consequitur; Sic qui impedit approximationem ignis ad stupam, impedit etiam indirecte combustionem stupae, quae ad approximationem consequitur. Et sane quomodo potest praesentia Dei evertere libertatem peccati Antichristi? Nam si ego videam Petrum libere currentem, visio mea, esto sit impossibilis cum carentia cursus, non aufert libertatem currendi, praecise quia ad cursum consequitur; atqui etiam praesentia, quamvis tempore praecedat, consequitur tamen ad peccatum logice, ita ut sit verum dicere, Ideo Deus praescit peccatum, quia Antichristus peccat; & non e contra: ergo neque praesentia evertit libertatem, atque adeo est impedibilis indirecte.

IV. Objic. Non datur potentia impediendi praeteritum; ergo non potest Antichristus impedire praesentiam de suo peccato, atque adeo necessario peccabit. Antecedens communius admittitur a Philosophis, & Theologis juxta illud, quod dixit Agatho apud Philosophum 6. Eth. 2.

Hoc etiam ipse Deus, solummodo carere videtur,

Infestum: ut facias quod factum est, atque peractum.

Unde vulgo dicimus: *Factum infestum fieri non potest.*

Respond. licet non detur potentia impediendi praeteritum directe, potest tamen

impediri indirecte, impediendo scilicet illud, quod nunc positum est determinativum, seu conditio requisita, ut ejus praesentia fuerit ab aeterno. Eodem modo posita revelatione Christi Domini de peccato D. Petri, hic poterat non peccare, & sic indirecte impedire, ne fuisset revelatio, quae ad praesentiam consecuta est; quamvis non potuerit D. Petrus directe praesentiam, & revelationem impedire. Illud axioma, *Factum infestum fieri non potest*, facit sensum, quod in sensu composito, quod aliquid sit praeteritum, semper erit praeteritum; non vero, quod non detur potentia indirecte impeditiva, ne illud fuerit praeteritum. Quare solum datur impotentia componendi non praeteritum cum praeterito, non vero impediendi indirecte, ne quid fuerit praeteritum.

Neque dicas, hoc idem competere futuro; unde eodem modo repugnaret futurum fieri non futurum, ac praeteritum fieri non praeteritum; & consequenter eodem modo daretur potentia ad futurum, & ad praeteritum.

Nam contra est, quia futurum potest impediri directe, praeteritum vero non nisi indirecte; ergo dispar ratio de utroque. Deinde praeteritum in eo sensu non potest non esse praeteritum, quia ex suppositione, quod semel fuerit, semper erit praeteritum: contra vero futurum ex suppositione, quod sit futurum, non semper erit futurum; Nam postquam erit, incipiet esse praeteritum. Denique futurum non potest non esse futurum ex hypothesi, quod sit futurum; ita tamen, ut hae conditio sit purificanda: contra vero praeteritum ita non potest non esse praeteritum ex suppositione, quod fuerit praeteritum, ut hae conditio sit jam purificata; atque adeo praeteritum absolute non potest non esse praeteritum; quia conditionatum, purificata conditione, evadit absolutum; futurum vero non potest non esse futurum solum conditionate, hoc est ex suppositione, quod erit; Ex quibus patet, in quo sensu absolute dicimus non dari potentiam ad praeteritum.

V. Dico tertio. Scientia media, v. gr. de consensu Petri sub auxilio A, quamvis dirigat Deum ad dandum Petro auxilium A, & sit in priori ad talem consensum in statu absoluto positum, adhuc est impedibilis indirecte a voluntate Petri, nec habet libertatem consensu.

Conclusio quoad primam partem, quod
D 4 sci-

scilicet scientia ista media dirigat Deum ad dandum Petro auxilium A, ut possit obtinere consensum, patet; quia nequit Deus sapientissime decernere, ac prædefinire consensum absque prævia directione scientiæ mediz; aliter cæco modo decerneret, & decreret un exponeretur periculo frustrationis.

Quoad secundam vero partem, quod scientia ista media sit in priori ad consensum, qui ponitur a Petro, etiam patet; nam dirigat Deum ad dandum Petro potentiam proximam ad consensum; adeoque natura præcedit hanc potentiam proximam, quæ est causa consensum; ergo antecedit etiam natura ipsum consensum; etenim si A est in priori ad B, & B est in priori ad C, erit etiam A in priori ad C; sed scientia media de consensu, utpote dirigens Deum ad dandum auxilium A, est in priori ad hoc auxilium, quod est causa, atque adeo in priori ad consensum, qui hic, & nunc ponitur; ergo scientia media de consensu conditionate futuro est in priori ad eundem consensum positum in statu absoluto.

Quoad tertiam partem, quod scilicet quavis ista scientia media in priori sit ad consensum, adhuc sit impedibilis indirecte a voluntate, nec tollat libertatem consensum, probatur: Scientia ista media ita est prior naturæ relate ad consensum, ut tamen consensus sit determinatione, seu logice prior ipsa scientia media (sicut diximus de peccato Antichristi, quod licet sit tempore posterior ad ejus præscientiam, logice tamen, seu determinatione est prius) ergo voluntas ponens hunc consensum, ad quem consequitur scientia media de illo, sicut potest hunc consensum impedire directe, ponendo dissensum, ita poterit indirecte impedire scientiam mediam de tali consensu, atque adeo consensus est liber. Ratio a priori est, quia ideo Deus videt per scientiam mediam hunc consensum, quia consensus esset, si daretur auxilium, & non e converso ideo consensus esset, si daretur hoc auxilium, quia Deus videt illum per scientiam mediam; ergo talis scientia, quavis dirigat Deum ad conferendum auxilium A, seu potentiam proximam ad consensum, adhuc posita hac potentia proxima, indirecte est impedibilis, unde nullatenus lædit libertatem consensum.

VI. Objic. 1. Scientia media de consensu Petri conditionate futuro præcedit naturam ipsum consensum, ut absolute ponendum; cum ex tali scientia Deus dirigatur ad dandum Petro potentiam proximam, ut consensus absolute ponatur; ergo non potest

consensus habere prioritatem logicam relate ad illam scientiam; alioquin daretur mutua prioritas, quæ repugnat.

Resp. nego consequentiam; non enim repugnat mutua prioritas in diverso genere causæ; de facto enim datur inter causam efficientem, & finalem: Nam sanitas ver. gr. est causa finalis, cur ponatur ambulatio, & ambulatio est causa efficiens sanitatis; ita consensus est logice prior scientia media de illo, & scientia media dirigens Deum ad conferendam potentiam proximam, qua ille physice causetur, est natura prior illo: Sic quando medicus præsciens v. gr. ex revelatione divina, quod si daretur ægro pharmacum, sanaret, dat de facto pharmacum, habetur mutua prioritas inter præscientiam illam, & sanitatem; Nam præscientia, utpote dirigens Medicum ad conferendum pharmacum, quod causat sanitatem, est prior sanitate; Rursus sanitas conditionate futura est prior illa scientia; ideo enim illa scientia habetur, quia sanitas est conditionate futura; ergo dari potest hæc mutua prioritas in diverso genere causæ citra ullum inconveniens.

VII. Objic. 2. Achillem Adversarium. Nullus effectus impedire potest suam causam, dependenter a qua ponitur; sed voluntas ponitur sæpe sub auxilio A dependenter a scientia media de consensu conditionate futuro, cum hæc scientia dirigat Deum ad collationem auxilii A; ergo voluntas sub auxilio non potest impedire indirecte scientiam mediam de consensu; atque adeo talis scientia est impedibilis, & violans libertatem.

Confirm. 1. quia quod supponit aliquod ut positum, ne indirecte quidem potest illud impedire; sed potentia proxima ad consensum supponit ut posita omnes suas causas, a quibus de facto pendet, adeoque scientiam mediam de consensu, ac prædefinitionem; ergo non potest illas impedire.

Confirm. 2. Liberum arbitrium Petri; pro quando existit, ne indirecte quidem potest impedire id, quod eodem pacto daretur, sive ipsum liberum arbitrium existat, sive non: atqui scientia media de consensu ejusdem Petri eodem modo datur, sive existat liberum arbitrium Petri, sive non: ergo liberum arbitrium Petri nequit hujusmodi scientiam impedire.

Resp. cum Mauro disp. 83. de Deo, scientiam mediam de consensu sub auxilio A neque esse causam immediatam talis con-

consensus, cum hic immediate solum pendeat ab auxilio indifferenti; neque esse causam remotam præcisam, seu determinatæ prærequisitam, ut possit poni consensus; sed solum esse necessariam ex parte intellectus divini, si peccatum ponatur. Sicuti præscientia absoluta de peccato Antichristi non est necessaria, ut possit poni peccatum Antichristi, sed solum est necessaria ex parte intellectus divini, si peccatum ponatur. Patet, quia si ab Antichristo ponatur bona operatio, adhuc poni potest peccatum, & tamen tunc non datur præscientia de peccato; ergo hæc præscientia non est necessaria, ut possit poni peccatum: Eodem modo si Petrus sub auxilio A peccat, adhuc potest ponere consensus, & tunc non datur scientia media de consensu sub auxilio A; ergo ut poni possit consensus sub auxilio A, non est necessaria determinatæ scientia media de illo.

In forma itaque distinguo majorem: nullus effectus potest impedire suam causam vel immediatam, vel remotam præcisam, concedo; causam remotam per accidens, seu non determinatæ prærequisitam, quæ essentialiter pendeat logice ab aliqua operatione talis effectus ut conditionate futura, sicut est scientia media de consensu, quæ essentialiter pendet logice ab operatione voluntatis, ut conditionate futura, subdistinguo: non potest impedire directe, concedo; indirecte, ponendo scilicet aliquod, quo posito, tollitur futuritio conditionata, ad quam consequitur scientia media, nego majorem, & distincta pariter minore; nego consequentiam. Hinc patet, quare calor v. gr. a quo adæquate pendet calefactio, non possit impedire existentiam ignis, a quo per accidens causatur (cum possit etiam calor causari a Sole) possit tamen voluntas sub auxilio A, a quo adæquate pendet consensus, impedire existentiam scientiæ mediæ de consensu, aut prædefinitionem, a quibus remote, & per accidens consensus causatur. Disparitas est, quia ignis non pendet logice ab operatione caloris, videlicet a calefactione ut conditionate futura: contra vero scientia media, & prædefinitio consensus pendet logice ab operatione voluntatis, seu a consensu conditionate futuro; & ideo calor potens ponere calefactionem non potest impedire existentiam ignis, a quo causatur per accidens: voluntas vero potens ponere consensus, & dissensus potest impedire scientiam mediā, & prædefinitionem consen-

sus, a quibus causatur.

Ad primam confirmationem distinguo majorem: quod supponit aliquid ut positum, non potest illud impedire, ne indirecte quidem, si illud præsupponatur per se, concedo; si præsupponatur per accidens, seu non tamquam determinatæ prærequisitum, nego majorem, & distincta minore, nego consequentiam. Voluntas sub auxilio A eodem modo se habet intrinsece, sive supponatur scientia media de consensu, five de dissensu; idcirco quando ponit consensus, cum possit etiam directe ponere dissensus, potest etiam indirecte impedire scientiam mediā de consensu, a qua per accidens causatur; & sic potest voluntas se determinare, ut pendeat a scientia media de dissensu. Hinc patet disparitas, quare voluntas non possit impedire suum ullum constitutum, aut causam, a qua per se dependet, possit vero impedire indirecte causam remotam, a qua dependet per accidens: Nam liberum arbitrium prout existens non potest secundum se præscindere a suis constitutivis, neque a causa, a qua per se dependet: contra vero cum possit existere voluntas, five ab hac, five ab illa causa remota videl. five dependenter a scientia media de consensu, five de dissensu, idcirco secundum se præscindit ab hoc, quod existat dependenter ab hac potius, quam illa causa; unde secundum se potest ita pendere a scientia media de consensu, ut possit illam indirecte impedire.

Ad secundam confirmationem distinguo etiam majorem: Non potest voluntas Petri indirecte impedire id, quod eodem pacto daretur, etiam si voluntas Petri non existeret; si illud pendeat essentialiter ab effectu conditionate futuro ipsius voluntatis, ut pendet scientia media de consensu, nego majorem; si non pendeat, concedo majorem, & distincta pariter minore, nego consequentiam.

VIII. Dico ultimo: neque prædefinitio consensus, neque permissio dissensus, si consequantur ad scientiam mediā, violant libertatem actus prædefiniti, aut permissi. Ita communiter Doctores Societatis cum Suar. lib. 5. de auxiliis cap. ultimo, Mau. disp. 84. de Deo &c. Et quamvis in contrarium citentur Vasq. disp. 84. Lessi, Mol., Emeric, tamen, ut notat Quiros de prædefinitione disp. 8. sect. 1. nemo istorum aperte contradicit; sicut nec Pater Thyrsius Gonzalez tom. 1. ubi plurimas difficultates contra hujusmodi prædefinitionem congerit;

illam enim probabilis dari docet in calce disputationis 13. Conclusio hæc consistit ex hæcenus dictis.

Prob. Quod antecedit physice consensum, si logice ad illum consequatur, est indirecte impossibile a voluntate, & non violat libertatem consensum, ut patet exemplo præscientiæ de peccato Antichristi; sed prædefinitio consensus consequens ad scientiam mediam ita est in priori ad consensum physice, quatenus est causa illius remota, & non determinate requisita, ut logice consequatur ad eundem conditionate futurum, & ad scientiam mediam de illo; ergo prædefinitio isthæc est indirecte impossibilis, & non violat libertatem consensus prædefiniti.

Confirm. Necessitas mere consequens logice ad actum, ac proinde indirecte impossibilis a voluntate non violat libertatem talis actus, ut ostendimus questione præcedenti exemplificando in revelatione peccati D. Petri; sed necessitas orta a prædefinitione, quod inducat consensus, est mere consequens logice ad consensum ut conditionate futurum, & ad scientiam mediam de illo, ac proinde impossibilis indirecte a voluntate; ergo non violat libertatem consensus.

IX. Objic. 1. Necessitas antecedens ad actum, & impossibilis a voluntate lædit libertatem actus; sed prædefinitio consequens scientiam mediam inducit necessitatem antecedentem ad consensum inimpedibiliter; ergo violat libertatem consensus prædefiniti. Probatur minor. Hæc prædefinitio non solum æternitate, sed etiam eanfalsitate antecedit potentiam liberam, & consensum; ergo antecedit ad consensum inimpedibiliter; aliter posset voluntas impedire suam causam, dependenter a qua est posita; quod videtur repugnare.

Confirm. In tantum præscientia de peccato Antichristi non violat libertatem peccati, quia consequitur logice ad peccatum, & non causat illud; tenet enim hæc illatio: Ideo Deus prævidet peccatum, quia peccatum est futurum, & non e contra; unde peccatum, posita præscientia, est necessarium necessitate solum consequente: At prædefinitio causat mediatè consensum, adeo ut teneat hæc illatio. Ideo consensus erit, quia est prædefinitio; ergo prædefinitio, quamvis consequatur ad scientiam mediam, infert necessitatem consensus antecedentem, & inimpedibilem læsivam libertatis.

Confirm. 2. Ex Aug. in Enchirid. cap. 95. ubi hæc habet. *Nisus est cogitare de Deo, ideo non fecit, quia ne fieret quod volebat Omnipotens, voluntas hominis impediis; ergo voluntas divina, seu prædefinitio ex Augustino est inimpedibilis, atque adeo eversiva libertatis.*

Resp. nego minorem. Ad probationem distinguo antecedens. Prædefinitio ista antecedit causalitate potentiam liberam, & consensum, ita tamen ut sit determinatione, & logice posterior ipso consensu conditionate futuro, & scientia media de illo, concedo: secus nego antecedens, & consequentiam: quamvis enim causalitate antecedit ipsam potentiam liberam, antecedit tamen solum tamquam causa remota consensus, & non determinate requisita; unde est indirecte impossibilis a voluntate, nec violat libertatem consensus prædefiniti, ut ostendimus in tercia Conclusionem.

Ad primam confirmationem: ex hoc, quod prædefinitio fit causa remota consensus, non fit, quominus fit impossibilis a voluntate, quæ sicut potest directe impedire consensum, ita potest indirecte impedire scientiam mediam de illo, & prædefinitionem, quæ ad scientiam mediam consequitur. Non repugnat enim, ut ostendimus, mutua ista prioritas inter prædefinitionem, & consensum in diverso genere causæ, ut patuit in Medico dante pharmacum ex præcognitione, quod si detur, ægrotum sanaret: Sic etiam Rex conferret arma militi ex eo, quod prævidet eis bene usurum; haberetur mutua prioritas inter arma, & bonum usum armorum, quia bonus usus futurus sub conditione causæ ejus prævisionem, talis prævisio determinat ad collationem armorum, & arma causant bonum usum; in quo casu miles, quatenus potest libere ponere malum usum armorum, posset impedire prævisionem boni usus, quæ impedita, impediretur collatio armorum, atque adeo existentia potentie proximæ ad bonum usum.

Ad secundam confirmationem, Augustinus bene dicit, voluntatem divinam; seu prædefinitionem esse inimpedibilem, hoc est ininfrutabilem a voluntate hominis, si illa ponatur, non vero esse inimpedibilem, ne ponatur; potest enim voluntas hominis impedire, ne existat voluntas Dei prædefinitiva consensus consequens ad scientiam mediam, quamvis ea posita, impediri non possit ejus effectus; quod non obest libertati actus prædefiniti.

X. Ob-

X. Obijc. 1. Non stat libertas, ubi comp-
principia immediate concurrentia ad con-
sensum non sunt indifferentia; atqui posita
prædeterminatione, hoc non habetur; ergo nec
libertas. Probat minor: Inter comp-
principia proxima immediate ad consensum con-
currentia est ipsa Omnipotentia; hæc autem,
posita prædeterminatione, concurret ut deter-
minata ad consensum, non ut indifferens;
Sicut enim voluntas creata, posita inten-
tione efficaci finis, est determinata ad e-
lectionem mediæ, ita Omnipotentia deter-
minatur a voluntate divina efficaci, seu a
prædeterminatione consensui; ergo.

Confirm. 1. In tantum prædeterminatio con-
sequens non determinaret concursum indif-
ferentem Omnipotentia, in quantum est
impedibilis; si enim voluntas non con-
sentiret sub auxilio A, impediret in Deo scien-
tiam mediæ de consensu sub auxilio A;
& sic prædeterminatio consensui sub eodem au-
xilio impediretur; atqui hoc ipsum dicunt
Thomistæ de prædeterminatione consensui,
quod scilicet si voluntas sub prædetermi-
natione non consentiret, impediretur præ-
scientia absoluta de consensu, & sic etiam
prædeterminatio; ergo si non stat indif-
ferentia, & libertas cum prædeterminatione,
nec statim cum prædeterminatione.

Confirm. 2. dum consensus dicitur sub
prædeterminatione esse liber, quia prædetermi-
natio est impedibilis, committitur circulus;
nam consensus dicitur liber, quia prædetermi-
natio est indirecte impedibilis; deinde præ-
determinatio dicitur impedibilis, quia consen-
sus est liber.

Resp. argumentum probare, quod neque
Antichristus libere peccet sub præscientia
de peccato, quia Omnipotentia immédia-
te concurrens ad peccatum afficitur hæc
scientia essentialiter connexa cum peccato:
Quare sicut præscientia accidit Omnipoten-
tiae consequenter ad determinationem vol-
untatis Antichristi, & ideo non lædit li-
bertatem peccati; ita quia prædeterminatio ac-
cidit ad Omnipotentiam, consequenter ad
scientiam mediæ de consensu, atque adeo
consequitur ad ipsam determinationem vol-
untatis, ideo nec lædit libertatem con-
sensus. In forma nego minorem; Ad pro-
bationem distin. antec. Omnipotentia sub
prædeterminatione est determinata determi-
natione consequenti, conc., antecedenti, ne-
go antecedens, & consequentiam.

Ad primam confirmationem: prædeterminatio
adeo est impedibilis, quia voluntas sub au-
xilio A indifferenti potest ponere tum

consensum, tum dissensum; ita ut possit
utrumque actum cum auxilio componere;
unde cum possit impedire consensum, pos-
est indirecte impedire scientiam mediæ de
consensu prærequisitam essentialiter ad præ-
determinationem; & ideo potest prædetermina-
tionem impedire. Contra vero cum prædetermi-
natione non potest impedire utrumque actum
componere; ergo prædeterminatio ne indi-
recte quidem est impedibilis. Præterea præ-
determinatio licet physice antecedat consensum,
consequitur tamen illum logice, & ideo
potest voluntas illam impedire; secus ve-
ro prædeterminatio, ut dicimus disp. se-
quenti. Hinc prædeterminatio est in manu vo-
luntatis, cum sit in manu voluntatis præ-
requisitum ad prædeterminationem; Prædetermi-
natio vero per Thomistas nullatenus ef-
fectus dicitur in manu voluntatis, sive se-
neat ex parte actus primi, sive secundi;
ergo lædit libertatem.

Ad secundam, nullus a nobis committitur
circulus: dicimus enim, consensum sub præ-
determinatione esse liberum, præcise quia pro-
cedit a principiis indifferentibus: dicimus
deinde, prædeterminationem non obstaré; nam
cum logice consequatur ad scientiam medi-
æ de consensu, atque adeo ad determi-
nationem voluntatis, ideo est indirecte
impedibilis.

XI. Obijc. ultimo: si posset voluntas im-
pedire prædeterminationem sui consensui, pos-
set etiam illam acquirere, & sic posset ac-
quirere causam sui: sequela est absurda;
ergo id unde sequitur. Prob. sequela par-
tate scientiæ mediæ. Nam si potest vo-
luntas impedire scientiam mediæ de con-
sensu conditionate futuro sub auxilio A,
potest etiam acquirere sibi scientiam medi-
æ de tali consensu, ponendo scilicet
consensum; ergo pariter si potest impedire
prædeterminationem de consensu, ponendo dis-
sensum, poterit etiam acquirere prædetermi-
nationem consensui; cum autem prædeterminatio
consensus liberi sit causa tum ipsius con-
sensus, tum potentie liberæ ad consen-
sum, sequitur manifeste, quod si posset vo-
luntas acquirere sibi prædeterminationem con-
sensus, posset sibi causam suam acquirere,
& sic esset prior se ipsa.

Respon. quod sicut D. Petrus per hoc,
quod libere peccavit, potuit acquirere sibi
præscientiam de peccato, non tamen reve-
lationem de illo; ita qui libere consensit,
potest acquirere sibi præscientiam de con-
sensu conditionate futuro, non tamen præ-
determinationem. Et ratio est, quia sicut ad
pec-

peccatum D. Petri necessario consequitur præscientia, non vero revelatio, quia intellectus Divinus necessitatur ad cognoscendum, voluntas vero Divina est libera ad revelandum; ita ad consensum sub auxilio A necessario consequitur scientia media de illo, non tamen præfinitio, quia hæc est libera voluntati Divinæ. Quare possumus præfinitionem tantum impedire, cum possumus impedire scientiam mediam de consensu essentialiter præquisitam; at non possumus præfinitionem acquirere, quia ad illam scientia media prærequiritur; non consequitur tamen necessario, sed libere a Deo ponitur.

XII. Dices: præfinitio consequens in omni providentia est necessaria, ut diximus, ex parte voluntatis Divinæ; sicut est necessaria ex parte intellectus Divini scientia media de consensu; ergo sicut potest voluntas creata acquirere sibi scientiam mediam de consensu, ita & præfinitioem.

Resp. 1. per instantiam, quæ maxime urget: sicut per nos est necessaria in omni providentia præfinitio consensus, non quidem ex parte consensus, sed ex parte voluntatis Divinæ, quæ non potest carere amore efficaci boni, quod ponitur, unde fit causa per se omnis boni, & inducat debitum gratitudinis etiam ex bona operatione; ita per Adversarios in omni providentia, quandocumque ponitur consensus, requiritur collatio auxilii prævisi efficaciæ, non quidem ex parte consensus (qui posset poni, etiam si auxilium prævideretur inefficax, aut si probabiliter tantum prævideretur efficax) sed ex parte intellectus Divini, qui non potest carere certa scientia omnium conditionatorum; & tamen per adversarios non potest absolute voluntas acquirere sibi collationem auxilii prævisi efficaciæ; ergo nec per nos præfinitionem.

Resp. 2. concesso antecedente dist. consequens: potest voluntas acquirere sibi præfinitionem consensus, supposita collatione auxilii, quæ est libera Deo, concedo; non posita tali collatione, nego consequentiam: Sicuti per Adversarios potest voluntas acquirere sibi collationem auxilii, in quantum prævisi efficaciæ, si auxilium libere conferatur a Deo, non vero simpliciter, & absolute. Non potest itaque negari, ut notat Gisbert de voluntate Dei, cap. 3. quod voluntas, posita collatione auxilii A, sicut potest directe ponere consensum, ita possit indirecte & impedire, & acquirere

sibi tum scientiam mediam de consensu, tum etiam præfinitionem, posito, quod hæc sit necessaria in omni providentia. Illud tamen interest inter scientiam mediam, & præfinitionem, quod in intellectu Divino est simpliciter necessaria aliqua scientia media vage, videlicet vel de consensu, vel de dissensu sub auxilio A, etiam si auxilium A de facto non conferatur; quia illa scientia media consurgit in Deo per liberam determinationem voluntatis creatæ, quæ esset, si, non vero quæ est de facto: Contra vero in voluntate Divina non est necessaria vage vel præfinitio consensus, vel permissio dissensus, nisi in hypothesi, quod libere Deus conferat auxilium indifferens; & ideo voluntas creata non potest acquirere sibi præfinitionem, nisi in hypothesi, quod auxilium de facto conferatur; Sicut enim potest præfinitionem indirecte impedire, non quidem quatenus est collativa auxilii, sed quatenus est præfinitiva consensus, quia sic est causa per accidens, & non determinate requisita; ita eodem modo potest illam sibi indirecte acquirere.

Q U Æ S T I O V.

An Præfinitio antecedens scientiam mediam in essendo, consequens in operando, evartet libertatem actus præfinitii?

I. Difficultas est de præfinitione, seu decreto intentivo consensus, quod Deus poneret immediate post scientiam simplicis intelligentiæ, qua videt non defuturum in collectione auxiliorum aliquod auxilium efficax; quamvis deinde antequam auxilium conferatur, indigeat Deus consultatione scientiæ medix ad inquirendum de auxilio efficaci, quod teneatur conferre vi talis præfinitionis, ne exponatur periculo frustrationis.

Communissime docent, huiusmodi præfinitionem absolute repugnare; tum quia Deus minus perfecte cognosceret quæ debet cognoscere, nempe objectum scientiæ medix; tum quia minus perfecte, & veluti cæco modo decerneret. Primo quidem, ut notat P. Junius laudatus a P. Thyrsio Gonzalez disput. 2. sect. 6. minus perfecte cognosceret objectum scientiæ medix, quia illud non cognosceret statim ac potest, videlicet ante quodvis decretum liberum; de-

debet autem Deus illud cognoscere statim ac potest, cum sit obiectum necessarium. Secundo minus perfecte decerneret, tum quia non decerneret omnia unico decreto; consensum enim prædeterminaret ante scientiam mediam; & deinde post consultationem scientiæ medix decerneret dare auxilium prævisum efficaciter; tum etiam quia decretum hoc, seu prædeterminatio non consequeretur ad scientiam mediam, quæ est Deo necessaria: omne autem liberum in Deo cum fundetur in necessario, debet consequi ad necessarium. Tertio minus sapienter prædeterminaret consensum, quia ita prædeterminaret, ut deinde indigeret consultatione scientiæ medix ad dandum auxilium efficaciter, ne prædeterminatio frustretur; sapientissimè autem decernens, & non indigentis consultatione est simul intendere finem, & eligere media; ergo. Quarto cæco modo decerneret, ac prædeterminaret consensum, nondum videns in particulari, per quodnam auxilium sit inducendus. Repugnat itaque absolute ex parte Dei decernentis prædeterminatio ista antecedens. Solum itaque quaeritur, An si per impossibile Deus ita prædeterminaret consensum, huiusmodi prædeterminatio everteret libertatem actus prædeterminati?

ARTICULUS I.

*Autoritate, & ratione stabilis Conclusio
Affirmativa.*

II. **C**enso equidem, prædeterminationem, quæ antevertit scientiam mediam in essendo, consequitur in operando, evertere libertatem actus prædeterminati. Unde fit, prædeterminationem istam neque esse possibilem ex parte Dei decernentis, neque ex parte consensu liberi. Ita Suar. l. 5. de gratia, cap. 53. & 54. Martinonius de Deo quaest. 81. Catancus tom. 4. disp. 12. sect. 5. P. Thyrsus Gonzalez tom. 2. dis. 4. num. 76. dicens, Hanc esse communissimam inter Doctores Societatis contra nonnullos in manuscriptis: Nam Coninck dis. 22. num. 98. qui in contrarium citatur, videtur potius admittere prædeterminationem consequentem, quam antecedentem; Idemque dicas de Perez dis. 5. de Providentia c. 4. & Proposito prima parte quaest. 22. art. 4. num. 46. Citatur etiam ab Adversariis Suar. quippe qui 3. parte disp. 37. sect. 3. docet, conciliari inopercabilitatem Christi Domini cum libertate: ad obediendum præcepto moris per unionem hypostaticam, exigivam

auxiliorum efficaciam. Sed Suarius etiam, teste eodem P. Thyrsio, interpretandus est de unionis hypostatica consequente, non antecedente ad scientiam mediam, atque adeo de unionem, quæ se habet instar prædeterminationis consequentis, non antecedentis, supponente, non trahente prævisionem auxiliorum efficaciam. Nisi velimus cum aliis dicere, Suarium re melius considerata in libris de auxiliis retractasse sententiam: Etenim lib. 5. cap. 54. num. 12. aperte dicit repugnare libertati, quod Deus nullo habito respectu ad usum libertatis sub conditione prævisum apud se statuatur, & præstiniat facere talem actum; & cap. 53. num. 4. docuit, non posse a Deo concipi electionem ad gloriam ante scientiam conditionatam, salva ejus efficacia, & prædeterminatorum libertate; & c. 23. num. 8. habet, impossibile esse, quod sit in mea potestate effectus, nisi in mea potestate etiam sit quicquid est necessarium, ut effectus ponatur: ecce quam aperte Suar. sententiæ oppositæ adversatur.

Auctoritati Scholasticorum accedit auctoritas uniformis PP. Aug. l. 1. Retractionum cap. 22. dicit. *In potestate nostra non est, nisi quod nostram consequitur voluntatem.* Ber. lib. de Gratia, & lib. arbit. *Ubi necessitas, ibi liberitas non est.* D. Ansel. lib. 2. *Cur Deus homo*, c. 14. docet, duplicem dari necessitatem, videlicet antecedentem, quæ causa est, ut res sit; & consequentem, quam res ipsa facit; illamque simpliciter evertit libertatem.

Prob. conclusio ratione. Primo quia voluntas sub ista prædeterminatione antecedente ita poneret consensum, ut non esset proxime potens ponere dissentium; ergo consensus non esset liber: Consequentia sequitur; Antecedens probatur, non potest voluntas ponere dissentium, neque in sensu composito prædeterminationis, hoc est componendo dissentium cum prædeterminatione consensus, ut patet; prædeterminatio enim, utpote infirmitas, est impossibilis cum dissentio: Neque potest dissentium ponere in sensu diviso, hoc est ponendo dissentium, & abigendo prædeterminationem, seu dividendo se ab illa (eo modo quo voluntas amans ponere potest odium in sensu diviso) quia non potest prædeterminationem impedire; ergo non potest simpliciter ponere dissentium; cum a Philosophis non assignetur alius modus ponendi, quam vel in sensu composito, vel diviso.

Quod autem ista prædeterminatio abjici, seu

impediri non possit a voluntate creata, patet, quia nec est impedibilis directe, cum non sit actus ipsiusmet voluntatis create, sed Divinæ; nec est impedibilis indirecte, tollendo scilicet aliquid prærequisitum ad ipsam, eo modo, quo prædefinitio consequens est indirecte impedibilis per hoc, quod possit impediri scientia media de consensu prærequisita ad ipsam; quia prædefinitio antecedens non prærequisit scientiam mediam de consensu, sed scientiam simplicis intelligentiæ, qua Deus videt, sibi non defuturum auxilium efficac; & huiusmodi scientia cum sit in Deo necessaria, non est impedibilis a voluntate creata; ergo prædefinitio antecedens est simpliciter inimpedibilis.

Vis ratiocinationis sit manifesta exemplificando. Sit sedes v. gr. capax unius tantum hominis, & in ea sedeat Petrus, qui non possit a Paulo expelli; certe Paulus in hac hypothesi simpliciter non habet potentiam proximam ibi sedendi, cum non possit sedere nec in sensu composito cum Petro, eo quod sedes non sit capax duorum; neque in sensu diviso, cum non possit illum expellere; ergo similiter in casu nostro. Ratio a priori est, quia toties potentia aliqua non potest proxime ponere effectum, quoties inter ipsam, & effectum debet aliquid intercedere; sic ignis distans a passio non potest proxime comburere, quia inter ignem, & combustionem debet intercedere remotio distantia; atqui inter potentiam sedendi, quæ est in Paulo, & sessionem debet intercedere remotio sessionis Petri faciendæ ab alio, eo quod non possit a Paulo Petrus expelli; ergo Paulus non dicitur posse proxime ibi sedere; Eodem pacto inter voluntatem, & disensum debet intercedere remotio prædefinitionis inimpedibilis; ergo voluntas sub prædefinitione consensus non potest proxime ponere disensum, atque adeo non est libera.

III. Confirm. Concl. Si voluntas sub prædefinitione antecedente posset ponere disensum, eo ipso posset componere disensum cum prædefinitione; sequela est absurda; ergo. Probat sequela; Si immoto, & inimpedibili A, potest poni B, eo ipso potest A componi cum B, ergo si posita prædefinitione immota, & inimpedibili, potest poni disensus, potest cum ea componi disensus: Antecedens patet: quoties enim ponere A, idem est, ac componere illud cum B, qui potest ponere A, potest illud componere cum B: atqui posita præ-

definitione consensus, ponere disensum est componere disensum cum prædefinitione, ut patet; ergo si voluntas sub prædefinitione consensus potest ponere disensum, potest componere disensum cum prædefinitione; quod est habere potentiam ad chimæram.

Dices 1. voluntas sub prædefinitione potest ponere disensum, tum in sensu composito, componendo scilicet se cum disensu, non vero prædefinitionem cum disensu; tum in sensu diviso, non dividendo se a prædefinitione active, & directe, hoc est expellendo illam immediate, nec formaliter, & indirecte, hoc est expellendo mediate, impediendo scilicet prærequisitum ad illam; sed arguive, & quasi formaliter, per hoc scilicet quod spectata virtute voluntatis sub auxilio indifferenti, posset poni disensus, quo posito argueretur, quod non præfuisset prædefinitio; ergo stat libertas consensus cum prædefinitione antecedente.

Sed contra est, quia juxta has interpretationes, etiam potentia progressiva sub compedibus diceretur posse proxime ambulare tum in sensu composito, tum diviso; ut patet consideranti: Similiter Paulus posset proxime in ea sede sedere, quod tamen nemo dixerit. Etenim quamvis Paulus secundum se spectatus possit ibi sedere; quia tamen inter potentiam sedendi, & sessionem intercedere debet remotio sessionis Petri inimpedibilis a Paulo, ideo Paulus non habet potentiam proximam, & expeditam ad sedendum, sed impeditam a sessione Petri, tanquam ab impedimento inseparabili. Ita in casu nostro: quamvis enim prædefinitio sit extrinseca voluntati, adhuc est impedimentum rigorosum, ut dicemus articulo sequenti: sicut sessio Petri inimpedibilis, quamvis sit extrinseca Paulo, adhuc est impedimentum, ut Paulus possit sedere: ad rationem enim impedimenti solum spectat, quod sit impossibile cum effectu, & inimpedibile ab agente, non vero, quod sit intrinsecum agenti; Nam gratia v. g. quamvis sit intrinseca anime, non est impedimentum ad peccatum, cum quo est impossibile, quia non est inimpedibilis a voluntate.

IV. Dices 2. ex Martinez controvers. 4. disp. 6. sect. 1. Qui potest ponere A impossibile cum B in sensu diviso, non debet posse tollere, seu impedire ipsum B, sed satis est, quod possit componere potentiam cum B; ergo ut voluntas sub prædefinitione consensus possit ponere disensum, non de-

debet posse impedire praedestinationem, sed satis est, quod possit voluntatem componere cum dissensu; ergo stat libertas. Antecedens patet multis exemplis. Nam qui potest v. gr. proxime ponere visionem Solis fulgentis, non debet posse tollere, vel impedire negationem Solis, vel Eclipsim, cum qua visio illa est impossibilis: Sic qui potest credere fide Divina, Spiritum Sanctum non esse incarnatum, non debet posse impedire Incarnationem Spiritus Sancti, cum qua fides illa est impossibilis; ergo pariter qui potest proxime ponere dissensum, non debet posse impedire praedestinationem consensum.

Resp. debere esse inconcussum, quod ut potentia sit proxime expedita, nihil debeat intercedere inter ipsam, & effectum, quod non possit ab ipsa poni. Hinc fit, quod quae sunt impossibilia cum effectu, vel debent posse ab ipsa potentia removeri, vel saltem debent supponi remota, & impedita ab alio, ut in casibus adductis in argumento: Nam ut quis dicatur posse proxime videre Solem, debet saltem praesupponere sublatam a Deo negationem existentiae Solis, cum qua talis Visio est impossibilis; ergo cum in casu nostro non supponatur sublata a Deo praedictio consensum, debet voluntas posse illam impedire, ut dicatur posse proxime dissentire. In forma distinguo antecedens: non debet semper posse impedire B, concedo: non debet posse impedire, aut supponere impedimentum B, nego antecedens, & consequentiam.

Quoties duo sunt non mutuo connexa, ut visio Solis cum Sole (visio enim existere nequit sine Sole, sed potest Sol sine visione) tunc qui potest ponere A, nempe Visionem Solis, debet supponere sublatam B, nempe negationem existentiae Solis, cum qua illa est impossibilis, seu debet supponere Solem existentem; aliter non posset proxime illum videre.

ARTICULUS II.

Stabilitur maxima universalis in hac materia.

V. Probatur 2. Conclusio a priori ex hac maxima, quia debet in sententia Societatis esse ineluctabilis, & aperte docetur ab Eximio Doctore lib. 5. de Gratia, cap. 23. num. 8. *Omne antecedens consensum omnino antecedens, si sit impossibile cum dissensu, & inincredibile a voluntate,*

rate, everit libertatem consensum: sed ita se habet praedictio antecedens: ergo everit libertatem consensum praedictum. Dixi, Omne antecedens omnino antecedens, hoc est non solum physice, ut antecedit praedictio consequens, sed etiam logice, ita ut valeat illatio: Ideo datur consensum, quia datur id, quod antecedit consensum; & non viceversa, Ideo datur id, quod consensum antecedit, quia datur consensum; sicuti ideo datur praedictio consequens, quia datur consensum, ut proinde praedictio consequens antecedit consensum physice tantum, non logice. Quod autem praedictio antecedens sit huiusmodi, est indubitatum; antecedit enim consensum tum physice, cum sit causa auxiliorum, quae causant illum; tum etiam logice, valet enim haec illatio. Ideo datur consensum, quia datur praedictio, ut dicitur de praedeterminatione; non vero e contra, Ideo datur praedictio, quia supponitur consensum pro statu conditionato, ut dicitur de praedictione consequente.

Prob. itaque ca Maxima. Illud est everivum libertatis consensum, quod reddit potentiam liberam impeditam ad dissensum, seu quod est impedimentum ad dissensum; atqui omne antecedens omnino antecedens (sicut est praedictio) est impedimentum ad dissensum; ergo omne huiusmodi antecedens est everivum libertatis. Major patet, quomodo enim dari potest libertas, seu potentia proxime expedita ad utramque partem, si datur impedimentum ad alteram? Probatur itaque minor; Illud est impedimentum, quod est ratio sufficiens, ne aliquid ponatur, insuperabilis ab agente; atqui praedictio, & omne antecedens omnino antecedens est huiusmodi; ergo est impedimentum. Major hujus syllogismi constat tum ex nominis Etymologia; quid enim aliud est impedire, quam efficere ineluctabiliter, ne aliquid sit? tum inductione; tum etiam ratione, quia aliter posita huiusmodi ratione ineluctabili, potentia posset, & non posset ponere effectum; posset quidem, quia revera careret impedimento juxta sententiam Adversariorum; non posset vero, quia neque posset in sensu composito, neque in sensu diviso, juxta dicta art. antecedenti.

VI. Ubi advertit, quod tam praedictio, quam ipsa voluntas se determinans ad consensum sit ratio sufficiens, ne ponatur dissensus: cum hoc tamen discrimine, quod consensum non sit inimpedibilis ab agente, seu

seu a voluntate; secus vero prædefinitio; & ideo sola prædefinitio est impedimentum ad dissentium.

Dices 1. impedimentum debet se tenere ex parte principii proximi, non vero remoti, & non per se requisiti; atqui prædefinitio se tenet ex parte principii remoti, & non per se requisiti ad consensum; quandoquidem etiam sine illa potest poni consensus, & ea non influit immediate in consensum, sed solum mediate, quatenus causat auxilium, a quo est consensus; ergo prædefinitio non est impedimentum ad dissentium.

Resp. impedimentum debet se tenere ex parte principii proximi, non quia debet immediate influere ad effectum, aut quia ad effectum prærequiritur, aut quia debet intrinsece asserere potentiam; (aliter scilicet Petri inimpedibilis non esset impedimentum Paulo, ne sedeat; & decretum Dei nolentis concurrere cum igne ad combustionem non esset impedimentum in igne ad comburendum) sed debet se tenere ex parte principii proximi, quatenus debet esse destructivum principii, in quantum proxime expediti; atqui prædefinitio cum sit ratio sufficiens, ne ponatur dissensus inimpedibilis a voluntate, re vera destruit in voluntate vim proxime expeditam ad dissentium; ergo prædefinitio se tenet ex parte principii proximi, prout spectat ad rationem impedimenti. In forma distinguo maiorem: impedimentum debet se tenere ex parte principii proximi, ut constitutivum principii proxime potentis ponere effectum, nego; ut destructivum illius, concedo maiorem, minorem, & nego consequentiam.

VII. Dices 2. hanc esse notionem impedimenti, quod sit Id, quod supposita virtute adæquata causæ, ita est ratio sufficiens, & includibilis, ne effectus ponatur, ut ea sublata statim effectus debeat confluere: Sic distantia ignis a passo est impedimentum; quia ea sublata, statim ignis calefacit; at sublata prædefinitione consensus non statim voluntas ponit dissentium, cum sit libera ad illum non ponendum; ergo prædefinitio consensus non est impedimentum ad dissentium. Imo relate ad potentiam liberam, nullum videtur dari posse rigorosum impedimentum, sed solum dari potest defectus requisitorum ad agendum.

Resp. huiusmodi notionem impedimenti non subsistere, neque in causis necessariis, neque in liberis. Primo non subsistit in

causis necessariis; nam si duo dentur impedimenta, ne ponatur effectus, altero sublato, effectus non ponitur; & tamen illud erat verum impedimentum; v. g. si descensum lapidis impediatur tum columna, a qua sustentatur, tum funis, cui suspenditur, columna sublata, lapis non descendit; & tamen columna erat impedimentum. Deinde non subsistit in causis liberis; nam compedes v. gr. in potentia libere progressiva sunt impedimentum ad motum, & tamen sublatis compedibus, non statim ponitur motus; Sic visio beata, Unio hypostatica sunt impedimentum ad peccatum, & iis sublatis, non statim ponitur peccatum; ergo falsum est, ad rationem impedimenti requiri non solum quod sit ratio sufficiens, ne ponatur effectus insuperabilis ab agente, sed etiam quod ea sublata statim ponatur effectus. Et ratio a priori est, quia licet causa necessaria, eo quod sit necessaria, sublatis omnibus impedimentis, debeat statim agere; nihilominus causa libera, eo quod sit libera, sublato impedimento, non debet eatenus operari.

Adde, non posse ab Adversariis negari, quod potentia libera sit capax impedimenti, cum ipsi admittant possibilem præfinitionem consequentem indirecte impedibilem; Quid enim est, præfinitionem consequentem ad scientiam mediam esse impedibilem, quam posse dari ad illam impedimentum? videlicet carentiam scientiæ mediz de consensu, quæ est prærequiritum ad illam. Quare sicut admittunt rigorosum impedimentum ad hanc præfinitionem, quæ est actus voluntatis divinæ per hoc, quod possit illi deficere prærequiritum; ita admittere debent impedimentum ad actum voluntatis creatæ, v. gr. ad dissentium, si deficiat illi requisitum, nempe carentia alicuius essentialiter connexi cum consensu, & inimpedibilis, sicut est prædefinitio antecedens. Ubi advertet, Adversarios admittere, quod voluntas dicatur impedita, quando caret requisitis ad actum: v. g. voluntas, si cum cognitione ænigmatica Dei habeat simul visionem beatam, dicitur impedita ad peccandum, quia caret requisitis, nempe remotione visionis beatæ, quæ est impossibilis cum peccato, & inimpedibilis; ergo pariter voluntas si cum auxilio indifferenti stet sub prædefinitione consensus, etiam erit impedita ad dissentium; quia caret simili requisito. Præterea in eo sensu, in quo Adversarii admittunt, voluntatem posse impediri, non est verum, quod eo

eo impedimento sublato, statim voluntas operetur; nam scientia media de diffensu est impedimentum in voluntate divina ad prædeterminationem consensum, & tamen hoc impedimento sublato, non idcirco ponitur a Deo prædeterminatio; ergo notio impedimenti adducta ab Adversariis non subsistit.

VIII. Confirm. ratiocinatio, & Maxima adducta ex absurdis. Nisi ea Maxima esset universaliter vera in Schola Societatis, sed posset ab Adversariis limitari dicendo, quod omne antecedens omnino antecedens impossibile cum disensu, & inimpedibile evertere libertatem, si se teneat ex parte principii proximi, non vero remoti, sequeretur, non posse amplius a nobis impugnari Prædeterminatores, & Conddeterminatores; atque adeo si prædeterminatio antecedens non tollit libertatem, neque tolleret prædeterminationem, & conddeterminationem; Sequela non admittitur; ego neque antecedens. Probat sequela, quia possent pariter Prædeterminatores aliter limitare, & distinguere Maximam illam, dicendo esse veram, si antecedens omnino antecedens se teneat ex parte principii proximi spectantis ad causam secundam, non vero ad causam primam, tamquam instrumentum Dei applicantis causas secundas ad libere agendum; sicut est prædeterminatio; seu, ut loquuntur Thomistæ, si determinet per modum naturæ, non libertatis: Sic autem limitando illam Maximam procul dubio prædeterminationem (& idem dicas de conddeterminatione) non everteret libertatem; ergo si posset a nobis illa Maxima limitari, non posset a nobis impugnari prædeterminatio, ut everteretur libertatis. Quod autem posset Thomistæ etiam illam Maximam limitare, & eo pacto distinguere, probatur, quia quæ adversus hanc limitationem Thomistæ a nobis obijciuntur, militent etiam adversus limitationem adductam a prædeterminatoribus; sicut enim persistit in sua familiaritate limitatione Prædeterminator; ita posset etiam in sua persistere Prædeterminator; præsertim quia plura habet Prædeterminator argumenta, quæ in speciem suadent, admittendam esse suam limitationem; quia scilicet sic salvatur in Deo conceptus non solum primi entis, sed etiam primi motoris, qui causas secundas ad agendum non solum movet, sed etiam præmoveret.

Præterea juxta sententiam Jo: Vincentii celeberrimi Thomistæ sustinentis, prædeterminationem non esse necessariam, ut ponatur actus liber, eo quod possit divinitus circa præ-

determinationem actus liber poni, quavis non connaturaliter, sequeretur, quod posset etiam inimpugnabiliter limitari aliter alia Maxima, dicendo, Omne antecedens omnino antecedens impossibile, & inimpedibile evertere libertatem, si sit antecedens necessarium ad actum, non vero si non sit necessarium, ut non est necessaria in hac sententia prædeterminatio, quæ superaddatur auxilio indifferenti; ergo maxima illa in schola Societatis esse debet universalissima.

IX. Neque dicas, juxta doctrinam Angelici, effectum dici liberum, si causa proxima sit indifferens, quavis remota, qualis est prædeterminatio, sit necessaria: Sicuti e contra effectus est necessarius, si causa proxima sit determinata ad unum, quavis causa remota sit libera; ex.gr. calor est effectus necessarius, quia est ab igne, qui est causa proxima necessaria, quavis causa productiva ignis, nempe voluntas Dei, sit libera; ergo consensus sub prædeterminatione, quæ est causa proxima, est necessarius; sub prædeterminatione vero, quæ est causa remota, erit liber.

Nam contra est, quia sicut Prædeterminatores dicunt, effectum dici liberum, si solum causa proxima sit indifferens, ita Prædeterminatores dicunt, effectum esse liberum, si sit indifferens causa proxima secundum ea, quæ spectant ad causas secundas, non ad causam primam; & secundum ea, quæ sunt necessaria ad actum, non secundum ea, quæ non sunt necessaria; ut est prædeterminatio in sententia Jo: Vincentii; ergo dicendum, ad libertatem consensus requiri, quod omnia omnino principia sint indifferentia. Et ratio a priori est, quia Bonum ex integra causa, malum ex singulis defectibus; ergo libertas, quæ est bonum, debet habere indifferentiam ex parte omnium omnino principiorum, etiam si sint remota, aut se teneant ex parte cause primæ, aut non sint necessaria: Contra vero necessitas, quæ est malum, habetur in actibus ex singulis istorum principii determinatis. In forma distinguo antecedens: ut effectus sit liber, satis est, quod causa proxima sit indifferens, indifferentia solum negativa, nego, indifferentia etiam positiva, quia excludatur omne antecedens determinatum ad unam partem, & inimpedibile, concedo antecedens, & nego consequentiam. Duplex agnoscenda in principio proximo indifferentia, altera negativa, quatenus secundum se non est

determinatum ad unam partem; altera positiva, quatenus excludit omne antecedens determinatum ad unam partem, & inimpedibile. Voluntas sub auxilio indifferenti est principium proximum habens solum indifferentiā negativā, non vero positivā, nisi careat impedimentis; sicut potentia progressiva non habet positivā indifferentiā ad motum, nisi careat compedibus; & idcirco consensus, sive sit sub prædeterminatione, sive sub prædefinitione, non est liber.

ARTICULUS III.

Roboratur Conclusio ex Regulis Summulisticis.

X. **P**robatur ultimo cum Mauro, & Cattaneo locis citatis, & simul roboratur adversus Prædeterminationem physicā Maxima adducta ex hac regula Summulistica. Ex necessario non sequitur nisi necessarium; ergo ex necessario mihi non sequitur nisi necessarium mihi; sed prædefinitio consensus est mihi necessaria, utpote inimpedibilis a me: ergo ex ea non sequitur consensus nisi necessarius mihi, arque adeo non liber. Sensus illius regulæ est, quod si veritas antecedens est necessaria, erit etiam necessaria veritas consequens, v. gr. cum necessarium sit, quod Petrus sit homo, non potest non esse necessarium quod Petrus sit animal, quæ est veritas consequens ad illud antecedens. Ex hac regula inconcussa descendit illa consequentia; ergo ex antecedente necessario mihi sequitur consequens necessarium mihi, v. gr. ex hoc antecedente, Datur prædefinitio consensus, quæ est veritas necessaria mihi, sequitur hoc consequens necessarium mihi, ergo datur consensus: atqui si est necessarium voluntati, quod detur consensus, eo ipso non est liber: ergo posita prædefinitione antecedente (sicut etiam prædeterminatione) consensus non est liber.

Dices. Ex necessario simpliciter sequitur quidem necessarium simpliciter, juxta regulam Summulisticā; At ex antecedente necessario mihi non sequitur consequens necessarium mihi. Ratio est, quia potest aliquando antecedens trahere consequens necessario, non necessarium; ita ut posito antecedente, v. gr. posita prædefinitione, sequatur consensus necessario, necessitate tamen consequentia, non consequentis, arque adeo ex prædefinitione necessaria mihi potest sequi consensus mihi liber.

Sed contra est primo, quia ita se habet simpliciter ad simpliciter, ut secundum quid ad secundum quid: ergo si ex antecedente necessario simpliciter sequitur consequens simpliciter necessarium necessitate tum consequentis, tum consequentis, pariter ex antecedente necessario mihi sequetur consequens mihi necessarium tum necessitate consequentis, tum consequentis. Contra secundo: Ideo ex necessario simpliciter non potest sequi nisi necessarium simpliciter, quia aliter posset esse verum antecedens, & falsum consequens; v. gr. posset esse verum, quod Petrus sit homo, & falsum, quod sit animal; quod est contra conceptum veritatis antecedentis, & consequentis; atqui hoc etiam probat, ex necessario mihi non sequi nisi necessarium mihi: ergo. Probatur minor; quia aliter posset pariter esse verum antecedens, & falsum consequens; v. gr. posset esse verum, dari prædefinitionem, & falsum, quod detur consensus, quod pariter repugnat: etenim si consensus, etiam posita prædefinitione, est liber, & contingens, etiam posita prædefinitione posset non dari; unde posset esse verum antecedens, & falsum consequens.

Neque dicas, quod posita prædefinitione possit non dari consensus, spectato principio proximo, non vero spectatis omnibus. Nam quando dicitur, quod possit non dari consensus, spectato principio proximo, non possit vero, spectatis omnibus, seu spectata etiam prædefinitione, vel sit sensus, quod simpliciter, & absolute possit non dari consensus; vel sit sensus, quod absolute non possit dari, sed posset non dari, si non daretur prædefinitio. Si dicatur hoc secundum, habemus intencum: Si primum, sequitur, quod possit esse verum consequens, falsum antecedens, contra regulam Summulisticā. Idemque dicimus omnes contra prædeterminatores, si dicant, posita prædeterminatione, posset non dari consensus, spectatis iis, quæ spectant ad causas secundas, non vero ad causam primam. Præterquam quod in tali casu neque voluntas posset dissentire in sensu composito prædeterminationis, aut prædefinitionis, neque in sensu diviso: ergo simpliciter non posset dissentire.

XI. Confirm. Si per impossibile prædefinitio consensus esset necessaria Deo, sequeretur, quod consensus prædefinitus etiam sub auxilio indifferenti esset necessarius; ergo etiam si prædefinitio ista sit libera Deo. Consequentia videtur sequi: Probatur antecedens,

ecedens, quia in tali hypothefi praedefinitio effct neceffaria simpliciter; ergo cum ex regula dicta ex neceffario simpliciter non fequitur nifi neceffarium simpliciter, deberet ex praefinitione simpliciter neceffaria fequi confenfus neceffarius simpliciter; aliter poffet effe verum antecedens, falsum confequens; quod repugnat.

Replicabis. Quamvis ex neceffario simpliciter non poffit fequi nifi neceffarium simpliciter, falsum tamen eft, quod ex neceffario mihi non fequitur nifi neceffarium mihi: ergo ruit ratiocinatio adducta. Probatur antecedens; quamvis juxta aliam regulam fummulifticam, Ex poffibili non fequitur nifi poffibile, falsum tamen eft, quod ex poffibili mihi non fequitur nifi poffibile mihi: ergo neque ex neceffario mihi fequitur neceffarium mihi. Probatur antecedens, nam ex hac veritate antecedente poffibili, Video Solem, fequitur quidem hoc confequens poffibile: ergo Sol exiftit; at ex hoc alio antecedente, Eit poffibile mihi videre Solem, non fequitur, quod fit poffibile mihi hoc confequens, ergo Sol exiftit; cum non poffim ego ponere existentiam Solis, quamvis poffim videre Solem.

Respond. nego antecedens, & retorqueo argumentum. Sciendum tamen, dupliciter poffe sumi poffibile; primo pro non repugnante; fecundo pro contingente, feu non neceffario; nam v. gr. hominem effe rationalem eit poffibile in primo fenfu, quatenus non repugnat, non vero in fecundo fenfu, cum non fit id contingens. Hoc poffito, illa regula fummuliftica, Ex poffibili non fequitur nifi poffibile, intelligenda eit de poffibili fumpto in primo fenfu, non in fecundo: nam ex poffibili, hoc eit non repugnanti, v. gr. Petrus eit homo, fequitur poffibile, feu non repugnans, ergo eit animal; at ex poffibili, feu non neceffario, Petrus intuetur Deum, non fequitur hoc confequens poffibile, feu non neceffarium, ergo Deus exiftit. Hinc ex poffibili mihi fequitur poffibile mihi, fumpto poffibili in primo, non in fecundo fenfu: nam ex hoc, quod fit mihi poffibile, hoc eit non repugnans hoc antecedens, Intueor Deum, eit poffibile mihi, feu non repugnans hoc confequens: ergo Deus exiftit; quamvis ex eo, quod fit poffibile mihi, hoc eit non neceffarium hoc antecedens, Intueor Deum, non fequitur effe mihi poffibile, feu non neceffarium hoc confequens: ergo Deus exiftit.

XII. Confirm. ulterius Conclusio ex hac alia regula fummuliftica. Non poteft effe falsum confequens, & verum antecedens; v. gr. falsum effe, quod Petrus fit animal, & verum, quod fit homo; falsum, quod detur confenfus, & verum quod detur praedefinitio: ergo, pofita praedefinitione, confenfus eit neceffarius. Probatur confequentia: fi enim confenfus effet liber, poffet voluntas fub praedefinitione ponere diffenfum, quia poffet tollere praedefinitionem: ergo contra regulam adductam poffet falstificare confequens, non falstificato antecedente.

XIII. Confirm. demum ex hac alia regula: Veritas antecedentis trahit veritatem confequentis, & falstas confequentis trahit falstatem antecedentis; v. grat. ita Veritas, Petrus eit homo, trahit veritatem hujus confequentis: ergo eit animal; & ita falstas, lapis eit animal, trahit falstatem hujus antecedentis, lapis eit homo: Sic etiam veritas hujus antecedentis, Datur praedefinitio, trahit veritatem confequentis: ergo datur confenfus; & falstas hujus confequentis, Datur confenfus, trahit falstatem hujus antecedentis, Datur praedefinitio. Nunc fic arguo ex hac regula. Si verum eit, quod non exiftat confenfus, verum erit, quod non exiftat praedefinitio: ergo fi verum eit, quod poffit non exiftere confenfus, debet effe verum, quod poffit non exiftere praedefinitio; & confequenter fi non poteft non exiftere praedefinitio, utpote inimpedibilis, nec poterit non poni confenfus; unde non eit liber. Probatur confequentia, quia fi A trahit B, potentia ad A eit potentia ad trahendum B; ergo fi negatio confenfus trahit non existentiam praedefinitionis, voluntas, quae poteft efficere, ne exiftat confenfus, debet poffe efficere, ne exiftat Praedefinitio. Antecedens hoc conftat, quia aliter potentia poffet, & non poffet A; poffet ut fupponitur, non poffet, quia non poffet quod neceffario confequitur ad A, & confequenter non poffet simpliciter ipfum A.

ARTICULUS IV.

Objectionibus fit fatis.

XIV. **O**bjicies primo. Praedefinitio, quae eit inductiva libertatis, non poteft illam ledere; fed praedefinitio antecedens eit libertatis inductiva: ergo non eit everfiva. Probatur minor: Si Deus poff

scientiam simplicis intelligentiæ, qua videt sibi non defuturum auxilium efficac, decernat ponere huiusmodi auxilium, quod deinde per scientiam mediam apparebit efficac, non potest ponere nisi auxilium indifferens; atqui collatio auxilii indifferens est collatio ipsiusmet libertatis, ut patet: ergo prædefinitio antecedens est indifferens libertatis.

Confirm. quia Deus per scientiam simplicis intelligentiæ cognoscit, se posse per auxilia indifferencia inclinare cor hominis quo voluerit actu libero; ergo potest post huiusmodi scientiam velle facere, quod videt se posse facere; ergo potest prædefinire consensum liberum.

Respond. voluntatem divinam, quæ exercere destruit quicquid vult signare, esse chimericam; sicuti si Deus vellet per prædeterminationem physicam inducere actum liberum. Quando Deus per prædefinitionem antecedentem decernit efficaciter consensum liberum inducendum per auxilium indifferens providendum efficac, tunc signare vult actum liberum, & exercere vult actum necessarium, ut hæcenus ostendimus, & ideo talis prædefinitio est chimærica: eodem prorsus pacto, si quis advertens, se posse ponere actum voluntatis non imperatum, imperaret huiusmodi actum, tale imperium signare vellet quod exercere destrueret. In forma nego minorem: ad probationem distinguo minorem, collatio talis auxilii indifferens est collatio libertatis, si non conjungatur cum prædefinitione consensus, aut alio impossibili cum dissensu, & impedibili, concedo; si conjungatur, nego minorem, & consequentiam.

Ad Confirm. dist. primum consequens: potest velle facere Deus quod videt se posse facere, & eo modo, quo videt se posse, concedo; eo modo, quo videt se non posse, nego primam, & secundam consequentiam; videt enim, se posse inducere consensum liberum per auxilium indifferens, cui non superaddatur impedimentum ad dissensum, ut est prædefinitio; & ideo si superaddatur prædefinitio, videt, se non posse consensum liberum obtinere.

XV. Objic. 2. prædefinitio consequens non evertit libertatem; ergo nec antecedens; quandoquidem in hoc solum differunt istæ prædefinitiones, quod consequens supponit prævisum auxilium efficac; antecedens vero supponit providendum; utraque autem se tenet ex parte actus primi remoti, & non immutat actum primum proxi-

mum de se indifferentem; ergo utraque coheret cum libertate actus prædefiniti. Ratio a priori est, quia ex D. Tho. prima parte quest. 19. art. 8. Necessitas, vel contingencia effectus unice definitur a causa proxima, non a voluntate Divina, quæ est causa remota applicans proximas; atque adeo si causa proxima est indifferens, effectus est liber, ut in casu conclusionis: si vero sit determinata ad unum, effectus est necessarius, ut calor est necessarius, quia est ab igne determinato ad producendum calorem, quamvis voluntas Divina causativa ignis sit libera.

Confirm. 1. quia ut actus sit liber, satis est, quod possit non poni, spectato principio proximo, etiamsi spectata prædefinitione non possit non poni; ergo ut supra. Antecedens probatur eadem paritate; Supposita prædefinitione consequente, consensus non potest non poni, & tamen est liber, quia spectato principio proximo potest non poni; ergo idem dicendum, posita prædefinitione antecedente.

Confirm. 2. etiam prædefinitio consequens est in priori, & causa consensus, & tamen, quia ponitur dependenter a scientia media de consensu conditionate futuro, quæ potest a voluntate impediri, non violat libertatem; ergo prædefinitio antecedens quamvis sit causa consensus, quia tamen ponitur post scientiam simplicis intelligentiæ, qua videt Deus, non defuturum auxilium efficac in scientia media mox consulenda, nec violabit libertatem.

Resp. ita differre prædefinitionem antecedentem a consequente, sicut differret præscientia peccati, aut scientia decretorum liberorum, si antecederet huiusmodi actus liberos, ab ea, quæ de facto consequitur; Sicut enim præscientia peccati, si antecederet determinatione ipsum peccatum, læderet libertatem, quia esset impedibilis; secus vero, si consequatur, & sit impedibilis; ita prædefinitio antecedens, utpote impedibilis, lædit libertatem, quam non lædit consequens. Ad rationem a priori ex Angelico dicendum, effectum esse liberum, si sit a principio proximo expedito ad utramque partem, & indifferenti indifferencia etiam positiva: consensus autem sub prædefinitione est a principio proximo impedito, & indifferenti indifferencia solum negativa; ergo non est liber. Ad id, quod addit Angelicus, effectus necessitatem non desumi a voluntate Divina, quæ est causa remota applicans causas proximas indiffe-

differentes ad agendum, intelligi debet de voluntate Divina impedibili a voluntate creata, ut est prædefinitio consequens, non vero de inimpedibili, quæ destruit principium proximum expeditum ad utramque partem. Quare sensus Angelici est, voluntatem Divinam, etiamsi sit infufragibilis, & efficax, non derogare libertati, dummodo sit impedibilis; sicut præscientia de peccato, quamvis sit infufragibilis, non derogat libertati, si sit impedibilis. In forma nego antecedens: differunt enim prædefinitio consequens ab antecedente, quia cum hæc sit inimpedibilis, est impedimentum ad diffensum, & destruit indifferentiam positivam in principio proximo.

Ad primam confirmationem dist. antec. ad libertatem consensus sufficit, ut possit non poni, spectato tantum principio proximo expedito, & indifferenti tum positivo, tum negative, conc. impedito, & indifferenti solum negative, nego antecedens, & consequentiam. Ad probationem: falsum est, quod supposita prædefinitione consequente, consensus non possit non poni; potest enim per nos non poni in sensu diviso impediendo prædefinitionem; secus vero, posita prædefinitione antecedente. Ubi notandum, quod quando Adversarii repetunt, posita prædefinitione antecedente, posse voluntatem dissentire, spectato principio proximo, licet non possit, spectatis omnibus, interrogandi sunt, num To spectato principio proximo sit additum distrahens a potentia ad dissentiendum (sicuti quando dicitur, est homo pictus, vel mortuus, hoc additum est distrahens a ratione hominis, unde non potest simpliciter, & absolute dici, est homo sine tali addito) Si enim negant, posse dici absolute, & sine addito, quod voluntas possit dissentire, habemus intentum, quod non detur libertas, cum non detur potentia ad diffensum; si affirmant, quod possit voluntas dissentire; sequitur posse esse falsum consequens, & verum antecedens, contra regulam summulticam; juxta dicta art. 3. Præterquam quod falsum est, quod possit dissentire, cum neque possit ponere diffensum in sensu composito, neque diviso.

Ad secundam; prædefinitio consequens licet sit causa actus, atque adeo in priori prioritate causalitatis, & physica, est tamen in posteriori posterioritate determinationis, & logica; ut diximus quæst. antecedenti, & ideo est impedibilis indirecte, & coheret cum libertate; non secus ac præscientia

de peccato Antichristi, quæ physice, & durative antecedit ipsum peccatum: At prædefinitio antecedens, etiamsi in operando dependeat a scientia media, est simpliciter inimpedibilis: antecedit enim actum tum physice, tum logice, & ideo libertatem evertit.

XVI. Objic. 3. Falsum est, quod omne antecedens omnino antecedens ad consensum incompatibile cum diffensu, & inimpedibile evertat libertatem; ergo prædefinitio antecedens coheret cum libertate consensus prædefiniti. Probatur antecedens. Faciat Deus hoc decretum ante scientiam mediam: Si prævidero auxilium A efficax, dabo illud Petro, si vero illud prævidero inefficax, loco auxilii indifferentis dabo Petro prædeterminationem ad consensum; & deinde videat, auxilium A esse efficax, & conferat illud; in tali casu consensus erit liber; & tamen decretum, quod præsupponitur, est inimpedibile a voluntate, ut patet, & simul impossibile cum diffensu; nam si Petrus prævideretur sub auxilio A diffensus, daretur prædeterminatio ad consensum, & sic non erit diffensus. Quod autem talis consensus sit liber, explicatur a Coninck exemplo Angeli, qui vocet Petrum, & simul decernat illum cogere ad veniendum, si non velit libere venire: in quo casu si Petrus se determinet ad motum, motus erit liber, quamvis antecedit in Angelo illud propositum cogendi, si non venire libere, quod est impossibile cum omissione motus, & inimpedibile.

Confirm. De facto per nos datur in Deo exigentia infufragibilis videndi per scientiam mediam aliquod vage auxilium efficax, quæ necessitas essentialiter connectitur cum consensu pro statu conditionato, & est inimpedibilis a voluntate, & tamen non violat libertatem diffensus, ne pro statu quidem conditionato; ergo ruit Maxima illa universalis. Et ratio a priori est, quia quoties principium proximum non immutatur intrinsece, remanet intrinsece indifferens; sed per prædefinitionem non immutatur intrinsece: sicut in pariete v. gr. non immutatur vis proxime receptiva albedinis per hoc, quod Deus non concurreret ad receptionem albedinis.

Resp. nego antecedens. Ad probationem nego, consensum illum fore liberum. Ad exemplum Angeli respondeo cum Martonio de actibus humanis scđ. p. motum illum Petri esse liberum solum denominationi-

ve per denominationem ab actu interno libero, a quo imperatur; non esse liberum simpliciter: Ad eum modum, quo si Petrus actu libero acceptet morbum a Deo immissum, ægritatio ista est solum libera denominative, non simpliciter. Ratio est, quia, ut diximus, quoties inter causam, & effectum debet aliquid intercedere, quod non possit ab ipsa causa poni, toties causa non dicitur proxime expedita ad talem effectum; & ideo ignis distans v. gr. non dicitur posse proxime comburere: in casu debet mediare remotio impedimenti insuperabilis; ergo in casu non datur potentia ad consensum proxime expedita; unde consensus non est liber.

Hinc fit, quod si Petrus v. gr. vocatur a Deo per auxilium indifferens, sed cum animo prædeterminandi illum ad consensum, si nolit consentire, in tali casu consensus sub auxilio indifferenti erit necessarius ratione talis animi in Deo, qui est impossibilis cum omissione consensus, & impedibilis a Petro. Rursus si Petrus vocetur ab Angelo, ut ambulet animo cogendi illum physice, si nolit ambulare, ambulatio, quæ potest esse denominative libera ab actu interno libero, erit physice necessaria ob illum animum Angeli, qui physice est impossibilis cum omissione ambulationis, & impedibilis a Petro. Demum si Angelus vocet eo animo, ut si nolit Petrus ambulare, velit illum cogere moraliter tantum, precibus, suasionem, &c. talis ambulatio erit necessaria solum moraliter.

Ad confirm. Exigentia illa connectitur quidem essentialiter cum consensu (immo etiam cum dissensu) sed sub aliquo auxilio vage, non tamen sub ullo auxilio determinato, sub quo solum voluntas est libera; & idcirco neque pro statu conditionato, neque absoluto datur impedimentum aut ad consensum, aut ad dissensum. Ad rationem a priori dico, immutari intrinsecam indifferentiam voluntatis etiam per impedimentum voluntati extrinsecum, quia huiusmodi impedimentum reddit potentiam intrinsece impeditam, non quatenus est intrinsecum voluntati, sed quatenus est intrinsecum denominationi impediti; sicut cognitio, quæ est extrinseca objecto, est intrinseca denominationi cogniti. Hinc nego parietem esse in potentia proxima ad recipiendam albedinem, si tunc sub illo decreto; sicut ignis non dicitur proxime expeditus ad comburendum, si Deus nolit cum illo concurrere ad combustionem; nec

voluntas dicitur libere consentire, si Deus decernat conservare consensum, etiam si voluntas non se determinet ad illum.

XVII. Obijc. ult. Saltem supposita scientia media reflexa, datur aliquod antecedens omnino antecedens consensum essentialiter cum illo connexum, & impedibile, non violans libertatem; ergo Maxima illa non est universaliter vera. Antecedens probatur a Martinez contrav. 4. disp. 6. sect. 1. & a Perez disp. 5. de Providentia sic. Datur hæc scientia media reflexa, Si viderem Petrum dissensurum auxilio A, non darem illi auxilium A; & deinde dicit Deus auxilium: In tali casu ex tali scientia media reflexa, & ex collatione auxilii A inferretur necessario existentia consensus liberi; atqui neque scientia illa media est impedibilis a voluntate Petri, neque collatio auxilii A, ut patet; ergo supposita scientia media reflexa ruit Maxima illa.

Resp. 1. hypothetice. Si verum esset, quod in casu adducto daretur aliquod antecedens impossibile cum dissensu, & impedibile, nego huiusmodi consensum esse liberum ob rationes Conclusionis.

Resp. 2. etiam hypothetice. Si talis consensus esset liber, & necessario sequatur ex illa scientia media reflexa, nego esse possibilem huiusmodi scientiam mediam reflexam, quæ scilicet sit prior scientia media directa, & assumat hanc pro hypothesi, ut habetur in casu: Si enim multi negant, simpliciter dari in Deo scientiam mediam reflexam, a fortiori poterit negari huiusmodi scientia reflexa, quæ sit prior directa, utpote quæ trahit hoc inconveniens.

Resp. 3. directe, admissa hac scientia reflexa, consensum Petri in casu adducto esse liberum, quia voluntas Petri, licet non possit impedire directe neque scientiam reflexam, neque collationem auxilii A, secundum se, & seorsim, potest tamen impedire scientiam illam mediam directam præsuppositam ad reflexam, & necessariam, ut conferatur auxilium A dependenter a scientia reflexa; unde indirecte potest impedire ipsam collationem auxilii A, quatenus dependentem a scientia reflexa; & consequenter non datur in casu adducto antecedens essentialiter connexum cum consensu, & impedibile a voluntate. Advertendum quippe, quod existentia consensus non inferatur aut ex illa scientia reflexa, aut ex collatione auxilii A seorsim sumptis, sed ab utroque complexim veniente. Quare voluntas sub auxilio A potest dissensi-

re per hoc, quod possit impedire scientiam mediam directam, qua Deus vidit, quod si conferretur auxilium A, consentiret; sic autem impediendo scientiam mediam directam, potest etiam impedire, quod conferatur auxilium A in sensu composito scientiæ reflexæ hujus, quod si prævideretur auxilium A efficax, daretur, & sic potest impedire hoc complexum, quod essentialiter trahit consensum liberum: Unde nil mirum, quod non lædatur libertas. In forma nego antecedens: ad probationem distinguo majorem: ex scientia illa reflexa, & ex collatione auxilii complexim sumptis sequitur ineluctabiliter consensus liber, concedo; seorsim sumptis, nego majorem, & distinguo minorem, voluntas nequit illa impedire seorsim, concedo; complexim, nego minorem, & consequentiam.

Consimilis doctrina datur ab eodemmet Martinonio. disp. 5. sect. 4. ad 4. quando obijcitur, quod ex complexo scientiæ mediz reflexæ, & directæ sequeretur, Petrum posse esse prædestinatum absque decreto libero Dei, atque adeo ex necessitate singamus enim, dari primo hanc scientiam reflexam, Si viderem per scientiam mediam directam, quod Petrus sub auxilio A. consentiret, prædestinare illum; secundo dari hanc scientiam mediam directam, Si Petrus haberet auxilium A, consentiret: ex utraque hac scientia sequitur necessario, quod Petrus sit prædestinatus, & quidem absque ullo decreto actuali Dei. Ad quod Martinonius respondet, quod. quamvis utraque illa scientia complexim sumpta inferat prædestinationem Petri, nequit tamen utraque dari complexim absque decreto actuali Dei, esto possit dari seorsim: nam ex illa scientia reflexa, Si viderem, quod Petrus sub auxilio A. consentiret, prædestinare illum, necessario sequitur, quod detur actualè decretum prædestinativum, purificata hypothesi, seu supposito, quod per scientiam directam videatur, quod consentiret auxilio A, si daretur; ergo prædestinatio non habetur independentè ab actuali decreto prædestinativo. Sicut igitur in hoc casu utraque ista scientia reflexa, & directæ complexim sumpta inferat prædestinationem, dandam tamen libere a Deo; ita in casu nostro, utrumque illud antecedens, videlicet scientia illa media reflexa, & collatio auxilii A, complexim sumptum inferat consensum libere ponendum a voluntate creata; quod fusius ostendimus in de Deo, cum de scientia media reflexa disp. 3. qu. ult.

XVIII. Ex dictis sequitur primo, Everti libertatem consensus, si Deus conferat auxilium A' efficax qua efficax simpliciter, hoc est paratus dare aliud efficax seligendum ex omnibus, si A non esset efficax; quia talis animus Dei, seu talis prædeditio est pariter impossibilis cum dissensu, & inimpedibilis a voluntate. Secundo everti libertatem consensus, si Deus conferat auxilium A efficax eo animo, ut si prævideretur inefficax, daretur prædeterminatio ad consensum: ratio est eadem. Tercio everti etiam ex hoc decreto, Si præviderem per scientiam mediam, Petrum non bene usurum libertate sub auxilio A, non crearem illum, seu non darem illi auxilium A, quia tamen prævidere consensurum, ideo illum creo, & conféro illi auxilium A: Ratio est, quia pariter hoc decretum est in compossibile cum dissensu, & inimpedibile; & idem dicas de similibus prædefinitionibus.

Dices. Si Christus Dominus petat a Patre auxilium congruum, & efficax Petro, ut resipiscat, & libere convertatur; & rursus Deus promittat Christo Domino, se daturum Petro tale auxilium, in tali casu poenitentia, & resipiscencia Petri erit libera, & tamen complexum illud petitionis Christi Domini, & promissionis Dei Patris est impossibile cum omissione poenitentiz Petri, & est inimpedibile a voluntate Petri; ergo illationes adductæ nituntur in falso supposito, quod scilicet omne antecedens impossibile, & inimpedibile evertat libertatem actus.

Resp. dist. antec. si Deus det Petro auxilium A prævisum per scientiam mediam efficax eo animo, ut si illud prævisum fuisset inefficax, daret aliud seligendum ex tota collectione auxiliorum, nego quod poenitentia Petri in tali casu sit libera ob rationes adductas; si tamen Deus det Petro ad petitionem Christi Domini auxilium A prævisum efficax, sed non eo animo, nego quod complexum illud sit impossibile cum omissione poenitentiz; unde nego consequentiam.

QUÆSTIO VI.

*Utrum Deus prædefiniat peccata,
saltem quoad materiale, an so-
lum ea permittat?*

I. **H**æretici apud Bellar. lib. 2. de amissione gratiæ c. 1. cum Simo-
ne Mago dixerunt, Deum dedisse nobis na-
turam, quæ non posset non peccare. Ma-
nichæi, Priscillianistæ, Marcionistæ, Al-
bigenses somniarunt, duos dari Deos, alte-
rum a quo omne bonum, alterum a quo
omne malum. Florinus, & alii, Deum ef-
se auctorem scelerum omnium. Calvinus,
Zuinglius, Beza, Deum non solum permit-
tere, sed etiam prædefinire peccatum,
quævis bona intentione, videlicet, ut ex
malo bonum oriatur. Adversus hos omnes
Trident. sess. 6. can. 6. definit: *Si quis di-
xerit, mala opera, ita ut bona Deum opera-
ri, non permitiendo solum, sed etiam proprie,
& per se, adeo ut sit proprium ejus opus
non minus perditio Jude, quam vocatio Pau-
li, anathema sit.* Et ratio est, quia divi-
næ bonitati repugnat malum intendere,
atque adeo prædefinire. Unde Psal. 5. di-
citur: *Non Deus volens iniquitatem Tu es;*
& Ezech. 18. *Numquid voluntatis meæ est
more impij, dicit Dominus?* & 2. Petr. 3.
Nolens aliquos perire. Rationem reddit Ful-
gent. ad Monim. cap. 22. dicens: *Deus non
potest esse amator ejus, cuius est ulcor; in-
justitia enim iusta non erit, si puniendum reum
non invenisse, sed fecisse dicatur.* Adde ex
Ansel. lib. de liber. arbit. c. 8. quod si
Deus vellet hominem peccare, homo pec-
candi non peccaret. Ratio est, quia ho-
mo non peccat, quoties vult quod Deus,
qui est prima regula, vult se velle: ergo
si Deus vellet hominem peccare, homo
dum vult peccare, non peccaret; quod
confirmabimus disp. seq. q. 2. n. 10.

II. Difficultas est inter Catholicos, An
Deus, qui nequit peccatum prædefinire
quoad formalem ejus malitiam, possit illud
prædefinire quoad entitatem materiale[m]
actus? Ad intelligentiam supponendum ex
tract. de vitiis, & peccatis, aliquos doce-
re, quod malitia formalis peccati, v. g. blas-
phemæ, odii, consistat in ipsa entitate
positiva blasphemiz, aut odii, quatenus per
suam criticam opponitur legi prohibenti.
Alios vero velle, quod consistat in pri-
vatione rectitudinis debitz, ac debiti ordi-

nis ad regulam rationis; quæ privatio re-
ctitudinis debitz, juxta varias sententias,
vel identificatur realiter cum entitate po-
sitiva actus peccaminosi, & ab ea solum
ratione distinguitur; vel ab ea realiter di-
stinguitur, sed necessario consequitur: Sic-
ut relatio similitudinis v. g. si est forma me-
dia realiter superaddita, necessario conse-
quitur ad complexum duorum alborum.

Thomistæ admittentes physicam præde-
terminationem ad peccatum docent, pec-
catum consistere in hac privatione, & id-
circo posse Deum prædefinire peccatum so-
lum quoad entitatem materiale[m] actus,
non quoad formale peccati; quatenus enim
Deus concurret ad entitatem positivam pec-
cati, prædefinit solum materiale peccati;
quia vero ad privationem rectitudinis debi-
tæ Deus concurrere non potest, ideo non
prædefinit formale peccati. Ubi advertet,
quod prædefinire peccatum quoad ejus ma-
teriale non sit solum concurrere physice ad
illud ex determinatione creaturæ; cum hoc
in omnium sententia concedatur; sed sit
concurrere ad illud prædeterminando, &
efficaciter volendo talem entitatem; quod
nos contra Thomistam dicimus repugnare.

III. Dico itaque primo cum Auctoribus
Societatis contra Thomistas: Deus non po-
test prædefinire, seu efficaciter velle actum
peccaminosum quoad materiale[m] eorum en-
titatem, seu quoad materiale peccati. Pro-
batur. Si Deus prædefiniret hic, & nunc
e. g. blasphemiam deliberatam quoad mate-
riale talis peccati, Deus esset Auctor pec-
cati; & Deo tale peccatum imputaretur:
Sequela est absurda: ergo & id, unde se-
quitur. Probatur sequela: Ille est auctor
peccati, & illi peccatum imputatur, quo
volente, & sciente peccatum fit; atqui
si Deus prædefiniret blasphemiam delibera-
tam, talis actus procedens hic, & nunc
cum malitia formali fieret Deo sciente, ac
volente; ergo Deus esset auctor malitiæ
formalis talis peccati. Major constat ex Au-
gustino, qui lib. QQ. 87. quaest. 5. hæc ha-
bet: *Illo auctore cum dicimus, illo volente
dicimus.* Hinc pluribus in locis docet, id-
circo nunquam in Scripturis legi, quod om-
nia fiant Deo auctore, quia peccata non
sunt Deo volente. Hæc sunt ejus verba
de Spir. & lit. cap. 31. *Nusquam legimus,
Non est voluntas nisi a Deo; & recte non
scriptum est; aliqui enim peccatorum, quod
absq[ue] auctore est Deus, si non est voluntas
nisi ab illo.* Et 1. 5. de Civit. c. 8. dicit:
*A Deo sunt omnium potestates, quævis ab
illa*

illæ non sine omnium voluntates. Quibus verbis indicat, potestatem ad malum esse a Deo volitam, ac prædefinitam, non vero voluntatem ad malum, puta blasphemiam, eo quod deberet aliter dici auctor blasphemiz; quod divinæ bonitati repugnat.

Neque dicas, Deum velle entitatem blasphemiz v. g., non vero privationem rectitudinis debitz annexam, in quo consistit malitia peccati: Ad eum modum quo volens martyrium non vult peccatum Tyranni; sicut etiam qui alium occidit, dum se defendit cum moderamine inculpate tutele, non dicitur velle, sed permittere illius mortem.

Nam contra est, quia qui vult A prævidens, quod illi annectatur, vel ad illud necessario, & tanquam a priori consequatur B, censetur velle ipsum B; atqui ad entitatem blasphemiz necessario consequitur privatio rectitudinis debitz, seu malitia formalis peccati: ergo Deus volens blasphemiam, præfiniendo entitatem materiale illius, vellet etiam malitiam formalem peccati; Sic qui videt, comestione carnalis hic, & nunc annecti transgressionem legis prohibentis, volens comestione, vult etiam transgressionem legis, & ideo peccat; Sic etiam qui videt, ex projectione sagitte securum homicidium, volens projicere sagittam reus est homicidii. Quod aperte docuit D. Thomas p. p. qu. 49. ar. 2. dicens: *Agens, in quantum sua virtute producit aliquam formam, ad quam sequitur corruptio, & defectus, causas sua virtute illam corruptionem, & defectum.* Ad id, quod opponitur: Idcirco qui vult martyrium non vult peccatum tyranni, quia non vult martyrium absolute, sed ex suppositione, quod Christianos velit tyrannus occidere; Deus tamen absolute vellet entitatem materiale blasphemiz; ergo absolute etiam vellet privationem rectitudinis, seu malitiam formalem peccati, cui connectitur. Præterea qui permittit alterius mortem, dum se defendit, intantum non dicitur velle illius mortem, quia per accidens illa sequitur ad sui defensionem; & vellet, illam non sequi: contra vero non per accidens sequitur, sed essentialiter ad entitatem blasphemiz deliberatæ privatio rectitudinis debitz; ergo non posset Deus blasphemiam velle, quin vellet etiam privationem rectitudinis.

IV. Confirm. Conclus. ex doctrina D. Ansel. loc. cit. Si Deus prædefiniret entitatem blasphemiz, quando homo videt illam

prohiberi, sequeretur, quod homo blasphemando non peccaret; ergo non posset illam prædefinire. Prob. sequela: Nemo peccat, quando facit quod vult Deus, ut faciat, ut notat D. Th. p. 2. quæst. 19. ar. 10. quia scilicet ponit actum conformem primæ regulæ honestatis; atqui Deus vellet hic, & nunc, quod homo blasphemet, seu quod ponat entitatem positivam blasphemiz, prædefinendo, ac volendo illam: ergo homo blasphemando non peccaret. Verum quidem est, quod posset aliquando Deus velle objectum, quod nos velle non possumus, v. g. nostram reprobationem, pestem, &c. at quando vult nos aliquid velle, certe non peccamus volendo illud, sed laudabiliter operamur, ut esset in casu.

Neque dicas, Deum velle, quod homo ponat actum materiale blasphemandi, non vero ejus malitiam formalem. Nam contra est, quia Deus prædefinit, ac vult, quod homo ponat hic, & nunc positivam entitatem blasphemiz eo modo, quo posset illam ponere; atqui in hypothesi, quod homo videat illam sibi prohiberi, non posset hic, & nunc illam ponere, nisi cum malitia formali, seu cum privatione rectitudinis debitz, ut patet: ergo Deus vult, quod homo hic, & nunc ponat blasphemiam cum malitia formali. Dum autem ponit quod Deus vult, ut hic & nunc ponat, jam non peccat: ergo ponendo entitatem blasphemiz cum malitia formali, homo non peccaret; atque adeo si Deus prædefiniret materiale peccati, homo, dum peccat, non peccaret.

Neque replices, Deum prædefinendo materiale peccati velle malitiam formalem voluntate tantum secundaria, non primaria; cum illam prohibeat, non suadeat. Nam velle formale peccati voluntate tantum secundaria, vel est velle concurrere physice ad peccatum, ex determinatione libera creaturæ, non impediendo, ut posset; & hoc non est prædefinire, sed permittere peccatum; Vel est velle ad peccatum concurrere ex determinatione ipsius Dei sive prædeterminantis, sive condeterminantis; & jam Deus peccatum vellet voluntate primaria: unde esset auctor peccati, & homo non peccaret, dum peccat. Præterea Deus solum verbo tenus diceretur prohibere malum, & suadere bonum; ad eum modum, quo præceptor verbo tenus prohiberet malos characteres, si duceret manum pueri ad illos male efformandos; ut dicemus etiam dispur. sequenti q. 2. agn.

agentes de physica prædeterminatione.

Confirmatur ulterius, quia ille dicitur concurrere ad materiale peccati, qui concurret ad illud ut determinans, quia proprium materie est determinari; ille vero dicitur concurrere ad formale peccati, qui concurret ut determinans, quia proprium forme est determinari; atqui Deus prædefinendo peccatum, ac prædeterminando ad illud concurreret ut determinans, ac ut prædeterminans; ergo concurreret ad formale peccati, atque adeo esset Auctor peccati.

V. Constat denique Conclusio auctoritate Conciliorum, & Patrum, qui absolute docent, Deum neminem prædestinare ad malum; & ex Scripturis absolute dicentibus, Deum nolle iniquitates. Nec Hæretici afferentes, Deum prædestinare ad voluntatem peccandi, id asserbant, explicite de voluntate peccandi quoad formalem ejus malitiam, sed simpliciter: ergo adversus Hæreticos simpliciter, & absolute dicendum, Deum non posse prædefinire ad malum. Adde, Calvinum lib. 1. c. 18. n. 4. loquentem de defectione decem Tribuum a filio Salomonis, ita loqui: *Videmus, ut Deus perfidiam nolendo, defectionem tamen jussit velis*; ergo Deus juxta Calvinum volebat solum materiale peccati, non formale, nempe perfidiam; atqui sententia ista Calvini damnatur a Trident. sess. 6. can. 6. ergo ex Trident. nequit Deus prædefinire etiam materiale peccati. Et sane quomodo posset apte explicari, quod Deus expectat, ut homo faceret uvas, & fecit labruscas, si Deus prædeterminavit ad labruscas? Quomodo posset dici, quod Deus erga peccatores sit benevolus, conferendo auxilium inefficax, si determinat ad peccatum? Imo quomodo potest dici, auxilium istud esse sufficiens ad bene operandum, si non est in potestate operantis, carere prædeterminatione ad peccatum, & habere prædeterminationem requisitam ad bene operandum?

VI. Dico 2. Deus potest solum peccata ex directione scientiæ mediæ permittere, seu non impedire; quod importat, Deum conferre auxilium sufficiens animo sincero, ut sequatur bona operatio, quamvis per scientiam mediæ prævideat, quod ex malitia voluntatis secuturum sit peccatum. Ita communiter, apud Ruiz disp. 26. de voluntate Dei sect. 6. docentem, Deum non solum permittere, sed etiam velle positiua voluntate ipsam permissionem peccati. Pro-

batur. Deus peccata non potest prædefinire, seu efficaciter velle, neque quoad formale, neque quoad materiale, ut ostendimus: ergo solum potest ea permittere, seu non impedire. Præterea voluntate positiua velle permissionem peccati, non dedit Deum; ergo potest permissionem velle, non dedit Deum; cum: non ferant amorem peccati: ergo velle permissionem peccati non dedit Deum. Imo aliquando permissio peccati, quamvis secundum se non sit gratia per Christum, at prout subest divinx ordinationi, & efficaci concidentia ad salutem, potest esse gratia specialis, ac beneficium per Christum, ut communis docent contra Vasquez, & Becan. apud Platelium p. p. c. 4. n. 95. Nam ex August. *Utile aliquando est superbis: cadere, ut sic sibi displiceant, unde & salventur*.

VII. Objic. 1. contra primam Concl. Deus in Scripturis sepe dicitur obdurare corda hominum, mentes vertigine percutere, spiritu soporis inebriare: ergo prædefinit malum.

Confirm. 1. Deus non potest concurrere ad ullum effectum, nisi volens: ergo vult concursum suum in adu secundo ad peccatum; sed talis concursus identificatur cum ipso peccato: ergo vult; ac prædefinit peccatum.

Confirm. 2. Deus est causa per se, & ex intentione omnis boni tum physici, tum moralis; sed peccatum: cum sit ens, est physice bonum: ergo Deus est causa per se, & intentiva peccati; atque adeo illud prædefinit.

Confirm. demum, quia Deus potest concurrere ad actum physicum peccati secundum entitatem, ac bonitatem suam physicam, quin concurret ad illud, in quantum est moraliter malum: ergo poterit velle, ac prædefinire peccatum, in quantum est physice bonum, non in quantum est moraliter malum; quod est prædefinire materiale peccati, non formale.

Respond. Deum obdurare corda, *non adiuvando, sed deferendo*, ut loquitur August.

gust. epist. 109. non impediendo malitiam, sed non impediendo misericordiam, seu conferendo auxilia pure sufficientia, non efficacia, quod fieri potest citra amorem, ac prædefinitionem peccati. Adde, aliquando Deum indurare non solum permissive, conferendo auxilium pure sufficienti, non impediendo peccatum, quod prævidet consecuturum, eo quod ad id non teneatur ex munere causæ primæ; sed etiam aliquatenus positive, non quidem directe, & proprie, sed occasionaliter, & improprie, hoc est absque ulla voluntate peccati intensiva, idque in penam culpæ præcedentium, in iis videlicet occasionebus ponendo peccatorem, in quibus prævidet, illum pro sua malitia culpæ multiplicaturum. In quo sensu August. l. 5. contra Jul. c. 3. docuit, impios suis desideriis tradi, non solum per divinam patientiam, sed etiam per divinam potentiam; & l. de grat. & lib. arb. c. 35. dixit, *Deum in cordibus hominum operari ad inclinandas eorum voluntates, sive ad bona pro sua misericordia, sive ad mala pro meritis eorum.* Et in eodem sensu intelligendum est illud Angelici l. 3. in cap. 9. ad Roman. dicentis: *In finem quodam interiori moventur homines a Deo & ad bonum, & ad malum;* quod idem Angelicus explicavit in 2. dist. 37. q. 2. ar. 1. ad 1. dicens: *Deus non eodem modo inclinat voluntatem in bonum, & in malum: inclinat siquidem voluntatem in bonum administrando virtutem agendi, & directe movendo ad bonum; sed ad malum dicitur inclinare, in quantum gratiam non præbet, per quam quis a malo retrahatur, & non quod directe voluntatem ad malum ordinet.*

Ad 1. confirm. dist. antec. nisi volens, sive positive, sive permissive, conc. semper positive, ac prædefinitive, nego antec. & dist. pariter consequ. ac transmissa min. subsumpta, quod scilicet actio identificeetur cum actu libero, nego conf. Deus ad peccatum concurrat volens voluntate permissiva, hoc est conferendo concurrunt ad utramque partem paratum, & prohibendo, ac inefficaciter nolendo peccatum, ad quod voluntas ex propria malitia se determinat.

Ad 2. disting. maj. Deus est causa per se boni physici, quod non fit moraliter malum, conc. quod fit malum moraliter, nego maj. & dist. min. nego conf. Bonum physicum, quod est moraliter malum, fit tantum Deo permittente, seu voluntate permissiva, non intensiva, ac prædefinitiva. Unde Deus non dicitur per se, & ex in-

tentione causa illius.

Ad 3. concessio antec. nego conf. disparitas est, quia omnipotentia potest concurrere ad peccatum per accidens, & ut determinata a creatura; at si voluntas Dei esset prædefinitiva peccati, & non pure permissiva, ipsa determinaret ad entitatem positivam peccati, atque adeo ad privationem rectitudinis debet, quæ illi annexetur; unde voluntas Dei determinaret ad formale peccati, si illud prædefiniret: Si vero tantum permittat, sicuti omnipotentia per accidens concurrat ad peccatum, quia a creatura determinatur ad concurrendum ad illud; ita voluntas Dei terminatur ad entitatem peccati per accidens, seu ex determinatione creaturæ; quod est Deum nolle impedire peccatum, & illud permittere, non prædefinire.

VIII. Objic. 2. Deus cognoscit, peccatum a creatura vitari non posse absque speciali gratia, & de facto non vitari, si non conferat auxilium efficax: ergo dum negat specialem gratiam, & auxilium efficax, vult ipsum peccatum; Sicut nauculus censetur velle naufragium, dum causat illud per sui absentiam, ut notat Philof. 2. Phys.

Confirm. Deus potest facile vitare peccatum, conferendo auxilia efficacia, & non vitat: ergo signum est, quod peccata velit; Sicut medicus censetur velle ægritudinem, si potens facile adhibere pharmacum curativum, non adhibeat.

Confirm. 2. Deus vult permissionem peccati, ut diximus in 2. Conclus. ergo cum ad hanc consequatur peccatum, vult etiam ipsum peccatum. Conseq. prob. Ideo enim dicimus, quod Deus prædefiniens materiale peccati prædefinit etiam formale, quia formale peccati consequitur ad materiale; sed ad permissionem peccati consequitur peccatum; quia prædefiniens permissionem peccati, vult ipsum peccatum.

Confirm. 3. Deus ex malis bona colligit; ergo potest velle malum sub ratione boni, seu quatenus ex eo potest bonum oriri. Imo de facto Deus vult universum optimum; atqui ad perfectionem universi spectat peccatum; nam, ut notat Ruiz de Providentia, perfectior est mundus, qui nunc est, quam si non fuissent permixta peccata: ergo de facto vult Deus peccatum.

Répond. argumentum istud non nisi a Lutheranis, aliisque Hæreticis promoveri. Et primo quidem falsum est, quod posita gratia sufficienti peccatum vitari non possit;

fit; solum verum est, quod sine gratia effici non videtur, non vero quod vitari non possit. Sed omisso in hoc sensu antecedente, nego consequentiam; non enim censetur velle peccatum, qui dat auxilia sufficientia ad illud vitandum, illudque prohibet; cetero prævideat, quod ex vitio, ac discordia creaturæ auxilium sit futurum inefficax. Naucleri absentia ideo dicitur esse causa naufragii, quia nauclerus teneatur illud vitare; quod ex eo patet; Nam naufragium non imputatur Angelo, qui potest illud impedire, & non impedit, quia Angelus impedire non tenetur; atqui Deus non tenetur impedire peccatum, quia si teneretur impedire, eo ipso peccatum esset impossibile, unde non posset creaturam condere liberam ad peccandum; ergo peccatum non imputatur Deo neganti auxilium efficax.

Ad primam confirmationem recurrit eadem responsio. Medico imputatur ægritudo, quando tenetur illam curare, & non curat: Angelo enim Raphaëli ideo ægritudo non imputatur, quia licet possit illam curare, non tenetur; ergo cum Deus non teneatur impedire peccatum, non imputabitur Deo; Sic quando quis cum moderamine debito se defendendo alium occidit, non dicitur homicida, quia non tenetur homicidium vitare; Neque enim in illud insuit physice, cum per accidens sequatur; neque moraliter, cum non detur obligatio illud vitandi; ergo non est simpliciter voluntarium.

Neque dicas, quod posset etiam Deus velle materiale peccati, & non formale, quia neque tenetur impedire formale. Nam contra est, quia ad materiale peccati non sequitur formale per accidens, sed per se, cum non possit dari materiale sine formali; ergo nequit Deus velle materiale, quin velit etiam formale. Sicut enim repugnat, quod Deus velit parietem nigrum, quin etiam velit dissimilitudinem huius cum pariete albo; ita repugnat, quod velit actum peccaminosum sub iis circumstantiis, sub quibus conscientia dicitur illud non esse ponendum, quin velit huius actus disformitatem cum rationis dictamine; in quo consistit ejus malitia formalis.

Ad secundam negatur consequentia. D. Th. 1. p. quæst. 19. docet, quod quæ Deus permittit, vult tantum voluntate signi, non voluntate beneplaciti; voluntas autem signi est tantum metaphorice voluntas, quatenus apud nos permittit solet esse signum

voluntatis. Ad probationem consequentiæ ideo Deus volens materiale peccati vellet etiam formale, seu difformitatem cum reâ ratione, quia hæc annexetur illi per se, & consequitur veluti a priori; at ad permissionem peccati consequitur peccatum a posteriori, & necessitate consequentiæ, non consequentis; eo modo quo ad præscientiam de peccato consequitur peccatum: sicut enim potest voluntas impedire præscientiam de peccato, ita potest impedire permissionem peccati sub tali auxilio: ergo Deus volens peccati permissionem non dicitur velle peccatum.

Ad ultimam: bona, quæ Deus ex peccatis colligit, non sunt per se fructus peccati; nemo enim colligit de spinis uvas, ut dicitur Matt. 7. unde fructus peccati sunt præter intentionem peccantis; Sicut, ut loquitur D. Th. loc. cit. art. 9. præter intentionem Tyrannorum fuit, quod ex eorum persecutionibus claresceret patientia Martyrum; & præter Dæmonis intentionem fuit Incarnatio, & redemptio mundi orta ex peccato Protoplastorum. Eodem modo peccatum confert ad perfectionem Universi omnino per accidens; non enim ex peccato per se fit, quod Mundus sit perfectior, quam si non esset peccatum, cum peccatum minuat potius, quam augeat Mundi perfectionem, ut loquitur idem Angelicus. Quare solum ex vi providentiæ suæ Deus majora bona colligit, posita permissione peccati, quam si illud non permisisset, quia Incarnatio, penitentia, & alia bona, quæ ad peccatum consecuta sunt, in Universo decissent, si peccata abfuissent.

IX. Objic. 3. ex D. Th. 1. 2. quæst. 19. art. 1. potest Anima esse causa per se motus, & solum causa per accidens claudicationis, quæ procedat a curvitate tibis; ergo similiter potest Deus per se prædefinire materiale peccati, & per accidens formale, quod procedat a voluntatis pravitate. Hinc Angelicus quodlib. 12. qu. 4. art. 4. dicit: *A providentia Dei omnia sunt prædeterminata, & ordinata.*

Confirm. 1. potest index v. gr. velle mortem hominis, qui velit impenitens mori, quin velit ejus damnationem æternam, quæ consequitur; ergo poterit etiam Deus velle materiale peccati, non formale, quod consequitur: Sicut de facto vult generationem humanam, ad quam consequitur peccatum originale, quin illud velit.

Confirm. 2. potest voluntas amare obiectum ut bonum, non ut verum; & intel-

Quæstio VI. Num peccata quoad materiale præfiniantur? 77

leus cognoscere ut verum, non ut bonum; ergo potest Deus intendere actum inhonestum, ut ens, & bonum physicum est, & secundum materiale peccati, non vero secundum formale; quia scilicet sicut est extra sphaeram intellectus bonum, & voluntatis verum, ita extra sphaeram divinz voluntatis est formale peccati.

Resp. 1. per instantiam; ergo sicut potest Deus præfinire materiale peccati, ita potest etiam suadere, & præcipere blasphemiam secundum materiale, non secundum formale. Secundo directe nego consequentiam; & retorqueo paritatem. Ideo claudicatio non refunditur in animam, sed in tibiam curvam hominis, quia anima de se causat motum, non vero motum curvum; unde si claudicatio esset actus prohibitus, solum peccaret tibia, seu homo claudicando; at non peccaret anima, quæ de se non determinat ad motum curvum, sed simpliciter ad motum, & ex intentione naturæ ad motum rectum; ergo pariter si Deus solum permitat peccatum, peccat voluntas, quæ se determinat ad actum malum, non peccat Deus, qui ut causa universalis solum determinat ad actum intendendo actum bonum: Contra vero si Deus prædefiniat materiale peccati, eo ipso Deus etiam determinaret ad formale, & idcirco peccatum non imputaretur voluntati, sed Deo ad illud determinanti. Quare quando Angelicus dicit, omnia esse a Dei providentia prædeterminata, & ordinata, intelligendus est, quod sint prædeterminata sive decreto intentivo, sive solum permissivo; Decretum siquidem peccati permissivum in bono sensu dici potest prædeterminativum peccati, quatenus a tali decreto tanquam a primo determinante non quidem positive per modum causæ, sed negative per modum removeantis prohibens, dependet absoluta ejus existentia.

Ad primam confirmationem: patet disparitas, quia damnatio æterna consequitur per accidens ex perversitate illius impenitentis; pariter originale consequitur per accidens ad generationem humanam ratione consensus interpretativi voluntatis inclusæ in voluntate Adami: & ideo Deus, qui est auctor generationis humanæ, non est auctor originalis. At formale peccati consequitur per se, & essentialiter ad materiale; ergo si Deus veller materiale peccati, veller etiam formale; sicut in sententia Thomistica ideo tribueretur Deo peccatum Angeli, si hic peccaret in primo in-

stanti creationis, quia prima operatio per se consequitur ad naturam Angelicam; unde tribui debet generanti.

Regula generalis est hæc: si ad A sequitur per se, seu essentialiter B, non potest voluntas velle A, & non B, aliter vellet chimæram; si vero ad A sequitur B per accidens, ita scilicet ut possit non sequi, qui vult A, tunc solum censetur velle B, quando tenetur illud impedire, non vero quando non tenetur; & ideo si ex defensione propria sequatur homicidium, hoc non censetur volitum, nec voluntarium; quia in morali æstimatione non censetur volitum eo ipso, ac deest obligatio illud impediendi.

Ad secundam, in quam vim faciunt Adversarii, retorqueo etiam paritates: ideo voluntas fertur in bonum, & non in verum, quia fertur amando; & ideo intellectus fertur in verum, & non in bonum, quia fertur cognoscendo; ergo quia ferri in formale peccati non est aliud, quam velle actionem dissonam legi, Deus volendo hanc actionem, fertur formaliter non solum in materiale, sed etiam in formale peccati: Sicut enim intellectus ferretur formaliter in bonum, quod est extra sphaeram suam, si amaret; ita divina voluntas ferretur in formale peccati, quod est extra sphaeram suam, si posset velle actionem dissonam legi, prædefinendo illam; in quo consistit velle peccatum secundum ejus formale.

V. Objic. ult. contra secundam Conclusionem: permissio peccati non est actus Dei benevolus erga Reprobos; ergo non est digna Deo; atque adeo nequit Deus peccata permittere. Antecedens probatur, quia nemo prudens veller se tali amore amari, imo mallet se nullo potius amore a Deo amari, quam sic amari; unde Christus Dominus de Juda dixit, Matth. 26. *Bonum erat ei, si natus non fuisset homo ille.*

Resp. hoc etiam argumentum esse Hæreticorum. Negatur itaque antecedens. Deus dando auxilium prævisum inefficax, benevolus est erga Reprobos, quatenus dat illis sufficientiam ad bene operandum. Nonne Deus benevolus dicitur, unde *Solem suum ortiri facis super bonos, & malos, & pluviam super justos, & injustos?* Matt. 5. Et sicut beneficus est erga reprobos, illos creando, ac redimendo, sic etiam conferendo gratiam sufficientem, quamvis prævidet inefficacem. Imo ex hoc SS. Patres apud Ruiz de prædeterminatione, disp. 17. magis com-

men-

mendant Dei amorem erga reprobos, quod cum præviderit illos peccaturos, non per hoc desisterit a beneficiando. Chrysostomus hom. 5. de anathemate hæc habet: *Morsus est pro inimicis, quos tales ante constitutionem Mundi sciebat, eosque præsciens formavit, vincente præscientiam bonitate.* Ad probationem antecedentis distinguo majorem: nemo prudens velle se tali amore amari, secundum prædicatam, quæ habet Dei voluntas benevola per se, & ex intentione volentis, negatur, secundum prædicatam, quæ habet per accidens, & impedibiliter, & ex abusu liberi arbitrii, conceditur. Voluntas itaque Divina collativa auxilii inefficacis est simpliciter benevola, quamvis non sit appetibilis secundum ea, quæ fert per accidens ex nostra malitia, non vero secundum ea, quæ fert per se ex divina voluntate.

Quomodo autem eligibilis fuerit Judæ non fuisse, quam peccasse variis variis. Sed dato, quod melius sit non esse, quam esse miserum, & eligibilis, spectatis omnibus, carere auxilio inefficaci, & libertate, quam esse liberum, & peccare, non proinde fit, quod spectato tantum Dei dono, ac iis, quæ per se sequuntur ex divina voluntate, eligibilis sit carere auxilio inefficaci, quam illud habere. etenim id, ratione cujus non est eligibile auxilium inefficax, provenit per accidens ex dono Dei, & præter intentionem dantis; unde voluntas Dei non definit esse benevola erga reprobos.

QUÆSTIO VII.

Utrum malitia formalis peccati consistat in positivo, an in negativo?

I. **H**ætenus ostendimus contra Thomistas, non posse Deum prædefinire materiale peccati, etiam dato, quod malitia formalis consequatur ad entitatem positivam actus, vel tanquam formalitas, vel tanquam realitas superaddita, ut superadditur tertia entitas partibus unitis, in sententia Scotistica. Nunc inquirimus, Utrum revera hujusmodi formalis malitia consistat in prædicato negativo, hoc est in privatione rectitudinis debite, quæ ad entitatem positivam actus consequitur, an ve-

ro in positivo, hoc est in ipsa entitate positiva actus, ad quam ea privatio consequatur; non secus ac ad essentiam hominis constitutam per prædicatum positivum rationalitatis consequitur negatio v. gr. hincibilis. Si enim formalis malitia consistit in hoc positivo, a fortiori, & apertissime sequitur, quod non possit Deus peccatum prædefinire, quin sit auctor peccati.

Prima itaque sententia docet cum Alen. Scot. Okam. Valen. Molin. Suar. Gran. & aliis apud Amic. disp. 17. de Gratia, malitiam formalem peccati consistere in eo prædicato negativo. Secunda docet, consistere in prædicato positivo. Ita Cajet. Ovid. Amic. Arr. tom. 3. dis. 2. sect. 4. Platellius tom. 1. num. 176. Vaf. Less. Coninck &c. Tertia cum Capre. & Ferrariensi partim in positivo, partim in negativo; in illo scilicet radicaliter, in hoc vero formaliter, & complete. Quarta Tanneri tom. 2. dis. 2. quæ. 5. in positivo morali resultant in ipso actu ex vi voluntatis creatæ operantis contra dictamen rationis. Quinta Martinonii, & aliorum putantium, peccatum commissionis consistere in positivo, peccatum vero omissionis in negativo, etiam si repugnet pura omisso libera.

II. Dico equidem 1. cum secunda sententia, malitiam formalem peccati commissionis consistere in positivo, seu in entitate positiva actus difformis legi æternæ, ad quam consequitur privatio rectitudinis debite actui humano. Ita videtur sentire etiam D. Th. prima secundæ quæst. 29. art. 1. ad primum: & ita communissime Recentiores, præsertim Hispani, teste Lorca apud Platell. loc. cit.

Prob. In eo consistit malitia formalis peccati, per quod actus constituitur malus moraliter, seu inhonestus, ac peccaminosus; sed per entitatem positivam est malus moraliter; ergo malitia formalis consistit in positivo. Minor constat ex dictis in de actibus humanis; actus enim est moraliter malus præcise per dissonantiam cum natura rationali, & cum lege æternæ, seu cum voluntate Divinæ; atque per positivam suam entitatem blasphemiam v. g. opponitur voluntati Divinæ, & dissonat naturæ rationali; ergo per entitatem positivam suam actus est moraliter malus, & peccaminosus. Minor hæc patet: opponi enim voluntati Divinæ formaliter, est esse contra Divinam voluntatem; Sed blasphemiam secundum esse positivum est contra voluntatem Divinam, quippe secundum esse suum prohibetur; et

go blasphemia per entitatem positivam opponitur formaliter voluntati Divinæ.

Confirm. 1. quia non potest assignari, in quam privatione consistat malitia formalis peccati; ergo consistit in positivo. Probatur antecedens: neque enim consistit primo in privatione rectitudinis debite ipsi actui, v. gr. blasphemiz, secundum rationem specificam, ut patet, quia tali actui repugnat rectitudo, unde non potest esse ei debita; Neque secundo, ut vult Scotus, in privatione rectitudinis debite actui humano secundum rationem genericam, quia non ex hoc, quod ratio generica sit capax alicujus perfectionis, ideo talis ratio generica dicitur habere capacitatem, & privationem illius, quando contrahitur a differentia opposita; v. gr. Equus non dicitur habere privationem, & capacitatem rationalitatis, per hoc, quod ratio generica animalitatis, quæ est in equo, sit capax rationalitatis; ergo neque blasphemia dicitur habere privationem rectitudinis per hoc, quod ratio generica actus humani, quæ est in blasphemia, sit capax rectitudinis. Neque tertio in privatione rectitudinis debite voluntati, ut docent Gabr. Molin. Sæpe tum quia potest aliquando homo peccare, quin tunc obligetur ad illum actum bonum, si non peccet; præsertim si Deus nolit tunc concurrere ad actum bonum: tum etiam quia sic omnia peccata essent æqualia, quia omnia æque trahunt privationem rectitudinis debite voluntati: tum demum, quia huiusmodi privatio non esset formaliter, & immediate libera, sed solum denominative, & mediante eo actu positivo malo, qui elicitur; atque adeo peccatum non esset formaliter, sed denominative malum ac demeritorium; ergo a primo ad ultimum malitia peccati non consistit in privato, sed positivo, quod secundum se, & formaliter dissonat voluntati Divinæ.

Confirm. 2. paritatibus luculentissimis. Falsitas, seu error in actibus intellectus non constituitur per privationem ullam conformitatis debite actui secundum rationem genericam, aut intellectui; ergo neque malitia in actibus voluntatis consistit in privatione rectitudinis debite aut actui humano secundum rationem genericam, aut voluntati. Præterea qualitas physice mala, ut est calor aque, dolor, tristitia homini &c. non est formaliter mala per privationem qualitatis consonæ, sed per propriam positivam entitatem; ergo idem dicendum de malitia morali. Hinc

D. Th. quæst. 2. de malo, artic. 5. ad tertium docuit, bonum, & malum morale opponi contrarie, ut opponitur calor, & frigus; non contradictorie, ut lucidum, & tenebrosam: ergo sicut calor v. gr. est malus aque per seipsum, non per privationem frigoris, quam inducit; ita blasphemia est mala moraliter voluntati per entitatem suam, non per privationem rectitudinis; quam trahit.

III. Dico 2. malitia formalis peccati commissionis consistit adæquate in positivo, non vero partim in positivo, partim in negativo.

Conclusio constat ex dictis. In eo formaliter, & adæquate consistit malitia v. gr. blasphemiz, per quod blasphemia formaliter, & adæquate est mala moraliter, & inhonestæ: est autem inhonestæ adæquate per suam entitatem positivam, per quam difformatur voluntati Divinæ, & dissonat naturæ rationali; ergo. Prob. min. univ. quod alteri difformatur, seu est dissimile, difformatur adæquate per suum esse positivum, quod trahit carentiam conformitatis: Sic calor difformatur exigentiæ aque per suum esse positivum; sic febris dissonat corpori humano; sic album est dissimile nigro; sic animal hominis discrepat ab animali equi per esse proprium positivum, ad quod consequitur negatio. Hinc Aug. lib. 22. contra Faustum definit peccatum, *Distum, factum, concupiscum contra legem Dei*; ergo per huiusmodi actus positivos, secundum quod sunt contra voluntatem Divinam, habetur adæquate formalis malitia peccati.

Confirm. 2. contrario sic. Bonitas formalis actus honesti adæquate consistit in sola entitate positiva actus conformis voluntati Divinæ, ad quam consequitur negatio inhonestatis in ipso actu, & privatio actus inhonesti in voluntate; ergo idem dicendum de malitia actus inhonesti. Et ratio a priori est, quia præcise per entitatem positivam actus mali habetur oppositio & difformitas cum Divina voluntate.

Dico 3. contra Tannerum: Malitia formalis peccati commissionis non consistit in aliquo positivo morali superaddito ipsi entitati physice actus peccaminosi, sed in sola entitate positiva physica talis actus, quæ præcise per hoc, quod supponat advertentiam ad regulam morum seu ad voluntatem Divinam, dicitur habere esse morale.

Prob. Entitas moralis superaddita entitati physice actus est omnino superflua; ergo

go non datur. Antecedens probatur, quia ea præcisa habetur in esse physico actus denominationis moralis tam in actu honesto, quam in inhonesto, præcise per hoc, quod supponat advertentiam ad regulam morum.

Confirm. Deus odit peccatorem præcise per hoc, quod ponat v. g. blasphemiam advertendo, quod ea prohibeatur, etiamsi huic actui nihil morale superaddatur; ergo malitia formalis peccati, quæ est ipsa odibilitas peccatoris, habetur præcise per positivam entitatem actus prohibiti, supponens advertentiam ad regulam morum, seu ad legem prohibentem; ita ut esse morale realiter identificetur cum esse physico actus, non vero superaddatur.

Hinc etiam constat, neque malitiam formalem consistere in relatione disconveniente, & disformitatis cum voluntate Divina, quæ relatio sit forma media superaddita ipsi actui disformi: etenim hæc etiam relatio superaddita est omnino superflua.

IV. Dico ultimo. Malitia formalis etiam peccati omni modo consistit in positivo.

Prob. peccatum omissionis dari non potest sine actu positivo; repugnat enim pura omisso libera, ut supponimus ex dictis in de actibus humanis, disp. 6. qu. 5. Quare in tantum v. gr. potest quis peccare omitendo auditionem Sacri præcepti, in quantum vel per actum fugæ non vult audire Sacrum, vel per actum prosecutionis aut vult omissionem sacri directe, aut indirecte, volendo scilicet aliquid impossibile cum illo; v. gr. si velit ire venatum; ergo peccatum omissionis tunc habetur, quando habetur aliquis ex his actibus positivis; atqui malitia formalis horum actuum consistit in entitate positiva ipsorum, trahente carentiam actus præcepti; ergo peccatum omissionis formaliter consistit in positivo. Minor subsumpta constat ex dictis; etenim entitas positiva horum actuum formaliter opponitur voluntati Divinæ illos prohibenti, dum præcipitur auditio Sacri; ergo in ea entitate positiva habetur formaliter inhonestas, & malitia moralis.

V. Objic. 1. peccatum cum sit malum morale, non potest esse volitum a Deo; sed quatenus est entitas positiva, cum sit quid physice bonum, potest a Deo amari; ergo peccatum secundum quod est malum morale, non est ipsa entitas positiva actus, atque adeo formaliter consistit vel in privatione, vel in entitate morali superaddita.

Confirm. Ens positivum est Dei similitu-

do, ac participatio perfectionis Divinæ; sed peccatum non est hujusmodi; immo potius per peccatum tollitur Dei similitudo ab anima; ergo peccatum formaliter non est ens positivum. Quod si dicas, peccatum esse Dei similitudinem secundum esse physicum, non morale: Contra est, quia vel esse morale in peccato distinguitur ab esse physico, vel non: Si primum, habetur intentum; si secundum, recurrit, quod deberet esse Dei similitudo, & participatio, secundum quod est malum morale.

Confirm. 2. Deus nullatenus dici potest causa peccati: ex Tridentino enim scilicet. 6. can. 6. *Deus non operatur proprie, & per se peccatum*; atqui Deus est causa cujusvis entitatis positivæ; ergo peccatum non consistit in positivo, sed vel in negativo, vel in positivo morali superaddito.

Resp. 1. cum Vasq. 1. 2. disp. 129. argumentum solvendum ab Adversariis, qui volunt, Deum causare, & velle materiale peccati, non vero privationem consequentem, aut esse morale, in quo consistit malitia formalis; nam univèrsim qui vult A, ad quod essentialiter consequitur B, vult ipsum B, aliter vellet chimeram, si vellet B non consequi: Sic qui vult fundamentum privationis vult ipsam privationem, v. g. qui vult claudere fenestras, vult, & causat tenebras: quare ergo Deus volens materiale peccati, quod est fundamentum privationis constituentis formale peccati, non dicitur velle etiam formale? Respondent adversarii.

Resp. 2. directe, Deum velle peccatum voluntate permissiva, seu non impeditiva, non vero voluntate intentiva; velle autem voluntate permissiva est velle concurrere ad entitatem positivam peccati ex determinatione creaturæ. Quare distinguere oportet in peccato duas formalitates, & esse physicum, & esse morale: esse physicum importat totum esse actus, secundum quod est extra causas; esse vero morale importat dependentiam actus ab advertentia ad regulam morum (eo modo, quo in actu vitali est considerare esse physicum, in quo convenit cum actu non vitali, & esse vitale constitutum per dependentiam a principio intrinseco) Dependencia ista in actu morali ab advertentia ad regulam morum probabilius identificatur cum ipso actu morali, sicut probabilius cum actu vitali identificatur dependentia a principio intrinseco; propterea Deus concurrens ad esse physicum actus moralis, concurret etiam identice ad esse

mo-

morale identificatur cum physico; quia tamen ad actum inhonestum concurrir determinatus, non determinans, idcirco dicitur Deus formaliter concurrere ad esse physicum, non ad esse morale peccati. Quod si Deus ad peccatum concurreret praedeterminando ad illud, in tali casu non solum concurreret ad esse physicum, sed etiam ad esse morale formaliter, ut explicabimus disp. sequenti qu. 2. art. 3.

Dices: Pariter Deus ad actum liberum honestum concurrir determinatus a voluntate creata, non determinans; & tamen Deus formaliter, nedum identice concurrir tam ad esse physicum, quam ad esse morale actus honesti; ergo quamvis ad peccatum concurrat determinatus, adhuc concurrir formaliter ad esse morale peccati, si hoc identificatur cum entitate physica.

Resp. concesso antecedente, nego consequentiam. Disparitas est, quia Deus ad actum liberum honestum non solum concurrir, ut causa physica universalis, determinatus a voluntate creata, sed etiam concurrir ut causa moralis, hoc est suadens, aut precipiens illum. Contra vero ad peccatum concurrir solum ut causa physica prohibendo illud. Hinc sequitur, quod Deus magis, quam creatura dicatur causa actus honesti; quia effectus magis tribuitur causae moralis, quam physicae: v. gr. homicidium magis tribuitur mandanti, quam exequenti; Unde ille prius tenetur ad restitutionem. Et eo magis tribuitur Deo actus bonus, quam nobis, quia Deus non solum est causa moralis consulens, aut mandans, sed etiam dat nobis vires ad illum exequendum, & seligit auxilia efficacia praedefiniendo actum; ubi mandans homicidium hanc non praestat. Sequitur secundo, quod Deus non debeat dici causa actus inhonesti, quia nec est causa moralis, cum non suadeat, aut precipiat illum, sed prohibeat; nec est causa physica concurrans ad illum cum inclinatione, sed cum renitentia, & ideo simpliciter nec dicitur velle, nec causare peccatum. In forma ad argumentum dist. maj. malum morale non est volitum a Deo voluntate permissiva, seu signi, nego, voluntate intentiva, seu beneplaciti, conc. maj. & dist. min. Deus vult omnem entitatem positivam voluntate sive permissiva, sive intentiva, conc. semper intentiva, nego min. & consequentiam.

Ad primam confirm. respondeo primo per instantiam: potentia peccandi non assimi-

latur Deo impeccabili; ergo huiusmodi potentia non consistit in positivo. Secundo directe distinguo antecedens; ens positivum est Dei similitudo, secundum quod est ens physicum, concedo; secundum quod est ens morale, seu secundum quod est determinatio voluntatis creatae ad id, quod disponat voluntati Divinae, nego antecedens, & consequentiam. Ad id, quod additur dico, non distingui ex parte objecti ens physicum a morali: nihilominus huiusmodi entitas, quae est simul physica, & moralis, assimilatur Deo secundum quod est ens physicum, seu extra causas, non vero secundum quod est ens morale, seu determinatio ad malum; sicut in homine animal, & rationale ex parte objecti identificantur, sed homo secundum quod est animal assimilatur bruto, non secundum quod est rationale formaliter.

Ad secundam conc. maj. & dist. min. Deus est causa physica cuiusvis entitatis positivae, quae non sit mala moraliter, conc. quae sit mala moraliter, subdist. si faciat sensum, quod physice concurrat, conc. si faciat sensum, quod concurrat physice, & cum inclinatione, in quo sensu usurpatur nomen causae, nego min. & consequ. Quare per hoc, quod Deus non sit causa moralis peccati, nec sit causa physica determinans ad illud cum inclinatione concurrere, simpliciter non dicitur causa peccati: universum enim causa dicitur illa, quae dat esse effectus cum inclinatione, ac determinatione innata ad illum, ut constat inductione in omnibus causis; ergo cum Deus non concurrat physice ad entitatem positivam peccati cum inclinatione, sed cum renitentia, non potest dici causa peccati ne physica quidem.

Breviter: esse morale peccati identificatur cum esse physico, non secus ac in visione beata v. gr. identificatur vitalitas, & supernaturalitas: sicuti autem in visione vitalitas dicitur haberi formaliter ab intellectu, & supernaturalitas a lumine gloriae, ita in peccato esse, seu bonum physicum dicitur formaliter haberi a Deo, cuius est participatio; esse vero morale, seu determinatio ad malum, supposita advertentia ad regulam morum, dicitur formaliter haberi a voluntate creata. In hac tamen paritate datur aliqua disparitas, quia intellectus est vera causa inaequata visionis beatae, eo quod influat in illam cum inclinatione innata, aut saltem sine renitentia: Deus vero nullatenus dicitur causa

peccati, quia inhuit renuens, ac prohibens illud; ac propterea solum dicitur permittere peccatum, non vero causare, præfinire, ac velle ne materiale quidem peccati.

VI. Objic. 2. malum est privatio boni debiti; ergo malum morale est privatio rectitudinis moralis debite voluntari. Antecedens passim ab omnibus docetur, præsertim ab Aug. qui 11. de Civit. cap. 9. hæc habet: *Mali nulla natura est, sed amissio boni mali nomen accepit.*

Confirmat. 1. passim SS. Patres docent, peccatum esse non ens, ac nihilum; esse absentiam rectitudinis, & defectum. D. Athan. ait: *mali non entia dicenda sunt; bona autem entia, utpote que Deum auctorem sui habent.* Ambros. quid est malitia, nisi boni indigentia?

Confirm. 2. Peccatum non habet causam efficientem; ergo non est quid positivum, sed negativum. Antecedens est Augustini dicentis lib. 11. de Civitate cap. 7. *Nemo querat causam efficientem male voluntatis; non enim est efficiens, sed deficiens.*

Respond. quod sicut bonum est duplex, ut notat D. Thom. prima parte, quæst. 2. art. 1. ad primum, & Vasq. prima secundæ disput. 95. cap. 9. alterum Absolutum, & simpliciter dictum, quod est ipsa rei integritas, seu ipsa entitas rei habens quicquid exigit, ut sit integraliter perfecta; alterum respectivum, quod scilicet dicitur convenientiam cum subiecto, etiam si non exigitur ab illo, ut visio beata, voluptas &c. dicitur bona homini: ita duplex datur malum; alterum absolutum, & est carentia boni debiti, ut si aqua careat frigore, homo brachiis: alterum respectivum, quod scilicet de se dicit positivam dissonantiam cum subiecto, ut calor in aqua, error in intellectu, sextus digitus in manu, & peccatum in voluntate. Hoc posito, quando dicitur malum esse privatio boni debiti, sermo est de malo absoluto; peccatum autem cum sit malum respectivum, non est quid privativum, sed positivum, trahens privationem boni debiti; unde dicitur esse privatio positiva seu privatio radicalis, non formalis boni debiti: eo modo, quo in homine v. gr. negatio perfectionis Angelicæ non est quid privativum, sed est ipsum esse positivum hominis trahens illam negationem.

Ad primam confirmationem, Respon. 1. cum Vasquez loco laudato, SS. Patres loqui adversus Manichæos admittentes duas

naturas substantiales, alteram bonam, & causam bonorum, malam alteram, & causam malorum: proinde sæpe inculcant, malum non esse ens, seu non dari ens substantiale malum. Et in hoc sensu D. Athan. dixit: *Est hæreticum dogma tribuere essentiam malo.* Cæterum SS. Patres etiam docent sæpe, peccatum esse *dictum, factum, concupitum contra legem*; atque adeo esse quid positivum. Resp. 2. Patres intelligi posse, quod peccatum sit non ens casualiter, quatenus causat privationem rectitudinis debite in anima, & privationem gratiæ. Denique possunt etiam intelligi de peccato habituali, quod secundum id quod dicitur in recto, non est ens physice existens, sed est ipsum peccatum præteritum moraliter perseverans; quousque enim non ponatur condonatio, vel condigna satisfactio, peccatum præteritum in morali æstimatione se habet perinde ac si physice existeret.

Ad secundam: in peccato duplex datur prædicatum, seu formalitas, bonitas physica, & malitia moralis: secundum quod est physice bonum, tribuitur Deo fonti bonitatis; secundum quod est malum moraliter, tribuitur voluntati moraliter defectibili: Sicut in visione beata vitalitas tribuitur intellectui, & supernaturalitas luminis. Præterea peccatum dicitur non habere causam efficientem, sed deficientem, non quia sit nihil, sed quia malitia formalis, seu determinatio ad malum dependet ab advertentia ad regulam morum non potest haberi nisi a voluntate, quæ deficit moraliter, dum peccat, non a Deo moraliter indefectibili.

VII. Objic. 3. ex Mauro; peccatum est moraliter malum propter oppositionem cum lege Dei, & dissonantiam cum natura rationali; sed hanc oppositionem non habet secundum rationem positivam, sed ratione privationis rectitudinis debite, quam inducit: ergo in hac privatione consistit malitia peccati. Probat minor. Si peccatum secundum rationem positivam opponeretur voluntati divinæ, eo ipso illi opponeretur secundum entitatem suam, atque adeo secundum suam bonitatem, quia ens, & bonum convertuntur; sed repugnat, quod actus secundum quod est bonus, opponatur cum voluntate divina: ergo &c.

Confirm. nihil potest esse malum ratione suæ bonitatis, sed solum est malum per id, quod non habet, & habere debet; ut consistat in arretractis, quæ non minus pendente a directione artis, quam actus moralis a di-

rektionem prudentiæ: ergo ut prius.

Respond. nego minorem: Ad probationem distinguo majorem: opponeretur cum voluntate divina secundum entitatem, ac bonitatem physicam, identice, concedo; formaliter, nego majorem: eo modo, quo homo disconvenit cum bruto per animal identice, non formaliter: & distincta pariter minore, nego consequentiam. Actus inhonestus, qui est physice bonus, & sic Deo similis, est malus moraliter; & sic dissimilis; propterea sicut explicamus in homine similitudinem, & dissimilitudinem cum bruto per meram distinctionem rationis inter animal, & rationale, ita in casu.

Ad Confirm. distinguo anteced. nihil potest esse malum absolute ratione suæ bonitatis, concedo; malum respectu, nego antecedens, & consequentiam. Sic calor est malus, seu disconveniens aquæ, & error malus intellectui per suam entitatem, ac bonitatem. Circa artefacta dico, artefactum esse malum per ipsam entitatem positivam figuræ malæ, seu dissimilis regulæ artis. Illud tamen est discrimen inter figuram artefacti malam, & actum malum, quod figura est mala solum per difformitatem cum regulâ artis, non per hoc quod disconveniat subjecto; Unde figura bona, & mala non opponuntur contrarie, sicut calor, & frigus; contra vero peccatum non solum est malum per difformitatem cum regulâ morum, sed etiam quia disconvenit naturæ rationali; unde actus bonus, & malus opponitur contrarie, ut diximus ex Angelico quæst. 2. de malo, articulo 5.

VIII. Objic. ultimo contra 4. Conclusionem. Actus positivi, in quibus habetur peccatum omissionis, in tantum sunt formaliter contra voluntatem divinam, atque adeo inhonesti, in quantum inferunt omissionem actus præcepti; unde si per impossibile hanc non inferrent, non essent mali: ergo malitia formalis peccati omissionis consistit formaliter in omissione actus præcepti, atque adeo in negativo.

Confirm. primo: actus est inhonestus per hoc, quod difformetur legi; sed ommissio non pura actus præcepti est difformis legi præcipiente per hoc, quod non ponat, quod a lege præcipitur: ergo peccatum omissionis formaliter consistit in negativo.

Confirm. secundo. Id, quo præcipi sublatum, tollitur malitia formalis peccati omissionis, est constitutivum talis malitiæ; sed

præcipiente sublata omissione actus præcepti, ea tollitur: ergo hæc ommissio constituit peccatum omissionis.

Confirm. demum ex Hieronym. dicente: *Nequius est odisse justitiam, quam non fecisse*; ergo aliud est peccatum, quo quis odit positive justitiam, consensens in positivo; aliud, quo quis justitiam omittit, consensens in negativo.

Respond. Si fiat hypothesis impossibilis; quod detur in peccato omissionis non pura actus positivus, & non detur privatio actus præcepti, utraque pars contradictionis sequitur. Quare concessio antecedente, nego consequentiam. Si actus positivus, quo quis non vult audire sacrum, non inferret omissionem actus præcepti, non haberet totum suum esse positivum, quod habet: Sicut calor, si non esset exclusivus frigoris, non haberet totum esse caloris. Unde nil mirum, quod in hac hypothesis impossibili utraque pars contradictionis sequatur per locum intrinsecum.

Ad primam Confirm. distinguo minorem, præcipiente per hoc, quod non ponat pure, quod a lege præcipitur, nego; non pure, seu per actum positivum, concedo minorem, & nego consequentiam. Positio non pura actus præcepti est positio actus prohibiti, ad quam sequitur ommissio actus præcepti; quando autem ponitur actus prohibitus, semper ponitur aliquid positivum difforme legi, & ratione talis positivi actus est inhonestus.

Ad secundam: nego minorem. Ommissio enim actus præcepti, nisi fundetur in positiva entitate actus, non est omnino peccaminosa.

Ad tertiam: sensus D. Hieronymi est, pejus esse odisse justitiam actu averfativo, quam actu positivo nolle exequi præcepta justitiæ absque ejus odio, ac aversione: utrumque tamen peccatum habetur per actum positivum; unde consistit malitia formalis culpæ in positivo.

IX. Colliges ex dictis, peccatum sive commissionis, sive omissionis formaliter, & adæquate consistere in positivo morali, non quidem superaddito, sed identificato cum entitate physica actus; in actu enim peccaminoso plurimæ sunt formalitates: Primo quidem esse vitale per dependentiam essentialem a principio intrinseco: Secundo esse voluntarium per dependentiam a principio intrinseco cognoscente: Terio esse liberum per dependentiam a principio intrinseco cognoscente indifferente: Quanto

esse morale per dependentiam a principio indifferente, & advertente ad regulam morum: Quinto esse peccaminosum per determinationem ad objectum malum, supposita dependentia ab advertente ad regulam morum. Hinc si blasphemia v. gr. sit in amente, cum determinatio ad tale objectum non supponat advertentiam ad regulam morum, huiusmodi actus non est moralis, atque adeo non est malus moraliter, sed tantum physice bonus, unde potest a Deo prædefiniri: non secus ac si blasphemia ponatur in lapide, in quo casu non esset vitalis, sicut blasphemia in amente, cum non sit moralis, specie differt a blasphemia moraliter mala.

QUÆSTIO VIII.

An auxilium inefficax detur, & an dari possit ut inefficax?

I. Supponendum primo ex dicendis disp. sequenti, auxilium dici efficax in actu secundo, quod coniungitur cum consensu; dici inefficax in actu secundo, quod non coniungitur cum consensu; dici vero efficax in actu primo, quod ita est sufficiens ad consensum, ut coniungatur cum scientia media de consensu, & cum voluntate Dei benefica ordinante illud ad consensum; dici vero inefficax in actu primo, quod præter entitatem auxilii importat negationem scientiæ mediæ de consensu, & huiusmodi beneficiæ voluntatis divinæ. In præfenti quæstio est de auxilio inefficaci in actu primo, An scilicet detur ut inefficax?

Supponendum secundo, auxilium posse esse re vera sufficiens, etiam si non sit efficax in actu primo. Probatur: auxilium est sufficiens per esse per se indifferens ad consensum, & dissensum; atqui auxilium, quod non est efficax in actu primo, potest esse indifferens de se ad utrumque; ergo potest auxilium esse sufficiens, & non esse efficax in actu primo. Hinc certum est contra secundam propositionem Jansenii, In statu naturæ lapsæ posse nos interiori gratiæ resistere, juxta illud Actor. 7. *Possemus Spiritui Sancto resistere*: quod sonat dari gratiam sufficientem, cui resistamus; atque adeo gratiam, quæ in actu primo non est efficax, esse sufficientem.

Supponendum tertio, in hoc differre auxilium efficax in actu primo ab inefficaci in actu primo, quod auxilium efficax in a-

ctu primo, cum constituitur tum per entitatem auxilii indifferens, tum per scientiam mediæ de consensu, & per voluntatem Dei beneficam ordinantem illud ad consensum, constituitur per aliquid, quod non solum importat necessario consensum liberum; eo modo, quo præscientia peccati importat necessario peccatum liberum; sed etiam causat ipsum consensum, seu efficaciam in actu secundo: cum enim voluntas illa Dei benefica causet auxilium, & per auxilium causetur ex libera determinatione voluntatis consensus, ipsa Dei voluntas, seu prædefinitio constitutiva efficaciz in actu primo dicitur causa consensus; causa enim causæ est causa causati. Contra vero auxilium inefficax in actu primo importans præter entitatem auxilii negationem scientiæ mediæ de consensu, & beneficiæ voluntatis divinæ, importat quidem necessario necessitate consequentiz dissensum liberum, & inefficaciam in actu secundo; at non est causa inductiva dissensus, seu omissionis consensus, quia negatio voluntatis beneficiæ divinæ ordinantis auxilium ad consensum, neque causat physice auxilium, neque per auxilium causat dissensum, vel omissionem, quia dissensus, aut ommissio unice causatur ex determinatione voluntatis. His explicatis, elucescit status quætionis: nam conferri auxilium inefficax in actu primo ut inefficax, importat non solum dari auxilium sufficiens prævisum inefficax, cum negatione scientiæ mediæ de consensu, & voluntatis beneficiæ; sed etiam dari auxilium sufficiens cum positiva voluntate divina ordinante auxilium ad dissensum, seu ad inefficaciam in actu secundo. Contra vero dari auxilium inefficax in actu primo, & non ut inefficax, importat dari idem auxilium circa divinam voluntatem positivam ordinantem illud ad dissensum; sed cum voluntate permissiva sive assensus, sive dissensus.

II. Dico nunc cum communi. Deus non confert auxilium A inefficax, ut inefficax; sed ita confert auxilium A prævisum inefficax, ut paratus sit illud ipsum conferre, si prævideretur efficax.

Prob. Deus confert auxilium A inefficax animo sincero, intendendo primo, & per se, ut per illud voluntas bene operetur; bona vero, quæ per accidens aliquando ex peccato consequuntur, intendit secundario; atqui hoc non verificaretur, si daretur auxilium A inefficax ut inefficax; ergo non datur ut inefficax. Major constat, quia aliter non digne sentiremus de bonitate divinæ, si pri-

mario intenderet Deus peccatum. Minor etiam patet, quia non potest intelligi, quod primo, & per se intendat consensum, si non esset collaturus idem auxilium A, posita provisione consensu. Certe medicus, qui dat pharmacum trahens mortem, illud non daturus, si praevidisset, quod esset alaturum sanitatem, non daret pharmacum animo sincero, & ex intentione sanitatis, sed mortis.

Confirm. Si Deus conferret auxilium inefficax, ut inefficax, eo ipso amaret peccatum, essetque peccati Auctor; ergo non conferret ut inefficax. Antecedens constat ex dictis qu. 6. Qui enim vult A, ad quod necessario consequitur B, censetur velle ipsum B; sed ad huiusmodi decretum collativum auxilii inefficax ut inefficax consequitur necessario peccatum, ita ut ex illo inferatur tanquam a priori; ergo Deus volens huiusmodi suum decretum censetur velle peccatum: Et hoc verum sit, quod peccatum etiam tribueretur voluntati create libere disponenti; Sicut dicimus contra Prædeterminatores, quod etiam prædeterminatio statet cum libertate actus, adhuc Deus prædeterminans ad peccatum esset auctor peccati.

Hinc sequitur, Deum non solum non conferre de facto, sed etiam non posse de potentia absoluta conferre auxilium inefficax qua inefficax; cum hoc repugnet bonitati divinæ, eo quod traheret in Deo amorem peccati, non vero puram permissionem.

III. Obijc. 1. Si Deus conferendo auxilium A inefficax vellet consensum, daret auxilium B efficax, quod habet in promptu; ergo cum non det auxilium B efficax, signum est, non dari auxilium A inefficax animo ut inducatur consensus, sed dari ut inefficax.

Respond. Deum dare auxilium inefficax animo sincero, ut inducatur consensus per tale auxilium, quamvis prævideat non inducendum ex vitio voluntatis; non dare tamen auxilium A animo, ut inducatur consensus, ut habendus per alia auxilia; idque ex sua libertate, ac dominio, ratione cuius non tenetur intendere consensum efficaciter per aliquid ex auxiliis prævisis efficacibus, sed potest per quodcumque auxilium sufficiens ipsum intendere, saltem inefficaciter. Hinc diximus, quod quando intendit consensum per auxilium prævisum efficax, duplex conferat beneficium, videlicet gratiam sufficientem, seu excitantem, & simul cooperantem; nam ultra collationem auxilii sufficientis habet speciale il-

Part III.

lam beneficium voluntatem ordinandi auxilium sufficiens ad bonam operationem ut ponendam. Non tenetur tamen hoc speciale beneficium Deus supremus Dominus conferre, & ideo sufficiens est beneficium conferendo auxilium pure sufficiens. Præsertim cum hoc conferat ad universalem providentiam, ad quam spectat concedere singulis quicquid requiritur ad consecutionem ultimi finis, & absque detrimento libertatis permittere mala moralia, unde majus bonum provenire potest. Ex quibus habes, ut diximus quæst. 6. ex Sanctis Patribus, in hoc divinam bonitatem esse magis commendandam, quod cum prævidet peccatum, & ingratitudinem voluntatis, adhuc confert auxilium sufficiens, & est beneficium ingratum.

IV. Obijc. 2. Non potest explicari, Num Deus concedat auxilia inefficacia pure omittendo volitionem auxiliorum efficacium, an vero positive nolendo? Si enim pure omitteret velle, quare etiam non posset nolle positive? quæ enim satis sunt ad reddendam rationabilem, licitam, & justam puram omissionem, reddunt etiam rationabilem nolitionem positivam auxiliorum efficacium. Si vero posset positive nolle; ergo jam noller simul, & vellet consensum; noller, quia non vult auxilia efficaciacia; vellet, quia vult auxilium sufficiens, quod unice intendi potest in ordine ad consensum; cum autem hoc repugnet, dicendum dari inefficax ut inefficax.

Confirm. quia motivum Dei ad conferendum auxilium inefficax, habens in promptu auxilia efficaciacia, nisi sit ipsa inefficacia auxilii, esset auxilii sufficientia ex amore consensus; ergo deberet conferre auxilium B efficax, non A inefficax; ut accidit in humanis: nam Medicus, qui dat pharmacum ex amore sanitatis inducende, debet dare pharmacum, quod videt inducturum sanitatem, non mortem. Neque dicas, quod ex motivo universalis providentiæ possit velle sufficientiam auxilii ex amore inefficaci consensus, ut ex permissione peccati majora bona proveniant. Nam posset Deus suam Providentiam, Sapientiam, ac Bonitatem melius manifestare, conferendo auxilia efficaciacia; ergo non dat inefficacia, nisi quia dat ut inefficacia.

Resp. cum Suariorum, Deum positive nolle dare auxilia efficaciacia, quando dat inefficacia: per hoc autem, quod nolit dare efficaciacia, sequitur tantum, quod non habeat voluntatem efficaciacem, sed solum ineffic-

F 3

ctm

cem consensus; non vero sequitur, quod efficaciter nolit consensum, cum non det auxilium A inefficax quia inefficax, sed sit paratus idem auxilium A libentius conferre, si prævideretur efficax.

Ad confirm. concessio antecedente, nego consequentiam. Medicus tenetur dare pharmacum causans sanitatem, nec potest permittere mortem, si prævideat pharmacum hic, & nunc allaturum mortem. Contra vero Deus supremus Dominus potest peccatum permittere: aliter non posset condere creaturam liberam. Ergo licet prævideat auxilium A esse inefficax, & B efficacem, potest amore sincero dare auxilium A inefficax præ B efficaci. Ad id, quod additur, verum quidem est, quod posset Deus ostendere suam providentiam etiam dando auxilium efficacem quando dat inefficax; at debet posse Deus utroque modo suam providentiam ostendere, tum dando auxilium inefficax, ac permittendo peccatum, tum etiam dando efficacem, quod peccatum impediatur: neuter enim modus dissonat bonitati Divinæ, & uterque est magis consonus Divino dominio, quam unus tantum, quo scilicet semper conserat auxilia efficacem; ergo potest ex motivo universalis providentiæ dare auxilium inefficax, ratione cujus concedit creaturis quicquid requiritur, ac sufficit ad consecutionem ultimi finis, nolendo dare efficacem, quod habet in promptu.

V. Objic. ultimo. Potest Deus dare auxilium efficacem ut efficacem; ergo etiam inefficax ut inefficax. Sicut enim est liber ad dandum A efficacem, paratus illud idem dare, si sit inefficax, & est etiam liber ad dandum A efficacem, non daturus illud, si esset inefficax, sed aliud: ita pariter debet esse liber Deus ad dandum A inefficax, paratus illud idem dare, si esset efficacem, & liber etiam ad dandum A inefficax, non daturus illud, si esset efficacem.

Necque dicas disparitatem, quod dando A inefficax quia inefficax amaret peccatum; falsum enim est, quod intenderet peccatum, sed solum intenderet conferre auxilium sufficiens nolendo conferre bonum majus, videlicet auxilium efficacem: Sic qui dat pauperi monetam argenteam, non daturus illam, si esset aurea, non dicitur amare, ac velle carentiam monetæ auræ, seu subsidii majoris, sed solum velle monetam argenteam, quin velit auream.

Confirm. a contrario, quia qui vult impingere alapam Titio, non insidetur, si

esset allatura mortem, hic non dicitur velle carentiam mortis; quandoquidem hic actus esset bonus, sed velle alapam, qui actus est malus; ergo Deus volens conferre auxilium inefficax, non collaturus, si esset efficacem, non dicitur velle carentiam efficacem, seu peccatum (qui actus esset repugnans bonitati Divinæ) sed dicitur velle sufficientiam, ac bonam operationem, qui actus est benevolus. Et ratio a priori est, quia qui potest velle alicui duplex bonum separabile, potest benevolè velle unum relicto alio; ergo Deus potens velle creaturæ gratiam pure sufficientem, seu inefficacem ex motivo sufficientiæ, & gratiam cooperantem, seu efficacem, potest benevolè velle illam, nullatenus volens istam, sicut ex motivo sublevandi miseriam pauperis potest quis velle dare decem, non centum.

Resp. nullatenus dici posse, quod gratia inefficax detur qua inefficax, quia eo ipso Deus inferretur determinare ad peccatum, ac amare illud; sicut e contra, si detur gratia efficacem ut efficacem, inferretur in Deo esse amorem actus boni. Ratio a priori est, quia eo ipso, quod ex aliquo Dei decreto inferretur a priori existentia peccati, dicitur Deus exigere peccatum; & quia in Deo omnis exigentia est actus elicitus, seu amor, jam Deus diceretur amare peccatum. Hinc patet ad argumentum: potest Deus dare auxilium efficacem ut efficacem, quia potest amare actum bonum, quem exiget; non potest vero inefficax, quia inefficax: quia nequit amare peccatum, quod inferretur exigere. Ad paritatem de monetâ argenteâ, retorquero; Qui vult dare monetam argenteam qua talem, non daturus, si esset aurea, eo ipso censetur velle carentiam monetæ auræ; quod ex eo patet, quia si quis teneretur dare monetam auream, & daret argenteam qua talem, procul dubio peccaret, quia scilicet censetur nolle dare auream, ad quam tenetur; ergo pariter si Deus daret inefficax, qua inefficax, censetur nolle dare efficacem; atque adeo nolle bonam operationem, sed velle peccatum.

Ad confirm. retorquetur etiam paritas; qui vult dare alapam qua talem, duo vult, & dare alapam, & carentiam mortis; quavis talis actus, quatenus vult carentiam mortis, sit bonus, & quatenus vult impingere alapam, sit malus; & ideo simpliciter est actus malus, & iniustus, quia malum ex singulis defectibus. Eodem modo Deus volens auxilium inefficax qua tale, duo vult, & sufficientiam auxilii, & carentiam effi-

caciz, seu consensus, atque adeo peccatum; quatenus vult sufficientiam auxilii, est actus benevolus, & dignus Deo; quatenus vero vult caritatem efficaciz, & peccatum, obstat Divinz bonitati, & ideo simpliciter talis actus est malus, & Deo indignus.

DISPUTATIO III.

De efficacia Divina Gratia.

Longum esset hac de re pro merito disputationem instituire, ceteroqui pugnacem, & contentiosam. Quinimmo decretis Pontificiis districte id inhibetur. Propterea ad eruditionem Theologis pernecessariam, In prima hujus disputationis questione solum exponimus quatuor celebrior sententias de Gratiz efficacia, præmittendo, id non vetari a legibus hæcenus emanatis, quinimmo voluntati Sedis Apostolicæ esse consonum. In secunda vero, ommissa disceptatione illa, Num & quomodo possit Gratiz efficacia consistere in aliqua physica Præmotione? solum inquiremus, Num prædeterminatio physica, ac decretum Prædeterminans evertant arbitrii libertatem? In tertia idem quæremus de decreto Concomitante ad mentem Scotistarum. In quarto explicabimus sententiam reponentem gratiz efficaciam in Prædeterminatione morali; necnon reponentem illam in collatione auxilii prævisi per scientiam mediam efficacis, neglecta harum sententiarum disquisitione. Denique exponemus, Quid importet in Sententia Societatis gratia efficax in actu primo? Quid Gratia efficax, in quantum est speciale beneficium erga consentientem? Quid demum Gratia efficax in actu secundo?

QUÆSTIO I.

Exponimus Sententia celebrior de Gratia efficacia.

Ineminem latet, quantum dissidii hac in re fuerit circa initium præteriti sæculi inter Patres Prædicatores, & Patres Societatis, illis contententibus, quod Gratia efficax sit efficax ab intrinseco, ut proinde entitative differat gratia efficax a pure sufficienti; Illis vero acriter propugnantibus, non posse gratiam efficacem for-

tiri infallibilitatem suam, nisi beneficio scientiz mediz, atque adeo ab extrinseco, eandemque entitative gratiam conferri posse tum consentienti, & sic denominari efficacem, tum dissentienti, & sic denominari pure sufficientem. Hæc præsertim de causa habitæ sunt coram Clemente VIII. trigintaseptem Congregationes, & aliz decem coram Paulo V. ut in re tam gravi Sedes Apostolica quid sentiendum, quid docendum, ediceret. Quæ tandem die 28. Augusti 1606. statuit, utramque sententiam in scholis Catholicis doceri polle tute, ac impune, donec aliud ipsa decerneret; ea tamen lege, ut neutra ex iis centuris caratur, aut injuriis laceatur. Hujus controversiæ Historiam refert ab ovo Ripaldi disp. 113. Fuit tamen de illa loquitur Eleutherius ostendendo, quantum a vero aberrant, qui aliter illam reulerunt cum Le Blanc.

II. Illud dumtaxat hic advertendum, a Paulo V. & Urbano VIII. sub gravibus penis, etiam excommunicationis, interdicti, ne libri, Tractatus, aut compositiones in lucem edantur tractantes de materia auxiliorum divinorum, seu de gratia, & libero arbitrio, absque licentia expressa Sedis Apostolicæ; quam prohibitionem confirmarunt postmodum, ac innovarunt Innoc. X. & Alex. VII., ut videre est apud Platellum n. 603. Et quamvis nonnemo dixerit, hanc prohibitionem esse usu abrogatam; fallitur tamen, ut idem Platellus ostendit; cum passim Auctores signate protestentur, ab hoc tractatu se abstinere ob debitam erga decreta Pontificia religionem. Nihilominus communiter docent, hinc non vetari, quominus hac de re aliquid modeste tradatur, ne Theologus in questione tam gravi, tam scitu digna, ac necessaria omnino sejunct; nec vetari, quominus Catholicorum sententiz de gratiz efficacia in libris, qui typis dantur, tantummodo explicentur ad eruditionem Læctorum, dummodo ab iis propugnandis, ac confutandis abstinatur; quod praxis ipsa confirmat, & videntur Pontifices permisisse; etenim Spondanus referens decretum Pauli V. apud Platellum hæc habet: *Paulus V. disputationes de auxiliis concessisse iussit; sanxique postmodum, utrisque, dum aliud decerneretur, liberum esse suam sententiam in scholis modeste suari, sed sine damnatione alterius partis.* Et Petrus Ledesma in Præfatiuncula ad tract. de auxili. habet: *Clemens VIII. propter doctrinæ militiam, ac necessitatem Theologis concessit de*

hac materia disputare; ut constat ex literis sessimonialibus Cardinalis Madrucci, quas ego vidi; Omnibus tamen præcepit, ut a nota, & censura oppositæ sententiæ abstinere. Et Leonardum apud eundem Platellum dicit, publicationem decreti Pauli V. his verbis Hispani factam esse: *Facultatem præstamus, ut possint tractare de præfata materia; & mandamus sub pena excommunicationis, ut nullus audeat censuræ contrariam sententiam, nec utatur verbis mordacibus, quæ malam impressionem animo latentem indicare videantur.*

III. Adde, nec vetari, quominus directè agatur de Scientia media, de Prædestinatione, de Providentia, de Prædeterminatione physica, ac de decreto prædeterminante, ac condeterminante, num scilicet evertant arbitrii libertatem? ac de similibus, dummodo directè non agatur de gratia intrinseca voluntati, ac de modo conciliandi illam cum libertate arbitrii, etiam si nonnihil obiter de his ad eruditionem innuatur. Quod pariter praxis ostendit; cum fere omnes Theologi cujuscunque Ordinis directè in suis libris agant de his materiis. Et ratio est, quia hujusmodi tractatus solum remote spectant, indirectè, & tanquam principia, ad constitutionem gratiæ efficacis, & ad materiam propriam divinorum auxiliorum: prohibitio autem, ut notat Henao n. 67. solum fert, ne directè de iis agatur; cum nulla fere sit Theologiæ pars, in qua non jacentur fundamenta, quæ ad hanc materiam deservire possint. Hinc sicut passim discutitur ab Auctoribus, Num scientia media obstat libertati consensus per illam prævisi, & libertati voluntatis Divinæ eundem consensum præfinientis, præcindendo, An, & quomodo illa spectet ad constitutionem gratiæ efficacis: ita passim ab Auctoribus discutitur, An prædeterminatio physica, ac decretum prædeterminans, & condeterminans coherant cum libertate arbitrii, & præcinditur, an & quomodo spectet ad efficaciam gratiæ: Sic Conatus pluribus conatur ostendere in sexta disputatione de Actibus Humanis, quod Deus non solum promoveat, sed etiam prædeterminet causas secundas etiam liberas ad operandum, adducendo rationes Theologicas ex ipsa sufficientia, & efficacia gratiæ desumptas: & tamen sancte in de Gratia protestatur, se nolle ingredi materiam Divinorum auxiliorum, ad obtinendum decretis Pontificis. Sic etiam Jo. a S. Thom. in 1. 2. p.

359. necnon P. Izquierdo nostræ Societatis tom. 2. in p. 2. tr. 10. disp. 30. n. 433. & alii passim. His præmissis

IV. Certum est, Gratia efficaciam non consistere in elatione victricæ necessitatem inferente voluntati, ut docent Catholici omnes contra Lutherum, Calvinum, Jansenium. Etenim Innoc. X. damnavit ut hæreticam propositionem tertiam Jansenii dicentis: *Ad merendum, & demerendum in statu nature lapsæ non requiritur in homine libertas a necessitate, sed sufficit libertas a coactione:* Contra Lutherum vero Tridentinum sess. 6. cap. 5. & can. 4. definit, *Libertum hominis arbitrium a Deo motum, & excitatum cooperari assensu Deo excitanti;* & contra Calvinum pariter definit, *idem liberum arbitrium posse dissentire, si velit, & posse inspirationem abjicere: aliter quomodo verificari posset illud Act. 7. Por semper Spiritui Sancto resistis, si gratia efficax voluntatem cogere?*

V. Difficultas inter Catholicos est, quomodo cum libertate ista arbitrii coherere possit efficacia Divinæ voluntatis, quæ debet esse infrustrabilis, adeo ut de illa verificetur quod dicitur ad Roman. 9. *Voluntati ejus quis resistet?* & Hæreticis 13. *Non est, qui possit in ea resistere voluntati, si decreveris salvare Israel.* Usque adeo difficilis est hæc concordia libertatis creatæ cum infrustrabilitate Divinæ voluntatis, ut ipse Augustinus lib. 2. de peccat. merit. cap. 18. dixerit: *Querentem vehementer angustat, ne sic defendamus gratiam, ut liberum arbitrium auferre videamur; rursus ne liberum esse efferamus arbitrium, ut superba impetate ingrati Dei gratiæ judicemur.* Et Cajetan. in caput 9. Epist. ad Rom. dixit: *Scio rerum vero non esse contrarium; sed nescio hæc jungere, sicut nescio Mysterium Trinitatis, &c. Et 1. p. qu. 22. art. 4. idem Cajet. habet: Ad hanc dubitationem nihil scriptum reperi in D. Thomas; in aliis vero Doctoribus nihil hactenus comperi ad præsentem questionem, nisi quæ communiter dicuntur de sensu composito, & divisio, de necessitate consequentia, & consequens; de libertate electionis Divinæ in eternitate, & de natura causarum ad utrumlibet; sed hæc omnia intellectum non quietant.*

VI. Quatuor sunt præcipue Catholicorum opiniones in hac gravissima difficultate, quas hic solum innuimus, ut laudatæ decretis morem geramus. Prima Thomistarum reponentium cum Bagnez gratiæ efficaciam in physica prædeterminatione, quæ
simul.

simul flet cum potentia dominativa ad utramque partem, & simul determinet ad consensum. Secunda Scotistarum reponendum illam in congruitate cum ingenio ejus, qui vocatur, & in decreto non antecedente, sed concomitante determinationem voluntatis per quamdam veluti sympathiam. Tertia nonnullorum Recentiorum etiam ex Thomistis, & Scotistis, reponendum illam in prædeterminatione non physica, sed morali, seu in multitudine tot adminiculorum, & auxiliorum in Deo, ut quamvis singula deficeret possint, omnia tamen simul infallibiliter sint effectum habitura, idque independenter a scientia media. Quarta demum sententia Doctorum Societatis, & aliorum etiam e Scotistis, & ex quovis Ordine apud Placel. num. 590. constituit efficaciam gratiæ in prædefinitione consensui consequente ad scientiam mediam, seu in collatione auxilii indifferents prævisi per scientiam mediam efficacis. Sic enim apud concordatur libertas creaturæ, & infirmitas gratiæ; sicut apud conciliatur infallibilitas v. gr. revelationis de peccato Divi Petri cum libertate talis actus; nam ratione auxilii omnino indifferents incommensurabilis est libertas voluntatis; & ratione scientiæ mediæ, quæ Deus prævidit, quod si tale auxilium conferatur, voluntas consentiet, posita collatione auxilii, & prædefinitione consensui, infallibiliter hic est eventurus.

QUÆSTIO II.

De physica Præmotione, ac de Decreto Prædeterminante ad consensum

I. Agnez primus inter Thomistas vocabulum prædeterminationis in Scholas inveniit, cujus nusquam meminit D. Th. Imo illam ne quoad rem quidem agnovisse Angelicum, fuisse ostendit Fasolus qu. 14. art. 13. dub. 17. pun. 4. Quod ex eo præsertim clare deducitur, quia 1. p. quæst. 14. art. 13. D. Thomas docuit, futura contingentia a Deo non cognosci in suis causis, nisi conjecturaliter, & prout sunt in se ipsis, cognosci infallibiliter, in quantum subduntur divino conspectui secundum suam præfentialitatem. Certe si Angelicus prædeterminationem physicam agnovisset, non dixisset, futura contingen-

tia solum conjecturaliter attingi a Deo in suis causis, cum decretum prædeterminans sit causa essentialiter connexa per Thomistas cum actu prædeterminato. Præterea D. Th. in 2. dist. 39. quæst. 1. hæc habet: *Ipsa quidem potentia voluntatis indifferens est, sed quod determinate exeat in hunc, vel illum actum, non est ab aliis determinante; & quamvis in aliquibus veteribus codeicibus legatur, Non est ab alio determinate, idem tamen est sensus, ut adverteit P. Thyrsus Gonzalez t. 2. disp. 6. Explicant nonnulli cum P. Fr. Jo. Nicolai hunc textum, quod actus non sit ab alio determinante naturali, non vero quod non sit a Prima causa prædeterminante. Sed immerito; tum quia D. Th. loquitur universaliter, tum quia quilibet determinatio, quæ sit antecedens & impossibilis eum non actu, est eversiva libertatis; tum demum quia passim D. Thom. docet, voluntatem a seipsa, & non ab alio determinari ad actum liberum. In 2. dist. 39. q. 1. art. 2. habet: *Ratio culpe in actu deformi est ex hoc, quod procedit ab eo, qui habet dominium sui actus: hoc autem est in homine secundum illam potentiam, quæ ad plura se habet, nec ad aliquid eorum determinatur, nisi ex seipsa; quod tantum voluntati convenit.* Idem etiam docet Angelicus primo contra gentes cap. 63. num. 6. & alibi. Hinc Reverendissimus Turcus Generalis Ordinis Prædicatorum, ut habetur apud Henao, sect. 499. in publica disputatione cuidam defendenti, quod esset ex mente D. Th. ista præmotio, dixit: *Ostende mihi locum D. Th. in quo physicam præmotionem propugnavit, & creabo te Magistrum adversus constitutiones tuæ provincie.* In historia Congregationum de auxiliis legitur, quod dum coram Pontifice inquiretur, An sit de mente Angelici prædeterminatio physica? multis nostris ostenderint, illam cum principiis D. Thomæ non coherere; atque adeo non esse de ejus mente. Pater Lemos Ordinis Prædicatorum putavit, ostendisse locum apertissimum D. Thomæ q. 3. de Veritate, art. 7. ubi videtur docere, quod Deus in priori moveat, ac determinet voluntatem: sed huic textui danda est interpretatio consona principiis Angelici dicentis passim cum omnibus Catholicis, quod voluntas se determinet ad actum. Quare sensus est, quod in priori ad actum liberum Deus moveat, ac excitet voluntatem cogitatione congrua, & inspiratione sancta, ac determinet illam ad bonum in genere; quandoquidem a natura,*

tura, atque adeo a Deo voluntas non inclinatur, nisi ad bonum in genere, & ad illud habet a Deo determinationem; ad bonum vero particulare hic, & nunc eligendum voluntas se determinat; unde peccat, si eligat bonum delectabile præ honesto, & bene operatur, si eligat honestum præ delectabili. His positis, discutimus primo, An præmotio illa physica, seu prædeterminatio, necnon decretum Prædeterminans cohereat cum libertate arbitrii? secundo an ea tollat sufficientiam ad non peccandum? tertio, An reddat Deum Auctorem peccati?

ARTICULUS I.

Num physica Præmotio cohereat cum libertate Arbitrii.

II. Dico equidem cum communissimi Societatis, & cum Angelico contra Bagezianos, Præmotionem physicam evitare libertatem arbitrii; idemque consequenter dicendum de decreto prædeterminante, hoc est causante hanc præmotionem, seu prædeterminationem. Item ex Gonetio tom. 7. disp. 6. art. 2. §. 3. pro eodem sumi debet præmotio, ac prædeterminatio.

Conclusio constat ex regulis summulisticis adductis contra prædeterminationem antecedentem disp. superiore quæst. 5. videl. Ex necessario non sequitur nisi necessarium; ergo ex prædeterminatione, quæ voluntati est necessaria, (cum non possit nec directe, nec indirecte impediri; eo quod non possit impedire ullum prærequisitum ad illam) non sequitur nisi consensus voluntati necessarius. Constat etiam ex illa maxima ibidem adducta; Omne antecedens omnino antecedens consensum impossibile cum dissensu, & impossibile evertit libertatem, cum sit rigorosum impedimentum ad dissensum. Neque dicant Thomistæ, quod sicut solus Deus prima causa non tenetur impedire peccatum, ita solus Deus prima causa, & primum liberum potest prædeterminare ad consensum, quin dicatur ponere impedimentum ad dissensum. Nam spectat quidem ad causam primam posse permittere, seu non impedire peccatum, non tamen potest ponere omnia constitutiva impedimenti, & non impedire; atqui prædeterminatio ad consensum habet veram rationem impedimenti, cum sit ratio sufficiens, ne datur locus dissensui, in-

superabilis a voluntate: ergo non potest Deus efficere, ne voluntas sub prædeterminatione ad consensum sit impedita ad dissentiendum.

Prob. iterum Conclusio ex conceptu libertatis. Libertas consistit in hoc, quod potentia, positis omnibus requisitis ad agendum, possit agere, & non agere, hoc est possit eum iis requisitis componere tum agere, tum non agere, prout explicavimus in de Actibus humanis disp. 6. quæst. 3. sed posita prædeterminatione ad consensum, non potest voluntas cum ea componere dissensum; ergo per prædeterminationem requisitam ad consensum evertitur libertas. Minor constat; voluntas enim, posita præmotione ad consensum, neque posset ponere dissensum in sensu composito, hoc est componendo illam præmotionem, & dissensum, cum sint impossibilia; neque posset in sensu diviso, cum non possit voluntas illam a se dividere, neque directe, eum ea non sit actus voluntatis, neque indirecte, cum non possit ullum prærequisitum impedire; ergo simpliciter voluntas sub prædeterminatione ad consensum non posset dissentire.

Confirm. ex eodem conceptu libertatis. In eo consistit libertas voluntatis, quod ipsa se determinet, non quod determinetur ab alio, cum hoc sit proprium cause necessariæ; atqui si voluntas indigeret prædeterminatione, non ipsa se determinaret, sed antecederet ad suam operationem determinaretur a Deo; ergo non esset libertas.

Confirm. 2. Ideo per Bagezianos datur prædeterminatio, quia a causa indifferenti, qua indifferenti, non potest prodire effectus determinatus; cum autem voluntas sit indifferens ad consensum, vel dissensum, ad hoc ut ponat consensum præ dissensu debet per prædeterminationem ejus indifferentia tolli; atqui si tollatur a voluntate indifferentia, eo ipso tollitur libertas; ergo si voluntati superaddatur prædeterminatio, eo ipso tollitur libertas. Minor patet: damnata enim est ut hæretica propositio 3. Jansenii dicentis; *Aliud merendum vel demerendum in statu nature lapsæ non requiritur in homine libertas a necessitate, seu libertas indifferencia*; ergo de fide est, in voluntate esse libertatem indifferentem, quando ponit actum meritum: ergo cum prædeterminatio tollat hanc indifferentiam, eo ipso tollit libertatem ad meritum requisitam. Sicut enim materia v. gr. non dici-

dicatur amplius indifferens ad quancumque formam, quando per dispositiones prævias determinatur ad hanc, v. gr. ad formam ignis; nec potentia viviva dicitur indifferens ad Visionem albi, vel nigri, si per species albi determinetur ad videndum album; nec intellectus dicitur indifferens ad assentiendum, vel dissentiendum articulis fidei, si a voluntate determinetur ad assensum: ita voluntas non est indifferens ad consensum, vel dissensum, si a Deo prædeterminetur ad consensum. Nec aliunde motus primi in voluntate, & motus gratiæ excitantis, qui sunt in nobis sine nobis, dicuntur necessarii, non liberi, nisi quia ad eos voluntas antecessenter determinatur.

III. Prob. ult. Conclusio. Decretum prædeterminans, seu prædeterminatio non pendet a nostra voluntate, ita ut illam ad arbitrium habere, aut impedire possimus, eo quod antecedit quancumque nostram operationem; ergo quando nobis datur, non datur libere, sed necessario; ergo necessario etiam ponitur quodcumque ad illam consequitur, nempe consensus. Probatur hæc consequentia ex receptissima doctrina D. Anselmi in libro de Concordia cap. 1. quod scilicet cum libertate cohareat sola necessitas consequens, quæ scilicet rem consequitur, & quam res ipsa facit, non vero necessitas antecedens, quæ præcedit rem, & facit illam esse; atqui necessitas ita prædeterminationis relate ad consensum cum illa connexum esset necessitas antecedens quancumque nostram liberam operationem, faciens consensum esse; ergo esset necessitas evitans libertatem. Hæc ratiocinatio adeo visa est efficax Lessio, ut cap. 3. de gratia dixerit: *Si hæc ratio non convincit, ingenue fateor, totum hoc negotium libertatis magis mihi esse obscurum, quam ullum fidei nostræ mysterium.*

Confirm. Deus præcisè per hoc, quod neget voluntati aliquod prærequisitum ad operandum, v. gr. cognitionem præviam, indifferentiam iudicii, concursum suum &c. eo ipso necessitat voluntatem ad non operandum; sed prædeterminatio ponitur ab Adversariis tanquam prærequisitu ad operationem; ergo si Deus illam denegat, voluntas necessario caret operatione; atqui quando Deus prædeterminat ad consensum, tunc denegat prædeterminationem ad dissensum; ergo posita prædeterminatione ad consensum, negatio dissensus sequitur necessario, atque adeo evertitur libertas.

Confirm. demum, quia Deus prædeterminando ad consensum, vel exhibet voluntati concursum ad dissensum, si velit dissentire, vel non. Si exhibet; ergo non datur prædeterminatio, sed decretum collativum concursus simultanei ad utramque partem, ad quam maluerit voluntas se determinare, quod nos dicimus: Si non exhibet; ergo deficit in voluntate aliquod necessario prærequisitum ad dissensum; atqui quoties deficit necessario prærequisitum ad dissensum, nec habet in manu voluntas illud ponere, toties impossibile est, quod ponatur dissensus; ergo si Deus non exhibet concursum ad dissensum, datur necessitas, ne sit dissensus; unde consensus non est liber.

IV. Hinc sequitur, salvari non posse, quod Trid. sess. 6. can. 4. definit, videlicet, *Libertum arbitrium assentiendo Deo excusari, posse dissentire, si velit*: si enim deficit illi aliquod essentialiter prærequisitum ad dissensum, nempe prædeterminatio, nec est in manu voluntatis illam habere, quomodo poterit dissentire, si velit? Fingamus, cognitionem necessario præviam ad amorem objecti non esse in manu voluntatis, poterit ne verificari, quod voluntas possit amare, si velit? Certe non poterit, quia si non potest habere cognitionem præviam ad sui arbitrium, nec erit in sua potestate habere amorem, qui cognitionem præsupponit. Quare ut salventur hæc duo, & quod Divinæ voluntati efficaci nemo possit resistere, & quod possimus gratiæ efficaci resistere, si velimus, dicendum, gratiam præviam efficacem nobis liberaliter conferri, ita ut posita indifferencia talis gratiæ, seu auxilii, possimus conjungere cum illa dissensum; sed quia præviam est conjungenda cum dissensu, idcirco necessario necessitate consequente ponitur consensus; unde voluntas Divina est insuperabilis. Quod si dicatur juxta Adversarios, prædeterminatio connecti essentialiter cum consensu, jam haberetur necessitas antecedens ad consensum, non consequens, atque adeo eversione libertatis. Aliter quomodo impugnari possent Gentiles, qui declinando assercbant, necessitatem fatalem inducunt ab aliis non evictæ libertatem? posset enim Gentilis pariter dicere, quod influxus aëtorum ita sit necessario prævius ad operationem, & ad illam determinans, ut cohareat cum libertate, quia voluntas in sensu diviso a tali influxu posset non operari: omnes tamen fatalem hanc necessitatem explodimus, &

cum

cum Augustino dicimus, *Fatum non ponunt nisi fami*; quia eo ipso ac voluntas non potest se ab illo ad arbitrium dividere, nequit dici, quod in sensu diviso possit non operari; atque adeo non libere operatur. Idem dicas in casu nostro.

V. Respondent, incommensurabilem esse libertatem sub prae-determinatione ad consensum, quia voluntas potest dissentire, si minus in sensu composito, certe in sensu diviso. Sed hæc responsio pluribus impugnat præter hæcenus dicta. Primo quidem si non potest se dividere voluntas a prae-determinatione ad consensum, eo ipso nequit in sensu diviso ab illa dissentire; aliter neque compedes tollerent libertatem ad motum, nec visio beata rolleret libertatem ad peccandum, nec gratia Calvinistica, aut fatum inferret necessitatem; quia datur potentia ad hæc omnia in sensu diviso, etiam si non possit se voluntas ab iis dividere. Secundo nec potest voluntas in sensu diviso a prae-determinatione ad consensum ponere dissentium; quia etiam se iuncta a prae-determinatione ad consensum, non per hoc habet in manu sua prae-determinationem ad dissentium, quæ prærequiritur ad ponendum talem actum; ergo etiam ex hoc capite non daretur potentia ad dissentium in sensu diviso. Quare ista propositio, voluntas prae-determinata ad consensum potest dissentire, si velit, nullatenus est vera, ne in sensu quidem diviso a prae-determinatione, etiam si posset voluntas ab illa se dividere. Tercio quando Tridentinum dicit, *Liberi arbitrii assentiendo Deo excitanti, & vocanti posse dissentire, si velit*; intelligendum est in sensu composito talis vocationis; nam nemo dicitur resistere virtuti, quæ non existit, & resistentia semper habetur in sensu composito virtutis impellentis. Hinc cum damnatur propositio secunda Iansenii, quæ habet, *Ineriori gratia in statu nature lapsæ nunquam resistitur*, sensus est de resistentia in sensu composito cum gratia.

Neque dicas 1. cum Bagnez, Concilium non esse intelligendum de gratia efficaci, seu prae-determinatione, sed de gratia sufficienti, seu de inspiratione, & illustratione. Nam Tridentinum loquitur contra Calvinum, qui dicebat, posse nos resistere inspirationibus, & illustrationibus, & nos de facto resistere gratiæ pure sufficienti, & solum negabat posse nos resistere gratiæ efficaci; ergo Concilium intelligendum est de gratia etiam efficaci.

Neque dicas 2. cum Alvar. disp. 13. de auxiliis, Tridentinum intelligendum esse de auxiliis non ut datis, sed ut oblatis, quibus resisti potest. Nam hæc etiam responsio dari posset a Calvinistis ad tuendum suum errorem.

Neque dicas 3. cum aliis, posse nos resistere entitati gratiæ, seu prae-determinationi secundum se, non vero prout substat Divinæ voluntati infrutrabili; eo modo, quo in sententia Societatis potest voluntas resistere auxilio efficaci entitativæ sumpto, non tamen prout substat prædefinitioni Divinæ consequenti ad scientiam mediam. Nam sententia Thomistarum longe distat a nostra: nos enim dicimus, voluntatem non posse resistere prædefinitioni Divinæ efficaci potentia consequente, quæ non violat libertatem; & contingentiæ ex D. Anselmo; Thomistæ vero impotentia antecedente, quæ libertatem evertit.

VI. Respondent 2. Recentiores Thomistæ, prae-determinationem non lædere libertatem, quia non se tenet ex parte actus primi, sed secundi: sicut non lædit per nos libertatem, seu potentiam ad dissentium concursus Dei ad consensum, quamvis sit necessarius, ut actus ponatur, quia se tenet ex parte actus secundi.

Sed contra est 1. quia prae-determinatio per Adversarios est causa actus, & est in priori ad actum; ergo se tenet ex parte actus primi; cum ex parte actus secundi non se teneat nisi ipse actus, & actio, quæ juxta communior sententiam identificatur cum ipso actu vitali. Secundo etiam prae-determinatio non esset causa actus, sed solum prærequisitum, adhuc se tenet ex parte actus primi, sicut approximatio v. g. agentis ad passum, quatenus remouet distantiam impeditivam actionis, est in priori ad actionem, & se tenet ex parte actus primi, ut notat Angelicus. Sic pariter habitus, qui supponit actum primum, & dat solum facile posse, dicitur se tenere ex parte actus primi; ergo a fortiori prae-determinatio, quæ a Thomistis dicitur esse complementum actus primi. Tercio etiam dato, quod prae-determinatio se teneat ex parte actus secundi, at ita est necessario requisita ad actum, ut non sit in manu voluntatis illam habere, vel non habere: ergo actus, ad quem prae-determinat, non est liber; Sicuti si concursus Dei in actu secundo necessario requisitus ad actum non esset in manu voluntatis, quis dixerit, vo-

lun-

luntatem ponere libere actum, etiam si talis concursus identificetur cum actione creaturæ? Fingamus itaque, quod prædeterminatione se teneat ex parte actus secundi, sicut se tenet ex parte actus secundi actio, seu concursus Dei, & sicut sessio est actus secundus potentiz ad sedendum: certe si non habet voluntas in manu sua concursum Dei ad consensum, non libere consentit, nec libere sedet, qui non habet in manu sua sessionem; ergo nec libere consentit qui non habet in manu sua prædeterminationem, quamvis hæc se teneat ex parte actus secundi.

VII. Respondent 3. alii apud Fasolum, posita prædeterminatione, consensum esse necessarium necessitate consequentiz, seu ex suppositione, non necessitate consequentis; quia prædeterminatio non tollit potentiam dominativam æquilibrem ad dissentium in statu suspensivo antecedente ad prædeterminationem.

Sed contra est, quia ex doctrina Ansel. necessitas antecedens, quæ fert necessitatem tum consequentiz, tum consequentis, est necessitas præcedens actum, & est causa, ut res sit: necessitas vero consequens, quæ fert necessitatem solum consequentiz, est necessitas sequens actum, & quam res ipsa facit; ut ostendit Ansel. exemplificando sic: *Præcedens, & efficiens necessitas est, Cælum volvi, quia necesse est ut volvatur; sequens vero, & quæ nihil efficit, est, te ex necessitate loqui, quia loqueris*; atqui prædeterminatio est necessitas antecedens actum, non sequens illum: ergo fert necessitatem tum consequentiz, tum consequentis. Neque obstat, quod in priori ad prædeterminationem voluntas sit indifferens. Nam illa indifferentia est solum negativa, seu præcisiua, non positiua; tollitur enim per prædeterminationem. Sicut per speciem albi tollitur ab oculo indifferentia ad videndum album, vel nigrum, quia prædeterminatio & est causa actus necessario inferens illum, & antecedit actum tum physice, tum logice; atque adeo fert necessitatem antecedentem violativam libertatis.

Neque dicas cum Rispolis apud eundem Fasolum, doctrinam D. Anselmi intelligendam esse, quod destruit libertatem necessitas antecedens, quando antecedens supponitur per modum necessarij libertatem destruentis, non per modum necessarij linientis, confortantis, & dulciter determinantis. Nam contra est, quia hæc responsio petit principium, dum dicit, tollere liber-

tatem illam necessitatem antecedentem, quæ destruit libertatem. Quare omnis omnino necessitas antecedens, si credimus D. Anselmo, & rationi, est libertatis eversiva. Sic ex. gr. tam vinculum, quod cruciat, quam carcer, qui defendit a temporum injuriis, libertatem lædit: quia utrumque est impedimentum ad morum: ergo cum omnis necessitas antecedens consensum sit impedimentum ad dissentium; omnis necessitas antecedens evertit libertatem, etiam si se habeat per modum necessarij linientis, ac dulciter determinantis.

VIII. Respondet 4. Alvarez disp. 18. cum prædeterminatione manere libertatem, quia manet iudicium indifferens.

Sed contra est, quia posito iudicio indifferenti circa bonum particulare, v. g. circa jejunium, compossibili cum ejus amore, vel odio, adhuc potest voluntas necessitari a Deo; si scilicet Deus nolit concurrere, nisi ad amorem jejunij, aut si per qualitatem superadditam ad talem amorem determinet: Ad eum modum quo si cognitioni abstractivæ Dei, compossibili cum amore, & ejus omissione, superaddatur Dei visio, certe per visionem tollitur libertas; ergo etiam per prædeterminationem physicam superadditam iudicio indifferenti, non secus ac Gratia Calvinistica necessitans, si superaddatur iudicio de se indifferenti, libertatem evertit.

Respondet ult. Gonetius, per prædeterminationem non everti libertatem, quia necessitas orta ex prædeterminatione est necessitas æquivalenter consequens ad nostram libertatem; Sicut enim odium v. gr. non tollit libertatem ad amorem, quia odium est ipsa determinatio nostræ libertatis; ita quia prædeterminatio est determinatio orta a Deo, qui, ut habet Augustinus, *magis in sua potestate voluntates hominum habet, quam ipsi suas*, idcirco nec violat libertatem.

Sed contra est, quia sic posset etiam dici libera voluntas sub gratia Calvinistica. Immo etiam si voluntas passive tantum se haberet relate ad suos actus; quia etiam in his casibus actus esset æquivalenter a voluntate, quatenus est a Deo continente magis voluntates hominum, quam ipsi suas. Quare ista præcontingentia nihil confert ad actus imputabilitatem, quia est solum præcontingentia physica, quæ non satis est, ut actus præcontingentis dicatur libere a nobis positus, & moraliter imputabilis. Aliter etiam actus beatificus posset diei liber, & meritorius.

IX. Hic autem notandum, præter prædeterminationem hanc Bagnezianam, quam omnes Thomistæ admittunt ut necessariam in quovis actu bono libero, ad salvandam debitam subjectionem Creaturæ in operando erga Deum primum liberum, admitti a Neoterici novum genus Prædeterminationis, quam vocant Augustinianam, quæ scilicet solum datur in statu naturæ lapsæ ad operandum salutariter; non ut salvetur subiectio creaturæ primo libero, sed ut salvetur quomodo gratia medicinalis collata nobis per merita Christi Redemptoris faciat nos salutariter operari. Docet quippe D. Augustinus lib. de Corrupt. & Grat. cap. 11. duplex dari genus Gratiæ; Alteram vocat *Adiutorium sine quo non*, quatenus sine illa nemo potest salutariter operari, quamvis habens illam non eatenus operetur; sic ut sine cibo nemo potest vivere, quamvis habens cibum non eatenus vivat: Alteram vocat *Adiutorium quo*, quatenus cum illa salutariter operatur. Additque Augustinus, in statu naturæ integræ collatum fuisse Adamo, & Angelis peccantibus Adiutorium sine quo non, ut possent perseverare in gratia; aliter non peccassent, si caruissent tali auxilio; In statu vero naturæ lapsæ conferri nobis per merita Christi D. Adiutorium quo, nempe gratiam medicalem, quatenus sine tali adiutorio nemo perseveraret in statu gratiæ. Hinc Neoterici docent, auxilium gratiæ in statu naturæ integræ non fuisse prædeterminans ad actum bonum; aliter non potuisset cum eo auxilio coherere peccatum. Adæ, & Angelorum: contra vero in statu naturæ lapsæ auxilium gratiæ prædeterminare; aliter posset cum eo componi omnis actus salutaris, unde esset, & non esset Adiutorium quo. Quamvis autem, ut advertit Ripalda tom. 3. disp. 7. & disp. 24. Bajani vellet, adiutorium quo ita prædeterminare, ut tollat libertatem indifferentiæ, & solum relinquat libertatem a coactione, quam putabant sufficere ad meritum, & demeritum in statu naturæ lapsæ; nihilominus Neoterici isti post condemnationem tertie propositionis Jansenii, qua asserbatur, sufficere libertatem a coactione ad meritum, docent, Adiutorium quo ita prædeterminare ad consensum, ut relinquat libertatem indifferentiæ ad dissentium; & in hoc dumtaxat adherent Thomistæ, cum tamen a principis Thomisticis longe recedant.

Adversus hanc sententiam dicimus Primo, quod eadem argumenta, quæ expun-

gunt prædeterminationem physicam ad mentem Thomistarum tanquam eversum liberataris, expungunt etiam hanc Neoterico-rum. Secundo, incoherenter admitti prædeterminationem ad actum salutarem in statu naturæ lapsæ, & negari in statu naturæ integræ; cum in utroque statu salvari debeat efficacia gratiæ, quæ non solum deesse posse, ut gratia sufficiens, sed etiam deesse ipsum facere, & faciat nos facere, unde sit Adiutorium quo; quamvis non in eo sensu, in quo Augustinus vult, nobis per merita Christi dari in statu naturæ lapsæ Adiutorium quo, seu liberationem a captivitate peccati, & auxilium gratiæ uberius, quo perseveremus in statu gratiæ. Tercio dicimus, juxta hanc viam negari non posse scientiam mediam ad salvandam efficaciam gratiæ in statu naturæ integræ: admittit autem semel scientia media, optime salvatur efficacia gratiæ etiam in statu naturæ lapsæ citra ullam prædeterminationem, ut pendenti sit palam. Denique dicimus, D. Augustinum nunquam somniasse de hac prædeterminatione, & nomine Adiutorii sine quo non intellexisse gratiam sufficientem, nomine Adiutorii quo, gratiam efficacem. Propterea sicut in natura integra Adamo, & Angelis peccantibus non desuit Adiutorium sine quo non; ita Angelis perseverantibus libere in accepta iustitia non desuit Adiutorium quo (quamvis non fuerit illis necessaria gratia Redemptoris pro eo statu, in quo culpa non præsupponebatur) & sicut in natura lapsæ bene operantibus confertur gratia medicinalis, & efficax, seu Adiutorium quo, ob merita Christi Medici, ac Redemptoris, ita peccantibus desit non potest Adiutorium sine quo non, seu gratia sufficiens; aliter non peccarent, dum peccant. Hinc dicitur 1. ad Timoth. 4. *Noli negligere gratiam Dei*; & 2. ad Timoth. 1. *Resuscita gratiam, quæ est in te*; & ad Hebr. 12. *Ne quis desit gratia*. Quare dum Augustinus dicit, dari nobis in statu naturæ lapsæ gratiam medicalem, quæ sit Adiutorium quo, solum vult, quod per merita Christi Redemptoris detur gratia, quæ expugnet demeritum peccati, & simul sit uberior, ac intensior, quam esset in statu naturæ integræ; ut proinde sit efficax, & superet difficultates omnes provenientes ex concupiscentia inclinante ad bonum delictabile; quas non superaret, nec esset efficax, si esset minus intensa; prout confertur in statu naturæ integræ inde-

independenter a meritis Christi. Quæ omnia fusissime ostendit Ripalda loco laudato, ubi num. 105. varia alia discrimina distinguit auxiliorum gratiæ in statu naturæ integræ, & in statu naturæ lapsæ.

ARTICULUS II.

Utrum admissa præmotione physica, sequatur, eos qui peccant, carere sufficientia ad non peccandum, atque adeo non peccare?

X. Certum est, præter gratiam efficacem, quæ confertur bene operantibus, dari gratiam pure sufficientem in iis qui peccant; aliter non peccarent, si carerent sufficientia ad non peccandum. Propterea damnata est secunda propositio Janenii, negantis in natura lapsæ gratiam pure sufficientem, & admittentis solum gratiam efficacem: dicebat enim: *Interiori gratia in statu naturæ lapsæ nunquam resistitur; quæ errorum deducebat ex prima propositione pariter damnata, quæ habet: Aliqua Dei præcepta hominibus iussu volentibus, & conantibus, secundum præsentem, quas habent, vires, sunt impossibilia. Deest quoque illis gratia, quæ possibilia sunt; & quia hunc sequebatur, vacare culpa eos, qui huiusmodi præcepta transgrediuntur, idcirco Janenius ulterius deliravit, dicendo in tertia propositione, Ad merendum, vel demerendum in statu naturæ lapsæ non requiri libertatem a necessitate.*

XI. Dico nunc, Admissa necessitate præmotionis physicæ ad consensum, seu ad non peccandum, salvari non posse in male operantibus sufficientiam ad non peccandum necessario prærequisitam, nec dari iisdem de facto gratiam pure sufficientem; Ex quo fit vacare culpa eos, qui male operantur.

Probatur conclusio. Qui caret actu primo proximo ad non peccandum, seu ad ponendum consensum præceptum, caret sufficientia ad non peccandum, atque adeo si dissentit, non peccat; atqui si præmotio physica fit necessaria ad consensum, qui peccat, seu dissentit, caret actu primo proximo ad consensum, seu ad non peccandum, cum careat præmotione ad consensum: ergo caret sufficientia ad non peccandum. Unde fit, admissa necessitate prædeterminationis, tolli de medio gratiam pure sufficientem, & vacare culpa eos, qui male operantur. Major est certa; Minor proba-

tur primo, quia præmotio physica, juxta sententiam Adversariorum, est complementum actus primi proximi, ita ut ea circumscripta, desit actus primus proximus. Secundo dato, quod præmotio non esset causa actus, sed solum prærequisitum, sicut est approximatio agentis prærequisita ad actionem circa passum, adhuc sequitur, quod peccans caret actu primo proximo ad non peccandum; quia scilicet caret prærequisito, quod se tenet ex parte actus primi: cum enim sit in priori ad actum secundum, nempe ad consensum, & ad actionem (quæ probabilius cum ipso actu identificatur) eo ipso constituit actum primum proximum. Tertio etiamsi transmutatur Recentioribus Thomistis, quod prædeterminatio se teneat ex parte actus secundi, ne fiat lis de voce, adhuc recurrit ratiocinatio adducta: nam qui non habet in manu sua carere, vel habere actum secundum peccaminosum, caret sufficientia ad non peccandum; Sicut qui non habet in manu sua selesionem, quæ est actus secundus sedendi, non habet sufficientiam ad non sedendum; & qui non habet in potestate sua concursum Dei ad consensum, non habet sufficientiam ad consentiendum: Sed voluntas dum peccat, non habet in manu sua prædeterminationem ad consensum, cum non possit illa ad arbitrium carere, utpote quæ datur a Deo antecederet ad operationem creaturæ; ergo voluntas, dum peccat, caret sufficientia ad non peccandum.

Neque dicas, quod peccans, quamvis careat prædeterminatione ad consensum, constituit actum primum proximum, aut se tenente ex parte actus secundi, non per hoc caret sufficientia ad non peccandum, quia scilicet si vellet consentire, eo ipso haberet prædeterminationem ad consensum. Sic, ut notat Alvarez, qui caret aliis ad volandum, vel pharmaco ad sanandum, non dicitur carere sufficientia ad volandum, aut ad sanandum, dummodo possit ea habere, si velit.

Nam contra est, quia voluntas non potest habere ad sui arbitrium prædeterminationem ad consensum, si operari nequit independentem a tali præmotione; ergo qui peccat, seu dissentit, ita caret præmotione ad consensum, ut nec possit illam habere ad sui arbitrium; unde caret sufficientia ad non peccandum: Sicuti qui ligatus compedibus nequit ad arbitrium se illis extricare, nullatenus dicitur, quod habeat sufficientiam ad motum, cum careat actu pri-

mo proximo ad illum, videlicet remotione compedum, & impedimentorum, quæ actum primum proximum constituit.

XII. Confirm. Conclusio exemplis adductis ab ipsismet Adversariis. Causæ inferiores non habent sufficientiam ad motus suos peragendos, sublati cœlestibus influentiis: nec instrumenta artis habent sufficientiam ad artefacta, si non moveantur ab artifice, nec oculus satis est ad videndum, si non illuminetur, quia scilicet iis omnibus indigent ad hos effectus: ergo cum supponamus, voluntatem indigere præmotione, ut consentiat, si careat præmotione, caret sufficientia ad consensum: atqui omnes, qui peccant, carent præmotione ad consensum: ergo carent sufficientia ad illum; atque adeo carent sufficientia ad non peccandum; unde nunquam datur gratia pure sufficiens, nec peccat, qui male operatur.

Neque replicent Adversarii, præmotionem non requiri ad posse agere, sed ad agere, atque adeo se tenere ex parte actus secundi. Sic panis non requiritur ad potestatem consecrandi, sed ad ipsam consecrationem, ut advertit D. Thom. quæst. 1. de potentia, artic. 1.

Nam contra est, quia si prædeterminatio non est ipsum agere, sed prærequiritur ad agere, eo ipso constituitur actum primum, cum non nisi actus primus præcedat ipsum agere, seu actum secundum; & idcirco panis constituit potentiam proximam, & completam consecrandi, quia scilicet prærequiritur ad consecrationem. Deinde ne fiat lis in vocabulis, etiam dato, quod se teneat ex parte actus secundi, si verum est, quod non sit in manu voluntatis prædeterminatio, & quod prærequiratur ad consensum, eo ipso voluntas, dum peccat, caret sufficientia ad consensum.

XIII. Oppones primo. Qui caret concursu Dei in actu secundo ad consensum, in sententia nostra, non caret sufficientia ad consensum, quamvis careat aliquo essentialiter requisito ad illum: ergo idem dicendum de prædeterminatione. Antecedens est certum; nam qui peccant, carent concursu Dei in actu secundo ad bonam operationem; & tamen non carent sufficientia ad illam, quamvis talis concursus essentialiter ad bonam operationem requiratur. Consequentia itaque probatur, quia tam per concursum Dei in actu secundo, quam per prædeterminationem datur nobis a Deo ipsum operari, non vero posse operari, seu actus secundus, non primus.

Confirm. quia plus requiritur ad agere, quam ad posse agere; sicut plus requiritur ad esse sapientem, quam ad posse esse; ergo quamvis prædeterminatio ad consensum denegata male operantibus tollat sufficientiam ad ponendum consensum, non tollit tamen sufficientiam ad posse ponere consensum, atque adeo non reddit eos immunes a culpa.

Respond. nego consequentiam, & retorqueo paritatem. Si non esset in manu voluntatis concursus Dei in actu secundo ad consensum, non peccaret voluntas non ponendo consensum; ergo cum non sit in manu voluntatis prædeterminatio ad consensum, non peccat, qui dissentit. Ubi advertet, ad consensum liberum ponendum non prærequiri antecedenter, tanquam constitutum sufficientie ad illum, Dei concursum in actu secundo, quia hic identificatur cum actione, qua producitur consensus, & probabilius etiam cum ipso consensu; solum itaque prærequiritur concursus Dei in actu primo paratus ad utrumque juxta liberam electionem creature: Contra vero prædeterminatio ad consensum prærequiritur ad talem actum, cum constituit actum primum proximum, atque adeo sufficientiam ad consensum; quod si dicas cum Recentioribus Thomistis, se tenere ex parte actus secundi, illud certum est, non pendere a libera electione creature, sed ab arbitrio Dei; ubi in sententia Societatis concursus Dei in actu secundo ad consensum, sive importet actionem a consensu distinctam, sive cum consensu identificatam, pendet a libera electione creature.

Ad confirmationem, pugnant in terminis quæ docent Adversarii, videl. deficiente prædeterminatione ad consensum, deficere sufficientiam ad agere, & non deficere actum primum; nam quod prærequiritur ad agere, non est ipsa actio, sed est id, quod præcedit actionem, atque adeo est actus primus. Verum quidem est, plura requiri ad agere, quam ad posse agere; quia scilicet ad agere requiritur, licet non prærequiratur ipsa actio, seu ipse actus secundus, qui in sententia nostra est in manu voluntatis; prædeterminatio vero est solum in manu Dei.

XIV. Oppones secundo. Si dicatur, quod inter prædeterminationem ad dissensum, & ipsum dissensum detur mutua quedam prioritas, salvatur, quomodo peccator culpa sua ponat dissensum, & careat prædeterminatione ad consensum; potest autem hæc

mutua prioritas apte poni dicendo, quod diffensus disponat in genere causæ materialis ad prædeterminationem, & hæc causet diffensum in genere causæ efficientis. Univerſum enim in Schola Thomistica non repugnat mutua prioritas in diverso genere causarum; ut inter actionem subiectarum in termino, & ipsum terminum, inter dispositionem ultimam ad formam, & ipsam formam: Sicuti communiter admittitur mutua causalitas inter causam finalem, & efficientem; & in Theologia admittitur mutua prioritas inter actum Charitatis, qui est ultima dispositio ad gratiam, & ipsam gratiam; ita Joan. a S. Tho. & Gonetus.

Resp. etiam transmissa possibilitate mutue prioritatis in diverso genere causarum, non potest ea admitti in casu nostro a Thomistis. Primo quia sic corrumpit eorum doctrinam, quæ docet, Deum, utpote causam primam, ita determinare, ut creatura expectare debeat determinationem a Deo, nullatenus vero Deus a creatura; & ideo dicunt, actum bonum tribui Deo, quia Deus ad illum prædeterminet. Secundo si admittitur hæc mutua prioritas, jam non esset in diverso genere causarum, sed in eodem genere causæ efficientis; nam creatura non aliter posset se disponere ad diffensum, nisi eliciendo, & producendo illum. Tercio quia repugnant duo agentia libera, quæ se mutuo determinent, ut ostendimus quæst. sequenti contra Scotistas; quia aliter rueret demonstratio primi motoris unici excludentis consortium plurium Deorum. Et ratio est, quia si utrumque condeterminaret, ita determinaret, & esset determinatum ab altero; repugnat autem primo agenti esse determinatum, dum determinat; ergo repugnat, duo agentia libera se mutuo determinare; unde impossibilis est hæc mutua prioritas Thomistarum. Quare dicendum cum Sententia Societatis, quod voluntas eligat, & determinet Omnipotentiam paratam ad utrumque, quin violetur ratio causæ primæ, quia Deus adhuc est primum efficiens, dando creaturæ esse, & posse, & agere, quamvis ad agendum hunc actum præ illo determinetur a libero arbitrio.

ARTICULUS III.

Utrum Physica Promotio reddat Deum peccati Auctorem?

XV. **U**ltimum caput, quo efficaciter impugnari solet prædeter-

Pars III.

minatio physica, necnon decretum prædeterminans, est, quia redderet Deum peccati Auctorem, ac volentem peccatum creaturæ, quod summæ bonitati oblatrat. Constat hoc ex iis, quæ diximus disput. antecedente quæst. 6. ubi ostendimus, Deum non posse prædefinire, seu prædeterminare materiale peccati, quin sit peccati Auctor, eo quod non possit velle efficaciter materiale, ad quod consequitur essentialiter formale peccati, quin velit ipsum formale.

Ostenditur iterum hoc assumptum sic: Deus prædeterminando ad peccatum creaturæ vellet illud efficaciter; ergo esset peccati Auctor. Consequentia sequitur; quia ex Aug. lib. Quæstionum 83. qn. 5. *illo auctore cum dicimus, illo volente dicimus*; Cui enim tanquam volenti imputatur opus, ille dicitur Auctor operis. Antecedens itaque probatur, quia qui vult medium essentialiter trahens finem, & ut tale cognitum, eo ipso vult, & amat ipsum finem; quid enim est velle effectum, puta homicidium in causa, nisi velle causam, puta ebrietatem, in qua prævidetur secutorum homicidium? atqui prædeterminatio ad peccatum essentialiter trahit illud, idque a Deo cognoscitur; ergo Deus volens prædeterminationem, vult & peccatum, atque adeo est peccati Auctor.

Neque dicas, Deum velle solum materiale, non formale peccati. Nam contra est, quia in peccato materiale, & formale non distinguuntur realiter, sed solum penes diversos causandi modos, ita ut dicatur concurrere ad materiale qui concurrunt determinatus (cum materiæ sit determinari) concurrere vero ad formale qui concurrunt determinans (cum formæ sit determinare) atqui posita prædeterminatione, Deus concurreret ad entitatem peccati ut Primum determinans; ergo concurreret ad formale peccati. Neque enim aliter Creatura dicitur esse causa peccati, & concurrere ad ejus formale, nisi quia & vult illud efficaciter, cognoscens, licet non intendens, ejus malitiam, & determinat ad illud; hoc autem præstaret Deus, si prædeterminaret; ergo esset causa, & Auctor peccati, & ad ejus malitiam formalem concurreret.

Hinc Zumel 1. p. q. 22. ar. 4. in Appendice hæc habet: *Nullus Hæreticorum dixit, Deum concurrere ad formale peccati, sed tantum ad materiale promovendo, ac prædeterminando arbitrium nostrum, & tamen damnan-*

G

197

est; ergo *figurum* est, non posse Deum prædeterminare ad materiale peccati, quam simul prædeterminet ad formale. Propterea multi Thomistæ cum Blasio Verdù, Nazario, Gonzalez, Jo. Vincentio, M. Aravio Episcopo Segovienti, M. Passerino Procuratore Generali Ordinis Prædicatorum, & aliis apud Fasolum qu. 14. ar. 13. nu. 136. negarunt prædeterminationem ad malum. Communiter tamen qui ita sentiunt, ne cogantur facere Deum peccati Auctorem, notantur incoherentibus; quia qua ratione probarent requiri prædeterminationem ad actum bonum, indivisim evincerent requiri etiam ad actum malum.

XVIII. Confirm. 1. quia si Deus concurreret moraliter ad peccatum suadendo illud, hortando, &c. idcirco diceretur peccati Auctor, quia moraliter inclinaret voluntatem creaturæ ad peccandum, volendo hujusmodi inclinationem; ergo a fortiori erit peccati Auctor, si voluntatem creaturæ inclinet ad peccatum physice, volendo talem inclinationem; si enim peccatum imputatur concurrenti moraliter, a fortiori concurrenti physice, si hic determinet ad illud.

Neque dicas cum Thomistis: ex hoc, quod Deus non possit peccatum suadere, non sequitur, quod non possit ad illud physice concurrere, & quod teneatur illud impedire, aut quod non possit ponere Creaturam in iis circumstantiis, in quibus prævidetur peccatura: ergo neque sequitur, quod non possit prædeterminare; quia hoc etiam spectat ad rationem primæ causæ.

Nam contra est, quia constat, ad rationem causæ primæ spectare, quod possit physice ad peccatum concurrere, & quod non teneatur peccata impedire; aliter non posset condere Creaturam liberam, nec posset ex malis bona facere; quod ex Augustino præstantius est, quam mala nulla esse permittere: At ad rationem primæ causæ spectare non potest, quod sit peccati auctor. Adde: in tantum creaturæ imputaretur peccatum alterius creaturæ, si poneret illam in circumstantiis, in quibus prævidetur illam peccaturam, quia nequit una creatura dare alteri vires, ne labatur, ita ut si peccet, sibi imputet lapsum: Contra vero Deus potest ita vires voluntatis librare, ut quamvis offerat concursum indifferenter, nullatenus Deo tribuatur peccatum, & ideo uni causæ primæ licitum est ponere creaturam in circumstantiis, in quibus prævidetur peccatura: At neque creaturæ, ne-

que Deo licitum est concurrere ad peccatum alterius determinando ad illud five moraliter, five physice; quandoquidem peccatum imputatur determinanti. Sic juxta celeberrimum exemplum D. Thom. quando tibia determinatur a curvitate ad motus obliquos, obliquitas non tribuitur virtuti progressivæ, sed curvitat, quia ad curvatem consequitur; ergo quando voluntas a prædeterminatione determinatur ad peccatum, hoc non tribuitur voluntati, sed prædeterminanti, quia non consequitur ad voluntatem secundum se, sed ad prædeterminationem.

XIX. Confirm. 1. ex doctrina D. Thom. 1. p. qu. 63. art. 5. ubi docet, quod Angeli si peccassent in primo instanti, eorum peccatum tribueretur Deo, quia scilicet illa operatio, quæ simul incipit cum esse rei, est ei ab agente, a quo habet esse; sicut moveri futium in igne est a Generante: ergo ex D. Thom. illi tribuitur peccatum, a quo tanquam a determinante procedit, sicuti motus sursum in igne tribuitur generanti, quia ab illo determinatur: ergo si Deus prædeterminaret ad peccatum, illi imputaretur. Præsertim quia magis verificatur, quod ad peccatum determinet qui ad illud præmoveret, quam qui dat esse agenti, a quo in primo instanti est operatio peccaminosa.

XX. Denique si Deus prædeterminaret ad peccatum, non solum esset peccati auctor, sed etiam sequeretur, quod creatura inculpabiliter, immo & laudabiliter peccaret, juxta rationationem, quam adduximus disp. antec. q. 6. Probatur hæc sequela, quia ex D. Thom. 1. 2. de Verit. 2. 7. Unaqueque voluntas ex eo est bona, quod Divinæ voluntati conformetur; Neque enim aliunde habetur rectitudo operationum moralium, quam ex conformitate cum prima regula morum, quæ est Divina voluntas; ita ut licet possit aliquando nostra voluntas esse mala, si velit quod est tantum materialiter volitum a Deo, v. g. Christi Domini crucifixionem, damnationem reproborum, &c. nunquam tamen non recte operetur, si velit quod est a Deo formaliter volitum, seu si velit quod Deus vult nos velle: Atqui posita prædeterminatione ad peccatum, creatura vult quod Deus vult ipsam velle, etiam quando vult v. gr. blasphemiam; ergo posita hac prædeterminatione, creatura dum peccat, non peccat, sed laudabiliter operatur. Minor probatur, quia, creaturam ponere talem actum, v. g. blasphemiam, est, creaturam vel-

ARTICULUS IV.

Num ratiocinationes Thomistarum efficaciter vincant necessitatem physice præmotionis?

le blasphemiam; æqui Deus prædeterminando ad blasphemiam vult, ut creatura ponat, seu velit illam; ego creatura ponendo blasphemiam, vult illam, quam Deus vult ipsam velle; quod fuse promovet Ruiz de voluntate Dei disp. 38.

XXI. Dices 1. cum Goneto. Intellectus attingens ut verum, non ut bonum, quia bonum est extra sphaeram intellectus; ergo Deus attingit materiale, non formale peccati per prædeterminationem, quia peccatum est extra sphaeram voluntatis Divinæ.

Sed retorquetur. Si intellectus attingeret Ens amando, attingeret ut bonum formaliter, & sic bonum deberet esse intra sphaeram potentie intellectivæ; ergo si Deus attingat peccatum determinando, attingeret formale peccati, & sic peccatum deberet esse intra sphaeram voluntatis Divinæ.

XXII. Dices 2. Decretum Dei indifferens, & permisivum peccati non facit Deum auctorem peccati; ergo nec decretum prædeterminativum. Probatur consequentia. Si Deus daret consilium indifferens ad bonum, vel malum, peccaret; non tamen peccat, si concurrat physice ad peccatum cum indifferencia, seu cum decreto indifferenti, ac permisso peccati, quia scilicet hoc spectat ad primam causam; ergo neque peccat, si prædeterminet, quia pariter spectat ad primam causam præmovere secundas ad operandum, ut docent Thomistæ; ergo par ratio de decreto indifferenti, ac de prædeterminativo.

Resp. nego consequentiam. Ad probationem: Consilium indifferens pugnat cum sanctitate Divina, quia Deus æquilibriter se haberet ad bonum, & ad peccatum; ad concurrentem indifferenter non se habet æquilibriter, sed peccatum odit, & prohibet; ac solum permittit, & concurret ad illud determinatus a creatura, non vero determinans; quod primæ causæ licitum est, cum non teneatur peccatum impedire: At si prædeterminaret ad peccatum, quamvis Thomistæ dicant, Deum etiam execrari peccatum, re vera tamen illud efficaciorem vellet determinando ad illud; ergo esset peccati Auctor. Et sane irrideretur Præceptor, qui prohiberet malos characteres, & manum pueri duceret ad illos male formando; quia esset auctor illorum, quos vetaret: ita in casu. Hæc abunde dicta sint ad physicam præmotionem impugnandam.

XXIII. **O**bjiciunt 1. Ab indifferenti quæ tali non potest prodire determinatum; cum nemo det quod non habet; ergo nisi voluntas prædeterminetur, cum sit de se indifferens, non potest ponere determinate consensum. Neque dici potest, quod uterque actus, consensus scilicet, & dissensus præcontineatur in voluntate indifferenti. Nam actualitas est perfectior omni potentialitate; ergo actualitas consensus non potest præcontineri in potentia indifferenti.

Confirm. 1. quia ex D. Thom. 1. p. q. 19. ar. 3. ad 5. Causa, quæ est ex se contingens, oportet, quod determinetur ab aliquo exteriori ad effectum; sola enim voluntas Divina, quæ ex se necessitatem habet, determinat se ipsam ad volitum, ad quod habet habitudinem non necessariam; ergo in voluntate creata requiritur prædeterminatio.

Confirm. 2. ex Goudino, quia ut creatura agat, debet prius constitui in actu secundo in ratione principii operativi; unumquodque enim agit, in quantum est actu; ergo indiget prædeterminatione. Probatur consequentia, quia antecedenter ad prædeterminationem non est operativa actu, sed potentia, nec constituitur actu potens proxime operari per concursum simultaneum; tum quia hic est indifferens; tum quia non est prævius ad operationem; ergo per prædeterminationem.

Resp. argumentum nimis, atque adeo nihil probare; probat enim, quod nec Deus possit absque prævia prædeterminatione libere operari, cum ne Deus quidem dare possit quod non habet: Præterea probat etiam, quod nec sufficiat prædeterminatio; quia ea posita, nec habetur actualitas operationis, quæ communicatur actui. Quare duplex distinguenda est indifferencia; Altera passiva, & per defectum, qualis est in materia, ac subiecto, quod ab alio determinari debet ad hanc potius formam recipiendam, quam illam; Altera activa, & per excessum, qualis est in potentia libera; quæ cum præcontineat utrumque actum impossibilem, potest a semet determinari; in quo casu dat quod præcontinet virtualiter, seu eminenter, licet non præcontineat formaliter; ut dicitur de qualibet causa æquivoca: unde sicut potest intellectus

v. gr. dare esse intellectioni, quam non præcontinet formaliter, sed eminenter; ita potest voluntas dare esse vel consensui, vel dissensui, quos præcontinet eminenter. Negandum itaque, quod actus sit simpliciter perfectior potentia, cum effectus non sit perfectior sua causa: quod si aliqua perfectio sit in effectu, quæ in causa creata præcontineri non potest, (ut cit perfectio individualis, quæ scilicet unumquodque distinguitur ab omni imperfecto, quod non est ipsum, atque adeo a sua causa creata, quod prædicatum non continetur in ipsa causa creata, quæ a se ipsa imperfecta non distinguitur) tunc satis est, quod talis perfectio præcontinetur in causa prima coagente, quæ ob id etiam debet immediate concurrere ad omnes effectus creatos.

Ad primam confirm. Datur ab Angelico discrimen inter causam primam liberam, & secundam, quod scilicet hæc agit in quantum mota, seu in quantum prædita ab alio, nempe a Deo, comprincipiis requisitis ad se libere determinandum, cognitione scilicet objecti, & oblatione concursus in actu primo; secus vero causa prima libera: Ut ergo ignis ex. gr. secundum se spectatus nequit operari, donec approximetur passo, quo posito, ex natura sua, & a generante determinatur ad agendum; ita Voluntas secundum se spectata nequit operari, donec proponatur per intellectum illud obiectum, quo posito, redditur proxime potens operari, & tunc libere se determinat. Quod autem hæc sit mens D. Thomæ in eo textu, patet, quia non dicit, voluntatem debere determinari ab exteriori principio, sed ab exteriori, hoc est ab aliquo se tenente ex parte objecti, quod est cognitio, a qua determinatur non quidem ad operationem, sed ad hoc, ut possit proxime operari.

Ad secundam; distinguenda est in principio operativo virtus operativa, hoc est potens proxime operari, & virtus operativa, hoc est actu operans: in primo tantum sensu conceditur antecedens, & negatur consequentia. Ad probationem pariter distinguendus est concursus simultaneus in actu primo, qui constituit potentiam proxime operativam, & concursus simultaneus in actu secundo, qui constituit potentiam actu operantem. Unde fit, per concursum simultaneum in actu primo voluntatem reddi proxime operativam; nec solum non obstat, sed est necessaria indifferentia talis concursus, qui sic spectatus est prævijs ad operationem.

XXIV. Obijciunt 1. Causa secunda non potest moveri ad operandum, nisi moveatur a prima, in cuius virtute agit, ut passim docet Angelicus ex Philosopho dicens, causam secundam movere ut motam, seu ut applicatam ad agendum a causa prima; eo pacto, quo instrumentum movetur, & applicatur ab artifice ad opus artis ponendum; ergo sicut instrumentum præmoveatur ab artifice, ita causa secunda libera debet præmoveri a prima.

Confirm. 1. quia subordinatio causæ secundæ exigit, ut ipsa pendeat a causa prima in operando, & non e contra; atqui si non præmoveretur, causa prima penderet a secunda; nam in tantum Deus concurreret ad consensum, quia creatura determinat omnipotentiam, non quia determinatur ab Omnipotentia ad concurrendum ad consensum; ergo ut prius.

Confirm. 2. Deus sicuti est prima causa; ita est primum liberum; sed quia Deus est prima causa, quolibet causa secunda debet subordinari primæ, ita ut ab ea dependeat in esse, & operari; ergo quia Deus est primum liberum, debet quolibet creatura libertas illi subordinari, ita ut a primo libero pendeat, etiam in quantum est libere operans; atqui si creatura determinaret Omnipotentiam ad concurrendum ad consensum, penderet quidem creatura a Deo, in quantum est operans, sed non in quantum libere operatur; ergo a Deo debet creatura prædeterminari ad consensum. Adde, quod si creatura determinaret Omnipotentiam, creatura esset primum determinans; ergo creatura esset primum liberum.

Confirm. ult. Si creatura determinaret, & non determinaretur ab Omnipotentia ad consensum, vera esset hæc propositio, *Deus nobis subijcit suam Omnipotentiam*; quæ tamen novitatis, & temeritatis damnata est ab Innoc. XI. 27. Nov. 1679. sicut & illa alia: *Deus donat nobis Omnipotentiam suam*, ut ea utamur, sicut aliquis donat alteri villam, aut librum; ut videre est apud Lumbier, & in Trutina Theologica Thesium damnatarum. Et sane causa determinans subordinat, ac subijcit sibi causam determinatam, ut voluntas subordinat sibi suum habitum; sed posito concursu simultaneo in actu primo, omnipotentia esset causa determinata, & voluntas esset causa determinans; ergo Omnipotentia subijceretur voluntati creatæ. Quod quam sit absolum, ex eo etiam patet, tum quia determinabilitas ex suo conceptu fert potentialitatem, quæ nequit compe-

petere Actui puro; tum etiam, quia Deus est primum in omni linea perfectionis; sed determinare est perfectio; ergo Deo tribui debet determinare, non creaturæ.

Resp. Prædeterminatores, ut Deum constanciant primum liberam, tollere ab eo rationem primi liberi; ostendunt enim, Deum non esse primum, sed esse unicum liberum, dum evolvunt libertatem creatam. Quare Deus in hoc habere debet rationem primi entis, primæ causæ, primi liberi, quod causet creaturas, & ad earum operationes tum necessarias, tum liberas concurrat modo consentaneo, atque adeo non determinando operationem liberam, sed relinquendo creaturis liberis, ut se determinent. Neque in hoc est ulla subiectio Dei ad creaturas, quia hanc ipsam facultatem determinandi Omnipotentiam ad concurrendum ad consensum potius, quam ad dissentium, habet creatura a Deo. Sic creatura, cui Deus gloriam promissit, quamvis possit Deum cogere ad dandam sibi gloriam promissam, non per hoc non subijcitur Deo perfectissime, quia hanc potestatem ab eo ipso habet sibi communicatam: & sicut ad perfectionem Dei spectat posse communicare creaturæ promissariæ hanc potestatem; aliter non posset Deus exercere fidelitatem, unde deficeret illi hoc attributum; ita ad perfectionem Dei spectat posse communicare creaturæ liberæ facultatem ad se determinandum; aliter deficeret Deo potestas condendi creaturam liberam, nec posset exercere misericordiam, iustitiam, &c. Quare Deus dicitur primum liberum, non quia ipse determinat operationes liberas creaturæ, sed quia ipse dat creaturæ liberæ & esse, & virtutem operandi, & virtutem determinandi se ad operationem, offerendo concursum simultaneum Omnipotentie in actu primo. Sicut enim Deus dicitur primum ens, quia potest dare aliis esse, & dicitur prima causa, quia potest communicare aliis virtutem operativam; ita dicitur primum liberum, quia potest aliis communicare, quod se determinent ad operandum; eo modo, quo dicitur primum vivens, quia potest aliis communicare, quod moveantur a principio intrinseco. Tunc tolleretur a Deo ratio primi liberi, quando causa secunda determinaret concursum Omnipotentie independentem ab illa, & virtute non accepta a causa prima; Sicuti si creatura promissaria posset obligare Deum ad dandam Gloriam promissam independentem a voluntate Divina illam liberaliter promittente,

Part. III.

creatura non esset perfecte Deo subiecta.

Ad argumentum, concessio antecedente, nego consequentiam; causam secundam moveri ut motam, est, causam secundam operari prævia semper operatione Dei, quæ creaturæ det esse, & posse, offerendo etiam creaturæ liberæ concursum simultaneum; Causam secundam agere in virtute primæ, est, agere accepta virtute operandi a causa prima: & eodem modo creaturam liberam agere in virtute primi liberi, est, agere accepta virtute semetipsam determinandi a primo libero, a quo habet libertatem sibi communicatam. Præterea Deus applicat omnes causas secundas etiam liberas ad operandum, sed applicatione iis consentanea, hoc est conferendo quicquid requiritur ad operandum. Ubi advertit, applicationem causæ secundæ ad operandum dupliciter sumi posse; vel pro actu primo proximo, vel pro ipsa actione: si sumatur pro actu primo proximo, illam creatura habet adequatæ a Deo; si vero sumatur pro actione, quæ dicitur voluntatem conjungere cum effectu, Deus etiam est ejus causa immediata, licet non adequata, cum actio ista sit a Deo simul, & a creatura. Quamvis autem Deus sit talis applicationis prima, & immediata causa, non est tamen immediata determinans; aliter creatura non esset libera: Illudque est discrimen inter actum liberum bonum, & malum, quod licet neuter sit Deo immediate liber in ratione exercitii, actus tamen bonus est immediate liber in ratione objecti voliti, ac prædefinita, malus vero solum in ratione objecti permissi.

Ad id, quod additur de instrumentis artis, verum quidem est, creaturam esse Dei instrumentum, quatenus agit virtute accepta a Deo, causa principali, sed diversimode agit ab instrumentis artis: Hæc enim cum vim ad operandum non habeant instantam, indigent motione artificis transeunte; neque enim serra secat, nisi impetum recipiat ab artifice: ac creatura, quia a Deo accipit cum esse virtutem instantam ad operandum, per hoc præcise, quod habeat esse, ac reliqua compingit ad operandum, est potens proxime operari absque alia promotione Dei distincta ab operatione ipsius Dei concurrentis; unde non indiget promotione in sensu adversariorum, sicut indigent instrumenta artis. Et sane sicut indifferentia materiæ, quia oritur ex defectu, indiget prædeterminante ad hanc potius formam, quam illam; ita etiam indifferentia instrumenti artis, quia pariter ori-

G 3 tur

tur ex defectu virtutis inficit, indiget pramotione artificis: at indifferencia voluntatis, quæ oritur ex excessu, & præcontingentia utriusque actus impossibilis, non indiget alia pramotione distincta ab ea, quæ ponitur cum ipsa entitate voluntatis.

Ad primam confirmationem: sicut non pendet Deus a creatura promissaria, quamvis ab illa obligetur, quia dependenter a Divina voluntate habet creatura vim obligandi; ita nec pendet a creatura Deus, quamvis ab ipsa determinetur Omnipotentia ad consensum præ dissenso. Prioritas ista, quam habet creatura ad Deum in hoc, quod ideo Deus concurret ad consensum, quia creatura eligit consensum, est prioritatis logica, quæ non obstat subiectioni perfectissimæ creaturæ ad Deum; & si quæ prioritatis physica habetur in hoc, quod creatura determinet, est solum prioritas in genere causæ formalis, cuius est determinare, non in genere causæ efficientis: sicut enim verum est, operationem esse vitalem, quia est in hoc, & ab hoc, ita ut subiectum operationis vitalis sit voluntas, quæ habet in genere causæ materialis primatum, & Deus sit primum in genere causæ efficientis; ita verum est, operationem creaturæ esse liberam, quia determinatur a creatura, ita ut creatura in genere causæ veluti formalis sit primum in denominatione liberi, & Deus sit primum in genere causæ efficientis.

Ad secundam patet ex dictis: Creatura pendet a Deo prima causa, in quantum est operans per hoc, quod a Deo habeat non solum esse, sed etiam virtutem proximam operandi: pendet vero a Deo primo libero creatura, in quantum est libere operans, per hoc quod a Deo habeat non solum esse, & virtutem proximam operandi, sed etiam virtutem se determinandi ad hanc operationem præ illa: Per hoc, quod voluntas sit primum eligens, & primum determinans, habet primatatem solum secundum quid; & in genere causæ formalis, non primatatem simpliciter, & in genere causæ efficientis; primatatis hæc in genere causæ formalis est solum logica; sicut enim in homine v. gr. rationale est logice prius animali, quia ex hoc, quod homo sit rationalis, bene inferitur, quod sit animal, non e contra; ita in consensu determinatio, seu concursus voluntatis dicitur prior concursu Omnipotentia, quia ex hoc, quod creatura se determinet, & concurrat ad consensum, sequitur, quod Deus concurret, non e contra. Hinc voluntatem crea-

tam esse primum determinans, non est esse causam primam, aut primum liberum; quia non habet primatatem ullam physicam; & in genere causæ efficientis, cum supponat primam causam, & primum liberum, unde accipit potentiam, & libertatem. Adde, quod quamvis voluntas sit primum, immo unicum determinans actionem malam, non est tamen primum determinans relate ad bonam, quia actionem bonam Deus ab æterno intendit, & per auxilia congrua in tempore operatur.

Adtertiam: merito damnatæ sunt propositiones illæ ab Innoc. XI. Quis enim illas admiserit? In sententia nostra Omnipotentia ponitur quidem in manu Creaturæ, sed non subijcitur creaturæ; non enim ex hoc, quod determinetur a voluntate creaturæ, idcirco huic subijcitur; quandoquidem hoc ipsum posse determinare Omnipotentiam voluntas habet ab ipsa Omnipotentia. Sic Deus tenetur creaturæ promissariæ dare bonum promissum, quin per hoc dicatur illi subiectus, quia hanc vim obligandi Deum creatura habet ab ipso Deo. Determinabilitas itaque ista Omnipotentie est dignationis, non subiectionis, libere collata, non naturalis. Neque est verum, quod eodem modo voluntas se habeat ad Omnipotentiam, ac ad habitum, quamvis determinet utrumque: non enim voluntas habet esse, & posse ab habitu, sicut habet ab Omnipotentia. Denique determinabilitas ista in Deo non dicit potentialitatem, & imperfectionem, quia non oritur ex defectu, & impotentia, sed ex liberalitate Dei volentis communicare creaturæ libertatem; in voluntate vero determinare ad actum est perfectio mixta imperfectione; non secus ac vivere per actus creatos; Et ideo sicut Deus est primum vivens, sed non est vivens per actus creatos; ita est primum liberum, & primum determinans, sed non determinat actum voluntatis creatæ.

XXV. Objic. 3. Actus bonus debetur magis Deo, quam voluntati, dicente Apostolo: *Non ego, sed gratia Dei mecum*; atqui nisi daretur pramotio, tribueretur magis voluntati eligenti; ergo data est pramotio. Probatur minor: illi magis tribuitur actus, qui concurret ut determinans, quam qui ut determinatus; tum quia determinare est potius forme, quæ dicitur esse tota quidditas compositi; tum etiam quia activa, non passiva determinatio est ratio imputabilitatis.

Confirm. Ideo peccans dicitur auctor peccati,

cari, non vero Deus, quia peccans determinat Omnipotentiam, & hæc concurret ut determinata; ergo quia voluntas determinat ad actum bonum, esset etiam auctor actus boni; hoc autem dici non potest, cum omnis boni auctor sit solus Deus; ergo ut supra.

Resp. nego minorem: Deo tribuitur magis actus bonus, quam creaturæ, primo quia Deus est causa moralis actus boni, suadens, ac mandans illum; Unde sicut homicidium magis tribuitur mandanti, quam exequenti; ita &c. secundo quia licet creatura eligat, Deo tamen debet esse, posse, & ipsum bene operari, cum ex intentione boni operis conferatur auxilium congruum; quia tamen creatura cooperatur eligendo, idcirco etiam creaturæ tribuitur bona operatio, ita tamen ut dicat: *Non ego, sed gratia Dei mecum*; quia scilicet vires gratiæ sunt incomparabiliter majores, quam vires naturæ. Quare sicut puer adjutus a gigante dicere potest, Non ego, sed Gigas mecum tollimus pondus ingens; ita in casu. Ad probationem minoris distinguo: Illi magis ascribitur actus, qui concurret ut determinans physice, & quasi formaliter, nego; qui determinat efficienter, & moraliter, concedo: voluntas determinat Omnipotentiam quasi formaliter; Deus vero relate ad actum bonum est moraliter determinans, & primum efficiens, juxta explicata; relate vero ad actum malum, utpote a Deo non intentum, creatura est unicuique determinans physicomoraliter, & idcirco uni creaturæ ascribitur.

Ad confirm. dicitur Auctor peccati qui peccat, quia determinat formaliter simul, physice, & moraliter concursum Dei in actu primo simultaneum; ita ut ad peccatum nullatenus Deus concurrat moraliter intendendo illud, sed solum physice; contra vero ad actum bonum. Sic ex. gr. si Dux det arma militi ad patriam defendendam, & ille abutatur ad occidendos concives, Dux non dicitur esse auctor hujus sceleris; si vero is strenue utatur, Dux dicitur esse hujus boni operis auctor, ita ut egregia facinora Duci tributantur. Et sane multo magis Duci, quam militi tribuerentur, si Dux non solum conferret arma, sed etiam vires, & ipsam bonam operationem: eo modo, quo nobis a Deo confertur per collationem auxilii prævisi efficacis; Etenim causa physica evadit moralis, si effectum ponat ex amore, & intentione illius; Deus autem solum actum bonum cau-

sat ex ejus amore, non vero malum; ergo solum relate ad actum bonum est causa moralis, & auctor. Quod explicatur etiam exemplo D. Thomæ. Nam motus curvus non imputatur virtuti motivæ, quæ de se tendit ad motum rectum, sed curvifici tibi; quæ virtutem modificat, & obliquat; secus vero motus rectus.

XXVI. Objic. ult. quamplures D. Thomæ locutiones, quibus videtur evinci necessitas physice prædeterminationis. Primo quidem, quia 1. p. qu. 2. docet, Deum movere causas secundas ad agendum. Secundo quia 3. contra Gent. c. 67. & 1. p. qu. 105. art. 5. docet, Deum applicare causas secundas ad operandum. Tertio quia loco nuper laudato dicit, causas secundas agere in virtute causæ primæ. Quarto quia quest. 24. de Verit. cap. 1. docet, Creaturas esse instrumentum causæ primæ. Quinto quia in 2. dist. 37. quest. 1. art. 2. ad 5. docet, Deum causis secundis dare non solum posse agere, sed etiam ipsum agere.

Resp. his, aliisque Angelicis doctrinis nullatenus evinci physice prædeterminationis necessitatem; Siquidem multiplicem habent verum, ac obvium sensum excludentem omnem prædeterminationem, ut constat ex hæcenus dictis.

Ad primam dico, Deum movere causas secundas ad agendum, tum quia conservando earum vim operativam ordinatam ad operationem, eas quodammodo movet ad operandum; tum etiam quia simultanee concurrente ad earum operationes producit actionem, qua causæ secundæ a Deo simul, & a seipsis moventur; etenim, ut loquitur Cajet. 1. p. qu. 19. art. 8. *Cum aliquis vult aliquid, sem cum Sol illuminat, non oportet primam causam prævia motione cooperari, sed sufficit & existit, eam intrinsece cooperari tali electioni, vel illuminationi, motione scilicet cooperativa intrinseca tali actioni.* Tum demum, quia Deus causas secundas liberas specialiter movet ad actus bonos liberos suis illustrationibus, & inspirationibus, ut notat Angelicus p. 2. qu. 9. 2. 6. ad 3. Hinc in bono sensu dici potest, quod Deus præmoveat causas secundas etiam liberas ad operandum, etiam illas non prædeterminet.

Ad secundam, Deus applicat causas secundas ad operandum, tum quia præbet illis omnia requisita, ut sint proxime expeditæ ad operandum; tum etiam quia facit, ut actualiter agant, concurrente cum illis concursu simultaneo.

Ad tertiam: causæ secundæ agunt in virtute causæ primæ, non solum quia agunt per virtutem acceptam a causâ primâ, sed etiam quia agunt actione, quæ essentialiter est etiam actio causæ primæ; quod notavit Capet. loco laudato dicens: *dum dicitur causa secunda nihil agere, nisi in virtute Causæ primæ, non est sensus, quod causa secunda nullam virtutem habeat, nisi primâ; sed quod ipsa secunda nullum effectum producat, nisi virtute primâ concurrente, & conjungente virtutem secundâ suâ effectui; quoniam primâ omnia attingis immediate immutatione virtutis.*

Ad quartam: Creaturæ dicuntur esse instrumentum causæ primæ, tum quia Deus illis utitur, tanquam suæ providentiæ instrumentis, ad obtinendos fines a se intentos; tum etiam quia Deus illis pro libito utitur ad effectus producendos; tum demum, quia concursus simultaneum nequeunt habere causæ secundæ, nisi dependenter a causâ primâ; quæ idcirco se habet ut causâ principalis movens causas secundas tanquam causas instrumentales ad earum operationes.

Ad quintam: Deus causis secundis non solum dat posse, sed etiam ipsum agere; solum quia illas proxime complet ad operandum per concursus in actu primo iis exhibitum; tum etiam quia præbet illis concursus simultaneum, sine quo impossibilis est actio Creaturæ, & quo præcise posito, habetur actio Creaturæ dependenter a Deo.

QUÆSTIO III.

Utrum decretum concomitans Scotistarum libertatem arbitrii evetiat?

I. **M**ediam incunt viam Scotistæ, cum Smiskin, & Pontio in constituenda gratiæ efficacia; negant enim, determinationem divinam præcedere determinationem voluntatis; negant etiam subsequi, & docent, comitari, purantes sic salvare voluntatis divinæ infastrabilitatem, & creatæ libertatem. Cum enim decretum hoc voluntatem condeterminans sit divinum, est infastrabile, & ex altera parte cum non se teneat ex parte actus primi, sed secundi, concurrentes cum voluntate crea-

ta ad actum, ad quem ipsa vult se determinare, ex essentiali sympathia inter creatam, & divinam voluntatem, videtur libertatem non evetere. Proinde docent primo, decretum hoc esse efficax non effectivè, sed affectivè, quia non efficit consensum per modum causæ, sed per modum applicantis causam, ita ut essentialiter cum illo connectatur connexionē mutua, velut purus affectus essentialiter inferens illum. Docent secundo, relate ad peccatum Deum condeterminare quidem ratione dominii in libertatem creatam, sed non velle illud voluntate primaria, sed veluti secundaria, ac per quamdam conniventiam, cum illud prohibeat, odio habeat, & excreetur. E quidem a discutienda hac sententia præscindendo, & solum inquiri, Num decretum condeterminans sit libertatis creatæ everfivum, non secus ac prædeterminans, & ipsa physica prædeterminatio?

II. Dico equidem cum communissima Societas, Decretum condeterminativum Scoticum evetere libertatem arbitrii.

Prob. 1. quia hoc decretum Comitans poni debet a voluntate creatâ inimpedibile, ergo evetit libertatem voluntatis creatæ. Prob. antecedens, quia si poneretur impedibile, evetretur infastrabilis voluntatis divinæ. Nam si potest impediri decretum, jam poterit non fore actus prædefinitus, quod est voluntatem divinam esse infastrabilem.

Confirm. quia non potest voluntas impedire directe huiusmodi decretum, ut patet; indirecte vero in tantum posset impedire, in quantum posset voluntas creatâ tollere aliquod essentialiter prærequisitum ad illud (sicut in sententia Societatis est scientia media de actu prædefinito) atqui in sententia Scotistarum nihil essentialiter prærequisitum ad decretum comitans potest a voluntate impediri; ergo simpliciter est inimpedibile, & consequenter evetit libertatem, ex illa Maxima, quod omne antecedens consensum, incompressibile cum discensu, & inimpedibile a voluntate, est libertatis everfivum.

Confirm. duo agentia libera non possunt constanter ita concordare, ut non possint in actibus liberis discordare: Aliter rueret communis etiam Philosophorum Gentilium demonstratio de unitate Dei. Et ratio est, quia vel A determinat B, vel non determinat; si primum, ergo utrumque est prius altero, & agit ut determinatum simul, & ut determinans; quod repugnat;

(172)

nam quia daretur mutua prioritas, & causalitas, tum etiam quia destrueretur ratio primæ causæ, quæ solum agere debet per Scotistas ut determinans, non ut determinata: Si secundum; ergo neutrum potest determinare suam operationem, cum hæc existere nequeat sine actione alterius; cum autem actiones alterius determinare non possit, nec poterit propriam.

Neque dicas, ex hac ratiocinatione concludi repugnantiam plurium Deorum, non vero sympathiæ inter Agens liberum creatum, & Increatum, quæ habetur ex subordinatione huius ad illud. Nam contra est, quia subordinatio ista vel efficit, quod Deus determinet potius creaturam, quam creatura Deum, & jam decretum est antecedens, non comitans: vel æqualiter determinantur, & recurrit adducta demonstratio contra pluralitatem Deorum. Etenim qua ratione repugnat mutua prioritas, quia scilicet alterum præsupponeretur alteri, repugnat pariter in duobus voluntatibus mutua determinatio. Præterquamquod inter duo sympathia dari non potest, nisi unum physice influat in alterum, aut ea duo æqualiter subiaceant influxui tertii, quod in casu nostro repugnat.

III. Prob. 2. Si eodem modo se habet voluntas divina, & creatæ relæte ad determinandam operationem peccaminosam, non est major ratio, cur formale peccati tribuatur creaturæ, & non Deo; illi enim tribuitur formale peccati, qui concurret ut determinans, & eligens; illi vero materialæ, qui concurret ut determinatus, quia proprium formæ est determinare, & proprium materiæ determinari. Neque dicat Mantrius, 1. Sent. dist. 3. quæst. 3. art. 8. Deum concurrere ad peccatum voluntate secundaria, & ex conniventia; Nam vel hoc sonat, Deum concurrere ut determinatum, & corrui decretum condeterminans; vel ut determinantem, & jam voluntate primariâ concurrere, ita ut non possit simul peccatum odisse; Aliter etiam Thomista posset idem dicere de decreto prædeterminante; nec posset a Scotista impugnari. Quare sicut contra Thomistas dicimus, non posse v. gr. præceptorem exprobrare puero malos characteres, si ipse ducat manum pueri; ita idem dicimus contra Scotistas, si Deus concurrat ut condeterminans, & complens vires voluntatis. Et ratio a priori est eadem, quia ex Augustino, *Illo auctore cum dicimus, illo volente divinus*; atqui tam per Thomistas,

quam per Scotistas Deus determinando ad peccatum vult illud; volens enim A, quod essentialiter, & a priori trahit B, vult consequenter ipsum B; ergo Deus in utraque sententia est auctor peccati.

IV. Adde, quod decretum comitans non posset non esse antecedens, & prædeterminans, atque adeo violativum libertatis. Prob. si decretum comitans est affective efficax relæte ad consensum, ut ponitur a Scotistis, est etiam efficax effective, & prævium ordine causalitatis, ut ponitur a Thomistis decretum prædeterminans; ergo si est condeterminans, est prædeterminans. Probatur antecedens, quia si Decretum comitans est efficax affective, eo ipso determinat Omnipotentiam, & applicat actum primum proximum ad consensum (posito enim eo affectu, seu voluntate consensus in Deo, non potest Omnipotentia non agere, & actus primus proximus non applicari ad consensum) atqui si determinat Omnipotentiam ad agendum, & actum primum proximum applicat ad consensum, eo ipso est efficax effective; sicut per hanc ipsam vim determinandi Omnipotentiam, & applicandi causas naturales ad effectus naturales, dicitur decretum Dei efficax effective relæte ad effectus naturales; ergo si decretum condeterminans est efficax affective, est etiam efficax effective, atque adeo prædeterminans.

Confirm. quia decretum Dei efficax Scotticum est efficaciter incentivum finis, nempe consensus; ergo etiam debet vi talis intentionis eligere medium, seu actum primum proximum causativum consensus; atqui quatenus decretum eligit tale medium, est prius consensu; sicut quatenus eligit voluntatem causativam consensus, est prius consensu; ergo decretum comitans est prius consensu, atque adeo est decretum antecedens, & prædeterminans.

Confirmat. etiam, quia Deus efficaciter benevolus est etiam beneficus, atque adeo efficiens bonum, quod nobis vult efficaciter; ut proinde a Philosopho secundo Rhetoricorum quarto Amor amicitia dicatur activus in quantum potest; ergo consensus volutus a Deo procedit ab ejus benevolentia simul, ac beneficentia, & efficientia; atqui si Deus suo decreto efficaciter benevolus efficit consensum, eo ipso consensus pendet ab illo, tanquam a causa; ergo decretum comitans Scotticum eo ipso est antecedens, atque adeo eversum libertatis.

V. Ubi adverte, decretum comitans di-

ei Scoticum, quia multi insignes Scotistæ tribuunt illud Scoto, re tamen vera Scoto de illo nunquam somniavit, ut ostendit Henao de scientia media sect. 342. Quod ex eo patet quia Doctor subtilis in 4. distin. 17. ostendens contra Monothelitas, quomodo voluntas Christi Domini semper cum voluntate Dei concordaret, hæc habet: *Deus non operatur, nisi voluntate libero agente, & determinante se ad operandum, & tunc Deus operatur cum ea.* Idcirco plures Scotistæ apud eundem Henao cum Ugone, Cabello, & omnibus Lectoribus Seraphicæ familiæ in Provincia S. Jacobi docent, de mente Scoti fuisse scientiam mediam.

VI. Objic. 1. non obstat libertati creaturæ concursus Dei simultaneus in actu secundo: ergo nec decretum comitans. Prob. consequ. quavis in linea efficientiæ ideo Deus concurret ad consensum, quia creatura se determinat ad consensum, non per hoc concursus creaturæ est in priori ad concursum Dei, aut e contra; ergo pariter in linea determinationis, quavis ideo Deus determinet ad dissensum, quia creatura se determinat ad dissensum, non per hoc determinatio creaturæ est in priori ad decretum Dei, aut e contra; ergo itat, quod peccatum, seu dissensu tribuatur creaturæ, etiam si Deus condereminer; sicuti tribuitur creaturæ, etiam si Deus concurrat concursu simultaneo.

Resp. nego consequentiam. Ad prob. concessio antecedente, nego consequ. Disparitas est, quia in primo casu efficientia est simultanea, & determinatio, quæ fert antecedentiam logicam, est unica a creatura. At in secundo casu determinatio creaturæ ex una parte esset logice antecedens determinationem Dei; nam ideo Deus determinaret ad dissensum, quia creatura se determinaret; ex altera parte determinatio creaturæ non esset antecedens, sed comitans, quia uterque condereminer.

VII. Objic. 2. Deus videt, sibi non deesse auxilia sufficientia ad consensum liberum; ergo potest illa efficaciter velle, & sic infirmiter inducere consensum liberum. Neque dicas, ex hoc efficaci decreto everteret libertatem consensus, nisi præcedat scientia media de illa. Nam contra est, quia independenter a scientia media videt Deus per scientiam simplicis intelligentiæ, sibi non deesse auxilia sufficientia ad inducendum consensum liberum: ergo independenter a scientia media potest velle efficaciter ponere hæc auxilia inductiva consensus

efficacia Divine Gratiæ.

liberi; aliter non posset velle ponere quod potest ponere, quod repugnat.

Resp. hoc argumentum posse etiam a Thomistis fieri: imo probaret, quod posset Deus ponere in voluntate creatura amorem Dei liberum simul cum visione beata: quare respondeo directe, Deum posse velle ponere quod potest ponere, eo tantum pacto, quo res poni potest; quia tamen consensus liber poni non potest sub decreto prædeterminante, aut comitante, aut cum visione beata, ideo nequit Deus efficaciter velle auxilia sufficientia ad consensum liberum sub his decretis; sicut nec cum visione beata; sed solum consequenter ad scientiam mediam de consensu libero; in quo solum casu habetur infirmitas Divinæ voluntatis coherens cum libertate consensus.

QUESTIO IV.

Exponitur sententia reponens Gratiæ efficaciam in Prædeterminatione morali; necnon sententia reponens illam in collatione auxilii prævisi per scientiam mediam efficacis.

I. A Liqui apud Suarium libr. 3. de auxiliis, cap. 10. & 14. efficaciam gratiæ reponunt in impossibilitate morali rigorosa ad dissensum, quatenus ita voluntas sub auxilio gratiæ potest physice dissentire, ut nunquam sit verum, quod dissentiat; eo modo, quo damnati nunquam elicient opus moraliter bonum; nec unquam nos cum auxiliis gratiæ ordinariis vitabimus omnia venialia collectiva, licet physice possimus. Hoc posito, putant, conciliari libertatem creaturæ voluntatis cum infirmitate voluntatis Divinæ, quia licet per scientiam simplicis intelligentiæ videat Deus, gratiam efficacem connecti cum consensu, non per hoc everitur libertas physica ad dissensum, sed moralis. Hanc prædeterminationem moralem Episcopus Mascarenas Lusitanus disp. 3. pu. 4. explicat per hoc, quod auxilium gratiæ attemperet se ad subiectum, & eo modo exerceat, & alliciat voluntatem humanam, ut infallibiliter bona operatio sequatur.

II. Verum communissime docent, efficaciam gratiæ non posse reponi in hac morali prædeterminatione, sicut in attempera-

tione ad subiectum. Etenim inſuſtrabilitas Divinæ voluntatis debet eſſe metaphyſica, & non moraliſ; ergo gratia efficaciſ, quæ conſertur a Divina voluntate, debet eſſe metaphyſice, & inſuſtrabiliter connexa cum bona operatione; atqui ſi conſiſteret gratia efficaciſ in prædeterminatione moraliſ, non conſectetur metaphyſice, ſed ſolum moraliter cum bona operatione; ergo non poteſt reponi in prædeterminatione moraliſ. Deinde vel in peccatoribus gratia pure ſufficiens ſtat ſemper cum prædeterminatione moraliſ ad diſſenſum, & cum impoſſibilitate moraliſ ad conſenſum, vel non: ſi ſecundum; ergo contingere poteſt, quod gratia pure ſufficiens connectatur cum bona operatione, & ſit efficaciſ; in quo caſu gratia efficaciſ haberetur ſine prædeterminatione moraliſ ad alterutram partem: Si primum; ergo peccatores ſunt excuſabiles, ſi damnentur, quia fuerunt moraliter impoſſibilitati ad bene operandum, & ad ſalutem procurandam; idque non in poenam, ſicut damnati.

Adde: in hac ſententia, qui peccat, poſſet Deo dicere, Si dediſſes mihi prædeterminationem moralem, vel auxilium tali tempore, & ſub talibus circumſtantiis, non peccaſſem, ut dicimus contra Thomiſtas, ſi gratia conſiſteret in prædeterminatione phyſica; ergo peccatores eſſent excuſabiles. Neque dicas, quod etiam in noſtra ſententia, qui peccat, poſſet Deo dicere: ſi dediſſes mihi auxilium præviſum efficaciſ, non peccaſſem. Nam quamvis plus Deo debeat qui obtinet gratiam efficaciſ, quam qui pure ſufficientem, & peccat; hic tamen non poteſt de Deo conqueri, cum habuerit pleniffimam ſufficientiam cum potentia etiam moraliſ ad non peccandum: quod enim Deus præviderit, cum gratia pure ſufficienti non eſſe conjungendum conſenſum, non obſtat pleniffimæ libertati voluntatis, ſicut obſtat prædeterminatio ſive phyſica, ſive moraliſ.

Experientia demum conſtat, ſæpe nos bene, aut male operari abique morali impoſſibilitate ad alteram partem. Immo quando v. g. diligimus inimicos propter amorem Dei, experimur, magis inclinari ad illos odio habendos; ergo conſentimus gratiæ ſine neceſſitate moraliſ ad conſenſum.

III. Adducuntur pro hac ſententia varia loca D. Aug. præſertim lib. de bono perfeverantiæ cap. 4. & ad Simplicianum quæſt.

2. ubi paſſim dicit: *Deus ſic cum vocat, quomodo ſcit ei congruere, ut vocantem non*

reſponſat. Sed D. Auguſtinus non eſt intelligendus, quod Deus conſerat gratiam efficaciſ, cum attemperatone ad ſubiectum in priori ad ſcientiam mediam; ob rationes adductas, ſed in poſteriori ad illam, & in hoc ſenſu gratia efficaciſ etiam a nobis appellatur congrua. Hæc obiter de hac ſententia, quæ non multum negotii faciliſ, nec multos habet Aſſeclas.

IV. Quod attinget ad quartam ſententiam reponentem gratiæ efficaciſ in collatione auxilii præviſi per ſcientiam mediam efficaciſ, ſupponendum 1. ex Suario lib. 3. de auxiliis, cap. 14. gratiam efficaciſ poſſe tripliciter ſumi: Primo prout idem eſt efficaciſ, & effectivum, ſeu potens ponere actionem; & in hoc ſenſu gratia efficaciſ conſiſtunt cum ſufficienti: Secundo prout idem eſt efficaciſ, ac actu efficiens, ſicut oratio v. gr. ſi perſuadeat, dicitur efficaciſ; etiamſi non ſit talis, ut inſallibiliter pariat perſuaſionem: Tertio prout idem eſt efficaciſ, ac actu efficiens inſallibiliter, & in hoc poſtremo ſenſu uſurpatur in hac ſententia gratia efficaciſ, ita ut gratia, quæ eſt effectiva inſallibiliter bonæ operationis, dicatur efficaciſ in actu primo; quæ vero eſt efficiens inſallibiliter, dicatur efficaciſ in actu ſecundo.

Supponendum pariter ex dicendis quæſtione ſequenti, non ſolum diſtingui in hac ſententia ex parte objecti gratiam efficaciſ in actu ſecundo a non efficaciſ in actu ſecundo, ſeu a pure ſufficienti per hoc, quod illa connotet operationem, quam non connotat iſta; ſed etiam diſtingui gratiam efficaciſ in actu primo a non efficaciſ in actu primo, ſeu a pure ſufficienti; quia gratia efficaciſ in actu primo præter effectivitatem (in quo convenit cum pure ſufficienti) importat etiam id, per quod conſtituitur inſallibiliter effectiva, nempe tum futuriorem conditionatam conſenſus, ſeu veritatem illam objectivam, Si daretur hæc gratia, poneretur conſenſus; tum ſcientiam mediam de tali objecto; ac demum, ſaltem in præſenti providentia, prædeterminationem conſenſus ſub tali auxilio, vi cuius prædeterminationis gratia efficaciſ fert ſpeciale Dei benevolentiam, & eſt ſpeciale beneficium, quod non conſertur habenti gratiam pure ſufficientem. His poſitis.

V. Sequitur primo, quod juxta ſententiam laudatam reponentem efficaciſ gratiæ in collatione auxilii præviſi per ſcientiam mediam efficaciſ, Gratia efficaciſ in actu primo, antequam intelligatur in uno conjun-

gen-

genda cum consensu, in altero non conjungenda, quoad suam entitatem intrinsicam non differat necessario; atque adeo eadem gratia præveniens secundum se invariata potest esse tam in consentiente, quam in non consentiente. In tantum enim deberet esse intrinsece diversa, in quantum gratia præveniens, quæ datur consentienti, esset physica prædeterminatio ex intrinsecis suis connexa essentialiter cum consensu; cum autem prædeterminatio physica ex dictis sit inimica libertatis, idcirco in hac sententia gratia efficax in actu primo non differt intrinsece a sufficiente.

Sequitur secundo, posse Petrum, & Judam eodem auxilio secundum suam entitatem spectato affici, & Petrum consentire, Judam dissentire; Et rursus, idem auxilium A collatum eidem Petro diversis temporibus posse nunc conjungi cum consensu, nunc cum dissensu; Imo poterit auxilium A minus secundum suam entitatem intrinsicam conjungi cum consensu, & auxilium B entitativè majus cum dissensu; ita tamen, ut auxilium A minus habeat majorem rationem beneficii, eo quod bonum majus efficiat, & animo magis benevolò conferatur, atque adeo fit physice minus, sed moraliter, seu in ratione doni majus. Quæ doctrina videtur colligi ex Scripturis, & Patribus. Nam Matth. 12. dicitur: *Viri Ninivite surgent in judicio cum generatione ista, & condemnabunt eam; quia scilicet Judæi majoribus auxiliis vocati, quam Ninivite, non egerunt penitentiam* Ninivitarum; & Matth. 11. *Pe tibi Bethsaida, quia si in Tyro, & Sidone facta fuissent virtutes, quæ facta sunt in te, olim in cilicio, & cinere penitentiam egissent.* Augustin. lib. de Prædest. cap. 15. hæc habet: *Unde Nabucodonosor penitentiam meruit fructuosam? Nonne post innumeras impietates illum flagellatum penituit? Pharaon autem ipsi flagellis est durior effectus, & perit? Hic mihi rationem reddat, qui divinum consilium sapienti corde judicat. Quoad naturam ambo homines erant; quoad dignitatem ambo Reges; quantum ad causam ambo captivum populum Dei possidentes; Quid ergo fines eorum fecit esse diversos? nisi quod unus manus Dei sentiens in recordatione propria iniquitatis ingemuit, alter libero contra Dei misericordissimam veritatem pugnavit arbitrio. Ratio demum videtur esse, quia posito in duobus æquali auxilio, remanet in utroque libertas integra: ergo potest unus consentire, alter dissentire; aliter auxilium non esset sufficiens.*

Neque dicas, dissentientem habere ignorantiam, quæ caret consentiens, cum omnis peccans sit ignorans. Nam etiam posita eadem cognitione in intellectu utriusque, & eadem affectione in voluntate, remanet libertas, atque adeo potest alter tantum consentire. Omnis peccans dicitur esse ignorans, non quidem speculative, sed practice, & interpretative, quatenus operatur perinde ac si ignoraret, ut diximus in de Angelis dis. 3. q. 1.

QUÆSTIO V.

Explicatur per quid discrimineatur Gratia efficax in actu primo ab efficaci in actu secundo:

I. Explicandum ulterius in hac sententia reponente gratiæ efficaciam in collatione auxilii prævisi per scientiam mediam efficacis, quid importet Gratia efficax in actu primo? quid etiam importet Gratia efficax in actu primo, in quantum est speciale beneficium relate ad consentientem? & quid demum importet Gratia efficax in actu secundo? Quoniam dedecet Theologum hæc ignorare, oportet ea paucis exponere, supersedendo a discussione hujus materię.

Itaque juxta postremam hanc viam, quæ est Doctorum Societatis, Gratia efficax in actu primo, in quantum effectiva infallibiliter consensus, importat præter intrinsicam entitatem gratiæ, etiam scientiam mediam de consensu conditionatam ponendo sub tali auxilio; atque adeo ipsam futuritionem conditionatam consensus, quæ est objectum talis scientiæ mediæ. Gratia enim efficax in actu primo, ut jam præmissimus, duo dicit, & effectivitatem, & infallibilem connexionem cum consensu; ita ut effectivitatem habeat ab intrinseco, connexionem vero infallibilem, cum non possit habere ab intrinseco, eo quod esset prædeterminatio physica, haberet ab extrinseco, seu per conjunctionem cum forma extrinseca, quæ posita, infallibiliter secutus esset consensus; atqui, posita scientia mediæ de consensu sub hoc auxilio, imo posita tantum futuritione conditionata consensus, quæ est objectum talis scientiæ mediæ, eo ipso consensus est infallibiliter secutus; ergo gratia efficax in actu primo, in quantum infallibiliter connexa cum consensu futuro, importat præter entitatem gratiæ scientiam mediam de consensu, atque adeo futuritionem conditionatam consensus: Quæ duo

duo complement gratiam efficacem in actu primo, non quidem in ratione effectivitat, sed in ratione infallibiliter connexæ cum consensu; impossibile enim est, dari scientiam mediam de consensu conditionate futuro sub auxilio A, & dari de facto auxilium A, & non dari consensum; sicut impossibile est, dari scientiam visionis, aut revelationem de peccato D. Petri pro tali tempore, & dari tale tempus, quin detur peccatum D. Petri; cum impossibile sit, scientiam Divinam aut Visionis, aut mediam falsificari.

II. Unde deducitur primo, denominationem gratiæ efficacis in actu primo in hac sententiâ esse partim intrinsecam desumptam ab entitate gratiæ, quæ habet effectivitatem consensum, & partim extrinsecam desumptam a scientia illa media, necnon ab eus objecto, ratione cuius gratia essentialiter connectitur cum consensu futuro.

Deducitur secundo, quod gratia efficax in actu primo non cognoscat pro causa efficiente de præsentí voluntatem creatam, sed solum Deum; etenim entitas intrinseca gratiæ de se effectivæ consensus est a solo Deo; scientia vero media indentificatur cum ipso Deo; & futuritio, seu veritas illa conditionata, quæ est objectum scientiæ mediæ, cum non habeat esse physicum, sed logicum, non debet habere causam ullam physicam, sed logicam: Sicut enim hæc veritas de futuro absoluto, Antichristus peccabit, cum non habeat nunc esse physicum, sed logicum, non debet habere causam physicam nunc, sed tunc, quando erit peccatum; ita hæc veritas de futuro conditionato, Si daretur auxilium A, Petrus consentiret, non debet habere causam physicam nunc, sed quando purificatur conditio.

Deducitur tertio, quod gratia efficax in actu primo, inquantum infallibiliter connexa cum consensu absolute futuro, constituta per consensum conditionate futurum, & per scientiam mediam de illo, sit antecedens, & prior logicè, relate ad eundem consensum absolute futurum. Ratio est, quia sicut e. g. Antichristus possibilis dicitur esse prior Antichristo existente, prioritatem tantum logicam, & a subsistendi consequentia, quatenus valet hæc illatio, Antichristus est existens; ergo est possibilis: non tamen e contra: Ita consensus conditionate futurus habet eandem prioritatem relate ad eundem consensum absolute existentem; quatenus valet hæc illatio: Consensus existit absolute sub auxilio A; ergo erat con-

ditionate futurus sub eodem auxilio; non tamen valet e contra: Est conditionate futurus; ergo existit.

III. Circa secundum, quid importet in hac sententiâ Gratia efficax in actu primo, in quantum est speciale beneficium relate ad consentientem? Dicendum, quod præter inierinsecam entitatem gratiæ, & scientiam mediam de consensu conditionate futuro simul cum futuritione illa conditionata, importat etiam prædefinitionem talis consensus consequentem ad talem scientiam mediam; seu importat voluntatem Dei beneficam seligentem auxilium prævisum efficaciter præ aliis inefficacibus ex intentione consensus secuturi. Et ratio est, quia in hoc Deus est specialiter benevolus, & beneficus erga consentientem præ non consentiente, quia licet utrique det gratiam sufficientem, consentienti tamen præter posse, dat etiam ipsum agere ex intentione bonæ operationis; atqui nisi daretur prædefinitio consensus, haberetur quidem præter posse ipsum agere, sed non ex intentione talis bonæ operationis: ergo circumscripta hac prædefinitione, Deus non effet specialiter benevolus, & beneficus erga bene operantem; atque adeo gratia efficax, in quantum est speciale beneficium, importat huiusmodi prædefinitionem, qua Deus discernit bene operantem a male operante, & prædestinatum a reprobo. Et sane si cæco modo Deus conferret auxilia, non diceretur magis beneficus erga bene operantem, quamvis illi conferret præter posse etiam ipsum agere; quia scilicet conferret bonam operationem veluti per accidens, & non ex intentione conferendi illam: ergo si eandem conferat post scientiam mediam, sed cetera prædefinitionem consensus, neque erit specialiter beneficus erga consentientem: Sicut e contra non est maleficus erga dissentientem per hoc, quod conferendo auxilium pure sufficiens, prævideat tantum, sed non prædestinat peccatum. Et ratio a priori est, quia ad rationem beneficii non satis est conferre bonum, sed debet conferri ex intentione, quod bonum illud sequatur. Neque enim dicitur benevolus, aut beneficus v. g. erga inimicos, qui metu naufragii projicit merces, quas videt illis profuturas; cum non projiciat ex intentione beneficiendi.

IV. Videtur tamen, quod si gratia efficax in actu primo constitueretur per futuritionem consensus conditionatam, & per scientiam mediam de illo, sequeretur primo,

mo, quod gratia efficax qua talis tribueretur nobis, & a nobis penderet; quia nobis tribuitur futuritio illa conditionata consensus, quæ debet scientiam mediam præire. Sequela autem est absurda, quia gratia efficax in actu primo unice Deo tribui debet, & nobis ad summum aliquatenus erubuitur cooperatio, quæ spectat ad gratiam efficacem in actu secundo.

Secundo sequeretur, quod cum gratia efficax in actu primo discernat bene operantem a non bene operante; non Deus solus nos discerneret, contra illud Apostoli: *Quis est, qui se discernit? quid autem habes, quod non accepisti?*

Tertio sequeretur, quod gratia determinaretur ab arbitrio in ratione efficacis in actu primo, atque adeo nostra operatio prout conditionate futura præiret gratiam efficacem in actu secundo, seu gratiam cooperationis; unde gratia esset pedissequa naturæ, contra id, quod Ecclesia definit adversus Semipelagianos.

Quarto, quod Deus expectaret liberi arbitrii determinationem, ut posset gratiam efficacem conferre: quod est contra Concil. Arauscanum IV. quod negat, Deum expectare voluntatem nostram, ut a peccato purgemur.

Hæc tamen facili negotio elucescunt dicendo ad primam sequelam, quod gratia efficax in actu primo duo importet: primo collationem auxilii, quod de se potest causare consensum, & huiusmodi collatio non potest tribui nobis, nec a nobis dependet, ut patet. Secundo infallibilem connexionem cum consensu, quæ habetur per scientiam mediam de illo; Propterea eo pacto, quo huiusmodi scientia media tribuitur voluntati, non quæ est, sed quæ esset sub tali auxilio; ita pariter tribuitur voluntati infallibilitas futuritionis consensus. Quare cum scientia media non sit causativa consensus (quippe qui solum causatur a voluntate, & ab auxilio) & ratio gratiæ, inquantum gratiæ in actu primo efficacis, consistit in hoc, quod possit causare consensum, ideo ratio gratiæ efficacis in actu primo non tribuitur voluntati, sed Deo, ut fufius explicat Amic. disp. 26. num. 114. In forma distinguo sequelam: tribueretur nobis gratia efficax in actu primo, secundum quod est potens causare consensum, nego; secundum quod est infallibiliter connexa cum consensu, concedo.

Ad secundam, discernere non est aliud, quam dare aliquid, per quod antecedenter ad

consensum absolutum possit quis infallibiliter separari a male operantibus; hoc autem unice fit a Deo conferente entitatem gratiæ sub prædefinitione consensus consequente ad scientiam mediam: ergo unice Deus nos discernit. Unde supra diximus, prædefinitionem consequentem esse in omni providentia necessariamquamvis enim scientia media confirmat gratiam efficacem in actu primo in ratione infallibiliter connexæ cum consensu futuro, & scientia media supponat futuritionem conditionatam consensus; ista tamen futuritio conditionata non habet esse physicum, sed logicum: propterea id, quod datur de facto physice discernens Electos a Reprobis, est sola prædefinitio divina, seligens auxilium prævisum efficax ex amore efficacis.

Ubi advertet, prædefinitionem divinam discernere tantum causaliter, consensum vero discernere formaliter, cum hoc discrimine inter electos, & reprobos, quod reprobos Deus discernat ab electis causaliter negative, quatenus non vult dare auxilium prævisum efficax, quin velit dissensum, Electos vero discernat positive per hoc, quod velit auxilium efficax, & incendat ipsum consensum.

Ad tertiam: Semipelagiani somniabant, consensum conditionatum esse quoddam veluti meritum naturæ ad obtinendam a Deo gratiam pro statu absoluto. Unde dicebant, gratiam esse naturæ pedissequam, quod tamen longe abest a nostra sententia, quæ dicit solum, futuritionem conditionatam consensus dare gratiæ efficacis infallibilitatem, non meritum. Quod si gratia ideo putetur naturæ pedissequa, quia præsupponit futuritionem conditionatam consensus, Adversarius abutitur vocabulis; nam consensum conditionatum prærequiri ad gratiæ efficacis infallibilitatem, nemo non videt; quin tamen hinc sequatur, aliquid aliud præire consensum nostrum in statu absoluto præter Dei gratiam, quæ voluntatem adjuvat ad operandum.

Ad quartam: quod negat Concilium, est, gratiam expectare consensum conditionatum naturæ viribus elicitem, ut volebant Semipelagiani; non negat tamen, quod Deus expectet consensum nostrum viribus gratiæ positum, cum dicatur Isa. 30. *Expectas Dominus, ut misereatur vestri*. Adde, consensum conditionatum prærequiri secundum esse logicum ad hoc, ut habeatur prædefinitio, & gratia efficax in actu primo, non secundum esse physicum, & adeoque in

rigore nullatenus expectari; in priori enim ad quodcumque decretum Dei liberum habetur ca futuritio conditionata contingens, atque adeo scientia media de consensu, quae constituit gratiae infallibilitatem absque latione libertatis.

V. Videtur deinde, quod gratia efficax, in quantum est speciale beneficium, non importet praedestinationem consensu; quia vere est homicida v. gr. qui praevidet in ebrietate secuturum homicidium, etiam si illud non intendat; ergo vere Deus est specialiter beneficus, si praevidet, auxilium A, quod confert, esse conjungendum cum consensu, etiam si non praedestinat, ac intendat consensum; ergo gratia efficax in actu primo habet rationem specialis beneficii unice propter scientiam mediam de consensu, non propter praedestinationem.

Sed concessio antecedente, negatur consequentia; Disparitas est, quia ad prosequendum inhonitum satis est praevidere, quod ex aliqua operatione illud sequatur; contra vero ad prosequendum honestum requiritur non solum cognitio, sed etiam intentio illius: Sic ad contrahendum peccatum satis est ponere actionem, quae cognoscitur Deo injuriosa, quamvis non ponatur ex intentione inhonorandi Deum; ac ad eliciendum actum v. g. misericordiae non satis est ponere actionem, ex qua praevидetur miseria sublevanda, sed debet eo animo poni. Et ratio ulterior est, quia bonum ex integra causa; Unde inhonitum debet & cognosci, & intendi: malum vero ex singulis defectibus, unde contrahitur praecise per hoc, quod cognoscatur, etiam si non intendatur.

VI. Instabis: ad augendum meritum non requiritur nova notitia majoris dignitatis in operante; ergo neque ad augendum beneficium requiritur nova notitia majoris boni, quod confertur; ergo a fortiori neque requiritur ejus intentio; atque adeo bene stat, quod gratia efficax conferat majus beneficium consentienti prae non consentiente, praeter praedestinationem, ac intentionem consensu.

Sed difficultas haec solvenda est ab omnibus, cum nemo dixerit, beneficium conferri absque notitia boni, quod confertur, cum Seneca lib. 6. cap. 8. dicat: *Beneficium aliquis nesciens accipit, nemo a nesciente*; contra vero meritum juxta omnes crescit absque notitia novae formae augentis meritum. Nam gratia habitualis v. g. quae ignoratur a merente, transfert meritum a congruo ad

condignum; & unio hypostatica transfert meritum a finito ad infinitum. Et ratio est, quia quicquid conciliat magis amorempremians, augeat valorem meriti; conciliatur autem amor premians etiam a forma ignorata, ut patet; nam si quis v. gr. ignoret se esse filium Regis, & Regi obsequatur, magis ejus amoremsibi conciliat, quam si non sit filius: contra vero beneficium non est majus, nisi sit major benevolentia; nec benevolentia est major sine cognitione boni majoris, quod confertur; etenim beneficium est donum collatum absque spe retributionis; unde in beneficio potissimum attendendus est animus donantis, qui sine cognitione doni, quod exhibet, benevolus esse non potest.

VII. Explicata juxta hanc sententiam efficacia gratiae in actu primo, descendendo ad explicandam efficaciam gratiae in actu secundo. Tunc auxilium seu gratia dicitur esse efficax in actu secundo, quando praeter efficaciam gratiae in actu primo supra explicatam, habetur etiam ipse consensu, seu operatio Creaturae cum concursu Dei. Et ratio est, quia illud constituit gratiam efficacem in actu secundo, quod est donum supernaturale indebitum, & non solum potest efficere, sed etiam efficit infallibiliter consensum liberum supernaturalem; hujusmodi autem est auxilium supernaturale adjuvans arbitrium in exercitio bonae operationis, & ideo in hoc reponitur gratia efficax in actu secundo. Quare illud ipsum auxilium supernaturale, quod consideratur in actu primo dicitur excitans, ac praeveniens, si consideretur ut causans consensum in actu secundo, dicitur adjuvans, & concomitans, & alio nomine vocatur Gratia cooperationis.

Hinc fit, quod gratia inefficax in actu secundo sit illa, quae potest quidem ad arbitrium voluntatis consensum actu ponere, non tamen ponit, ac proinde est tantum pure sufficiens, & efficax in actu primo, quatenus tunc efficax in actu primo importat virtutem proximam ad efficiendum; non vero quatenus importat infallibilem connexionem cum consensu: hujusmodi enim connexio independenter ab aliqua forma extrinseca, nempe a scientia media, prout explicavimus in questionibus antecedentibus, nequit competere praedeterminationi physicae, ut decreto praedeterminanti, aue condeterminanti, circa libertatis everfionem.

Porro gratia, prout efficax in actu secundo, ita est essentialiter connexa cum con-

fin-

sensu, ut non sit prior illo, nec posterior, sed omnino simultanee se habeat ad illum simul cum determinatione voluntatis. Et ratio est, quia Gratia, prout efficax in actu secundo, importat auxilium supernaturale, prout actu causans cum cooperatione creaturæ consensum, ut supra diximus; atqui actio, qua efficitur consensus, est ipsa positio consensus, quæ vel cum consensu ipso identificatur, ut communius docent in Philosophia, vel si distinguitur, non est prior consensu, cum non se teneat ex parte actus primi, sed secundi; ergo gratia efficax in actu secundo ita connectitur essentialiter cum consensu, ut simultanee se habeat ad illum, & probabilius cum ipso consensu identificetur.

Hinc fit, gratiam efficacem in actu secundo in aliquo sensu posse dici necessariam ad bonam operationem, quatenus voluntas nequit bonam operationem ponere absque gratiæ cooperatione, & concursu in actu secundo; & in alio sensu posse dici non necessariam, quatenus sine ista datur in gratia sufficienti, & inefficaci in actu secundo integra vis, & potentia proxima ad bonam operationem: quare est necessaria huiusmodi gratia, ut bona operatio ponatur, & existat, non vero, ut possit poni; eo pacto, quo dicimus, Visionem v. gr. esse necessariam, ut oculus sit videns, non vero ut possit videre, seu causare visionem: antecedenter enim ad visionem datur potentia proxima ad videndum, seu ad ponendam visionem; sicut ergo juxta diversum sensum, & appellationem terminorum veræ sunt ambæ istæ propositiones: Deus independenter a meritis videt, hominem salvandum, & Deus non videt hominem salvandum independenter a meritis: ita istæ alix: voluntas sine gratia efficaci in actu secundo, seu sine gratia cooperationis potest consentire; & voluntas non potest consentire sine gratia cooperationis.

VIII. Dices: gratia efficax in actu secundo distinguitur ab efficaci in actu primo juxta hanc sententiam per meram causalitatem consensus identificatam cum ipso consensu; sed causalitas ista unice tribuitur creaturæ determinantem concursum Dei in actu primo indifferentem; ergo unice gratia cooperationis in hac sententia tribuitur creaturæ, quod repugnat. Evacuatur tamen difficultas distinguendo minorem: unice tribuitur creaturæ, ut electivæ, ac determinativæ, conceditur; ut causæ efficienti,

ac intendenti efficaciter consensum, negatur minor, & consequentia. Certe ut creatura libere operetur, debet ipsa eligere, ac determinare; quia tamen electio bonæ operationis poni non potest, nisi creatura habeat a Deo vires supernaturales, & seligat auxilium prævisum efficax, idcirco principalis bona operatio tribuitur Deo; sicut si Dux ex prævisione strenuitatis militis conferret illi arma ad forenter pugnandum, principalis tribueretur Duci victoria, quam militi, quamvis miles se determinet ad pugnandum; idque multo magis, si Dux daret militi non solum arma, sed etiam existentiam, & si certus omnino sit de bona operatione secutura, ut accidir in Deo; propterea Apostolus ait: *Non est volentis, neque currentis, sed miserentis Dei.*

IX. Dices ulterius. Gratia efficax in actu secundo est essentialiter connexa cum operatione arbitrii, imo per illam in hac sententia constituitur; ergo non pendet a potestate dominativa arbitrii; ergo non coheret cum libertate. Sed umbratilis est difficultas; fit enim illi satis primo per instantiam: Voluntas libere amans constituitur per amorem liberum; ergo hæc denominatio libere amantis non pendet a voluntate. Secundo directe, concessio antecedente, negatur consequentia; pendet enim a potestate dominativa arbitrii, quod habeatur: gratia efficax in actu secundo qualis; unde bene coheret cum libertate; Quia tamen pendet a voluntate non existentia gratiæ, sed bonus ejus usus, & a Deo efficaciter, & principalis intenditur bonus usus gratiæ, seu bona operatio, idcirco bene etiam stat, quod gratia cooperationis simul pendeat a voluntate, & simul sit gratia supernaturalis, & indebita, dicente Apostolo: *Quid habes, quod non accepisti? quid autem gloriaris, quasi non acceperis? Non est volentis, neque currentis, sed miserentis Dei;* ita tamen miserentis, ut etiam nos ad hanc Dei misericordiam cooperemur. Propterea hortatur Apostolus; ut gloriemur in Domino, non quidem presumptuose, quasi vero ex nostris viribus cooperati simus, sed modeste, & humiliter, quasi accepta a Deo potestate bene usi simus, ita ut de hac etiam nostra cooperatione, quasi de novo dono, gratias agere debeamus, quia illam eandem accepimus a Deo, seligente ex animo benevolo auxilium efficax, ut ea ponatur: in hoc itaque sensu dicit Apostolus: *Si volueris gloriari,*
non

non ero infirmus; nam ut dicitur ad Rom. 2. Gloria, & honor, & pax omni operanti bonum; gloriam tamen debemus, non quasi non acceptimus.

X. Ex quibus sequitur 1. gratiam efficacem in actu secundo constitutam per consensum supernaturalem liberum esse verum donum Dei, & gratiam intrinsece supernaturalem, adeo ut non possit gloriari creatura, quod illam non accepit absque ulla prævia exigentia, aut merito. Ratio est, quia Deus gratuito dedit creaturæ non solum posse, sed etiam ipsum agere liberum, quatenus gratuito selegit auxilium prævisum efficax intendens nobis bonam operationem.

Sequitur 2. gratiam istam cooperationis intrinsece supernaturalem esse ab intrinseco efficacem. Ratio est, quia essentialiter connectitur cum consensu, imo constituitur per ipsum consensum, si supponamus eum communiori ex Philosophia, quod actio identificetur cum actibus vitalibus. In hoc tamen differt gratia ista ab intrinseco efficax a prædeterminatione Thomistica, quod gratia entitativa, & ab intrinseco efficax, quam nos admittimus, vel identificatur cum ipso consensu, vel saltem non est in priori ad illum; quia actio nostra, cum qua identificatur cooperatio Dei, seu gratiæ, non est in priori ad consensum, etiam si ab illo distinguatur: At prædeterminationis est in priori ad consensum, & essentialiter cum illo connectitur; Unde cum non sit in manu voluntatis, est lætiva libertatis: hæc enim habet Aug. lib. 3. de libero arbitrio: Si laboriosum est omnia mandare memoria, hoc brevissimum tene: quacumque ista causa est voluntatis, si non potest ei resisti, sine peccato ei ceditur.

Sequitur 3. esse in potestate arbitrii habere, vel non habere gratiam cooperationis, etiam si sine ista gratia non possit dari bona operatio. Ratio est, quia sine ista gratia habet homo sufficientiam ad bene operandum, quamvis non possit conjungere operationem suam cum operatione Dei sine ista gratia; Unde cum habeat sufficientiam ad bonam operationem, & ad conjungendam illam cum cooperatione Dei antecedenter ad istam gratiam, sequitur, quod in manu sua sit habere, vel non habere gratiam cooperationis; Sicut enim voluntas in manu sua habet ponere hanc denominationem libere volentis, quia in manu sua habet liberam volitionem, quæ constituit hanc denominationem; ita in manu sua habet

ponere gratiam cooperationis, quia in manu sua habet propriam operationem, quæ constituit inadæquate gratiam cooperationis, seu gratiam efficacem in actu secundo.

Sequitur ult. quod carens gratia cooperationis illa careat sua tantum culpa, & voluntate; contra vero habens illam non habeat ex sua tantum voluntate, sed etiam, & principaliter ex voluntate Dei. Ratio est, quia culpa tantum sua homo peccat, & peccando hanc gratiam recusat; non enim Deus confert gratiam inefficacem ex intentione male operationis securæ: Contra vero bonam operationem supernaturalem non ponit homo per solas vires suas naturales, sed per vires supernaturales liberaliter præstitas a Deo intendente tum posse, tum ipsum agere, dum seligit ad id omnino liberaliter auxilium prævisum efficax; ergo bona operatio non tribuitur tantum creaturæ, sed principaliter Deo. Atque hæc pro explicatione hujus sententiæ dicta sint satis. Qui tamen quæ huc faciunt alie discussa velit, consulari Suarium lib. 5. de Gratia cap. 25. Bellar. de Gratia, & lib. arb. cap. 12. & lib. 6. cap. 14. aliosque apud Thysum Gonzalez t. 1. in 1. p. dif. 17. sect. 12.

DISPUTATIO IV.

De Gratia Habituali Justificanti.

Actualis gratia ad habitualement ordinatur, quia justificatur, & sanctificatur; Propterea de hujus superni doni naturam, ac proprietates investigandas gradum facimus. Querentes primo ejus essentiam tum physicam, tum metaphysicam: Deinde ejus formales effectus, impossibilitatem cum peccato, An ab habitu charitatis distinguatur; & alia hujusmodi: quænam vero auxilia gratiæ necessaria sint ad gratiam hanc habitualement promerendam, & conservandam, & ad salutem obtinendam, examinabimus disputatione ultima.

QUÆSTIO I.

Quanam sit physica essentia Gratia habitualis?

I. **C**irca gratiam gratum facientem, & iustificantem plures fuerunt Hæreticorum errores negantium, esse qualitatem animæ intrinsicam, quæ peccata remittuntur, & ex injusto homo fit iustus, ex inimico amicus, & filius Dei adoptivus, atque hæres vitæ æternæ. Lutherani dixerunt, causam formalem nostræ justificationis esse iustitiam Christi nobis imputatam: Osiander iustitiam incretam Dei imputatam nobis: Calvinus justificationem haberi per imputationem iustitiæ Christi nobis; non tamen aliud præstare, quam peccatorum remissionem: Bucerus, & Pighius duplicem constituerunt causam formalem justificationis, alteram imperfectam consistentem in virtutibus inhaerentibus, alteram perfectam consistentem in imputatione iustitiæ Christi nobis. Doctrina tamen catholica est ex Tridentino sess. 6. cap. 7. unicam esse causam formalem nostræ justificationis, iustitiam Dei, non qua iustus est, sed qua nos iustos facit; quæ videlicet ab eo donati renovamur spiritum mentis nostræ, & non modo reputamur, sed filii Dei nominamur, & sancti: Additque Tridentinum, illam iustis inhaerere, eique inferi Fidem, Spem, Charitatem. Quod autem per hanc reddamur simpliciter, & absolute iusti, & non secundum quid, & imperfecte, docuit Apostolus ad Rom. 5. dicens: *Si enim unius delicto mors regnavit per unum, multo magis abundantiam gratiæ donationis, & iustitiæ accipientes in vita, regnabunt per unum Jesum Christum.* Unde fit, duos esse formales effectus gratiæ inhaerentis, alterum negativum, quatenus tollit mortale; alterum positivum, quatenus reddit nos Dei filios adoptivos, amicos, & vitæ æternæ hæredes. Omnes justificationis causas enumerat Tridentinum loc. cit. dicens, quod causa finalis sit gloria Dei, ac Christi, & vitæ æternæ; Causa efficiens principalis sit Deus; Causa meritoria sit Christus Dominus per merita suæ passionis; Causa instrumentalis Sacramentum Baptismi, & Pœnitentiæ; Causa formalis iustitiæ Dei, non qua iustus est, sed qua iustos nos facit, hoc est iustitia nobis inhaerens. Magister sententiarum in 1. disp. 17. docuit,

gratiam non esse habitum creatum, sed Spiritum Sanctum in anima inhabitantem: & in 2. disp. 27. explicat, Spiritum Sanctum inhabitare in nobis per qualitatem inhaerentem, quæ sanctificatur; ita tamen, ut iustitia creata sanctificet ut quo, & Spiritus Sanctus, seu iustitia increta sanctificet ut quod; hæc tamen sententia rejicienda ex verbis Tridentini dicens, causam formalem justificationis non esse iustitiam Dei, qua iustus est; ergo non sanctificatur ut quod a Spiritu Sancto, sed a iustitia nobis inhaerente: His præmissis

II. Dico, physicam gratiæ iustificantis essentiam consistere in qualitate supernaturali physice animæ inhaerente permanentemente, qua homo redditur Divinæ naturæ participes, Dei amicus, filius adoptionis, & æternæ beatitudinis hæres.

Conclusio constat ex Tridentino can. 11. ubi anathematizatur qui dixerit, *hominem justificari vel sola imputatione Christi, vel sola peccatorum remissione, exclusa gratia, & Charitate, quæ in cordibus eorum per Spiritum Sanctum diffundatur, atque illis inhaereat.*

Prob. etiam ratione; & primo quidem, quod huiusmodi gratia sit qualitas, constat, quia non potest esse substantia, posito, quod inhaereat substantiæ complexæ; nec potest ad aliud prædicamentum pertinere. Deinde, quod huiusmodi qualitas sit physica permanens, & supernaturalis, radix, ac fundamentum supernaturalitatis, sic ostenditur: Dantur in nobis actus Theologici, & supernaturales Fidei, Spei, & Charitatis, cum ad illos aliquando exercendos obligemur; ergo dantur in nobis principia intrinseca horum actuum, nempe habitus infusi supernaturales; ergo datur gratia habitualis, quæ sit qualitas physica permanens supernaturalis, radix, & fundamentum rum habituum, tum actuum supernaturalium. Utraque consequentia est probanda. Probatur prima, quia licet Deus possit esse proxime assistens potentis naturalibus ad eliciendos actus supernaturales, eique per decretum quasi habitualiter unitus; ac conaturalis modus operandi potentis create postulat, ut per principium intrinsecum fiat proxime potens; ergo dari debent principia intrinseca, & permanentia ad actus Fidei, Spei, & Charitatis supernaturales, nempe habitus infusi: sicut datur lumen Gloriæ intrinsecum in ordine ad Visionem beatam. Probatur nunc secunda consequentia, quia cum habitus infusi sint quidam po-

potentiae, & proprietates supernaturales; quæ dant simpliciter posse relate ad actus supernaturales, debent connaturaliter supponere naturam ejusdem ordinis, hoc est supernaturalem; hujusmodi autem est gratia, quæ sit qualitas physica supernaturalis permanens, radix omnis supernaturalitatis; a qua habitus infusi vel physice, vel moraliter fluunt; ergo datur de facto gratia habitualis, cujus physica essentia sit qualitas permanens supernaturalis, radix omnis supernaturalitatis, seu quæ natura supernaturalis sit.

III. Objic. 1. Non est de fide, gratiam habitualement esse qualitatem physicam; cum Tridentinum loquens de iustitia inherente nunquam utatur nomine habitus; unde explicari potest vel de actibus supernaturalibus inherentes, vel de gratia actuali, ut docent Sot., Med., Sal. apud Amic. disp. 29. scilicet. 2. Ex altera parte dicere, quod gratia sit forma moraliter inherens, videtur conformis locutioni Apostoli dicentis ad Rom. 5. *Sicut per inobedientiam unius hominis peccatores constituti sunt multi, ita per obedientiam unius iusti constituentur multi*; atqui per inobedientiam Adami homines constituentur peccatores per formam moralem, non physicam; ergo per obedientiam Christi homines fiunt iusti etiam per formam moralem.

Confirm. quia effectus gratiæ, nempe esse filium adoptivum, amicum, hæredem, sunt effectus morales; ergo ipsa gratia est forma moralis.

Resp. Vasq. 1. 2. disp. 203. cap. 6. pure, esse de fide, quod gratia sit qualitas physica, saltem respectu parvulorum, qui absque proprio actu per baptismum iustificantur; cum relate ad istos non possit explicari Tridentinum, quod loquatur de actibus supernaturalibus inherentes, aut de gratia actuali, quando loquitur de iustitia inherente. Verum dato, quod nec hoc sit de fide, conveniunt tamen Doctores, id pertinere ad Conclusionem theologiam, adeo ut oppositum sit temerarium, & saltem errori proximum. Adde, Tridentinum damnare eos, qui volunt, nos iustificari per iustitiam Dei, aut per Christi merita, nobis moraliter inexistencia per imputationem; ergo videtur excludere inherentiam solum moralem formæ sanctificantis. Ad sextum Apostoli dicendum, non eodem modo parvulos esse iniustos per originale ex Adami culpa dimanans, ac esse iustos per gratiam dimanantem a meritis Christi: Ete-

nim originale, cum sit actio moralis, & libera, non poterat physice ad parvulos libertatis expertes pertinere, nec ab Adamo ad ipsos physice produci: propterea originale est proprium uniuscuiusque proprietate actionis moralis, eo modo, quo voluntas Tutoris contrahentis est moraliter propria pupilli, ex hoc, quod a Republica Tutor sit constitutus caput pupilli in ordine ad contrahendum: At gratiam non habemus propriam, per hoc, quod Christus Dominus eodem modo sit constitutus caput nostrum morale, adeo ut ejus obedientia per unionem moralem voluntatum nostrarum cum illo fiat obedientia nostra; sed ex meritis Christi Domini obtinemus gratiam physice inherentem. Quamvis autem in alio ordine potuisset gratia haberi per formam extrinsecam physice, & solum moraliter intrinsecam, ut infra dicemus; at de facto habetur per formam physice inherentem: etenim verba Conciliorum, non secus ac verba Scripturæ, accipienda sunt in sensu proprio, & usitato, si nihil obitet; inherere autem absolute prolatum importat physicam inherentiam; ergo cum Tridentinum dicat, iustitiam nobis inherere, intelligendum est de inherencia physica.

Ad confirm. esto inter homines esse amicum, adoptivum, hæredem habeatur per formam moralem; at de facto esse amicum Dei, adoptivum, & hæredem habeatur a forma physica, nempe a gratia, quæ est participatio Divinæ naturæ, atque adeo filiatio Dei, non quidem naturalis, cum sit in persona extranea, sed adoptiva; filius autem Dei non potest non esse etiam amicus, ut infra explicabimus, & hæres; ergo omnes huiusmodi effectus de facto habentur a forma physica, & consequenter sunt physici.

IV. Objic. 2. Esto verum sit, quod gratia sit qualitas physice inherens, at non proinde est permanens, cum possit esse physice transiens, & moraliter permanere; eo pacto, quo peccatum præteritum denominat hominem moraliter iniustum, si moraliter persevererit; ergo gratia non est qualitas permanens.

Resp. ex verbis Concilii, ex ratione Conclusionis, & ex sensu Scholasticorum constare, de facto iustificationem haberi per qualitatem permanentem; licet enim sit dignus odio qui peccavit, donec exhibeat conditionem satisfactionem, aut remissionem obtineat; at non est dignus amore Dei, qui formam amicitie non habet, seu qui non habet in se, sed habuit participationem Di-

vinæ naturæ, quæ fiat filius, & hæres. Quicquid sit, an de possibili dari possit forma huiusmodi, quæ post primam sui existentiam moraliter perseveret, ut esset ætæ dilectionis Dei, si juxta sententiam Vasq. formaliter justificaret!

Dubitatur hic, Utrum forma justificans sit una simplex qualitas, an vero complexum omnium habituum supernaturalium, ut docuerunt Sor., Veg., & alii? Dicendum tamen cum communi, esse simplicem qualitatem, quia scilicet habitus infusi, cum sine potentia, & proprietates supernaturales, connaturaliter profuere debent a sua natura, & radice, quæ est gratia sanctificans. Constat etiam ex Tridentino dicente, justificationem fieri per infusionem gratiæ, & donorum; unde distinguit inter gratiam, (quam definit sess. 5. can. 5. culpam originale remittere) & reliqua dona, seu habitus, qui justificare non possunt; amissa enim per peccatum gratia, remanent in peccatore habitus supernaturales Fidei, & Spei, si peccatum his virtutibus non opponatur, nec per hoc habetur justificatio. Dicitur quidem aliquando, justitia consistere in aggregato omnium virtutum; at nomine justitiæ non venit tunc forma justificans, sed appetitio, ac dispositio proxima, ac permanens ad honeste vivendum.

QUÆSTIO II.

Quanam sit participatio Divina natura, in qua reponitur metaphysica Gratia essentialiter

I. **C** Errum est, gratiam esse participationem Divinæ naturæ, atque adeo in hoc prædicato ejus essentiam metaphysicam reponi; quod habetur ex 2. Petri 1. ubi dicitur: *Maxima, & pretiosa nobis promissa donavit, ut per hæc efficiamini Divina consortes naturæ.* Dubitatur tamen, in quo sensu dicatur Divinæ naturæ participatio, ita ut sit ejus proprium prædicatum? quævis enim natura dici potest Divinæ naturæ participatio; nam sicut natura Divina est primum principium suorum attributorum, ita qualibet natura creata est primum principium suarum proprietatum.

II. Dico 1. cum Martonio disp. 40. sect. 6. Gratiam recte dici specialem participationem Divinæ naturæ physice sumptæ, per hoc, quod sit natura supernaturalis, seu radix omnis supernaturalitatis.

Prob. Quod est proprium naturæ Divi-

næ, & excedit omnem naturam substantialem creatam, est, posse seipsum immediare, & intuitive cognoscere, & amare perfectissime amore consentaneo Visioni; atqui gratia est primum principium, & radix omnium habituum, & æquum supernaturalium, per quos substantia rationalis creata ordinatur ad Dei Visionem, & amorem fructivum; ergo in hoc sensu gratia recte dicitur speciali modo participatio Divinæ naturæ. Major est communis inter Theologos, negantes possibilitatem substantiæ supernaturalis, seu naturæ, cui debeatur Visio Dei; atque adeo proprium naturæ Divinæ est posse seipsum intueri.

Confirm. 1. Jo. 3. dicitur: *Omnis, qui natus est ex Deo, peccatum non facit, quia semen ipsius in eo manet;* ergo gratia, dicitur participatio Divinæ naturæ per hoc, quod sit veluti semen Dei; semen autem est participatio physica naturæ generantis; ergo gratia est participatio naturæ Divinæ non moraliter tantum, sed etiam physice sumptæ. Ex hoc autem, quod per gratiam, utpote radicem supernaturalitatis, homo ordinatur ad Deum intuendum, quod soli naturæ Divinæ connaturaliter convenit, bene gratia dicitur participare naturam Divinam specialissimo modo; adeo ut sola gratia per antonomasiam dicatur participatio naturæ Divinæ; quamvis re vera omnes creaturæ singentiæ per participationem Dei; ergo gratia est participatio Divinæ naturæ sumptæ physice per hoc, quod sit radix omnis supernaturalitatis.

Confirm. 2. quia homo inter ceteras creaturas dicitur factus ad imaginem, & similitudinem Dei per hoc, quod possit abstractivè Deum cognoscere, & amare; ergo a fortiori erit similis Deo, & speciali modo participans naturam Divinam, si potest Deum intuitivè cognoscere, coque frui; atqui per gratiam habet homo talem naturam, quæ exigat proprietates, & æctus supernaturales ad Dei visionem conducentes; ergo gratia est specialis participatio naturæ Divinæ physice sumptæ per hoc, quod sit radix omnis supernaturalitatis, & natura supernaturalis.

Ubi adverte, gratiam non esse naturam ut quod, sed ut quo; naturæ enim ut quod tria competunt; primum est, quod sit primum esse, atque adeo esse substantiale; gratia autem est accidens: Secundum, quod sit principium operativum immanenter; gratia autem non operatur immanenter, seu in se; sed in anima, cui inest; unde anima, seu ho-

homo credit, sperat, amat amore merito-
rio vite æternæ, non gratia, nisi ut quo.
Tertium, quod per potentias suas ipsa fi-
nem suum consequatur; atqui per facultates,
& potentias gratiæ, nempe per habi-
tus infusos, non gratia, sed homo finem
suum ultimum consequitur; ergo gratia
non est natura supernaturalis ut quod, sed
ut quo.

III. Objic. etiam lumen gloriæ, & aliz
huiusmodi formæ supernaturales ad visio-
nem Dei conducunt; ergo etiam lumen
gloriæ debet dici participatio Divinæ na-
turæ specialissima, & forma sanctificans, sic-
ut est gratia.

Resp. lumen gloriæ, quamvis visionem
Dei causet efficienter, non est tamen pri-
ma radix supernaturalitatis, videlicet exigens
potentias supernaturales productivas actuum,
quibus homo ad visionem Dei perducatur;
ergo non habet rationem naturæ, seu pri-
mi principii motus, & quietis, & ideo non
est participatio Divinæ naturæ, in quan-
tum naturæ, sicut est gratia. Et eadem
ratio probabiliter nec est dicenda forma
sanctificans habitus, aut actus charitatis,
visio Dei, maternitas Beatæ Virginis, unio
hypostatica, &c. ut fufius dicemus quæst. 6.

IV. Dico 1. Gratia potest etiam dici spe-
cialissima participatio Divinæ naturæ ethi-
cæ, & moraliter sumptæ, quatenus natu-
ra bona significat indolem apte dispositam ad
bonos, & indispositam ad malos mores.
Ita Elpar. quæst. 1. Ovid. tract. 8. con-
trov. 1. punc. 3. & alii apud Amic. disp. 29.
sect. 4.

Prob. 1. quia Patres in hoc sensu inter-
pretantur apud Ripal. disp. ult. sect. 7. &
9. textum adductum Divi Petri, qui post-
quam dixit: *maxima, & pretiosa nobis pro-*
missa donavit, ut per hæc efficiamini Divinæ con-
sortes naturæ, addit: *fugientes ejus, quæ in*
mundo est, concupiscentiæ corruptionem; vos au-
tem curam omnem subinferentes, ministrare in
fide vestra virtutem, in virtute scientiam, in
scientia abstinentiam, in abstinentia pa-
tientiam, in patientia pietatem &c. ergo ex A-
postolo Petro gratia reddit nos participes
naturæ Divinæ ethicæ, & moraliter sumptæ.

Confirm. quia 1. Jo. 1. dicitur: *Scitote*
quoniam & omnis, qui facit iustitiam, ex
ipso natus est. Unde Sanctus Leo scrm. 1.
de nativitate dixit: *Agnosce hominigenitatem*
nam, & Divinæ consortis salutis naturæ, no-
li in veterem vilitatem degenerari conversatione
redire; Idemque videtur expressisse D. Th.
quæst. 110. art. 2. ad 2. ubi dicit: *Est in-*

Part. III.

biliior gratia, quam natura animæ, in quan-
tum est expressio Divinæ bonitatis, non quoad
modum essendi. Adde in hoc etiam sensu dici
in Scripturis peccatorem esse filium diaboli,
atque adeo diaboli naturam participare,
dum dicitur Jo. 8. *Vos ex Patre diaboli estis.*

V. Prob. 2. ratione, quia est specialis-
simum Divinæ naturæ prædicatum, quod
habeat dispositionem ad opera moralia hon-
esta, & impossibilitatem cum operibus
inhonestis, seu cum peccato; atqui per gra-
tiam homo habet dispositionem ad opera
moralia honesta, quatenus gratia est radix
habituum, & actuum supernaturalium, &
impossibilitatem cum mortali; ergo in
hoc etiam sensu gratia est specialissima par-
ticipatio naturæ Divinæ ethicæ sumptæ.

Neque obstat, quod sanctitas Divina sit
etiam impossibilis cum veniali, secus
vero gratia, seu sanctitas creata. Nam pro-
portio inter utramque sanctitatem non de-
sumitur ab iis multis prædicatis, in qui-
bus disconveniunt, sed ab eo tantum, in
quo conveniunt; non enim quia natura Di-
vina est natura substantialis a se, indistin-
cata cum potentia, & actu, quæ prædica-
ta non conveniunt gratiæ, idcirco non
convenit gratia cum natura Divina in hoc
prædicato, quod disponat hominem ad om-
nia sanctitatis opera, & impossibilitatem
habeat cum mortali: quod satis est ad
dicendum, quod gratia non sit quidem natu-
ra Divina, sed sit ejusdem specialissima
participatio.

VI. Objic. habitus fidei, & spei sepe
præsupponuntur ad ipsam gratiam sanctifi-
cantem, ad quam per suos actus disponunt;
ergo non sunt proprietates gratiæ, & con-
sequenter gratia non disponit ad omnia san-
ctitatis opera, tanquam prima radix.

Resp. quod licet sæpe actus, & habitus
fidei, & spei præsupponantur ad gratiam,
non per hoc desinunt esse passionēs, & pro-
prietates gratiæ; sicut enim calor, qui præ-
supponitur ad formam ignis, & ad illam
disponit, adhuc est proprietas ignis, quia
a forma ignis exigitur, quæ calorem pro-
duceret, si non reperisset antecesserem pro-
ductum; ita pariter habitus fidei, & spei
licet ad gratiam aliquando præsupponantur,
adhuc sunt proprietates gratiæ; quando e-
nim peccator per infidelitatem amittit ha-
bitum fidei, & gratiam, si per penitentiam
recuperat gratiam, recuperat etiam habi-
tum fidei ab eadem gratia exigitum, &
productum, sive physice, sive moraliter,
juxta varias sententias.

VII. Denique nonnulli putant, gratiam participare naturam Divinam, non solum physice, & moraliter sumptam, sed etiam metaphysice, seu sumptam pro primo prædicato constituyente essentiam metaphysicam Dei; Nam qui docent cum Thomistis, hujusmodi prædicatum esse intellectivitatem, dicunt, gratiam esse specialem participationem naturæ Divinæ metaphysice sumptæ, quatenus perducit ad Deum videndum, quod spectat ad lineam intellectivi: Qui vero dicunt, primum Dei prædicatum esse rationem entis, seu plenitudinem essendi, docent, gratiam esse Divinæ naturæ participationem, quatenus disponit ad omnem moralem perfectionem, usque ad beatitudinem obtinendam, in qua habetur plenitudo essendi unicuique consentanea: Et qui docent, primum Dei prædicatum esse Aseitatem, seu sufficientiam essendi independentem a quovis alio, dicunt, Gratiam participare hujusmodi prædicatum, quatenus disponit creaturam rationalem ad illam essendi sufficientiam, cujus est capax, nimirum ad beatitudinem supernaturalem, in qua appetitus rationalis conquescat; Hoc tamen satis sit innuisse.

QUÆSTIO III.

Utrum Gratia dici possit Donatio Spiritus Sancti; adeo ut Persona Spiritus Sancti de formali veniat ad constituendum Filium Dei adoptivum?

I. **A**D intelligentiam questionis præmitto, communem Theologorum sententiam circa essentiam gratiæ esse, quod sit qualitas physica supernaturalis absoluta, & non moralis, & participatio Divinæ naturæ, non quidem in suo esse reali, ut est unio hypostatica, sed tantum similitudinariæ, eo pacto, quo calor v.g. dicitur participare naturam ignis; ita ut vi talis formæ anima extollatur ad filiationem Dei adoptivam, ad amicitiam, ad hereditatem; cum enim Deus per gratiam disponat creaturam, illicque jus conferat ad Dei visionem, & ad beatitudinem supernaturalem, eo ipso vult illi impertiri hereditatem suam, seu jus ad bona omnia, quæ potest illi communicare, quibus evadat felix intuitive videndo Deum, & fruendo ejus summa bonitate: quod expressit Apostolus ad Galat. 4. dicens: *Misti Deus Filium suum factum ex muliere, factum sub le-*

ge, ut eos, qui sub lege erant, redimeret, ut adoptionem filiorum reciperemus; quoniam autem esis filii Dei, misit Deus Spiritum filii sui in corda vestra clamantem Abba, Pater; Itaque non est servus, sed filius, quod si filius, & hæres per Deum. Quia tamen filius adoptivus est dignus amore Patris, hinc filius Dei adoptivus non solum est hæres vitæ æternæ, sed etiam Dei amicus.

II. Ut autem appareat, quid intersit inter Adoptionem humanam, & Divinam, sciendum Adoptionem definiri a Theologis, & Jurisconsultis apud D. Thom. quæst. 27. art. 1. quod sit *Persona extranea in filium legitima assumptio*; & in Concilio Francofordiensi apud Ovid. tract. 8. contr. 1. punc. 4. dicitur: *Quid est Adoptio? nisi charitatis copulatio, qua Pater adoptione copulat filium, quem per generationem non habet.* Unde duo ad adoptionem requiruntur: primum quod libere aliquis assumatur in filium, & conferatur illi citra aliam obligationem jus ad hereditatem: Alterum est, quod is sit persona extranea, non filius naturalis; filius enim naturalis cum habeat in se quandam portionem Patris, non dicitur extraneus a patre; & hac de causa Christus Dominus, quamvis affectus gratia sanctificante, non dicitur filius Dei adoptivus, sed naturalis. In hac definitione convenit Adoptio Divina, quæ fit per gratiam, cum humana: discrepant tamen in eo, quod Adoptio Divina da facto fit per formam physicam, quæ copulat charitate hominem cum Deo, & illi tribuit jus ad hereditatem Dei; adoptio vero humana, & legalis fit per formam moralem, & extrinsecam, seu per solam voluntatem assumendi aliquem in filium. Hinc qui adoptatur a Deo, dicitur a Deo natus, ut habetur 1. Jo. 3. *Omnis, qui natus est ex Deo, non peccat, quia semen ejus in eo manet:* contra vero qui adoptatur ab homine, non dicitur ab illo natus; nasci enim ex aliquo est formam ex eo similem generatione trahere, juxta celebrem definitionem generationis, quod sit *Origo viventis a vivente principio conjuncto in similitudinem naturæ*; per gratiam autem habetur origo viventis a vivente per conjunctionem istam copulantem charitate hominem cum Deo in similitudinem imperfectam cum natura Divina, ut explicavimus quæst. antecedente; unde per gratiam habetur Dei filio, non naturalis, cum sit persona extranea, sed adoptiva: non enim natura Divina communicatur homini vel vi processionis per identitatem, & perfectissimam

simi-

similitudinem, ut communicatur Verbo, neque per physicam substantialem unionem, ut communicatur Humanitati Christi Domini.

III. Premitto 2. adversus communem hanc Theologorum sententiam circa essentiam gratiæ opinatum fuisse Lessium lib. 12. de Divinis perfectionibus, cap. 11. apud Mazar. de gratia disp. 17. & apud Oviedum loc. cit. & cum Lessio Petavius tom. 2. lib. 8. cap. 4. & alios in hærentes doctrinæ Magistri sententiarum in 1. dist. 17. dicendo, Gratiæ esse entitatem modalem, & complementum Divinæ voluntatis libere donantis Spiritum Sanctum, ac deitatem animæ; atque hac ratione hominem dici filium Dei adoptivum, quia participat reatibus, & non similitudinariè Divinam naturam sibi donatam. Hanc autem unionem animæ cum Spiritu Sancto, & Deitate docent non esse physicam; ut est unio hypostatica, cum quia homo non esset persona extranea, prout requiritur ad adoptionem, tum quia etiam homo sanctificaretur iustitiae, ut humanitas Christi Domini; sed modalem, seu vinculum morale approprians animæ Spiritum Sanctum; ita ut in homine dicatur inhabitare, illumque regere. Quia tamen Spiritus Sanctus appropriatur animæ per donationem, & donatio ista, quamvis sit Spiritus Sancti illimitati, fieri potest limitate quoad effectus ab eo ponibiles (sicut meritum Christi infinitum, quando nobis per Sacramenta appropriatur, donatur limitate) hinc est, quod effectus gratiæ sanctificantis in nobis non sunt illimitati. Quare Spiritus Sanctus communicatus per gratiam, & donationem est forma filiationis adoptivæ; Sicut enim forma filiationis naturalis est forma, seu natura similibus, communicata naturaliter per generationem; ita in casu forma filiationis adoptivæ est ipsa natura Divina identificata cum Spiritu Sancto, libere communicata homini personæ extraneæ: Et quia donatur Spiritus Sanctus in ordine ad disponendam animam ad actus supernaturales per habitus infusos, ideo docent, Spiritum Sanctum non esse formam, sed radicem iustitiæ, & sanctitatis; quæ in anima suscipit magis, & minus, prout magis, & minus donatur Spiritus Sanctus relate ad effectus sanctitatis; Eo modo, quo in Sacrificio, & Sacramento Eucharistiæ donatur nobis Christus Dominus relate ad effectum finitum, juxta mensuram dispositionis uniuscujusque; & eo pacto, quo moneta v.g. aurea valens vi-

ginti, potest donari relate ad quinque. His præmissis

IV. Dico cum communi apud Ovied. loc. cit. Gratiæ non esse participationem Divinæ naturæ in suo esse reali, nec additivam Divinitatis cum Spiritu Sancto identificatæ in animam, ita ut de formali veniat Spiritus Sanctus ad constitutionem filiationis adoptivæ, quæ iustitiæ, & sanctitatem radicet; sed esse participationem Divinæ naturæ solum similitudinariè, adeo ut Spiritus Sanctus se habeat tantum de causali non minus ad denominationem iusti, quam ad denominationem filii adoptivi.

Prob. 1. quia in re tanti momenti, qualis est donatio Spiritus Sancti, & ejusdem conjunctio moralis cum homine iusto, non est recedendum a communi sensu Patrum, & Scholasticorum interpretantium locutiones Scripturarum, & Conciliorum; nemo autem, nisi paucis admodum demptis, locutiones Scripturarum in hanc partem interpretatus est; ergo huic sententiæ non accedendum.

Confirm. 1. quia 1. Jo. 3. dicitur, quod habens gratiam habet semen Dei in se; ergo non participat naturam divinam realiter, sed similitudinariè; aliter dici deberet, quod habet Deum, non vero semen Dei in se.

Confirm. 2. quia juxta hanc sententiam non solum esset diversa, sed etiam longe perfectior, & nobilior gratia, quæ nobis datur in novo testamento, postquam nobis datus est Spiritus Sanctus, quam gratia veteris testamenti, quando non erat datus; etenim Jo. 7. dicitur: *Nondum erat Spiritus Sanctus datus; quia nondum erat Jesus glorificatus*; sequela non videtur admittenda; Quis enim dixerit, infantem baptizatum in novo testamento ratione Spiritus Sancti sibi donati præcellere antiquis Patriarchis?

V. Prob. deinde Conclusio directe ex Ovied. quia quamvis Theologi omnes cum D. Th. 1. p. quest. 44. art. 3. apud Suar. de Trinit. lib. 12. cap. 5. communiter doceant, dari per gratiam iusto specialem titulum, quo Spiritus Sanctus in eo sit realiter præstens; ita ut si per impossibile Spiritus Sanctus non esset immensus, deberet esse præsentialiter, & realiter in anima iusti, in qua tanquam in suo templo inhabitet; cum hoc ferat amicitia hominis cum Deo ex D. Dionys. amor enim ex D. Th. 1. 2. quest. 28., art. 1. est virtus univæ, tendens quantum est ex se ad Unionem etiam

iam realem, seu presentialem amantis cum amato: Nihilominus Spiritus Sanctus animæ per gratiam unitus, non nisi radicaliter, & causaliter concurrat ad denominationem iusti, & amici; ergo radicaliter etiam, & effectivè, non formaliter concurrat ad denominationem filii adoptivi; & consequenter participatio divinæ naturæ est solum similitudinaria causata a Spiritu Sancto; non vero participatio moralis ipsius Spiritus Sancti in suo esse reali, juxta sententiam Leisii. Antecedens ab ipso Leisio admittitur, & constat ex Tridentino dicente sess. 6. cap. 7. causam formalem nostræ justificationis non esse iustitiam Dei, quia ipse iustus est, sed quia nos iustos facit. Probatur itaque consequentia, quia ex Tridentino loco laudato unica est causa formalis nostræ justificationis, quia homo non solum fit ex iusto iustus, & ex inimico amicus, sed etiam filius Dei adoptivus, & hæres vitæ æternæ, ergo si Spiritus Sanctus non est causa formalis, sed effectiva nostræ iustitiæ, crit pariter causa effectiva, & non formalis adoptionis; aliter contra Tridentinum utriusque effectus non esset unica causa formalis.

Neque dicas, unicam quidem esse causam formalem utriusque denominationis, videlicet gratiam inherentem, seu qualitatem modalem, completivam donationis Spiritus Sancti, sed relate ad denominationem iusti, & amici esse causam formalem, ut quod; relate ad denominationem filii adoptivi, ut quo; quia sola natura divina, seu Spiritus Sanctus potest esse causa formalis, ut quod, relate ad denominationem filii, quæ fert participationem naturæ Patris.

Nam contra est primo, quia si gratia inherens esset causa formalis ut quo, relate ad denominationem filii, eo ipso præter hanc deberet dari causa formalis, ut quod, quæ per adversarios est ipsa natura Spiritus Sancti; ergo recurrit, quod non esset unica, sed duplex causa formalis nostræ justificationis contra Tridentinum. Propterea Ripal. disp. ult. num. 127. dicit, sententiam hanc Leisii vidcri sibi suspectam, & indignam tanto Theologo. Contra secundo, quia causa formalis ut quo alicujus denominationis non est ipsa causa formalis talis denominationis, v. g. unio caloris cum subiecto non est forma denominationis calidi; atqui Tridentinum assignando causam formalem nostræ justificationis, quæ reddimur iusti, amici, & filii, assignat ipsam formam; ergo ex Tridentino gratia inherens

non est causa formalis ut quo, sed ut quod, etiam relate ad denominationem filii.

Confirm. 1. quia ex Tridentino forma justificationis est forma nobis inherens; atqui Spiritus Sanctus non est forma inherens, nec est forma inherens ipsa donatio Spiritus Sancti, quippe quæ est actus divinus cum Deo identificatus; Quicquid sit, an compleatur per aliquod extrinsecum; ergo forma adoptionis, & justificationis neque est Spiritus Sanctus, neque Spiritus Sancti donatio, sed donum ejusdem.

Confirm. demum, quia si filiatio adoptiva haberetur formaliter per naturam divinam identificatam cum Spiritu Sancto, animæ communicatam, iustus esset, & non esset filius adoptivus: esset quidem, quia natura divina personæ iusti communicaretur libere (non vero naturaliter, ut communicatur personalitati Christi Domini, hoc est personæ Verbi) ex altera parte non esset filius adoptivus, sed naturalis, quia ad rationem filiationis adoptivæ spectat, quod natura sit similis in specie ad summum, non vero eadem in adoptante, & adoptato; quis enim negat, esse filium naturalem illum, qui habet eandem omnino naturam cum suo genitore? ergo ut prius.

VI. Objic. 1. Filiatio formaliter constituitur per naturam acceptam; nasci enim ex aliquo est formam eo eo similem generatione trahere; ergo si iustus est filius Dei adoptivus, ita ut vere dicatur a Deo natus, debet accipere naturam divinam: non potest autem illam accipere similem in specie, cum repugnet, naturam divinam multiplicari; ergo debet accipere naturam eandem; ergo forma filiationis adoptivæ Dei non est nisi Spiritus Sanctus cum natura divina identificatus, donatus animæ iusti.

Resp. filiationem Dei adoptivam non haberi per participationem ejusdem naturæ divinæ; quia iustus deberet dici filius Dei naturalis, ut est Christus Dominus; Neque haberi per accptionem naturæ divinæ similis in specie, cum id repugnet; Quare habetur per participationem naturæ divinæ similis similitudine imperfecta, per hoc scilicet, quod gratia imittit naturam divinam, modo explicato quæsit. antecedenti. Propterea non accipitur a iusto persona Spiritus Sancti, sed ejus donum, ne dicamus, iustum esse filium Dei naturalem. Sicut autem non potest in filio adoptivo

pro-

prius esse eadem omnino natura, ac in adoptante; ita non requiritur, quod sit similis in specie, ut patet, quia si Angelus adoptaret hominem, non deberet illi communicare naturam Angelicam, sed solum jus ad hæreditatem: sufficit ergo ad adoptionem, quod natura participata sit similis similitudine imperfecta jam explicata.

VII. Obijc. 1. Scripturæ passim dicunt, Spiritum Sanctum inhabitare in iusto, & charitatem Dei diffundi in cordibus nostris per Spiritum Sanctum, qui datus est nobis; ergo per gratiam ipse Spiritus Sanctus animæ unitur, non quidem physice, sed moraliter per donationem, & appropriationem illius.

Confirm. 1. quia cibus non potest esse nobilior vita, ad quam nutriendam ordinatur; ergo cum Christus Dominus sit noster cibus, & veluti medium ad vitam gratiæ nutriendam, hæc non debet esse imperfectior Christo Domino; atque adeo debet donationem Spiritus Sancti continere.

Confirm. 2. quia filiatio debet fundare jus ad hæreditatem; æqui si filiatio adoptiva explicetur per donationem Spiritus Sancti, bene intelligitur, quomodo fundet jus ad vitam æternam; secus vero, si explicetur per participationem similitudinariam divinæ nature; ergo. Probatur minor, quia si gratia sit participatio similitudinaria divinæ nature, ipsa simul esset filiatio adoptiva, & jus ad hæreditatem; ergo hoc jus non fundaretur in filiatione.

Resp. Spiritum Sanctum dari nobis per gratiam; non quia immediate donatur Spiritus Sanctus, sed quia datur nobis donum hoc maximum Spiritus Sancti, nempe gratia, ratione cuius est in nobis titulus specialis, quo Spiritus Sanctus nobis fit præsens, imo quo tota Trinitas in nobis inhabitat per unionem affectivam, & moralem propriam amicitie. Sicut enim in sententia Leslii Spiritus Sanctus non formaliter, sed casualiter se habet relate ad denominationem amici, & iusti; ita pariter solum casualiter se habet relate ad denominationem filii, posito, quod ex Tridentino unica sit causa formalis nostræ justificationis, qua habetur tam denominatio amici, & iusti, quam denominatio filii adoptivi.

Ad primam confirmationem: in utraque sententia verum est, quod Christus Dominus sit cibus, non quidem nutrens Spi-

ritum Sanctum, sed animam iusti: atque adeo etiam in sententia Adversariorum nobilior est ex divina misericordia medium, quam sit finis: hoc autem non fit inordinare, quia ultimus finis opum Dei est ipse Deus: Et enim *Universa propter semetipsum operatus est Dominus*, ut habetur Proverb. 16.

Ad secundam nego minorem. Ad probationem concedo, quod eadem gratia realiter constituat filiationem, & jus ad hæreditatem; sed ratione nostra hoc jus consequitur ad filiationem adoptivam, sicut visibile ratione consequitur ad rationale, quamvis identificentur realiter.

QUÆSTIO IV.

Utrum admissa possibilitate gratiæ, quæ habeatur per donationem Spiritus Sancti, posset iustus satisfacere pro mortali condigne?

I. **Q**UÆRIMUS hic, An si fiat hypothæsis, quod de facto donetur Petro juxta sententiam Leslii persona Spiritus Sancti, posset Petrus affectus huiusmodi gratiæ, & habens sibi appropriatum Spiritum Sanctum, satisfacere condigne pro peccato mortali alieno, etiam si supponatur cum communiore, non posse puram creaturam affectam gratiæ præsentis ordinis pro mortali condigne satisfacere, & peccatum mortale esse gravitatis finitæ? Affirmant nonnulli ejus gratiæ patroni.

Censio equidem, in facta hypothæsi Petrum, cui facta est donatio, & appropriatio Spiritus Sancti, juxta sententiam Leslii, non posse pro mortali condigne satisfacere. Conclusio consonat doctrinæ D. Th. 3. p. q. 5. ar. 2. ad 1. ubi docet, quod quia offensiva eo est gravior, quo persona, quæ offenditur, est dignior, oportet ad condignam satisfactionem pro offensa Dei, quod actus satisfaciens habeat efficaciam infinitam, quæ certe in casu non habetur.

Prob. Concl. Illa satisfactio est condigna, quæ adæquat, aut superat gravitatem offensus; sed satisfactio in calu nostro non esset huiusmodi; ergo non esset condigna. Probatur minor: Satisfactio Petri esset submissio personæ creatæ, atque adeo esset in-

ordine creato, & infimo; offensæ vero est divina, seu in ordine Divino, & summo; ergo non coequantur: Universum autem ex Phil. 5. Eth. 5. sicut gravitas offensæ crescit ex dignitate personæ offensæ; ita valor satisfactionis crescit ex dignitate personæ satisfaciens; cum enim injuria sit quidam contemptus dignitatis personæ, cui irrogatur, gravitatem sumit a dignitate personæ offensæ; contra vero cum satisfactio sit humilis submissio personæ exhibita in obsequium dignitatis læsæ, haurit valorem a dignitate personæ satisfaciens: propterea offensæ divina non potest coequari, nisi a satisfactione, quæ sit pariter in ordine divino: atque adeo a sola satisfactione præstita ab Humanitate assumpta; nam quæ ordine sunt diversa, quantumcumque multiplicentur, non possunt coequari: Sic infinita venialia non coequantur mortali; nec infinita entia materialia coequari possunt uni Spiritui, nec infinita merita naturalia proportionari possunt uni præmio supernaturali.

II. Confirm. 1. In tantum potest Christus Dominus condigne satisfacere pro mortali, & non potest pura creatura etiam affecta gratia præsentis ordinis, quia dum Christus Dominus se submittit, Verbum ipsum per communicationem idiomatum, esto non formaliter, se submittit Patri, & sic habetur submissio divina infiniti valoris, infinite excedens gravitatem offensæ; contra vero quando se submittit creatura affecta gratia præsentis ordinis, submissio nec formaliter, nec per communicationem idiomatum est in ordine divino; atque adeo non coequatur offensæ, ut fusc dicemus, Deo dante, in de Incarnatione; atqui etiam si Spiritus Sanctus donetur Petro juxta sententiam Læssii, adhuc submissio Petri est creata, seu personæ dignitatis finitæ; Neque enim est submissio ipsius Spiritus Sancti, aut formaliter, quod repugnat, aut per communicationem idiomatum, ut patet; ergo est in ordine inferiori ad offensam; atque adeo non est condigna satisfactio pro mortali.

Confirm. 2. Orator regius, si se submittat nomine regio, reddit quidem submissionem regiam, & reponit illam in ordine regio; at si se submittat nomine proprio, quamvis reddat submissionem digniorem, quam si non esset Orator regius, non reddit tamen illam regiam, quæ possit coequari offensæ regie; ergo licet submissio Christi Domini sit divina, & infinite di-

gna, quia per communicationem idiomatum est ipse Verbi; at submissio Petri in casu nostro, cum non sit facta nomine Spiritus Sancti, non est divina; quamvis sit præstantior, quam si Petrus careret tali donatione; ergo non potest coequari offensæ divinæ.

Neque dicas, submissionem Petri esse in ordine divino per hoc, quod sit personæ habentis Spiritum Sanctum, & divinitatem sibi donatam. Nam contra est primo, quia etiam creatura affecta gratia præsentis ordinis posset de facto condigne satisfacere pro mortali, quia pariter ejus submissio est aliquid divina per hoc, quod sit creaturæ habentis participationem naturæ divinæ; quod tamen ab Adversariis non admittitur. Contra secundo, quia etiam si Spiritus Sanctus donaretur Paulo, & non in ordine ad operationes supernaturales, sed solum in ordine ad operationes naturales meritorias beatitudinis naturalis, adhuc deberet posse condigne satisfacere pro mortali, quia adhuc in hoc casu Paulus haberet sibi moraliter unitum, ac donatum Spiritum Sanctum relate ad iustitiam naturalem; eo modo, quo donatur Spiritus Sanctus Petro in sententia Læssii, relate ad iustitiam supernaturalem; quod neque ab Adversariis admittitur. Ratio a priori est, quia quamvis Spiritus Sanctus donetur Petro, & sic operationes Petri dignificentur, nihilominus dignificantur solum extrinsece a Spiritu Sancto veniente in obliquo, quia Spiritus Sanctus neque formaliter, neque per communicationem idiomatum submittitur; ergo non reponuntur in ordine divino: sicut operationes præstitæ ab Oratore regio non reponuntur in ordine regio, nisi fiant nomine Regis.

III. Confirm. tertio. Per hoc, quod Petro donetur Spiritus Sanctus, non per hoc ejus operationes sunt in actu primo infinite dignæ, eo pacto, quo sunt operationes Christi Domini; Unde nemo dixerit, quod Petrus possit mereri alteri unionem hypostaticam, sicut potest mereri Christus Dominus; & hoc non aliunde, nisi quia licet operationes Petri dignificentur a Spiritu Sancto, non reponuntur tamen in ordine divino: ergo ut prius.

Hic adde, quod si per impossibile persona, quæ Deum offenderet, esset infinita, & divina, satisfactio ut esset condigna, deberet pariter esse a persona divina; ergo a fortiori si persona, quæ Deum offendit, sit crea-

creata, & infinitæ vilis præ Deo offensa; atqui quando Petrus se submittit habens appropriatum Spiritum Sanctum, persona quæ satisfacit, non est divina; ergo ejus satisfactio non est condigna.

Denique, si Petrus posset satisfacere, jam non fuisset necessaria Incarnatio ad exhibendam condignam satisfactionem pro mortali; Patres autem, & Scholastici communissime docent, Incarnationem fuisse necessariam, ut videre est apud Vasq. disp. 4. cap. 3. Suar. Valent. & alios passim. D. Basilus in illud Psalm. 48. *Frater non redimit, redimet homo*; addit: *Non nudus homo, sed homo Deus Jesus Christus, quia nullus alius poterat condignum offerre pretium*. Aug. in Enchir. cap. 108. *Neque per ipsum liberaremur mediatorem Dei, & hominum, hominem Christum Jesum, nisi esset & Deus*. Et quamvis Scotiste doceant, posse puram creaturam condigne satisfacere pro mortali; at primo Maiusius disp. 4. qu. 5. art. 1. docet, id non esse de mente Scoti. Deinde Scotiste solum volunt, posse Deum acceptare nostras satisfactiones pro mortali, & iis contentum esse, quin doceant, nostras satisfactiones posse esse de se condignas, adeo ut tanti fiant in linea submissionis, quanti sit peccatum in linea offensæ, sicut dicimus esse satisfactiones Christi Domini. Quare ex sensu Patrum, & Scholasticorum satisfactiones puræ creaturæ non possunt esse condigne pro mortali; in casu autem nostro satisfactio Petri esset satisfactio puræ creaturæ, non vero Theantrica, seu Divinilis: ergo non esset condigna.

IV. Objic. primo. Quamvis in casu adducto dignitas Spiritus Sancti non descendat ad dignificandas satisfactiones Petri infinite, eo modo, quo dignitas Verbi descendit ad dignificandas operationes Christi Domini, eo quod operationes Petri non essent operationes Spiritus Sancti, nec theantrix, cum actiones dicantur esse suppositorum; nihilominus Spiritus Sanctus dignificaret operationes Petri quantum satis est, ut sint condigna satisfactio pro mortali: ergo Petrus posset condigne satisfacere. Probatur antecedens: Ut satisfactio æquiparetur mortali, non requiritur, quod satisfactio sit infinita, sed quod tantum dignificetur a Deo, quantum gravificatur offensæ; sed operationes Petri possunt dignificari a Spiritu Sancto, quantum offensæ gravificatur a dignitate Dei offensæ; ergo. Prob. minor: Offensa Dei non gravificatur, ut supponimus, infinite, sed solum juxta men-

suram cognitionis, ita ut eo gravior sit offensæ, quo clarius cognoscitur dignitas Dei offensæ; sed operationes Petri possunt dignificari a persona Spiritus Sancti, quantum cognitio Dei gravificat offensam; cum enim gravitas orta a cognitione sit limitata, non est, cur non possit adequari a dignitate reclusa operationibus Petri a persona Spiritus Sancti appropriata.

Confirm. Meritum Christi Domini infinitum limitatur a Deo in ordine ad præstandum effectum finitum, prout maluerit; adeo ut possit in actu secundo præstare effectus syncategorematicè infinitos tum extensivè, tum intensivè; ergo pariter dignitas orta a persona Spiritus Sancti donata Petro. Probatur consequentia, quia sicut meritum Christi in actu secundo causat effectus juxta mensuram acceptationis; ita Spiritus Sanctus Petro appropriatus causat effectus juxta mensuram donationis; ergo sicut meritum Christi Domini potest mereri præmium syncategorematicè majus, & majus infinitum, & de facto satisfactiones Christi Domini satisfaciunt condigne pro mortali, ita poterunt operationes Petri condigne etiam satisfacere vi Spiritus Sancti appropriati.

Respond. nego antecedens. Ad probationem nego minorem; ad cujus probationem dico, operationes Petri, quantumcumque dignificentur a Spiritu Sancto, nunquam reponi in ordine divino, in quo debent reponi, ut satisfactio coarctetur offensæ Dei; quia tamen satisfactio non potest esse in ordine divino, nisi sit infinita, idcirco nonnisi satisfactio infinita potest esse condigna pro mortali, quantumvis gravitatis finita.

Ad Confirmationem retorquero pariter: meritum Christi est infinitum in actu primo, non tamen est infinitum in actu primo meritum Petri habentis gratiam juxta sententiam Lessii; & idcirco non potest mereri alteri unionem hypostaticam, quæ est in ordine divino: ergo neque potest satisfacere pro mortali, quod pariter est in ordine divino. Quare donatio Spiritus Sancti facta Petro non appropriat Spiritum Sanctum per hoc, quod possit Petrus ad arbitrium physice causare effectus, quos potest causare Spiritus Sanctus, sed per hoc, quod possit sic dignificatus disponi ad habitus infusos, atque adeo ad Dei visionem promerendam: Quamvis autem possit sic dignificari, & disponi ad merendam Visionem Dei intensiorem, & intensiorem, sicut non potest dignificari ad merendum præmium, quo

quo fit in ordine supremo, & divino, puta Unionem hypostaticam, cum sic merens non reponatur in ordine divino; ita neque poterit dignificari ad ponendam satisfactionem, quæ fit in ordine divino; qualis requiritur, ut condigne satisfiat pro mortali.

Adde, quod si posset submissio Petri dignificari ad condigne satisfaciendum pro mortali, quando Spiritus Sanctus donatur in ordine ad iustitiam supernaturalem, & Visionem Dei, deberet etiam ad id dignificari, si Spiritus Sanctus donaretur in ordine ad iustitiam naturalem, & ad naturalem beatitudinem: sequela autem est absurda. Ratio a priori est, quia per donationem Spiritus Sancti submissio Petri non dignificatur a Spiritu Sancto intrinsece, & formaliter, sicut dignificatur a Verbo submissio Humanitatis Christi Domini per Unionem hypostaticam, sed solum dignificatur extrinsece, & terminative; etenim submissio Petri neque formaliter, neque per communicationem idiomatum est submissio Spiritus Sancti, sed est submissio habentis Spiritum Sanctum; sicuti autem submissio amantis Deum non est submissio divina, quia Deus extrinsece, & terminative, accipiens in obliquo dignificat hanc submissionem: ita in casu.

V. Obijc. secundo. Potest in æstimatione morali quod est in genere superiori adæquari ab iis, quæ sunt in inferiori, v. g. unus aureus in æstimatione morali adæquari pluribus argenteis; ergo potest offensæ Dei adæquari pluribus submissionibus Petri habentis sibi donatum Spiritum Sanctum.

Confirm. Potest offensæ Regis compensari submissione totius populi, qui vitam pro Rege profundat; ergo pariter in casu.

Respond. argumentum probare, quod etiam operationes iustorum, quibus datur gratia præsentis ordinis, imo etiam operationes viribus naturalibus elicite possint pro mortali satisfacere. Secundo directe, distinguo antecedens; potest aurum coadæquari argento in linea physica, nego; in ratione pretii, in qua non sunt in ordine diverso, concedo antecedens, & nego consequentiam: offensæ enim divina, & submissio personæ creatæ etiam in æstimatione morali sunt in ordine diverso: aurum vero, & argentum in ratione pretii non diversificantur; ratio enim pretii formaliter pendet a voluntate Principis ordinantis utrumque metallum ad eundem finem, quam-

vis id fiat inspiciendo valorem intrinsecum.

Ad Confirmationem, negant multi antecedens, putantes, congruum solum esse, ut Rex offensus, posita totius populi submissione, placetur, & liberaliter condonet offensam, quin ad id teneatur; quia satisfactio cum sit in ordine diverso, non est condigna. Equidem transmissio antecedente, nego consequentiam: Disparitas est, quia dignitas divina est infinita, & essentialis, & ideo inadæquabilis a submissione omnium Creaturarum; dignitas vero regia est limitata, & accidentalis, & ideo adæquabilis a submissione non regia.

Ut hoc percipatur, sciendum, satisfactionem in genere honoris fieri submissione personæ satisfaciens; submissio autem creaturæ erga Deum minimi fit in æstimatione morali: est enim submissio, itio in inferiorem locum eo, quo quis est; creatura autem respectu Dei est in infimo loco, adeoque submissio per actus liberos, & obsequiosos minimi æstimatur; sicut minimi æstimatur deosculatio pedum E. gr. facta Pontifici a rusticis: Per hoc autem, quod Petrus in casu nostro habeat sibi donatum Spiritum Sanctum, persona tamen, quæ submititur, non est Spiritus Sanctus, sed persona creata Petri, quæ est in ordine infimo; unde non potest in æstimatione morali coadæquari offensæ divinæ, quæ est in ordine supremo. Hinc fit, quod offensæ regia possit æquiparari in æstimatione morali a pluribus satisfactionibus populi, vel plebei; cum enim dignitas regia sit finita, & accidentalis, potest Rex indigere ipso plebejo, ut ab eo dignitas regia vel obtineatur, vel conservetur; Propterea apud prudentes tanti æstimatur offensæ regia, quanti obsequium plebei, a quo dignitas regia conservetur: At dignitas divina est essentialis; Unde non potest Deus indigere obsequiis Creaturarum, a quibus in sua dignitate conservetur; ergo nisi satisfactio sit infinita, & submissio sit theantrica, etiam si sit ipsius Deiparæ, nedum Petri habentis Spiritum Sanctum, nunquam æquiparatur in æstimatione morali offensæ divinæ.

Adde, quod in æstimatione morali utilitas magna coadæquatur honori: Unde apte Matrimonium initur inter maritum nobilem, & uxorem divitem; ergo si Plebejus afferat eam utilitatem Regi, quæ coadæquetur dehonorationi per offensam prælitam, poterit condigne satisfacere. Contra vero creatura nihil utilitatis potest Deo conferre; Unde non potest offensæ divina
nisi

nisi per satisfactionem pariter divinam compensari.

QUÆSTIO V.

Utrum Gratiæ sit essentialiter incompatibilis cum mortali?

I. **V**ariant in hac questione, ac deducunt Theologi. Aliqui cum Lorca p. 1. disp. 40. putant, gratiam de facto coexistere cum mortali pro primo tantum instanti. Hanc tamen singularem Lorca sententiam alii absurdam, alii temerariam appellant; est enim in contrarium communior Theologorum sententia docens ex Tridentino, gratiam de facto esse peccati absterivam, atque adeo cum peccato impossibilem. Dubitatur itaque solum, Utrum impossibilitatis gratiæ cum peccato in præsentis ordine sit essentialis, ut docent communius cum Vasquez p. 2. disput. 104. An solum naturalis, & physica; unde de potentia absoluta possit peccatum cum gratia conjungi, non secus ac calor cum frigore, ut docent Suarez lib. 7. cap. 10. Ovid. tract. 3. contr. 4. p. 3. Ripal. cum Thomistis: An vero sit impossibilitas tantum moralis propter gratiæ excellentiam, ut docent Less. Sal. apud Ovid. quatenus dedecet gratiam cum peccato conjungi, sicut dedecet homicidam v. g. assumi ad sacerdotium; An demum impossibilitas ista proveniat non ex natura gratiæ, sed ex lege extrinseca Dei, decernentis ad præsentiam gratiæ remittere peccatum, ut docent Scotistæ, & Nominales?

II. Dico equidem primo: Gratiæ præsentis ordinis essentialiter, & ex intrinsicis suis prædicatis esse incompatibilis cum peccato gravi habituali. Dixi, cum peccato gravi, quia de fide est, non esse impossibilem cum peccato levi; Dixi etiam, cum peccato habituali, ut præciderem ab ea questione, an peccatum remitti possit pro instanti, quo fit: si enim remitti non potest, est pariter cum eo impossibile; si vero possit remitti, adhuc communius docent, esse impossibilem, quia gratia præsentis ordinis est externa Dei promissio de amando amicabilem hominem, quousque peccet, seu nisi peccet; quare si actu peccat, non purificatur conditio, & sic non confertur gratia. Præterquam quod in præsentis ordine non remittitur peccatum, nisi retrahatur; ergo non confertur gratia, nec

promittitur amor amicabilei ei, qui actu peccat. Non desunt tamen, qui doceant adhuc per gratiam præsentis ordinis, impossibilem cum peccato habituali, remitti divinitus posse peccatum in instanti quo fit, ut proinde gratia præsentis ordinis componi possit cum peccato gravi actuali, ut dicemus in prima disputatione de Justitia, & Jure, & in 3. Disputatione de Pœnitentia, inquirentes, Num possit remitti peccatum in instanti quo fit?

Probatum Conclusio: Gratiæ præsentis ordinis ex intrinsicis suis est veluti externa Dei promissio de amando amicabilem hominem, & de conferendo illi vitam æternam; atque adeo est essentialiter forma amicitie, & adoptionis præbens homini jus ad amorem Dei amicabilem, & ad vitam æternam; atque tale jus est essentialiter impossibile cum mortali habituali, seu cum reatu ad odium inimicitie, & ad pœnam æternam; ergo gratia præsentis ordinis est essentialiter impossibile cum mortali habituali. Major, in qua est aliqua difficultas, fuisse explicabitur questione sequenti, ubi ostendemus, quod si gratia non esset hujusmodi externa Dei promissio, non esset unica causa formalis nostræ justificationis, contra Tridentinum. Minor patet, quia reatus ad subeundum Dei odium, & vindictam, est jus, seu potestas in Deo odio habendi, & puniendi hominem; sed repugnat, in Deo esse tale jus in sensu composito promissionis eidem homini factæ de amando amicabilem, & de conferendo vitam æternam; ergo reatus odii, & vindictæ proprius peccati gravis habitualis est impossibile cum jure ad amorem amicabilem, & ad vitam æternam.

III. Dico secundo: gratia habitualis, in quantum est pura, & specialis participatio naturæ divinæ, seu naturæ supernaturalis (prout explicavimus quæst. 1.) potest divinitus in alio ordine componi cum mortali. Ita Ripal. disp. 74.

Prob. Gratiæ secundum quod est participatio divinæ naturæ specialissima, solum habet esse naturæ supernaturalis, radix potentiarum, & actuum supernaturalium, quibus possimus assequi Visionem Dei indebitam; necnon disponit ad omnia opera honesta, prout diximus quæst. 1. atque gratia secundum hæc prædicata non opponitur cum mortali: ergo gratia secundum quod est specialis participatio divinæ naturæ, potest in alio ordine componi cum mortali, seu cum reatu odii Divini, ac pœnæ æ-

ternæ. Probatur minor: Gratia secundum quod est natura supernaturalis, & radix omnis supernaturalitatis disponens ad opera honesta, non est formaliter amicitia, & adoptio Dei, seu jus ad amorem amicabilem, & ad vitam æternam; ergo non opponitur cum mortali, quod fere reatum odii Divini, & pœnæ æternæ. Gratia enim secundum se, ut dicemus questione sequenti, non est jus ad amorem amicabilem præcisa Dei promissione, a qua essentialiter pendeat; Unde gratia solum præsentis ordinis est essentialiter Dei amicitia, & adoptio, atque adeo impossibilis cum peccato habituali.

Confirm. 1. quia in pura natura homo dispositus ad beatitudinem naturalem, & ad opera omnia naturalia honesta, stante eadem intrinseca dispositione, & manente in Deo eadem voluntate conferendi auxilia naturalia ad bene operandum, potest in sensu composito peccare, & contrahere reatum odii Divini, ac pœnæ æternæ; ergo etiam homo elevatus, & dispositus ad beatitudinem supernaturalem, & ad opera omnia etiam supernaturalia honesta, stante eadem dispositione intrinseca, & manente in Deo eadem voluntate conferendi auxilia supernaturalia, potest similiter peccare; ergo gratia in quantum est natura supernaturalis, & radix omnis supernaturalitatis, non est essentialiter impossibilis cum peccato.

Confirm. 2. De facto peccator & respicit finem supernaturalem, & per habitus infusus fidei, ac spei supernaturalis, quos sæpe retinet, tanquam per potentias supernaturales potest se disponere ad finem supernaturalem; ergo gratia quamvis sit natura supernaturalis, & prima radix supernaturalitatis, poterit divinitus cum peccato conjungi.

IV. Neque dicas, hominem per participationem Divinæ naturæ constitui formaliter Dei adoptivum, atque adeo amicum, & hæredem; sed præcise per gratiam, in quantum gratia est radix supernaturalitatis, participat homo Divinam naturam, ut diximus quest. 2. ergo præcise per gratiam, in quantum gratiam, est formaliter Dei adoptivus, & amicus; atque adeo gratia, in quantum gratia, est formaliter Dei amicitia, impossibilis cum peccato.

Nam contra est, quia quamvis homo per gratiam, in quantum gratiam, participet naturam Divinam per hoc, quod fiat dispositus ad operationes supernaturales, quibus

mercatur Dei Visionem, nihilominus viget, in quantum gratia, exigit solum promissionem amoris amicabilem, & vitæ æternæ, adeo ut independentem ab hac promissione non habeat formaliter, sed solum exigitive jus ad amorem Dei, & ad hæreditatem, ut explicabimus questione sequenti; ergo independentem ab hac promissione, a qua essentialiter pendet gratia præsentis ordinis, gratia, in quantum gratia, non est impossibilis cum peccato.

V. Objic. 1. ex Suar. contra primam Conclusionem. In tantum gratia præsentis ordinis fert impossibilitatem cum mortali, quia est forma amicitiae, seu jus ad amorem Dei amicabilem; atqui gratia præsentis ordinis est solum exigitive jus ad amorem Dei amicabilem, non vero formaliter; ergo non est impossibilis cum peccato. Consequentia sequitur; quia sicut calor, qui non est formaliter, fert exigitive expulsio frigoris, potest divinitus cum frigore coexistere per hoc, quod Deus non secundet exigentiam caloris: ita gratia, si esset solum exigitive jus ad amorem, & expulsio peccati, quod fert reatum odii, posset divinitus coexistere cum peccato. Probatur itaque minor: In tantum gratia præsentis ordinis dicitur esse formaliter, non exigitive jus ad amorem, quia ex Trid. est causa formalis nostræ justificationis, & amicitiae cum Deo: atqui stat bene, quod sit causa formalis talis amicitiae, etiam solum exigat, & non sit formaliter jus ad amorem Dei amicabilem; ergo. Probatur hæc minor: Nam universim effectus secundarius exigitur ab aliqua forma dicitur formaliter præstari a forma illum exigente: e. g. expulsio frigoris dicitur formaliter causari a calore, qui solum exigit expulsioem frigoris; ergo etiam gratia bene dicitur causa formalis amicitiae cum Deo per hoc, quod sit natura supernaturalis exigens jus ad talem amorem.

Neque dicas, quod si gratia præsentis ordinis esset solum exigitive amicitia cum Deo, requireretur favor Dei extrinsecus, atque adeo nova forma, quæ tribueret homini denominationem amici; unde non esset unica causa formalis nostræ justificationis, contra Tridentinum. Nam contra est primo, quia Tridentinum damnat solum Hæreticos dicentes cum Bucero, & Pighio apud Belli lib. 2. de justificatione cap. 1. remissionem peccati haberi per solum favorem Dei extrinsecum, & per iustitiam Christi ex Dei favore nobis imputatam;

non

non damnat autem eos, qui gratiae intrinsicè aliquem favorem Dei extrinsecum admittunt. Contra secundo, quia quoties aliqua forma exigit aliquem terminum, non requiritur novus favor, ut talis terminus inducatur; v. g. quia calor exigit expellere frigus, & gratia exigit vitam aeternam, haec habentur sine novo favore, cum sint exigitæ, ac debita; quando enim ponitur quod debetur, non ponitur favor, quippe qui sonat liberalitatem; ergo si gratia exigit jus ad amorem, adhuc dicitur justificare formaliter absque novo favore, etiam si non sit formaliter jus ad talem amorem, sed solum exigitive, & radicaliter.

Resp. nego min. Ad probationem nego pariter min. Ad cujus probationem dico; manifestum esse, quod effectus formalis secundarius exigitur ab aliqua forma non praestetur ab eadem forma formaliter, sed exigitive; v. gr. expulsio frigoris a calore non causatur nisi exigitive, quod sonat, calorem exigere connaturaliter aliam formam, a qua denominatur formaliter frigus expulsus; quæ forma est suspensio Divini concursus ad frigus conservandum. In casu nostro ex Tridentino, in presenti ordine unica est causa formalis justificationis, quæ simul dat jus ad amorem Dei, & hereditatem, & simul est expulsiva peccati; ergo ex Tridentino uterque effectus habetur formaliter a gratia presentis ordinis; quæ proinde non est exigitive, sed formaliter jus ad amorem: hoc autem accidere non posset, nisi gratia esset externa Dei promissio de dando amore amicali, ut explicabimus quæst. sequenti; ergo gratia presentis ordinis, in quantum est hujusmodi promissio, est formaliter expulsiva peccati, atque adeo impossibilis cum mortali habituali.

Ad id, quod additur, concedo Tridentinum non damnare has opiniones, requirentes præter gratiam intrinsicam aliquem favorem extrinsecum ad remissionem peccati: dico tamen, melius salvari verba Concilii in nostra sententia, quod scilicet formaliter a gratia presentis ordinis tollatur peccatum; quatenus essentialiter pendet ab ea Divina promissione: Sicut enim actus Fidei v. gr. de existentia Incarnationis est essentialiter verus, atque adeo impossibilis cum non existentia Incarnationis, quia essentialiter pendet a Divina revelatione de Incarnatione; ita gratia presentis ordinis est impossibilis cum reatu odii,

quia essentialiter pendet a Divina promissione collativa juris ad amorem.

VI. Hunc sequitur, quod licet gratia, quatenus gratia est, sit essentialiter participatio naturæ Divinæ, atque adeo Dei adoptio, nisi subiectum sit incapax talis denominationis, ut est incapax Christus Dominus; nihilominus exigitive solum est amicitia, seu jus ad amorem Dei amicabilem, & ad hereditatem; atque adeo exigitive, non formaliter est expulsio peccati, ut calor est expulsio frigoris: quia scilicet gratia secundum se exigit solum pendere ab ea Divina promissione, exigentia divinitus frustrabili. Contra vero gratia presentis ordinis est formaliter jus ad amorem, & expulsio peccati; non secus ac amor est formaliter, & essentialiter expulsio odii; quia scilicet essentialiter pendet ab ea promissione. Propterea 1. Jo. 3. dicitur: *Omnis, qui natus est ex Deo, peccatum non facit, nec potest peccare, quoniam ex Deo natus est*; quod intelligendum est de potentia simulatis; unde etiam sequitur, gratiam secundum se esse participationem Divinæ naturæ physice sumptæ per hoc, quod ordinet hominem ad Deum videndum; gratiam vero presentis ordinis participare Divinam naturam etiam ethice per hoc, quod reddat hominem impossibilem cum mortali, sicut est Deus.

VII. Objic. 1. Privatio gratiæ est pena peccati; ergo expulsio gratiæ non consequitur ad peccatum essentialiter, neque ex natura rei; ergo peccatum, & gratia non sunt impossibilia. Antecedens supponitur, quia peccatum destruit gratiam demeritorie, quatenus qui peccat demeretur Dei amicitiam. Prima consequentia probatur: quod consequitur ad aliquem actum ex natura rei, non potest esse pena, aut præmium illius: hac enim de causa habitus vitiosus non est pena, quia naturaliter consequitur ad actus vitiosos; sique multo magis est verum, si consequatur essentialiter, ut in casu nostro essentialiter ad peccatum dicitur consequi privatio gratiæ: quare si gratiæ privatio est peccati pena, non consequitur ad peccatum essentialiter, sed solum demeritorie.

Confirm. 1. pena, & præmium debent posse prudenter a legislatore imponi; ergo non debent consequi ex natura rei, & essentialiter: ergo privatio gratiæ, quæ est pena peccati, non consequitur essentialiter.

Confirm. 2. potest Deus penam debitam reme-

remittere; ergo debet posse impedire, ne ad peccatum consequatur privatio gratiæ.

Confirm. 3. infligere penam est exercitium iustitiæ vindicativæ; exercitium autem cuiuscumque virtutis debet esse liberum; ergo debet esse liberum Deo tollere, vel conservare gratiam post peccatum.

Confirm. ult. gratia, & peccatum non opponuntur contradicторie, ut lux, & tenebræ, sed contrarie; ita ut possit homo carere gratia simul, & peccato: quæ autem opponuntur contrarie, possunt divinitus componi; ergo potest componi gratia præsentis ordinis cum gratia culpa habituali.

Resp. duplicem distingui penam a D. Tho. in 2. dist. 27. art. 5. alteram comitantem, quæ scilicet ex natura rei consequitur, ut est conscientie remorsus; alteram inflictam, quæ scilicet libere a Legislatore imponitur. Hinc privatio gratiæ, quæ essentialiter ad peccatum consequitur, dicenda est pœna comitans, non inflicta; in quo sensu habitus vitiosus ab Aug. lib. 1. ad Simplicianum vocatur pœna frequentatorum actuum, quamvis ad illos naturaliter consequatur; In hoc autem distinguitur pœna inflicta a comitante, quod illa tantum demeritorie causetur ab actu; hæc vero tum demeritorie, tum physice.

Ad primam confirm. Legislator potest prudenter communari, seu denunciare penam comitantem; imponere tamen non potest nisi penam inflictam: unde privationem gratiæ potest Deus in præsentis providentia communari, non tamen libere infligere.

Ad secundam: potest Iudex remittere solum penam inflictam, non vero comitantem.

Ad tertiam: exercitium virtutis vindicativæ satis est, si sit liberum in causa; sicut enim ad actus supernaturales consequitur vita æterna ex exercitio Divinæ misericordiæ in causa, quatenus misericorditer voluit Deus promittere vitam æternam bonis operibus; ita privando peccatores gratia, exercet libere iustitiam vindicativam in causa, quatenus libere voluit peccatum permittere, cui deberetur gratiæ privatio, quam deinde in penam libere conservat quoad liberitatem.

Ad ultimam. Gratia, & peccatum non opponuntur contradicторie, seu privative, ut lux, & tenebræ, neque contrarie, ut calor, & frigus, sed æquivalenter contradicторie, sicut assensus, & dissensus; adeo ut

sicut potest intellectus carere utroque hoc actu, non tamen habere utrumque; ita possit homo carere gratia, & peccato, non tamen habere utrumque.

VIII. Obijc. 3. ex Ripal. disp. ult. sect. 16. majus bonum est remissio peccati, quam gratia; ergo non potest gratia esse de se essentialiter defectiva peccati, cum non possit bonum majus contineri in inferiori. Antecedens probatur, quia condonare peccatum fert tollere malum, quod est ordinis supremi, & Divini; ergo fert bonum ordinis pariter supremi, & Divini; carentia enim mali est bonum negativum, quod reponitur in eo ordine, in quo est malum; atqui gratia non est in ordine supremo, & Divino: ergo non est tantum bonum gratia, quantum est remissio peccati. Hinc communius docent, posse iustum mereri de condigno innocentem gratiam, non vero peccatori remissionem peccati.

Resp. 1. posse bonum minus exigere bonum præstantius, quamvis non possit illud adæquate præcontinere: Quare sicut potest v. g. potentia passiva naturalis exigere potentiam activam naturalem; ita poterit gratia, quatenus est juxta ad amorem amabilem, exigere extinctionem reatus odii, quam est quid præstantius ipsa gratia.

Resp. 2. cum Epar. quest. 9. ad 4. distinguo antecedens: majus bonum est remissio peccati, quam gratia entitative sumpta, nego; in ratione ardui, ac difficili, concedo antecedens, & nego consequentiam. Sic potentia viviva entitative sumpta non est quid majus expulsionem cæcitatatis, quandoquidem ipsa formaliter cæcitatem expellit; sed in ratione ardui est bonum præstantius expulsio cæcitatatis, quam potentia viviva: quatenus naturaliter non potest tolli cæcitas a cæco, potest tamen naturaliter conferri potentia viviva Embryoni. Idem dicas de resurrectione mortui, quæ est quid præstantius vita, non quidem entitative; sed in ratione ardui, propter impedimentum naturaliter insuperabile. Idem ergo dicas de remissione peccati, quæ est quid præstantius gratia solum in ratione ardui: Propterea quamvis possit ex meritis iusti conferri in præmium gratia innocenti, non tamen peccatori, ut docent communius.

IX. Obijc. ult. contra secundam Conclusionem. Ad adoptionem consequitur, tanquam proprietates metaphysica, jus ad amorem Dei amabilem, & hereditatem; ergo non potest dari gratia, quæ sit formaliter adoptio, & non sit amicitia cum jure ad hæredi-

redicatè; unde sit etiam impossibilis cum peccato; ergo secunda Conclusio non subsistit.

Confirm. quia aliter data hac gratia divinitus conjuncta cum peccato, Deus conservaret peccatum miraculose; non secus ac miraculose conservaret calorem ut oëto simul cum frigore ut oëto; atque adeo Deus non mere permitteret peccatum, sed conservaret illud; unde esset causa, & auctor peccati.

Resp. 1. nego universaliter antecedens. Nam in humanis potest etiam dari filiatione naturalis cum inimicitia filii cum Patre, & sine jure hæreditatis, si scilicet filius peccet graviter adversus Patrem; ergo a fortiori poterit filius adoptivus esse inimicus cum adoptione.

Resp. 2. adoptionem Divinam posse sumi large pro participatione speciali Divinæ naturæ, ratione cujus homo dicitur filius Dei, adeoque connaturaliter exigens jus ad hæreditatem; & posse sumi stricte pro participatione speciali Divinæ naturæ, quæ simul dicat ius ad hæreditatem, ortum ex promissione Divina, qua Deus se obligat dare alicui suum amorem, & vitam æternam, ut mox dicemus questione sequenti. Hoc posito: Ad adoptionem Divinam primo modo sumptam consequitur amicitia, & jus ad hæreditatem, tanquam proprietates physica, & separabilis; Ad adoptionem secundo modo sumptam consequitur tanquam proprietates metaphysica, & inseparabilis. In præsentî ordine adoptio Divina est stricte dicta, quia verba Conciliorum sumi debent in sensu proprio, & rigoroso, nisi quid obstat; & ideo gratia præsentis ordinis est inseparabilis ab amicitia Divina, atque adeo impossibilis cum peccato.

Ad confirm. Deus in hoc casu contra exigentiam gratiæ non remitteret peccatum; per hoc autem quod non remitteret, non diceretur esse auctor, & causa peccati; sicut enim de facto Deus non est causa peccati habitualis per hoc, quod nolit illud remittere; ita neque esset tunc causa peccati per hoc, quod nollet illud remittere frustrando gratiæ exigentiam. In tantum miraculose Deus conservaret calorem ut oëto, & frigus ut oëto, ita ut esset causa particularis conservans utrumque, quia utraque qualitas est ens positivum, cujus Deus est causa, & auctor; unde quando utraque ista qualitas conservatur miraculose, utriusque Deus est causa particularis, & non mere causa prima universalis secundans rerum exigentias: At relate ad peccatum Deus nullo modo est causa (etiam si physice concurrat ad

ejus productionem, & reatus odii refulset per hoc, quod Deus nolit illud condonare) ergo per hoc quod nolit illud condonare contra exigentiam gratiæ, non per hoc erit ullo pacto illius causa: Sicut in humanis non dicitur causa reatus ad carcerem fubeundum in latrone v. gr. Judex, qui non vult illi pœnam debitam remittere, etiam si preces aliorum moraliter exigent hujusmodi remissionem.

QUÆSTIO VI.

Utrum independenter ab extrinseco Dei
Favore Gratia reddat hominem ju-
stum, Dei adoptivum,
& Hæredem?

I. Ceterum est ex Tridentino, gratiam hæc omnia prædicata homini tribuere; etenim sess. 6. cap. 6. præmissa definitione justificationis, subdit: Unde homo ex injusto fit justus, & ex inimico amicus, ut sit hæres secundum spem vite æternæ. Dubitatur tamen primo, Utrum gratia reddat hominem amicum, & filium ex extrinseco favore Dei volentis illum acceptare in amicum, & filium, ut docent Nominales, & Scotistæ; An ex natura sua, ita ut essentialiter sit amicus, & filius, posita gratia? Secundo, Quonam pacto possit homo dici Dei amicus, cum amicitia sit inter æquales? Tertio, quomodo dicatur adoptivus, si adoptio inter homines fert jus ad hæreditatem, ortum ex contractu, fide data; adoptio vero Divina fundatur in entitate physica gratiæ, quæ non potest obligare Deum ad dandam homini hæreditatem: esto possit exigere hujusmodi obligationem, & promissionem. Ad has difficultates evacuandas

II. Suppono 1. amicitiam consistere in mutuo duorum jure ad amorem gratuitum, permanentem, & manifestum, resultantem ex promissione saltem implicita, & interpretativa utrinque data, & accepta talis amoris. Ita Philosophus 8. Eth. 1. Ratio est, quia violator amicitia dicitur infidelis, & fœdistragus; ergo supponitur juss promissarii in utroque: propterea dici solet: Frangenti fidem fides frangatur eidem, quia supponitur fides data; & sicut inter populos amicitia publica per fœdus publicum conciliatur, ita privata per privatam sponsonem; aliter non esset ratio, cur rescindi non possit citra injuriam.

Neque dicas 1. amicitiam consistere in mutuo amore vel actuali, vel habituali duo-
rum.

rum, absque mutuo jure, & obligatione amandi. Ratio autem cur sine injuria non possit amicus ab amore cessare, est, quia amor ipse est quidam sui donatio, quæ non potest citra injuriam revocari. Nam contra est; quia amor mutuus vel est donatio, qua amans obligatur ad perseverandum in amore; & jam habetur jus mutuum ad amorem amicabilem, in quo diximus consistere amicitiam: vel non fert obligationem perseverandi in amore, & sic sine injuria possit amicus desistere ab amore, quod nemo dixerit. Et sane amicitia sæpe habetur absque ullo amore, ut inter Patrem, & infantem, inter Deum, & puerum baptizatum; ergo amicitia unice consistit in jure mutuo ad amorem.

Neque dicas 1. sæpe dari v. g. inter fratres obligationem mutui amoris ortam ab ipsa natura, conjunctam cum inimicitia; ergo amicitia non consistit in mutua obligatione amoris. Nam contra est, quia obligatio amandi inter fratres orta ex mutua promissione vel formali, vel interpretativa, in qua diximus consistere amicitiam, tollitur per hoc, quod alter a sua obligatione deficiat; Unde si alter frater odio habeat alterum, amicitia rescinditur.

Neque dicas 3. posse duos a Superiore obligari ad mutuum amorem, quin tamen sint amici; ergo amicitia non habetur per mutuum obligationem ad amorem. Nam diximus, jus mutui amoris constitutum amicitia debere oriri a mutua promissione, saltem implicita, & interpretativa, non vero ab extrinseco, ut in casu adducto. Hinc infantes per gratiam sunt Dei amici, quia obligantur a natura ad Deum amandum, & simul interpretative obligantur a promissione talis amoris.

Neque dicas ultimo, inimicitiam non consistere in mutuo jure ad odium, sed in odio mutuo; ergo pariter amicitia non consistit in mutuo jure ad amorem, sed in amore mutuo. Nam concilio antecedente, negatur consequentia. Sicut enim fœdus initur per mutuam jus populorum, non vero bellum; alter bellum claret utrinque justum, si oritur ex mutuo jure ad bellandum; ita amicitia privata oritur a mutuo jure ad amorem, inimicitia vero non oritur ex jure odio habendi, quia sic inimicitia esset justa.

III. Suppono 2. possibilem esse amicitiam cum Deo, ut constat ex Script. Joan. enim 15. habetur: *Nen dicam vos servos, sed amicos*; & ex Trident. Et ratio est, quia

potest utrinque dari jus mutuum, & mutua obligatio ad amorem, in Deo scilicet orta ex promissione liberali, in homine vero ex sua natura, qua ad id obligatur, acque adeo ex promissione interpretativa. Et quamvis Philosophus 8. Ethic. 7. videtur requirere ad rationem amicitie æqualitatem inter amantes, loquitur tamen Philosophus de amicitia socialitatis, quæ est inter homines, non de amicitia dignationis supereminentiæ, seu excellentiæ, quæ intercedere potest inter Deum, & creaturam, quoties creatura per excellentiam gratiæ, & participationem naturæ Divinæ reponitur in gradu excellentissimo, ac Divino, & sic cum aliqua æqualitate cum ipso Deo ex ejus dignatione. Præterquamquod datur aliqua æqualitas etiam inter amores, non quidem arithmetica, sed geometrica, & proportionis, quatenus creatura amat Deum, quantum potest pro viribus suis, & Deus amat creaturam quantum ejus meritum exigit, seu quantum ipse ex dignatione suæ benignitatis debet.

IV. Suppono ult. non posse dari secundum se adoptionem rigorosam sine amicitia; nam eo ipso ac quis adoptat aliquem, obligat se ad dandum illi hæreditatem, atque adeo ad amandum: velle enim bonum, nempe hæreditatem, est amare; Ex altera parte adoptatus acceptando adoptionem obligatur ad redamandum, unde adoptio seculum fert amicitiam; Propterea Concilium Francofordiense de hinc adoptionem dicit: *Quid est adoptio, nisi charitatis copulatio, qua Pater adoptione sibi copulas quem per generationem non habet*.

V. Hinc fit 1. quod quia amicitia fert jus mutuum ortum ex mutua fide, ac promissione amoris, idcirco adoptio divina, quæ in præsentem ordinem est rigorosa adoptio, ac propterea ab amicitia scijungi nequit, fert mutuam obligationem amoris ortam ex fide data. Fit secundo, quod adoptionis forma, quæcumque illa sit, ferre debeat jus ad hæreditatem ortum ex promissione liberali; cum ad adoptionem spectet, quod nequeat citra infidelitatem negari hæreditas. Fit tertio, quod Deus acceptando creaturam, adoptione strictè dicta per gratiam suam, debeat a suamet promissione aliquo modo obligari ad dandum hæreditatem; si enim a gratia infusæ creaturæ solum conaturaliter exigetur hæreditas, cum Deus non teneatur secundare naturales rerum exigentias, non obligaretur ad conferendam justam hæreditatem; quod

quod est contra conceptum adoptionis. His præmissis

VI. Dico 1. Gratia præsentis ordinis, independentem a quolibet favore Dei extrinseco, ex natura sua, & essentialiter reddit hominem Dei adoptivum, amicum, heredem, justum; Ita communiter cum Espar. quæst. 9. contra Scoctas, ac Nominales cum Rival. disp. ult. scd. 19. ubi docet, gratiam præstare denominationem amici solum in actu primo, eo quod ad denominationem amici in actu secundo requiratur Dei favor tollens inimicitiam, seu peccatum, quippe quod non excluditur essentialiter, sed tantum connaturaliter a gratia, ut calor a frigore.

Probat. Ex Tridentino, unica est causa formalis nostræ justificationis, videlicet justitia inhærens, præstans omnes enumeratos effectus formales; atqui si ad has denominationes requireretur, præter gratiam intrinsecam, favor Dei extrinsecus, causa formalis horum effectuum non esset unica, nempe justitia inhærens, sed esset etiam voluntas Dei favens, ut diximus questione præcedenti; ergo præcisio favore Dei extrinseco habentur a gratia præsentis ordinis effectus formales enumerati.

VII. Dico 2. Ut gratia inhærens præsentis ordinis præstet hos effectus formales essentialiter, dicendum, non solum habere rationem gratiæ, seu naturæ supernaturalis per hoc, quod exigat potentias supernaturales disponentes ad Dei visionem, sed etiam esse veluti externam Dei promissionem, qua Deus obligat se ad amandum justum, & ad dandum illi gloriam, nisi velit amicitiam rescindere, & gratiam amittere per peccatum.

Prob. Ad hoc ut habeatur amicitia, & adoptio strictè dicta, requiritur jus ad amorem, & ad hereditatem, ortum ex promissione, seu donatione liberali; atqui nisi constitutur gratia præsentis ordinis essentialiter connexa cum hac Dei promissione, & ab ea essentialiter dependens, tanquam externa promissio, non haberetur tale jus; ergo ad habendos hujusmodi effectus formales a gratia inhærente, dicendum, eam esse veluti externam Dei promissionem.

Ut hoc intelligatur, sciendum, aliquos putare, quod decreta libera Dei compleantur ab aliquo extrinseco complemento; & juxta hanc sententiam dicunt, gratiam præsentis ordinis esse complementum divinæ promissionis de dando suo amore, & hære-

ditate. Huic ego sententiæ non subscribo, tum quia puto, decreta libera non indigere aliquo extrinseco complemento, tum etiam quia si indigerent complemento, gratia, quæ est hujusmodi complementum, non ratione sui, & quidditative, sed ratione promissionis divinæ, quam completeret, adeoque connexive præstaret suos effectus, non secus ac præstatur a gratia extrinseca. Quare dico, gratiam præsentis ordinis essentialiter pendere ab ea promissione, non secus ac actus fidei essentialiter pendet a divina revelatione; & idcirco gratia præsentis ordinis est veluti externa Dei promissio conferens jus ad amorem, & hereditatem; ubi e contra Gratia secundum se, & in alio ordine est solum exigativa talis promissionis, & ideo divinitus compossibilis cum peccato.

VIII. Ad hoc altius explicandum fingamus, possibile esse duplex genus actuum vitalium, alterum exigentium pendere a potentia vitali per actionem distinctam; alterum essentialiter dependentium a potentia vitali per actionem identificatam. In hoc casu primum genus actuum vitalium posset divinitus esse sine potentia vitali, & poni v. gr. in lapide, quem denominarent habentem actum vitalem, sed non vitaliter operantem: contra vero secundum genus actuum. Ita dicimus in casu nostro: si fingamus possibile duplex genus gratiæ, alterum exigentis tantum pendere ab ea divina promissione, alterum gratiæ essentialiter dependentis ab illa; in tali casu gratia primi generis non conferret essentialiter, & formaliter, sed solum exigitive jus ad amorem Dei amicabilem, secus vero gratia secundi generis; & hanc dicimus dari in præsentem ordine. Hoc etiam docent qui in de Incarnatione sistent, quod unio hypostatica secundum se sit compossibilis cum potentia ad peccandum peccato destructivo unionis; secus vero unio hypostatica præsentis ordinis, quia scilicet Unio secundum se exigit tantum dependere a decreto libero de dandis semper auxiliis efficacibus Humanitati assumptæ; Unio vero præsentis ordinis essentialiter ab hoc decreto dependet. Hoc pariter docent qui in de Fide sistent, miraculum secundum se posse patrarî in confirmationem erroris, secus vero in præsentem providentia; quia scilicet miraculum in præsentem providentia est essentialiter externa Dei locutio pendens a Deo revelante doctrinam, quam comprobatur; miraculum vero secundum se

exigit tantum a tali revelatione pendere. Quare sicut locutio externa facta v. gr. ab Angelo est signum externum essentialiter pendens a locutione interna; ita gratia præsentis ordinis essentialiter pendet a divina promissione, & idcirco essentialiter confert jus ad amorem, & est impossibilis cum peccato. His explicatis

IX. Prob. iterum conclusio. Possibilis est gratia, quæ independenter ab extrinsecus Dei favore præstet formaliter suos effectus, per hoc scilicet, quod sit veluti externa Dei promissio; ergo de facto hujusmodi est gratia præsentis ordinis. Antecedens patet solutione argumentorum; consequentia probatur, quia aliter non esset unica causa formalis nostræ justificationis, ut ostendimus.

Confirm. ex Scripturis. Nam ad Eph. 1. Gratia dicitur esse signum, quo signantur credentes; & secunda ad Corinth. 1. dicitur: *Unxit nos, & signavit, & dedit pignus Spiritus in cordibus nostris*; ergo gratia præsentis ordinis, cum sit unctio, signaculum, & pignus, essentialiter dependet a Dei promissione, tanquam externa promissio, & signum promissionis interne; eo modo, quo verbum externum est signum locutionis interne, a qua dependet, nullum enim datur pignus certius promissione; & propterea D. Petrus loquens de gratia dixit: *Magna, & pretiosa nobis promissa donavit*, significans, gratiam præsentis ordinis ita esse participationem divinæ naturæ, ut simul sit pretiosum Dei promissum, non internum, ut patet, cum promissio Dei interna sit ipse actus divinus; sed externum, seu signum infallibile illius.

X. Objic. 1. Si gratia præsentis ordinis esset formaliter amicitia, seu jus ad amorem Dei amicabilem, per hoc, quod esset essentialiter pendens a divina promissione dando homini suum amorem, sequeretur, quod etiam calor v. gr. aut aliud ens naturale esset formalis amicitia cum Deo, si essentialiter penderet ab hac divina promissione; sequela est absurda; ergo & id, unde sequitur.

Resp. nego sequelam. Si enim calor v. gr. ponatur essentialiter pendere ab ea divina promissione, differret a gratia, quia calor illam promissionem non exigeret; secus vero gratia; & idcirco si calor eam promissionem supponat, essentialiter habet impossibilitatem cum peccato solum connexive, quatenus connectitur cum ea promissione, non quidditative; secus vero gra-

tia, quæ ex natura sua illam exigit: Sic actus fidei supernaturalis v. gr. quo quis credit se nunquam peccaturum, essentialiter opponitur cum peccato, solum connexive, non quidditative; & idcirco non est forma justificans, sicut est gratia.

XI. Objic. 2. Si gratia præsentis ordinis essentialiter dependet a promissione de danda homini gloria æterna, impossibile esset, hominem habentem hujusmodi gratiam annihilari; hoc autem esset contra Dei dominium, quod potest omnia uno nutu delere; ergo non potest gratia ita constitui.

Confirm. quia gratia ipsa esset essentialiter inannihilabilis; Nam propter gratiam præsentis ordinis homo esset inannihilabilis; ergo a fortiori ipsa gratia. Nam propter quod unumquodque tale, & illud magis.

Resp. dist. majorem; homo esset inannihilabilis ex suppositione gratiæ præsupponentis essentialiter Dei promissionem, concedo simpliciter, & absolute, nego majorem, & in eodem sensu minorem. Ad dominium Dei non spectat, quod possit annihilare hominem, posito, quod promiserit illum non annihilare, ut patet; atqui promissio de danda gloria in æternum facta Petro, nisi peccet, est æquivalenter promissio illum non annihilandi sub ea conditione; ergo posito, quod gratiam habeat, quæ est hujusmodi externa Dei promissio, non derogat divino dominio, quod non possit Petrum annihilare.

Ad confirm. Resp. 1. per instantiam. Si quis credat fide divina, quod nunquam sit destruendus, certe hic non poterit destrui ratione hujus actus fidei; ergo nec talis actus poterit destrui. Consequentia non tenet. Resp. 2. directe nego majorem; ad probationem concedo antecedens, nego consequentiam. Axioma illud, Propter quod &c. non militat in ratione, quia, sed in ratione, quæ, seu quando utrumque extremum est capax ejusdem denominationis; Sic propter vinum homo est ebrius; nec tamen vinum est ebrium; ergo propter gratiam, & actum fidei potest homo esse inannihilabilis, quin illa sint inannihilabilia.

XII. Objic. 3. Gratia præsentis ordinis exigit tantum gloriam connaturaliter, quin conferat jus infructibile ad gloriam; ergo non pendet essentialiter a promissione de danda gloria. Probatur antecedens, quia si gratia præter exigentiam naturalem gloriæ, conferret jus ad gloriam, ortum a Dei promissione, eo ipso decedenti cum gratia

deberetur gloria; atque adeo gloria esset debita; hoc autem videretur esse contra Apostolum dicentem: *Stipendium peccati mors, gratia autem vita aeterna*: Ubi mortem dicit debitam peccato, tanquam stipendium; vitam vero aeternam dicit esse gratiam, atque adeo indebitam; ergo.

Confirm. Deus ratione gratiae, quae est jus ad amorem amicabilem, necessario amaret hominem; sed repugnat forma, quae necessitat Deum ad amandam creaturam; ergo repugnat gratia sic constituta. Probat minor, quia ipse actus Charitatis, qui est forma tum physice, tum moraliter perfectissima, non necessitat Deum ad amandum amantem; aliter esset forma justificans, quod communiter negatur contra Vasq.; ergo a fortiori non necessitat Deum ad amorem amabilem gratia, quae est forma physice tantum perfectissima.

Resp. nego antecedens; ad probationem nego minorem. Vita enim aeterna est gratia, seu indebita tantum in radice, quia gratis datur gratia, cui debetur gloria: Quare decedenti in gratia vita aeterna debetur ex promissione divina; & ideo appellatur ab Apostolo *Corona justitiae*; & a Christo Domino dicitur esse *Mercis*; quia scilicet vita aeterna meritis debetur ex justitia, ratione divinae promissionis onerosae; ut ostendimus in de Justitia, & Jure, in quaestione illa celebri, Num possit Deus justitiam commutativam exercere erga Creaturas?

Ad confirm. posita gratia praesentis ordinis, quae est donatio externa amoris amicabilem, necessitat Deum ad amandum justum necessitate orta a suam donatione, non ab entitate creaturae gratiae. Concedimus itaque, nihil creatum secundum se spectatum cogere posse Deum ad amandam creaturam, ne ipsum quidem amorem Dei supernaturalem, ut infra dicemus; at poterit Deus ad id cogi, supposita donatione amoris, atque adeo supposita gratia, quae est donatio externa sui amoris.

XIII. Objic. ultimo. Gratia non debet esse amicitia strictae dictae; ergo nec debet ferre jus ad amorem amicabilem ortum ex Dei promissione, sed solum exigentiam conaturaliter divinitus frustrabilem. Probat antecedens; nam ad amicitiam strictae dictae requiritur ex Philosopho, quod amor amici fit manifestus; justus autem, & Dei amicus ignorat, odio ne, an amore dignus sit; infantes etiam Dei amici per gratiam ignorant Dei amorem; ergo.

Part. III.

Confirm. quia adoptio divina fert, hominem esse filium Dei, & a Deo natum; ergo non consistit proprie in jure promissarii ad gloriam, sed in gratia, quatenus participativa divinae naturae exigentis conaturaliter gloriam; ergo frustra recurrimus ad dependentiam essentialem gratiae praesentis ordinis a divina promissione.

Resp. gratiam debere dici amicitiam, & adoptionem in eo rigore, quem potest admittere; est autem possibile, quod ferat jus ad amorem, & ad gloriam, ortum ex fide data, & non meram exigentiam conaturaliter; ergo de facto gratia fert hujusmodi jus, & est amicitia, ac adoptio strictae dictae. Ad rationem in contrarium; amor amicabile tunc debet innotescere, quando provenit ex sponione explicita utrinque data; non vero quando provenit ex sponione interpretativa, quod accidit quando ex natura sua unus tenetur alterum diligere, ut homo Deum, frater fratrem. Adde, etiam in adulto dari aliquam subobscuram noticiam de Dei amore erga se; Scimus enim, quod Deus diligentes se diligit, & aliquatenus scimus, an nos Deum diligamus; aliter non apte Christus Dominus interrogasset suum Apostolum, *Pater amas me?* quavis certificari non possumus absque Dei revelatione, quod Deum amemus amore supernaturali.

Ad confirmationem. Adoptivus Dei praeferat jus ad hereditatem habet physice in se participationem divinae naturae; Unde bene etiam dicitur a Deo natus, & habere semen Dei in se, quod non competit adoptivo in humanis. Imo si quis sanctificaretur gratia extrinseca, adhuc diceretur a Deo natus, eo quod praeferat jus ad hereditatem, ortum ex promissione liberali adoptantis, (in quo consummatur adoptio humana, per quam nullatenus communicatur natura adoptantis) haberet in se moraliter, licet non physice, participationem divinae naturae, seu naturam supernaturalem, ac semen Dei, juxta locutionem D. Joannis.

XIV. Utrum autem in priori natura ad gratiae infusionem deleatur peccatum formaliter per applicationem satisfactionum Christi D. factam nobis in Sacramentis mortuorum sive in re, sive in voto susceptis? Discutiemus Deo dante in de Penitentia disp. 2. qu. ult. ostendemusque, quod licet gratia nobis physice inherens sit unica causa formalis nostrae justificationis, qua homo ex injusto redditur justus, & ex ini-

mico Dei amicus, adhuc tamen in priori ad gratiam formaliter deleatur peccatum per applicationem satisfactionum Christi; ratione quarum homo ex injusto fit non injustus, seu negative tantum, non positive iustus, prout in Concilio Tridentino acerrime propugnarunt nonnulli Patres, inter quos Cornelius Musfus Episcopus Bituntinus, teste Pallavicino lib. 8. cap. 4. & cap. 9. esto Tridentinum expresse id non definitur.

Q U Æ S T I O VII.

An Gratia Sanctificans realiter distinguatur ab habitu Charitatis?

I. Q U O D gratia distinguatur ab habitu fidei, & spei, certum est; quandoquidem gratia per quodvis mortale deperditur, habitus vero fidei non nisi per peccatum fidei oppositum, ex Trid. sess. 6. cap. 15. idemque communissime docent de habitu spei, quod scilicet non amittatur, nisi per peccatum spei oppositum, cum per spem homo, non secus ac per fidem, disponatur ad charitatem; quamvis in Conciliis hoc non reperiatur expresse, ut notat Martinon. disp. 43. sect. 6. Difficultas itaque solum est, Num gratia distinguatur ab habitu charitatis, a quo nunquam separatur? Et eadem difficultas procedit de reliquis habitibus virtutum moralium, a quibus pariter nunquam gratia separatur: eos tamen cum gratia infundi in baptismo, hic supponimus cum D. Thom. Suar. Vasq. & aliis communiter contra Scotum apud Maurum quæst. 24. & Anic. disputat. 29. sect. 7.

II. Unica Conclusio. Habitus Charitatis non solum ratione ratiocinata, sed etiam realiter distinguatur a gratia. Ita D. Th., Suar., Valen., Gran., & alii communiter contra Scotum, Manstrum disput. 7. quæst. 6. Duran., Alenssem, apud Suar. de gratia lib. 6. cap. 2.

Quod ratione ratiocinata distinguatur, patet contra Durandum; nam habitus Charitatis dat solum posse elicere actus charitatis, non secus ac habitus fidei dat posse elicere actus fidei, gratia vero dicit ulterius jus ad amorem amicabilem, & hereditarem. Quod vero distinguatur realiter, prob. 1. ex Trid. sess. 6. cap. 7. ubi docet, justificationem haberi per voluntariam susceptionem

Gratiae, & donorum, & infra explicat, hæc dona esse Fidem, Spem, Charitatem; ergo sicut arguit ex hoc textu distinctio Fidei, & Spei a gratia, ita etiam Charitatis. Neque dicas, distinguui fidem, & spem a gratia, quia ab illa separantur. Nam licet separabilitas sit signum distinctionis, inseparabilitas tamen non est signum identitatis: sic ignis a calore distinguitur, quamvis ab illo non separetur. Quare quod de facto habitus charitatis a gratia distinguatur, sufficienter colligitur ex textu laudato: Aliter protervere quis posset dicendo, fidem, & spem, præsentem gratia, non distinguui ab illa, conferri vero peccatori ex divina misericordia aliam Fidem, & Spem distinctam a gratia, quando per peccatum deperditur gratia identitatem cum omnibus virtutibus.

III. Probatur secundo ratione: Gratia est natura supernaturalis ut quo, exigens potentias supernaturales, non secus ac natura exigit potentias naturales; atqui quamvis non omnes potentie naturales distinguantur a natura; (c. gr. licet intellectus, & voluntas non distinguantur ab anima, sicut calor distinguitur ab igne) omnes tamen potentie supernaturales distinguuntur a natura supernaturali; ergo habitus charitatis distinguuntur a gratia. Probatur minor; distinguuntur a natura supernaturali habitus fidei, & spei; ergo etiam charitatis, & aliarum virtutum. Probatur hæc consequentia: Conceptus formalis fidei, & spei minus differt a conceptu formali charitatis, quam a conceptu gratie; ergo si fides, & spes distinguuntur a charitate, a fortiori charitas, & gratia distinguuntur inter se. Antecedens patet: effectus formalis spei v. gr. est reddere hominem potentem amare Deum, ut est bonum amanti; charitatis vero conceptus est reddere hominem potentem amare Deum, ut bonum in se; conceptus gratie est reddere hominem amabilem a Deo, & cum jure, ut ametur; quis igitur non videat, minus differe spem a charitate, quam ducit charitas a gratia?

Confirm. primo, quia in naturalibus sufficiens ratio ad asserendam distinctionem ignis a calore est, quia eodem modo est proprietas ignis calor, sicut est proprietas aquæ frigus; unde cum frigus distinguatur ab aqua, ut constat ex eorum separabilitate, sequitur, quod etiam ignis distinguatur a calore, quamvis nunquam a calore separatur; ergo in supernaturalibus sufficiens ratio conculis ad asserendam distinctionem ha-

habitus charitatis a Gratia, est, quia eodem modo est proprietas gratiæ habitus charitatis, ac habitus fidei, & spei; cum omnes habitus dentur, ut homo reddatur potens ponere actus supernaturales proprios cuiusque habitus; unde cum constet ex separabilitate, habitum fidei, & spei distingui a gratia, sequitur, quod etiam habitus charitatis a gratia distinguatur, quamvis ab eo numquam separatur.

Confirm. secundo ex Amico: Ideo in nobis præter gratiam habituales dantur habitus infusi fidei, & spei, ut actus supernaturales producantur connaturalius ex exigentia intrinseca talium habituum; ergo ideo præter habitus omnes infusos dari debet gratia distincta, ut habitus connaturalius existant ex exigentia naturæ supernaturalis: ergo gratia ab omnibus virtutibus infusis distinguitur.

IV. Obijc. primo. In Scripturis prædicata omnia, quæ tribuuntur gratiæ, tribuuntur etiam charitati: 1. Jo. 3. dicitur: *Videte, qualem charitatem dedit nobis Deus, ut filii Dei nominemur, &c. finis*: Ad Filiationem autem consequitur amicitia, jus ad hereditatem, impossibilitas cum peccato; ergo omnia prædicata gratiæ competunt charitati: unde ab ea non distinguitur.

Confirm. 1. ad Corinth. 15. dicitur: *Si charitatem non habuero, nihil sum*: quasi dicatur, deficiente charitate, deficere in homine totum esse supernaturale, atque adeo gratiam; hoc autem non esset verum, si charitas distinguereetur a gratia; ergo.

Respond. hæc eadem prædicata gratiæ tribui etiam sæpe in Scripturis ipsi actui charitatis: dicitur enim: *Qui diligit, ex Deo natus est*; Nec proinde Adversarii omnes docent, actum charitatis identificari cum gratia. Quare nomine charitatis sæpe venit charitas formalis, quatenus est potentia ad actus amoris, & sæpe venit charitas radicalis; ut nomine humilitatis, vel risibilitatis, quæ sunt proprietates, veniunt hæc radices harum proprietatum, & juxta hunc sensum tribuuntur charitati radicali omnia prædicata gratiæ.

Ad Confirmationem recurrit eadem responsio, quod scilicet Apostolus loquatur de charitate radicali, seu de gratia. Deinde etiam loqueretur de charitate formali, seu de habitu charitatis, adhuc est verum, quod sine charitate nihil sumus in ordine supernaturali, propter connexionem charitatis cum gratia; cum non possint naturaliter separari.

V. Obijc. secundo. Vel habitus charitatis est composibilis cum peccato, vel non: si est composibilis; ergo recedente per peccatum gratia, non deberet recedere habitus charitatis; sicut non recedit habitus fidei; & spei: Si vero dicatur imposibilis; ergo signum est, quod sit formalis amicitia cum Deo, atque adeo identificatus cum gratia.

Respond. gratiam, tamquam naturam supernaturalem, exigere naturaliter habitus omnes infusos, & præsertim charitatis, quamvis nonnulli putent, cum iis habitibus connecti ex intrinseca Dei ordinatione in præsentis providentia; non secus ac ignis exigit calorem: cum autem sola gratia sit participatio specialis divinæ naturæ, filiatio, & amicitia cum Deo, sequitur, quod si divinitus existeret habitus charitatis sine gratia, posset cum peccato componi. Quod autem de facto non componatur, ex eo oritur, quia recedente natura, nempe gratia, recedunt proprietates, seu habitus infusi, sicut recedente igne, recedit calor ut octo. In tantum habitus fidei, & spei non recedunt per peccatum, quia remanent, ut disponant ad reconciliationem, sicut, recedente igne, quamvis recedat calor ut octo, non recedit tamen omnis gradus caloris, sed remanet, quia deservit, ut disponat ad novam formam. Ex Conciliis, & Patribus fides, & spes inchoant statum vitæ supernaturalis, seu sunt initium, & fundamentum salutis, reliquæ virtutes eundem statum consummant; & ideo possunt habitus fidei, & spei stare sine gratia (sive id oriatur ex naturæ rationalium habituum, utpote disponentium ad justificationem, sive, ut alii opinantur, ex divina misericordia) non vero reliquæ virtutes. Verum, quod habitus, præsertim charitatis, a gratia distinguatur, videtur expresse colligi ex Tridentino sess. 6. can. 11. ubi habetur: *Si quis dixerit, hominem justificari sola peccatorum remissione, exclusa gratia, & charitate, &c. ece quomodo gratiam a charitate distinguit.*

QUÆSTIO VIII.

Num Actus, aut Habitus Charitatis possint formaliter?

I. V. Alseque p. 2. disp. 203. cum Martiano disput. 12. de Gratia, Turriano; & aliis docet, actum contritionis per-

perfectæ, & dilectionis Dei supernaturalis super omnia iustificare formaliter. Idemque Vasq. docet disp. 193. cap. 3. de habitu charitatis, si a gratia distinguatur. Fufle quæstionem hanc discutimus in de Penitentia disp. 4. q. 2. ar. 2. Interim paucis

II. Dico cum communi apud Suarium 1. 7. & 8. neque actum supernaturalem charitatis, neque habitum, si a gratia distinguatur, iustificare formaliter; quod etiam dici debet de visione beata; quicquid sit, in idem dicendum de Maternitate Dei, & de Unione hypostatica, quæ sunt formæ altioris ordinis.

Prob. ex dictis quæst. 6. Ad formalem iustificationem remissivam peccati, & redentem hominem Dei adoptivum, amicum, & hæredem, non satis est, quod forma exigat exigentia naturali amorem Dei amicabilem, & vitam æternam; sed præterea requiritur, quod talis forma essentialiter præsupponat, & pendeat a promissione Dei de dando suo amore, & hæreditate; atqui hæc essentialis dependentia solum competit ex Tridentino gratiæ sanctificantis, cum ea dicatur unica causa formalis nostræ iustificationis; & sine fundamento dicitur, quod competat actui, aut habitui charitatis, vel visioni beate; ergo actus, & habitus charitatis, & visio beata non sunt formæ iustificantes. Minor constat solutione argumentorum. Major patet ex dictis. Illa enim forma, quæ solum exigit connaturaliter Dei amorem, & hæreditatem, non est Dei amicitia, & adoptio strictæ dicta, de quarum ratione est jus infrustrabile ortum ex fide, & sponse data, sed est forma de se composibilis cum peccato, & pena æterna, eo quod possit Deus naturales rerum exigentias frustrare; ergo ut forma aliqua sit iustificans, reddatque hominem Dei amicum, adoptivum, & hæredem, requiritur, quod essentialiter pendeat a divina promissione de dando suo amore amabili, & hæreditate.

Confirm. quia passim Scripturæ, Concilia, Patres ostendunt, contritionem, & dilectionem Dei super omnia disponere tantum ad iustificationem, atque adeo non iustificare formaliter. Scripturæ enim testantur, iustificationem esse novam gratiam ultra contritionem. Jerem. cap. 3. dicitur: *Convertimini ad me, & sanabo vos*. Ubi Suar. notat, sermonem esse de conversione perfectæ ex toto corde. Fulgentius hæc habet: *Sicut per iustitiam Deus damnat aversum, ita per misericordiam salvat conversum*;

quare conversioni additur iustificatio ex nova gratia, itaut ne exigatur quidem. Visio enim Dei, quæ exigitur a gratia, dicitur conferri ut corona iustitiæ, non ex misericordia, & gratia. Denique Tridentinum sess. 6. & 7. loquens de contritione, quam aliquando charitate perfectam esse contingit, aperte dicit, eam impetrare veniam peccatorum, & ad illorum remissionem præparare, ac disponere.

Neque dicas cum Martinez, posse unam formam esse dispositionem ad aliam ejusdem generis, ut actualis temperantia ad temperantiam habitualem; ergo potest sanctitas actualis identificata cum Dei dilectione disponere ad sanctitatem habitualement; ut de facto gratia habitualis disponit ad Visionem Dei, quæ in multorum sententia est etiam sanctitas. Nam contra est, quia, ut notat Suarius, ex Tridentino contritio non disponit ad gratiam, tanquam forma iustificans actualis ad habitualement, sed sicut universim dispositiones præcedunt formam; cum Tridentinum dicat, per gratiam peccatorem fieri ex inimico amicum; ergo contritio, quæ præcedit gratiam, ex Tridentino, non tollit formam inimicitie. Præterquamquod si contritio iustificaret, esset meritum condignum gratiæ habitualis, quod est contra Tridentinum dicens, Vi contritionis gratiam solummodo impetrari a peccatore: Et propterea communissime docent, peccatoris contritionem solum de congruo mereri gratiam.

III. Dico secundo: tam actus, quam habitus charitatis, nec non Visio beata possunt in alio ordine iustificare formaliter.

Probatur. Si eodem modo hæc dependant essentialiter a promissione divina de dando suo amore, & hæreditate, ut de facto pendent gratiæ præsentis ordinis, haberent quicquid requiritur ad formaliter iustificandum, nempe esse formalem Dei amicitiam, & adoptionem; sed possunt in alio ordine ita dependere; ergo possunt formaliter iustificare.

Neque dicas, idem dici posse de amore naturali, & de quovis actu virtutis, aut etiam indifferenti, imo de qualibet alia qualitate, puta de calore, si penderet essentialiter ab ea divina promissione, effectusque veluti externa Dei promissio; sequela est absurda: quis enim dixerit, posse calorem in alio ordine formaliter iustificare? ergo.

Nam distinguo sequelam: etiam amor naturalis, & calor v. g. possent iustificare for-

Formaliter, si essentialiter penderent ab ea promissione divina, ita ut iustificatio non tribueretur calori, nullatenus exigenti eam promissionem, sicut exigitur a gratia, concedo; itaut iustificatio tribueretur calori, ut tribuitur gratiae; nego sequelam; & distincta minore, nego consequentiam. Amor Dei naturalis, & calor nullatenus participant naturam divinam in eo sensu, in quo participatur a gratia, cum non dissonant ad Dei visionem, & ad omnia sanctitatis opera, etiam supernaturalia; unde non exigunt divinam illam promissionem. Contra vero actus, & habitus charitatis supernaturalis, quamvis non participant eo stricto modo naturam divinam, sicut participatur a gratia, per hoc scilicet, quod sint prima radix supernaturalitatis; participant tamen aliquo stricto modo naturam divinam per hoc, quod proxime, si minus radicaliter, dissonant ad Dei visionem, & per hoc, quod exigant conjungi cum gratia; ergo exigunt mediate conjungi cum ea promissione divina; ergo si de facto essentialiter pendeant a tali promissione, ut divinitus contingere potest, possunt in alio ordine formaliter iustificare.

IV. Obijc. 1. contra primam conclusionem. Jacobi 2. dicitur ex operibus iustificari homo; quod intelligendum est de opere perfectissimum, nempe de dilectione Dei, quae ex Apost. est plenitudo legis: ergo actus charitatis formaliter iustificat. Hinc amori tribuuntur proprietates gratiae, nimirum esse amicitiam Dei, & filiationem; dicitur enim in Scripturis: *Qui diligit, diligitur; Qui diligit, ex Deo natus est; & D. Bern. Serm. 3. de timore Dei: Perfecta charitas perfecta est sanctitas.*

Confirm. Actus dilectionis Dei super omnia est impossibilis cum mortali: perfecta enim ad Deum conversio est impossibilis cum averfione a Deo; ergo formaliter iustificat, & extinguit mortale.

Resp. hzc, & alia loca vel intelligi de iustitia secundum quid; secundum quam rationem in Scripturis etiam fides dicitur iustificare; dicitur enim Marci 16. *Qui crediderit, & baptizatus fuerit, salvus erit; quatenus per huiusmodi actus ad recipiendam iustificationem disponimur: vel intelligi de iustitia simpliciter, ratione connexionis, quam habent huiusmodi actus ex Divina misericordia cum iustificatione.*

Ad Confirm. Resp. 1. per instantiam: Actus fidei, quo quis credit, se esse iustificatum, est impossibilis cum peccato: ex-

go formaliter iustificat. Secundo directe dist. antec. est impossibilis ratione sui, nego, ratione gratiae, quam ex misericordia Divina inducit, conc. antec. & nego consequentiam.

Ad probationem antecedentis dico, peccatum amoris hominem esse conversum physice ad Deum, seu conversione facti; per peccatum vero habituale esse aversum moraliter, seu averfione juris; quare sicut per Adversarios cum actu amoris Dei naturali, qui est impossibilis cum mortali actu, conjungi potest peccatum habituale; ita conjungi potest cum actu amoris supernaturali: nullus enim actus creaturae cogere potest Deum ad remittendum reatum culpae praeteritae.

V. Obijc. 2. Gratia est forma iustificans, non solum quia essentialiter pendet a donatione amoris amicabile, quod praedicatum posset alteri qualitati, puta calori, competere; sed etiam, quia ratione suae perfectionis id exigit: unde gratia in alio ordine, quae non penderet ab hac donatione contra connaturalem exigentiam gratiae careret tali dependentia: atqui actus supernaturalis est perfectior, nempe actus charitatis est perfectior gratia; ergo etiam exigit ab eadem donatione essentialiter pendere: & quia hoc exigit, dicendum, quod de facto pendeat, cum Deus in ordine supernaturali secundet rerum exigentias; atque adeo de facto iustificat. Prob. min. quia finis est perfectior iis, quae sunt ad finem: atqui gratia est in ordine ad amorem, tanquam ad finem; ergo amor est perfectior gratia.

Confirm. ex Philosopho 9. Metaph. 9. *Actus praeminet potentia; melius enim est bene agere, quam posse bene agere:* ergo actus charitatis est perfectior habitu charitatis, & consequenter est perfectior ipsa gratia, quae vel identificatur cum tali habitu, vel longius distat ab actu, quam habitu.

Resp. nego nun. ad probationem distinguo maj. cum Mauro quae. 3. de gratia ad tertium; Finis adaequatus, qualis in casu est collectio omnium amorum, est perfectior iis, quae sunt ad finem, concedo: finis inadaequatus, quales sunt singuli actus amoris, nego majorem, & consequentiam. Arbor ordinatur ad fructus tanquam ad finem: quis autem dixerit singulos fructus esse praestantiores arbore? Ad summum concedi posset, quod finis ultimus gratiae, qui est amor in patria, sit perfectior gratia; Sed neque hoc concedendum, nisi relate ad collectionem omnium amorum possibile.

Stilium in patria; quandoquidem nec amor in patria, nec visio beata formaliter iustificat, ut constat ex hæcenus dictis. Unde fit, quod videns Deum cum mortali non solum non esset beatus, sed esset summè miser, quia videret tantum Bonum sibi infensum, juxta dicta in de Beatitudine.

Ad Confirm. Aristoteles. confert potentiam determinatam ad non agendum cum ipsa actione, & dicit hanc illi præstare; certe enim præstat amare Deum actu, quam posse amare, & nunquam illum amare: Quod si comparetur unus actus amoris transiens, & momentaneus cum potentia disposita ad plures actus producidos, certe hæc illi præstat, ut arbor præstat singulis fructibus scorsim; esto non præstet omnibus collective a se producibilibus.

VI. Objic. ult. contra secundam conclusionem. Impossibile est, quod eadem forma possit Divinitus præstare effectus formales diversos; ergo si actus charitatis non præstat in hac providentia effectum formalem iusti, nec poterit in alio ordine.

Confirm. potest amor præsentis ordinis conjungi divinitus cum peccato habituali, si scilicet Deus nolit conferre peccatori diligenti se gratiam exigitam; sed in quocumque ordine Deus supremus Dominus potest peccatori diligenti se negare gratiam suam: ergo in quocumque ordine potest amor Dei cum peccato habituali conjungi; atque adeo repugnat amor Dei supernaturalis, qui sit formalis iustificans.

Resp. Mansurium, qui cum aliis plurimisque. 7. de gratia, num. 176. docet, posse solum in alio ordine actum charitatis iustificare (sicut viceversa potest solum in alio ordine gratia non iustificare) nunquam somniasse, quod idem entitative sit actus, qui in præsentis ordine non iustificat, & in alio iustificat. Quare solum verum est, quod sicut potest in alio ordine dari aliud genus gratiæ, cui tantum competat exigere visionem beatam, quin habeat essentialem dependentiam a promissione Divina, unde sit jus ad amorem, & hereditatem; ita pariter potest in alio ordine dari aliud genus amoris Dei supernaturalis, cui præter prædicatum amoris competat habere similem connexionem essentialem cum promissione Divina; sive connexionem hanc habeat, quia esset extrinsecum complementum talis decreti, seu promissionis, ut multi opinantur; sive quia essentialiter ab ea dependeret juxta nostram sententiam.

Ad confirm. nego minorem. Si enim

supponatur, quod amor Dei essentialiter dependeat ab ea divina promissione, essentialiter confert jus ad amorem, seu amicitiam cum Deo, atque adeo est impossibile cum peccato; quomodo enim potest consistere reatus odii divini in Petro, atque adeo jus, & potestas moralis in Deo odio habendi, & puniendi Petrum cum promissione, & obligatione divina amandi illum, & præmiandi?

QUESTIO IX.

Num. possit homo in alio ordine per formam extrinsecam sanctificari, & citra retractionem peccati?

Queremus primo, Num. possit homo extrinsece sanctificari positive? Secundo, Num. possit peccator extrinsece sanctificari negative? Tertio, Num. possit peccatum remitti absque prævia ejus retractione?

ARTICULUS I.

Num. possit homo extrinsece sanctificari positive?

I. Supponimus ex dicendis articulo sequenti, & ex dicendis fufius in tractatu de Pœnitentia, posse peccatum condonari extrinsece citra gratiæ infusionem, per solam voluntatem Dei cessivam juris ad odium, & penam; sicut in præsentis providentia sæpe remittitur a Deo veniale per meram condonationem extrinsecam, si non ponatur pro illo condigna satisfactio; & sicut relaxatur reatus voti absque forma intrinseca. Quare præscindendo pro nunc de hoc effectu formali negativo præstito a gratia, qui est remissio peccati; querimus solum de effectibus formalibus positivis a gratia præstitis, quales sunt reddere hominem Dei adoptivum, amicum, & heredem, Num. possint in alio ordine haberi citra gratiæ infusionem? Et quavis hoc etiam fuisse discutendum sit in tractatu de Pœnitentia disp. 2. qu. 4. operæ pretium est hic etiam primoribus labris nonnulla delibare.

Certum autem est, quod effectus formales intrinsece gratiæ, quia intrinsece, nullatenus haberi possint per formam extrinsecam, ut patet, quia effectus formalis intrin-

extrinsecus non distinguitur ab ipsa forma intrinsece communicata subiecto: propterea sicut nequit effectus formalis intrinsecus, v. gr. albi, haberi sine albedine intrinseca, quamvis sine albedine possit Deus elevare subiectum ad disfigendum visum, non secus ac si esset album; ita nequit haberi effectus formalis intrinsecus gratiæ, quæ intrinsecus, sine gratia intrinseca. Dubitatur itaque solum, an sicut effectus formalis v. gr. cogniti, vel amati haberi potest tum a cognitione, vel amore intrinseco cognoscenti, vel amanti, tum ab extrinseca cognitione, vel amore; ita effectus formales Adoptivi Dei, & Amici, qui in præsentis ordine habentur a gratia physice intrinseca, haberi divinitus possint a forma aliqua nobis extrinseca, videlicet a divina voluntate collativa juris ad amorem, & hæreditatem; unde homo vi talis juris sit formaliter Dei amicus, adoptivus, & hæres?

II. Dicendum cenſeo, effectus formales positivos, quos gratia præſentis ordinis communicat juxto communicando ſe illi intrinſece, nempe denominationem amici Dei, filii, & hæredis vitæ æternæ, poſſe in alio ordine haberi per formam extrinſecam: atque adeo poſſeſt homo per ſanctitatem phyſice extrinſecam, ſed moraliter intrinſecam ſanctificari. Ita Oviedus contr. 3. p. 4. Arria. diſp. 44. ſect. 4. Durandus, Medina, Sotus apud Granado tr. 8. diſp. 5. Coninck diſp. 2. de Pœnit. dub. 10. concl. 3. & alii Recentiores contra Thomiſtas, Vaſq. Pallav. & alios.

Prob. Si promiſſio divina de dando ſuo amore, & hæreditate, a qua eſſentialiter pendet, & quam exigit Gratia præſentis ordinis, ponatur a Deo citra præviam exigentiam gratiæ intrinſecæ, eo ipſo habetur jus ad amorem amicabilem, & hæreditatem, atque adeo habentur effectus formales poſitivi gratiæ jam enumerati; ſed poſſeſt ita poni hujusmodi promiſſio; ergo per formam hujusmodi extrinſecam haberi poſſunt effectus formales gratiæ. Major patet; nam eo ipſo ac habetur jus ad amorem amicabilem, & hæreditatem, habetur participatio divinæ naturæ tum phyſice, tum ethice ſumptæ, eo ſpeciali modo, qui habetur per gratiam, juxta dicta quæſit. 2. atque adeo habentur omnes effectus formales poſitivi gratiæ ſanctificantis. Minor autem videtur manifeſta.

Confirm. 1. poſſeſt Deus v. gr. ſine ulla forma intrinſeca promittere Petro divitias;

Unde ex hac promiſſione contraheret Petrus jus ad divitias; ergo ſi pariter Deus promittat homini ſuum amorem, & hæreditatem, poterit homo jus ad hæc omnia habere ſine ulla forma phyſice intrinſeca; atqui habens tale jus eo ipſo eſt Dei amicus, adoptivus, & hæres, atque adeo habet omnes effectus formales proprios gratiæ præſentis ordinis ſine ulla forma intrinſeca; ergo per formam phyſice extrinſecam haberi poſſunt morales effectus poſitivi gratiæ ſanctificantis. Verum ſicut beatus v. gr. ſi Deum videret per Viſionem cauſatam ab Omnipotentia ſpecialiter aſſiſtente, ſupplente vices luminis gloriæ, non videret Deum connaturaliter, ſeu juxta perfectionem connaturaliter exigitam; ita qui ſanctificaretur per hujusmodi formam extrinſecam, non ſanctificaretur connaturaliter, & juxta perfectionem connaturaliter debitam, requirentem, quod gratia, quæ eſt prima radix habitum, & operationum ſupernaturalium, phyſice perficiat animam; ut lumen gloriæ debet phyſice perficere potentiam, ut connaturaliter procedat Viſio Dei.

Confirm. 2. Poſſeſt homo reddi peccator, & filius Diaboli participans moraliter ejus naturam, & inclinationem ad malum, præciſe per formam extrinſecam; ergo poterit pariter eſſe ſanctus, & particeps naturæ divinæ per ſanctitatem extrinſecam. Antecedens eſt certum; de facto enim peccatum originale ab infantibus contrahitur abſque ulla forma phyſice intrinſeca per hoc, quod Deus incluſerit voluntates noſtras in voluntate Protoparentis, & hic peccaverit. Prob. conſequentia vi paritatis: ſi enim potuit Deus incluſere noſtras voluntates in voluntate Adæ in ordine ad contrahendum reatum odii divini per ejus peccatum, a fortiori poterit incluſere voluntates noſtras in voluntate Adæ, vel Chriſti Salvatoris in ordine ad contrahendum jus ad amorem, & hæreditatem, quod nobis conferret, poſita eorum bona operatione.

III. Objic. 1. denominatio, quæ habetur a forma intrinſeca, ut denominatio prudentis, albi &c. nequit haberi per formam extrinſecam; ergo denominatio Sancti, quæ habetur per gratiam intrinſecam, nequit haberi per ſanctitatem extrinſecam.

Confirm. 1. ſanctitas reddit ſubjectum ſanum, & pulchrum in ordine ſupernaturali; atqui ſanitas, & pulchritudo nequit haberi per formam extrinſecam in ordine

naturali; ergo neque in ordine supernaturali.

Confirm. 2. sanctitas de facto reddit hominem intrinsece dignum amore Dei amabili; nulla autem forma extrinseca potest hominem reddere dignum intrinsece tali amore; ergo ut prius.

Confirm. ult. peccatum originale, quod est in infantibus, habetur per privationem gratiæ physice intrinsecam; ergo sanctitas haberi debet per gratiam physice intrinsecam.

Resp. denominationem nihil aliud esse, quam subiectum, & formam hoc, vel illo pacto respicientem subiectum: v. gr. denominatio cognoscentis habetur a subiecto, & cognitione in eo subiecta; denominatio cogniti a subiecto denominationis, & a cognitione illud representante; sicut autem potest eadem forma cognitionis constituere duas denominationes diversas, videlicet cognoscentis, & cogniti, per hoc, quod diversimode respiciat subiectum; ita e contra possunt sæpe duæ formæ diversæ præstare eandem denominationem, si eodem modo respiciant subiectum; ut de facto denominatio, seu effectus formalis cogniti, prout præscindit ab intrinseco, vel extrinseco, haberi potest tam a cognitione intrinseca cognoscentis, quam a cognitione extrinseca: Et eodem modo dicimus, effectum formalem Sancti, prout præscindit ab intrinseco, vel extrinseco, haberi posse tam a gratia physice intrinseca, quam a forma extrinseca, nempe a promissione divina conferente idem jus, quod confert gratia intrinseca. Quare falsum est universum antecedens, si pro denominatione veniat effectus formalis, prout præscindit ab intrinseco, vel extrinseco; esto verum sit, quod effectus formalis, prout intrinsecus, haberi non possit a forma extrinseca. Denominatio prudentis, vel sapientis solet significare dispositionem ad actus prudentiæ per habitum intrinsecum, & in hoc sensu nequit haberi per formam extrinsecam; quod si significaret dispositionem ad actus prudentiæ, præscindendo, an talis dispositio habeatur per habitum intrinsecum, an per Omnipotentiam specialiter assistentem loco habitus, posset etiam talis denominatio haberi a forma extrinseca: Sic denominatio albi solet significare subiectum potens per formam intrinsecam albedinis disgregare visum; & ideo nequit haberi per formam extrinsecam; at si significaret subiectum potens disgregare visum, præscindendo,

an id præstetur per albedinem intrinsecam, an per Omnipotentiam suppletentem vices albedinis in ordine ad effectus extrinsecos, posset talis denominatio haberi per formam extrinsecam. Et disparitas ulterior est, quia effectus formalis albi est effectus dumtaxat physicus, qui proinde solum haberi potest a forma physica; at effectus formalis iusti, sancti, amici Dei, filii adoptivi, & hæredis sunt effectus morales, qui tam haberi possunt a gratia physice intrinseca, & quæ est physica participatio naturæ divinæ, quam ab illa divina donatione sui amoris, seu promissione extrinseca, quæ est moralis participatio naturæ divinæ, ut dicemus loco laudato.

Ad 1. Confirmationem recurrit eadem responsio. Nomine sanitatis naturalis venit harmonia humorum, vi cuius subiectum est dispositum ad operationes validas, ac sanas: per metaphoram vero Gratia dicitur sanitas animæ in ordine supernaturali, reddens illam dispositam ad optimas operationes supernaturales; quare quia per anonomasiam nomine sanitatis venit dispositio illa intrinseca orta ex harmonia humorum, nequit hæc denominatio haberi per formam extrinsecam; si vero nomine sanitatis significaretur dispositio ad operationes validas, siue procedens ab humorum harmonia, siue ab Omnipotentia specialiter assistente, talis denominatio posset haberi per formam extrinsecam: Idemque dicas de pulchritudine. Cum autem in casu nostro nomine sancti, sani, & pulchri significetur dispositio ad operationes supernaturales, & jus ad amorem amicabilem, & hæreditatem, præscindendo, an habeatur a Gratia intrinseca, vel a promissione divina; ideo poterit denominatio sancti haberi etiam a forma extrinseca. Adde, quod etiam de facto aliquando denominatio sani habeatur a forma extrinseca, ut cum dicitur cibus sanus, quatenus conservat sanitatem; pariter denominatio sancti habetur per formam extrinsecam, ut quando dicitur Domus Lauretana sancta; ergo denominatio sancti in sensu a nobis explicato non est, cur non possit haberi per formam extrinsecam.

Ad 2. confirm. Sanctitas de facto reddit hominem intrinsece dignum amore Dei, tum physice propter gratiam physice intrinsecam, tum moraliter propter dependentiam essentialem gratiæ præsentis ordinis a promissione Divina conferente jus moraliter intrinsecum; gratia extrinseca, quam
vis

vis non præstaret effectum illum formalem physicum, præstaret tamen effectum illum morale; unde homo vi gratiæ extrinsecæ esset intrinsece dignus solum moraliter a more Dei: Sicut adoptatus in filium a Rege, ratione adoptionis extrinsecæ, dicitur dignus intrinsece moraliter amore amabili Regis; & sicut Infantes propter originale dicuntur habere moraliter intrinsecum reatum odii Divini.

Ad ultim. peccatum originale non habetur per solam gratiæ privationem physicam; nam in pura natura homo haberet privationem physicam gratiæ, nec per hoc diceretur maculatus culpa gravi. Quare peccatum originale habetur in infantibus per privationem gratiæ theologicam, seu per carentiam gratiæ dependentem a peccato Adæ, quod interpretative fuit peccatum posterorum; huiusmodi autem privatio gratiæ theologica non habetur per aliquid physice intrinsecum infantibus, sed per peccatum iis moraliter intrinsecum, constitutum per reatum odii Divini; ergo pariter homo potest esse sanctus per jus ad amorem Dei moraliter tantum intrinsecum.

IV. Objic. 2. Si possit haberi jus ad Dei amorem, & hæreditatem præcisè per voluntatem Divinam collativam talis juris, sequeretur, quod semper ac confertur gratia intrinsecæ, homo sanctificaretur etiam per gratiam extrinsecam; quia semper ac confertur Gratia intrinsecæ, Deus habet voluntatem conferendi jus ad suum amorem, & hæreditatem; sequela est absurda; ergo & id unde sequitur.

Confirm. Filius Dei adoptivus distinguitur ab adoptivo in humanis, quod hic adoptetur per formam extrinsecam, & ideo non dicitur natus ab adoptante, nec participans illius naturam; secus vero adoptivus Dei; ergo adoptio Divina nequit haberi sine forma intrinsecæ.

Resp. nego sequel. Aliud enim est, Deum velle conferre gratiam intrinsecam, & per hanc jus ad amorem, & hæreditatem; aliud vero velle immediate dare tale jus sine forma intrinsecæ: In primo casu voluntas Dei collativa gratiæ est causa efficiens illius juris; in secundo casu est causa formalis; Sicut enim quando Deus vult tollere dissensum ab intellectu, infundendo consensum, voluntas Dei est causa efficiens privationis dissensus, est vero causa formalis, si solum vult suspendere concursum ad dissensum; ita in casu nostro: Et eodem modo, si Deus vult condonare peccatum per condonationem

extrinsecam, voluntas Divina est causa formalis talis remissionis; nisi vero condonet per gratiam intrinsecam, est causa efficiens. Et sane sicut aliud est vovere, & aliud habere voluntatem vovendi; ita aliud est, Deum promittere jus ad gloriam, aliud vero velle infundere gratiam, quæ est jus ad gloriam. Ex quibus fit, quod sicut si quis velit promittere centum Petro sub conditione, quod ponatur promissio tum verbalis, tum scripta, in tali casu antecederet ad promissionem scriptam non confurgit in Petro jus promissarii; ita cum Deus vult dare jus ad gloriam per gratiam intrinsecam, antecederet ad talem gratiam non confurgit jus ad gloriam, etiam si præsupponatur voluntas in Deo dandi gratiam collativam talis juris.

Ad confirm. Dei adoptivus dicitur natus a Deo præcisè per hoc, quod participet naturam Divinam, qua disponitur ad Dei Visionem; atqui hoc, quod præstat gratia intrinsecæ, præstari etiam potest a voluntate Divina donante alicui jus ad habitus infusos, quibus disponatur ad Dei Visionem; ergo participatio naturæ Divinæ haberi potest etiam per formam extrinsecam, ratione cuius Dei adoptivus dicatur etiam a Deo natus. Propterea adoptivus Dei in hoc differt ab adoptivo in humanis, quia adoptio humana non fert participationem naturæ adoptantis, sed solum jus ad ejus hæreditatem; & ideo adoptivus in humanis non dicitur natus ab adoptante; secus vero adoptivus Dei, qui non solum habet jus ad hæreditatem, sed etiam participat naturam Dei adoptantis. Ex quibus omnibus fit, quod licet physice perfectiori modo se habeat homo iustus per gratiam intrinsecam, ac iustus per formam extrinsecam; nihilominus metaphysice, seu secundum conceptum metaphysicum sanctitatis, eodem modo uterque esset iustus, & sanctus; sicut licet physice perfectius se habeat, qui habet habitum prudentiæ intrinsecum, ac secundum conceptum metaphysicum bene dispositi ad operationes prudentes; eodem modo se habet qui habet prudentiam physice intrinsecam, ac ille, qui habet Omnipotentiam Dei specialiter sibi assistentem, & suppletentem vices prudentiæ intrinsecæ in ordinae ad operationes prudentes: Et sicut qui habet lumen gloriæ intrinsecum physice, perfectiori modo se habet intrinsece, ac qui potest proxime Deum videre per Omnipotentiam specialiter assistentem; nihilominus secundum conceptum

metaphysicum potentis proxime Deum videre, eodem modo uterque se habet.

ARTICULUS II.

Utrum possit peccator extrinsece sanctificari negative.

V. **E**X resolutione superioris quaeritur sequitur resolutio alterius celeberrimi discutiendi fufius etiam in de Pœnitentia, disp. 2. quaest. 3. An scilicet etiam effectus negativus formalis gratiæ, nempe remissio peccati, possit haberi citra infusionem gratiæ, seu per condonationem extrinsecam? Affirmandum enim cum Suarez lib. 7. cap. 23. & aliis communius apud Amic. disp. 33. contra Vasquez. Et ratio est, quia præcise per hoc, quod Deus sua voluntate liberaliter cedat iuri ad odium habendum, & puniendum peccatorem, intelligitur sublatus reatus odii, & vindictæ, atque adeo extinctum peccatum: sed potest Deus cedere huic iuri citra infusionem gratiæ; ergo potest peccatum remitti per condonationem extrinsecam. Probatum minor, tum quia potest homo sic remittere offensam sibi irrogatam; ergo & Deus; tum etiam quia de facto Deus in baptismo adulti per condonationem extrinsecam remittit reatum culpæ venialis, & reatum poenæ temporalis, cum gratia non opponatur his reatibus; ergo poterit etiam per condonationem extrinsecam remittere reatum culpæ mortalis, & poenæ æternæ.

Confirm. De facto Deus remittit reatum poenæ temporalis ei, qui Indulgentias lucratur, per hoc præcise, quod applicet illi satisfactiones Christi Domini, quin infundat qualiteram ullam formaliter delectivam talis reatus; ergo pariter poterit Deus remittere reatum poenæ æternæ, & odii Divini per hoc, quod applicet peccatori aut per Sacramenta, aut alio pacto, satisfactiones Christi Domini, etiam si nolit infundere gratiam formaliter delectivam talis reatus. Probatum consequentia, quia satisfactiones Christi Domini non solum sunt aptæ ad delendum reatum poenæ temporalis, si nobis approprientur per Indulgentias, quam sint aptæ delere superabundanter reatum poenæ æternæ, & odii Divini contra eum per mortale, si nobis approprientur per Sacramenta, aut alia via; ergo uterque reatus potest formaliter tolli citra infusionem ullius qualitatis intrinsecæ. Et ratio a priori est, quia reatus poenæ, cum

sit quoddam ens morale, importat solum deputabilitatem ad poenam iuxta iudicium prudentum; atqui posita applicatione satisfactionum Christi nobis facta, neque ad poenam temporalem est amplius deputabilis, qui peccavit venialiter, iuxta iudicium prudentum; neque est ordinabilis ad poenam æternam, & ad odium Dei, qui peccavit mortaliter; eo quod satisfactiones Christi Domini nobis applicatæ superabundanter præstent nobis illum effectum formalem, quem præstaret satisfactio condigna a nobis exhibita Deo offenso; ergo uterque reatus, & utraque moralis macula abstergeri potest per applicationem extrinsecam satisfactionum Christi Domini, atque adeo etiam per extrinsecam condonationem; cum universim condonatio æquivalcat condignæ satisfactioni.

VI. Neque dicas 1. peccatum constitui per privationem gratiæ; ergo non potest tolli peccatum, quin infundatur gratia, sicut non possunt tolli tenebræ sine positione lucis.

Nam 1. nego antecedens: Habituale peccatum, seu reatus odii, & poenæ æternæ non constituitur per privationem gratiæ, cum privatio gratiæ possit esse in pura natura sine peccato, sed constituitur per peccatum actuale præteritum, & carentiam sive gratiæ, sive condonationis extrinsecæ, sive condignæ satisfactionis, aut alterius destructivi peccati, ut dicemus in de Pœnitentia, disp. 1. unde formaliter tollitur per quamcumque ex his formis; atque adeo bene possunt stare remissio peccati, & privatio gratiæ: Sicuti quia tenebræ constituntur per carentiam cuiuscumque lucis sive A, sive B, bene potest stare, quod tollantur tenebræ per lucem A, & detur in subiecto carentia lucis B. Hinc, ut diximus quaest. 5. privatio gratiæ est poena peccati comitans, atque adeo non est ipsum peccatum, sed peccati effectus; quod hic supponendum est.

Deinde transmissio, quod peccatum habituale constituitur per privationem gratiæ; at non constituitur per privationem gratiæ physicam, quandoquidem hæc haberi potest in pura natura sine ullo peccato, sed per privationem gratiæ theologicam, seu per carentiam gratiæ dependentem a peccato præterito, seu quia per peccatum amissa est: cum autem possit Deus velle, quod gratia non sit in peccatore ex libera sua voluntate, non vero quia peccavit, seu dependenter a peccato præterito, ideo potest divini-

tus

rus dari privato gratiæ physica, quin deur privatio theologica constitutiva peccati habitualis; atque adeo dari potest remissio peccati sine infusione gratiæ.

Neque dicas 2. quod si Petrus, & Paulus peccaverint, & Deus per condonationem extrinsecam soli Petro remitteret peccatum, sequeretur, quod Petrus non differret a Paulo intrinsece; atqui Paulus in hac hypothesi remaneret intrinsece maculatus; ergo etiam deberet esse intrinsece maculatus Petrus; atque adeo Petrus non esset iustificatus negative.

Nam in casu adducto, licet Petrus, & Paulus non differrent intrinsece physice, differrent tamen intrinsece moraliter; quandoquidem peccatum, quod remaneret in Paulo, redderet illum maculatum intrinsece moraliter; haberet enim intrinsecum reatum odii, qui est aliquid morale: Sic instantes, dum habent originale, sunt intrinsece maculati moraliter, & filii iræ, ut loquitur Tridentinum. Idem dicendum ab Adversariis, si duo contraxerint veniale, aut emiserint votum, & uni tantum condonetur veniale per condonationem extrinsecam, aut votum relaxetur.

VII. Neque dicas ult. Non posset assignari objectum Divinæ voluntatis condonantis extrinsece; ergo non est possibilis condonatio extrinseca. Probatur antecedens: volitio Dei condonans vult, peccatum habituale non esse, seu vult formam destructivam peccati; atqui in tali casu nulla alia forma destructiva peccati daretur, præter ipsam voluntatem Divinam; ergo volitio Divina haberet pro objecto se ipsam, quod repugnat.

Resp. enim, argumentum solvendum ab Adversariis in omnibus instantiis adductis de condonatione offensæ in humanis, de relaxatione Voti, de condonatione peccati venialis, & de condonatione reatus pænæ temporalis. Directe alii aliter apud Lugo de Sænit. disp. 7. num. 131. & fusius apud Ovid. tract. 8. contr. 4. p. 5. Equidem dico, volitionem Dei condonativam habere pro objecto reatum odii, nolendo illum; & quia reatus hic constituitur per peccatum præteritum, & carentiam eiuscujusque formæ impossibilis, videlicet per carentiam tum gratiæ, tum condonationis extrinsecæ, tum condignæ satisfactionis; ideo vult hoc complexum tolli: sufficienter autem tollitur quodvis totum, tollendo unam tantum partem; unde sufficienter destruitur talis reatus, si sola condonatio extrinseca ponatur. Idem dicendum ab

Adversariis etiam in condonatione debiti realis: quando enim Petrus remittit debitori centum aureos, objectum huius voluntatis est destructio reatus, qui cum tollatur aut per condonationem, aut per solutionem, sufficienter destruitur, posita tantum voluntate condonativa: Sic etiam quando Sacerdos v. gr. vult consecrare Sacramentum, objectum talis volitionis adequatum non est ipsamet volitio, sed ipsum Sacramentum, quod, supposita materia, & forma, tantum requirit intentionem, seu volitionem, ut sit adequate constitutum. Quare dicendum, voluntatem condonativam posse habere pro objecto inadéquato se ipsam; sicut intellectus, dum cognoscit confusæ ens, ita attingit omnia entia, ut habeat etiam pro objecto inadéquato ipsam cognitionem.

Alii vero, ut ab his tritis se expediant, dicunt, condonationem esse quidem actum Divinæ voluntatis, sed non esse in rigore volitionem, aut nolitionem; sicut fructio, gaudium, desiderium, timor, audacia, donatio, promissio non sunt in rigore volitiones, aut nolitiones, quamvis procedant ex amore, aut odio alicujus objecti. Hinc dicunt, objectum condonationis, ut conditionem, a volitione rigorose dicta, esse reatum odii: sicut objectum donationis, quando quis donat librum, non est liber, sed jus ad librum. Per hoc autem, quod objectum condonationis sit reatus odii, & hic reatus destruat formaliter per condonationem, non sequitur, quod condonatio velit seipsam, quia condonatio non est volitio; Unde non debet assignari objectum, quod ipsa velit: atque adeo negandum suppositum, si Adversarii inquirent, quidnam velit condonatio? sicuti quamvis formaliter jus ad librum constituitur per donationem, non sequitur, quod donatio velit se ipsam, cum donatio non sit rigorose volitio. Quare sicut incepte quis quæreret, Nolito Mundi quid vult? cum enim nolitio non sit volitio, non debet quæri, quid velit, sed quid nolit; ad quod respondetur, Nolle Mundum, & mundum esse objectum talis nolitionis: ita incepte quis quæreret, Condonatio quid vult? cum enim condonatio non sit volitio, debet solum quæri, quid condonet, ad quod respondetur, Condonare peccatum, seu reatum, & hunc esse objectum condonationis.

Tertio ad argumentum responderi potest expeditissime, transmittendo, quod condonatio sit rigorosa nolitio directa reatus, & rigo-

rigorosa volitio indirecta suimet; arque adeo quod habeat pro objecto indirecto simul, & inadæquato seipsum: negandum enim hoc repugnare. Sic volitio mundi sine repugnantia habet pro objecto directo, & nolit Mundum, pro objecto indirecto, & volitio seipsum. Sic relaxatio voti, condonatio debiti realis, peccati venialis &c. habent pro objecto nolit, & directo reatum, seu obligationem moralem, pro objecto volito, & directo se ipsas.

ARTICULUS III.

Num possit peccatum remitti absque prævia ejus retractatione?

VIII. **Q**Uamvis in eadem disput. 2. de Penitentia questione 2. id sit discutiendum; dico tamen hic paucis, In præsentī providentia id fieri non posse, ut constat ex illo Christi Domini: *Nisi penitentiam egeritis, omnes similiter peribitis*; posse tamen in alia providentia, ut communis hic docent contra Scorom, Becanum, Lorcam apud Esparzam qu. 11.

Prob. de facto infantibus remittitur originale absque ullo prævio actu; ergo etiam poterit remitti habituale; utrumque enim peccatum convenit in hoc, quod sit voluntarium, quamvis in originali voluntarietas sit solum interpretativa, in personali vero formalis. Ratio a priori est, quia esto connaturaliter exigatur retractatio peccati ad infusionem gratiæ, ut approximatio v. gr. ad combustionem, potest tamen divinitus forma introduci absque prævia connaturali dispositione.

IX. Opponunt 1. peccator donec peccatum retractet, manet habitualiter aversus a Deo; ergo non potest citra retractationem peccatum remitti, seu tolli hujusmodi aversio. Antecedens probatur, quia voluntarium liberum actuale universim perseverat habitualiter, donec retractetur.

Resp. dicit. antec. manet aversus a Deo averseone veluti physica, concedo; averseone morali propria reatus ad odium Dei, nego antecedens, & consequentiam: probatio antecedentis procedit de perseverantia habituali physica, non morali: potest enim perseverare aversio physica habitualiter, quin perseveret reatus, seu aversio moralis; sicut e contra potest tolli conversio habitualis physica, quin tollatur moralis, puta si Deus nolit condonare peccatum, quod retractatur; ut de facto non condonat, si

retractetur per solum attritionem extra Sacramentum. Adde, quod sicut originale, quod est interpretative voluntarium, remittitur infantibus, quin tollatur illa voluntarietas interpretativa; ita potest tolli peccatum habituale, quin tollatur perseverantia voluntarietatis. Imo sæpe remittitur peccatum, dum remanet habitus viciosus, per quem physice peccator inclinatur ad averseionem a Deo.

X. Opponunt 2. qui non retractavit peccatum, non dicitur ad Deum conversus, etiam si illi gratia infundatur, sed qui non est ad Deum conversus, non est justificatus; ergo donec peccatum retractetur, non potest haberi justificatio, seu peccati remissio; propterea Tridentinum sess. 6. cap. 7. dicit, Justificationem esse peccatorum remissionem per voluntarium susceptionem gratiæ, & donorum; quia ad justificationem requiritur voluntarietas, atque adeo retractatio peccati.

Confr. quia per gratiam homo desponsatur cum Christo, juxta illud Osæ 2. *Sponsabo te mihi*; matrimonium autem hoc spirituale debet esse voluntarium, & ex mutuo consensu; ergo voluntarietas, atque adeo retractatio peccati requiritur ad justificationem.

Resp. justificationem in præsentī ordine esse non solum negativam, consistentem in remissione culpe, & ablatione averseionis moralis a Deo per reatum odii, sed esse positivam per conversionem ad Deum moralem, videlicet per jus ad amorem, & hereditatem: in utroque sensu dicimus, ad justificationem non requiri retractationem. In forma dicit. major. qui non retractavit peccatum, etiam si habeat gratiam, non dicitur ad Deum conversus moraliter per jus ad amorem, seu conversione aptitudinali, nego: physice, seu conversione actuali, concedo majorem, & distincta similiter min. nego consēq. Tridentinum loquitur de justificatione in præsentī tantum ordine.

Ad confirm. Matrimonium hoc spirituale haberi potest per consensum hominis interpretativum, ut habetur contractus pupilli per Tutorem.

XI. Opponunt ult. Indignatio Divina adversus peccatorem non est justa, præciè quia homo peccavit; aliter semper esset justa etiam post condonationem, quia semper est verum, quod peccaverit; neque est justa, quia homo peccavit, & Deus non condonat, quia iustitia indignationis Divinæ non debet fundari in Divino arbitrio, sed

in objecto reo talis indignationis; non enim ideo Deus indignatur, quia vult indignari, sed quia homo meretur indignationem; ergo causa iustæ indignationis inquirenda est in peccatore; hac autem nequit esse alia, nisi quia non retractavit peccatum; ergo peccatum non retractatum nequit condonari.

Resp. indignationem Divinam esse iustam, quoticumque peccatum perseverat; peccatum autem perseverat, quousque Deus condonet; unde fit, reatum peccati dependere a Divino arbitrio non positive, quasi vero ideo peccator sit reus odii, quia Deus vult illum esse reum; sed negative, quatenus ideo non tollitur a peccatore reatus, quia Deus non vult illum tollere, & condonare. In forma nego secundam partem antecedentis. Ad probationem dico, iustitiam indignationis haberi in objecto, seu in peccatore per peccatum, quod commisit, & ex Divino arbitrio haberi solum negative, quatenus Deus non vult ejus reatum abolere.

DISPUTATIO V.

De Gratia Auxiliantis Necessitate.

Cum necessaria sit ad gratiam habituatam promerendam, tum conservandam gratia actualis; propterea agimus hic de gratiæ actualis necessitate, inquirendo, in quonam naturæ statu, & ad quas operationes sit necessaria. Examinabimus itaque varios naturæ humanæ status, in quibus potest homo indigere gratia: deinde quænam gratia requiratur ad cognoscendas veritates sive practicas, sive speculativas, & ad operandum secundum virtutem, necnon ad totam legem naturalem servandam, & ad Deum super omnia diligendum: Denique, quænam sit de facto impotentia ad vitanda omnia venialia cum auxiliis ordinariis gratiæ.

QUÆSTIO I.

Sit ne possibilis status puræ naturæ, & Naturæ non integræ?

Explicandi sunt varii naturæ status, & deinde querendum, Num repugnet status naturæ puræ, seu non elevatæ ad finem III.

nem supernaturalem: querendum etiam, Num dari possit status naturæ puræ, non solum integræ, seu cum subjectione, concupiscentiæ ad rationem, ut fuit in Adamo, antequam iustitiam originalem amitteret, sed etiam non integræ, seu citra hanc subjectionem?

ARTICULUS I.

De multiplici naturæ statu.

I. **N**aturæ humana a Theologis consideratur sub multiplici statu; & pro diversitate statuum considerantur ejus vires, & indigentia gratiæ ad beatitudinem consequendam. Status naturæ dicitur ipsa natura humana sub suis accidentibus, potens diutius permanere, & libere operari, disponendo se per operationes meritorias ad finem ultimum assequendum; definiturque a Scoto in 1. dist. 3. quæst. 3. *Stabilis permanencia legibus Divinæ sapientiæ firmata.*

II. Primus dicitur status Naturæ puræ, qui importat naturam cum proprietatibus, & facultatibus sibi debitis absque ordinatione ad finem supernaturalem per dona supernaturalia, & absque corruptione naturæ per peccatum originale.

Secundus dicitur status Naturæ integræ, qui superaddit naturæ puræ subjectionem appetitus sensitivi rationi superiori, & subjectionem rationis erga Deum, ac legem Divinam; quæ subjectio cum non sit naturæ debita, importat donum aliquod quoad modum supernaturale, licet non quoad substantiam, ratione cujus homo posset legem naturalem plene observare, absque lucta, & impedimentis naturalibus, & ita consequi beatitudinem naturalem. Quare status naturæ puræ fert naturam in puris naturalibus; status vero naturæ integræ superaddit carentiam fomitis, & concupiscentiæ effrenis indebitam naturæ, illi tamen consentaneam, ut notat Angelicus 1. p. qu. 85. art. 6. Et ratio est, quia si ea esset naturæ debita, permansisset in nobis post peccatum, quia peccatum non abstulit naturalia dona, ex D. Dionysio. Hinc damnata est a Pio V. & Greg. XIII. in Bullis contra Michaellem Bajum propositio 26. dicens: *Integritas primæ creationis non fuit indebita humane naturæ exaltatio, sed naturalis conditio.*

Tertius dicitur status iustitiæ originalis, quem habuit Adam in statu Innocentiæ;

K im-

importatque supra naturam integram immunitatem a morte corporis, necnon a mortis vestigiis, nempe dolore, febribus, &c. & pactum cum Adamo de hac perfectione in posteros transfundenda, si non peccaret. Quod autem in statu Innocentiæ per donum iustitiæ originalis collata sit Adæ immunitas a morte, ex eo quod debita naturaliter, est de fide, dicente Apost. ad Roman. 5. *Per unum hominem peccatum in hunc Mundum intravit, & per peccatum mors; idque definitur a Tridentino sess. 5. can. 1. Quod vero etiam collata fuerit immunitas a mortis vestigiis, non est de fide, ut notat Ovid. tract. 7. numer. 125. est tamen fere communissima ex Augustin. Bernard. &c.; cum enim hæc sint mala penæ, par erat, ut exularent, ubi culpa exulabat.*

III. Quartus est status Gratiæ, seu naturæ elevatæ ad beatitudinem supernaturalem, importatque ultra integritatem naturæ, & iustitiæ originalem, etiam gratiam habitalem, quam comitantur habitus infusi. Quod status Gratiæ debeat naturæ integræ, docuit Bajus in Propositione 21. jure merito damnata, quæ habet: *Humane naturæ sublimatio, & exaltatio in consortium divinæ naturæ debita suis integritati primæ conditionis; & proinde naturalis dicenda est, non supernaturalis*. Constat autem, quod Gratiæ nullatenus debeat naturæ, ne in statu quidem Innocentiæ: quomodo enim donum Innocentiæ, seu iustitiæ originalis, quod est tantum quoad modum supernaturalem, potest exigere donum gratiæ intrinsicæ, & quoad substantiam supernaturalem? Imo dubitant Doctores, an quando Adam fuit creatus cum iustitia originali, statim gratiam habuerit? Videturque negare Scotus, Bonav. & alii apud Ovidum. Communiter tamen affirmant cum Augustino, Hieron. Suar. Vasq. 1. 2. disput. 132. Cum dicatur Ecclesiast. 7. *Fecit Deus hominem rectum; nomine autem recti venit iustus, ut colligitur ex Job 1. ubi dicitur; Erat vir simplex, & rectus*.

Quintus est status naturæ lapsæ, importans lapsum per peccatum a statu vel naturæ puræ, vel naturæ integræ, vel iustitiæ originalis, vel a statu gratiæ, vel ab omnibus his statibus, vel ab aliquibus: de facto tamen in Adamo importavit lapsum a primis tribus statibus, non vero lapsum a statu gratiæ, seu a statu Naturæ elevatæ ad beatitudinem supernaturalem; quia tamen in presenti providentia inte-

gritas naturæ, & donum iustitiæ originalis collata fuerunt in statu gratiæ, ideoque per lapsum utrumque illud donum una cum gratia amisit Adam, & cum eo posteri. Imo quavis ex Tridentino sess. 6. cap. 5. contra Lutherum, & Calvium, manserit in homine libertas ad bene, vel male operandum, non mansit tamen cum illo perfectio libertatis statu, absque gravamine corporis, motuum, & passionum, dicente Arasiano can. 1. Peccato Adæ totum hominem secundum corpus, & animam in deterius esse mutatum, ut dicemus questione sequenti.

Ultimus est status naturæ lapsæ, & per Christum reparatæ quoad infirmitatem culpæ, licet non quoad infirmitatem concupiscentiæ, & mortalitatis, qualis est etiam in iustis. Hic status importat in naturam gratiam gratum facientem cum virtutibus omnibus tam theologalibus, quam moralibus infusus, atque adeo specialia auxilia, quibus Deus filius adoptivus patrocinatur.

ARTICULUS II.

Admittunt Status puræ Naturæ.

IV. Dico nunc primo: Status naturæ puræ non elevatæ ad finem supernaturalem non repugnat; potiusque homo in tali statu creari. Ita Catholici contra Jansenium, Bajum, Lutherum, Calvinum somniantes, sententiam Catholicam suffragari Manichæis, & Pelagianis dicentibus, Deum esse injustum, si hominem in pura natura decedentem privaret regno cælorum, eo quod citra peccatum redderet illum miserum, cum miseria sit carere suo ultimo fine.

Conclusio, quæ aut est de fide, aut fidei affinis, probatur primo ex propositionibus contra Bajum damnatis, præsertim 26. ubi dicitur: *Integritas primæ creationis non fuit indebita humane naturæ exaltatio, sed naturalis conditio*. Et 55. quæ habet: *Deus non potuisset ab initio talem hominem condere, qualis nunc nascitur*. Secundo ratione, quia status naturæ puræ duo importat, videlicet de positivo omnes perfectiones conaturaliter debitas, & de negativo negationem peccati, & elevationis ad finem supernaturalem; æqui hæc non repugnant; ergo. Probatur minor, tum quia ratione naturali ostenditur, repugnare substantiam supernaturalem, seu cui sit conaturaliter debita Visio Dei; tum etiam, quia ex Aposto-

postulo ad Rom. 6. *Gratia autem Dei vita æterna in Christo Jesu*: ergo si elevari ad Visionem Dei est gratia, potuit homo condi naturaliter absque elevatione ad talem finem, atque adeo in statu pure nature.

Confirm. Si vita æterna esset debita nature humanæ, eo ipso posset naturaliter homo viribus propriis se disponere ad talem vitam: hoc autem est contra Tridentinum se. 16. can. 2. ergo vita æterna non est debita nature humanæ; atque adeo potuit homo condi in statu nature pure.

V. Objic. primo: Homo in pura natura esset subditus morti, & mortis vestigiis, nempe aegritudini, ignorantie, &c. repugnat autem, Deum condere hominem immunem a culpa, subditum his miseriis: ergo repugnat, hominem condi in statu pure nature. Probaturs minor, quia est hæresis Manichæorum, quod Deus animas Infantium de se innocentes cogat ad peccati miseria.

Confirm. ex Augustino lib. 13. de Civit. cap. 15. ubi ait: *Constat, nobis corporis mortem non lege nature, sed merito inflictam esse peccati*.

Respond. nego minorem; miseria enim isthæc in statu pure nature non esset poena tristicte dicta supponens culpam, sed poena naturalis penalitas. Unde Aug. lib. 3. de lib. Arb. cap. 10. dicit, Creatorem in statu pure nature fore laudandum, quia naturalis esset ignorantia, & difficultas, quæ nunc est penalis. Ad probationem minoris; Manichæi in eo errabant, quod putarent, Deum non posse privare pueros sine baptismo decedentes Visione Dei, eo quod non commiserint peccatum æquale. Sed errabant, quia Deus eos juste privat in penam originalis, ratione cujus sunt filii iræ, & inimici Dei.

Ad confirmationem: August. solum vult, hominem de facto non mori ex nature exigentia, sed mori ex demerito culpæ; quandoquidem si homo non peccasset, Deus decreverat contra nature exigentiam ejus mortem impedire.

VI. Objic. secundo. Homo essentialiter ordinatur ad Deum amandum, eoque fruendum; ergo repugnat condi in pura natura excludente ordinationem ad vitam æternam.

Confirm. Non potest assignari discrimen inter amorem Dei naturalem, & supernaturalem; Ergo si amor Dei propter se ipsum supernaturalis ducit ad vitam æternam, omnis amor Dei ad vitam æter-

nam perducet; atqui homini debetur posse Deum diligere: ergo debetur vita æterna, & consequenter non potest in pura natura condi.

Respond. hominem natura sua ordinari ad Deum cognoscendum, sed cognitione enigmatica, & ad amandum, ac fruendum amore, ac fruitione ad talem cognitionem consequente, non vero supponente Visionem Dei facialem, quæ supernaturalis est.

Ad Confirmationem: constat ex Scripturis, & Concilio, alium esse amorem naturalem, quem potest homo viribus suis elicere, alium supernaturalem, ad quem indiget gratia. Nam ad Rom. 2. de Gentilibus dicitur: *Gentes, quæ legem non habent, naturaliter ea, quæ legis sunt, faciunt*; cum enim naturali lumine Deum cognoscant, naturaliter faciunt ea, quæ legis sunt, & quia inter legis præcepta est amor Dei, ideo naturaliter Deum diligant. Et in Tridentino sess. 6. can. 3. habetur, auxilium Spiritus Sancti necessarium esse ad Deum diligendum non quomodocumque, sed sicuti oportet ad salutem. Hec sunt verba Tridentini: *Si quis dixerit, sine præveniente Spiritus Sancti inspiratione, atque ejus adiutorio hominem credere, & sperare, diligere, aut punire posse sicut oportet, ut ei justificationis gratia conferatur, anathema sit*. Constat ergo, dari hunc duplicem amorem, alium nature debitum, procedentem a cognitione Dei naturali, alterum indebitum, procedentem ab illuminatione Spiritus Sancti, seu a cognitione superna atuagente Deum secundum ea prædicata, secundum quæ viribus nature attingi nequit; puta, ut est auctor gratiæ, & gloriæ, & Vindex peccatorum.

VII. Objic. ultimo. Homo in pura natura deberet posse totam legem servare; & quidem potentia etiam morali: aliter sine sua culpa haberet impossibilitatem moralem assequendi suum finem, quod repugnat; atqui nequit servare totam legem sine gratia, ex Tridentino, & Apostolo, ergo debetur illi gratia; atque adeo condi non potest in pura natura. Neque dicas, hominem perdidisse de facto in penam originalis potentiam moralem ad totam legem servandam. Nam ex D. Dion. & D. Th. 1. p. qu. 95. peccatum non abilitat naturalia dona; ergo potentia moralis, ad totam legem servandam non est sublata per peccatum, si ea debetur in pura natura; atque adeo vel non est debita in pura natura; vel si est

debita, erit etiam debita gratia, per q̄ am potest homo totam legem servare.

Confirm. quia Verbum potest assumere naturam puram, ergo potest assumere miseria naturas puræ naturæ, inter quas est ignorantia: hoc autem repugnat; ergo & id unde sequitur.

Respond. distinguo minorem. Nequit homo totam legem servare sine gratia post lapsum, concedo; in pura natura, nego minorem, & consequentiam. Ad id, quod additur, dico, per peccatum originale naturam humanam esse vulneratam in naturalibus, & sic redditam esse moraliter impotentem ad totam servandam legem, ut dicemus questione sequenti, quin tamen perdidit perfectiones connaturales; ob lapsum enim homine caret illa speciali Dei perfectione, qua Deus protegit diligentes se in disponendo cursu naturali causarum secundarum: præterea redactus est in Demonis servitutem, a quo maxime tentationibus vexatur, præsertim ob invidiam, quod ad gloriam sit ordinatus: ac demum homo post lapsum magis effrenatam expetitur concupiscentiam ob intemperiam humorum, ortam ex vitis progenitorum; ex quibus omnibus provenit impotentia moralis ad vitanda venialia, quæ disponat ad mortale, atque adeo impotentia moralis ad totam legem servandam, & indigentia gratiæ.

Ad Confirmationem: Verbum assumendo naturam creatam non potest, saltem connaturaliter, assumere illas imperfectiones, quæ dedecent Christum; dedecet autem ignorantia Regni hominum, & Angelorum, Mediatorum nostræ salutis, & omnium Iudicem; & ideo puram naturam cum omnibus defectibus naturalibus assumere non potest, ut communis docent in de Incarnatione. Et de facto non assumpsit concupiscentiam rationi rebellem, licet talis rebellio, ut mox dicemus, sit naturalis; motus enim appetitus sensitivi in Christo Domino preveniebatur ab appetitu rationali, & juxta hujus præscriptum insurgent; Unde in Christo Domino non admittuntur a Theologis passionēs, quæ scilicet rationem anteverrunt, sed propassiones, quæ rationem subsequuntur.

ARTICULUS III.

Admittitur etiam status puræ naturæ non integræ.

VIII. Dico secundo: potest etiam conditio homo in pura natura non

integra, seu citra subjectionem concupiscentiæ erga rationem; atque adeo integritas ista non est connaturalis humanæ naturæ. Ita communissime, & colligitur ex propositione 55. damnata Baii, relata articulo superiore.

Probat. connaturalis est homini pugna inter appetitum sensitivum, & rationalem; ergo subjectio concupiscentiæ est donum indebitum: ergo potest homo conditio in pura natura non integra.

Antecedens probatur, quia connaturalis est homini, quod ejus cognitio incipiat a sensibus, & quod appetitus sensitivus ab objectis sensibilibus moveatur, & erga illa assiciatur, etiam pro quando sunt dissimilata rationi: ergo connaturalis est ista lucta; cum non debeat naturaliter concupiscentia rationem subsequi, sed antevertere.

Confirm. Immunitas a morte, & a mortis veligis non est naturæ debita, quia oritur ex qualitatibus contrariis homini debitis; atque etiam lucta inter utrumque appetitum sensitivum, & rationalem, & difficultas ad prosequendum honestum, contempto delectabili, oritur ex naturali hominis constitutione, ratione cujus cognitio sensum præcedit cognitionem intellectus; unde sensibilia movent appetitum sensitivum in priori ad rationalem; ergo immunitas ab hac lucta, & integritas non est debita puræ naturæ.

IX. Objic. primo. Ista rebellio partis inferioris est naturæ mala, avertiturque hominem ab ultimo fine; ergo non est debita.

Confr. quia si concupiscentia esset naturæ debita, licitum esset ejus appetitibus consentire; cum liceat consentire ad id, ad quod natura, atque adeo Deus naturæ naturans inclinatur.

Confirm. secundo. D. Jacobus dicit: *Deus intentator malorum isti; ipsi autem neminem tentat; unusquisque vero tentatur a concupiscentia sua*; ergo concupiscentia non est naturalis; si enim esset naturalis, eliceret Deo, & sic Deus tentaret.

Respond. rebellionem istam esse malum naturæ physicum, ut est mors, dolor, peccabilitas, ignorantia, quæ naturaliter sunt homini debita: non est mala malitia morali, cum non deat malitia moralis, seu culpa, ubi non habetur libertas: consequenter avertit hominem ab ultimo fine tantum physice, non moraliter, seu inclinando ad delectabilia, ex qua inclinatione

ne facile voluntas labitur in culpam, nisi Deo protegente resistat: quare nego consequentiam.

Ad primam probationem nego sequelam: Deus natura naturans, quando inclinat ad verum, non inclinat, ut consentiamus, sed ut det animum victoriæ, & merito; quare falsum est, posse hominem licite ferri universimjuxta inclinationes appetitus naturalis, ut constat ex Proposit. 8. damnata ab Innoc. XI. *Comedere, & bibere usque ad satietatem ob solam voluptatem non est peccatum, modo non obis valetudini, quia licite potest appetitus naturalis suis alibus frui.*

Ad secundam. Deus est intentator seductionis, seu animo inducendi nos in tentationem; tentat solum tentatione probationis; in quo sensu Genesios 22. dicitur, *Tentavit Deus Abraham*, videlicet ad virtutis experimentum, præcipiendo immolationem filii; & Sapientiz 3. dicitur de iustis *Deus tentavit eos, & invenit illos dignos se.*

X. Objic. secundo. August. lib. 4. contra Jul. cap. 4. concupiscentiam non subiectam rationi vocat pudendam; & D. Th. p. 1. quæst. 82. artic. 3. dicit esse contra naturam; & ratio videtur esse, quia Deus, qui est natura naturans, servat in natura naturata debitum ordinem, quod inferiora subsint superioribus: ergo ut supra.

Resp. concupiscentiam esse pudendam, tum quia de facto in pœnam peccati non subijcitur rationi, tum quia etiam operationes aliquæ naturales occultande sunt ob periculum scandali, aut ob aliam causam. D. Thomas vocat illam contra naturam, prout est de facto, quia scilicet in natura lapsa importat necessitatem moralem ad peccandum: ac defectus subjectionis ad partem superiorem in concupiscentia potest esse naturalis, quoties non obstat affectioni ultimi finis.

QUÆSTIO II.

Utrum Natura lapsa debilior sit, quam pura.

EX hætenus dictis descendit resolutio hujus celeberrimæ questionis.

I. Dico itaque, Naturam lapsam esse debiliorem puræ, circumscripto uberrimo auxilio, quod habet per Christum. Ita Cajetan.

Part III.

tanus, Suarez, Esp. quæ. 9. Platel. num. 514. contra Zumel, Ripal. Arriag. qu. 33. sect. 5.

Prob. 1. ex Conciliis, & Patribus: Araucanum can. 1. ait, *Peccato Ade totum hominem secundum corpus, & animum esse in deterius mutatum.* Tridentinum sess. 6. cap. 1. *Liberum arbitrium per peccatum non esse extinctum, viribus licet attenuatum, & inclinatum;* quæ verba non possunt intelligi de puræ amissione bonorum supernaturalium, quæ sess. 5. jam exposuerat. Augustinus lib. 3. de lib. arb. cap. 18. *Non posse a libidinosis operibus temperare, non est natura infirmis hominis, sed pena damnati.* Ambrosius, & Beda in parabolas descendentes in Jericho, & spoliati a latronibus docent, *Hominem per peccatum originale non solum esse spoliatum donis gratuitis, sed etiam vulneratum in naturalibus.* Nec potest id intelligi de vulnere per separationem naturæ a donis supernaturalibus amissis per peccatum, ut interpretatur Medina 1. p. qu. 81. art. 3. quia juxta hanc interpretationem natura esset tantum spoliata, & non ulterius vulnerata. Hoc etiam videtur expressisse D. Th. in 2. dist. 30. qu. 1. ubi hæc habet: *Licet Angelo, & Homine peccante naturalia manerint integra, secundum quod debentur naturæ, ac propriis principiis, non tamen secundum quod ea ordinantur in finem ultimum; in hoc enim uterque factus est minus habilis, & magis distans a consecutione finis.*

Prob. 2. ratione. Naturæ puræ competit potentia moralis ad totam legem diu servandam, secus vero naturæ lapsæ, nisi adjuvetur per gratiam: ergo natura lapsa, circumscripto adjutorio uberrimo, quod habet per Christum, est debilior puræ. Antecedens quoad secundam partem est adeo certum, ut oppositum videatur errori proximum, ut notat Platel. num. 531. Dicitur enim Sap. 8. *Scivi, quia non possum aliter esse continens, nisi Deus det;* & Apostolus hæc habet: *Video aliam legem in membris meis.* Infelix ego homo, quis me liberabit de corpore mortis hujus? Gratia Dei per Jesum Christum. Prima pars antecedentis probatur, tum quia aliter Deus non dilexisset naturam rationalem, sed odio habuisset, si constituisset illam in necessitate morali incidendi in æternam miseriam, qui status prudenter appeti non potest: tum etiam quia in pura natura deberet homo posse prudenter sperare æternam beatitudinem, quod fieri non posset, si habet;

X 3

ccc

II. Notandum tamen, huiusmodi debilitatem naturæ lapsæ, circumscripto uberissimo auxilio per Christum, non oriri ex eo, quod per peccatum originale amiserit aliquid naturæ debitum. Nam ex D. Dionys. cap. 4. de divinis nominibus, In Angelis post peccatum remanserunt omnia naturalia; ex quo recte infert D. Th. 1. p. qu. 95. idem dicendum de homine. Quare debilitas naturæ lapsæ habetur ex iis tribus capitibus, de quibus questione superiore diximus art. 2. ad 3. quia scilicet per peccatum originale homo caret speciali Dei perfectione; quia reductus est in Dæmonis servitutem; & quia ob intemperic humorum ortam ex vitiis Progenitorum magis effrenatam experitur concupiscentiam.

III. Dices: Vel est debita homini specialis illa Dei protectio, qua caret post originale, vel non est debita: si primum; ergo non est sublata per peccatum, cum post peccatum remanserint ex D. Dion. omnia naturalia: si secundum; ergo adhuc circumscripta hac speciali perfectione habetur potentia moralis ad totam legem servandam, quippe quæ est debita in pura natura.

Resp. cum Epazza, distinguendum esse duplex genus bonorum provenientium ab exigentia causarum naturalium; alia enim determinate proveniunt a natura, suntque naturæ debita, & ista post peccatum remanserunt; alia vero proveniunt ex indeterminata quantum est ex se causarum naturalium exigentia, quæ libere determinantur a causa prima; huiusmodi sunt bona, quæ citra miraculum conferuntur, & petentibus concedi solent a Deo, tanquam gratiæ, atque adeo gratis dantur sine exigentia physica illorum; & in his natura lapsa est debiliior, quam pura; ac propterea natura lapsa dicitur in naturalibus etiam vulnerata. Hinc ad argumentum dico, puræ naturæ deberi carentiam necessitatis moralis ad peccandum, non tamen specialem Dei protectionem, ne labatur in venialia disponētia ad mortale: hanc tamen Dei protectionem esse divinæ bonitati conformem, supposita hominis Innocentia: post peccatum vero originale connaturalius subtrahitur: unde per lapsum in venialia oritur impotentia moralis ad totam legem servandam, ut mox fusius explicabitur.

QUÆSTIO III.

De necessitate Gratia in Natura lapsa tum ad veritates cognoscendas, tum ad honeste operandum.

LICO 1. In statu naturæ lapsæ potest homo viribus naturalibus contra ullam gratiam sive ordinis supernaturalis, sive naturalis cognoscere aliquas veritates tum speculativas, ut prima principia, Non potest idem esse, & non esse, Totum est majus sua parte; tum practicas, ut Deum esse colendum, Parentes honorandos; non tamen omnes veritates colligere.

Prob. prima pars de veritatibus speculativis. Potentia naturalis debet posse viribus propriis attingere suum objectum, ut oculus coloratum; ergo & intellectus verum. Secunda pars de veritatibus practicas etiam patet, tum quia intellectus necessitatur ad assumenda prima principia sive speculativa, sive practica; tum etiam quia cum teneatur quilibet servare legem, quæ nuncitur principis practicas, debet consequenter ea naturaliter cognoscere. Propterea dicitur psalm. 4. *Signatum est super nos lumen vultus tui, Domine*, hoc est lumen naturale dictans quod faciendum, aut fugiendum sit, ut interpretatur Augustinus. Tertia pars de omnibus veritatibus collectivè constat tum experientia, tum ex limitatione potentie intellectivæ, & innumera multitudine veritatum naturalium, & ex inevidentia plurimarum, ut sæpe falsum sit verisimilius vero. Proinde Hippocrates in primo aphorismo dixit: *Arx longa, vita brevis, occasus præceps, experientium fallax, iudicium difficile*.

II. Dico 2. ad quancumque veritatem determinatam cognoscendam indiget homo in naturâ lapsâ aliqua gratia, seu auxilio indebito Dei providentis, ut auctoris naturæ, distincta a dono creationis. Ita Ovid. tract. 7. contr. 2. & alij apud ipsum contra Arriagam disp. 37. Amic. disp. 26.

Prob. Salvo jure creationis potuit Deus ab æterno ita disponere causas secundas, ut hic, & nunc Petrus vel incideret in amentiam, aut stoliditatem, vel aliunde haberet impedimentum excitationem speculativam ad hanc cognitionem; ei quoque hic, & nunc Petrus cognoscit tale verum est

est Dei speciale beneficium indebitum, & conditum a dono creationis. Est quidem necessarium, quod in tota hominum multitudine plurimi sint bono ingenio, ac temperamento præditi, & recto usu rationis, unde naturaliter possint plurimas veritates cognoscere; at quod Petro potius hæc contingant, quam Paulo, non est Petro debitum, & consequenter est specialis gratia ordinis naturalis indebita Petro. Sic si Dominus det Oeconomo eleemosynam distribuendam pauperibus, tenetur quidem Oeconomus illam distribuere juxta præscriptum; at quod huic potius pauperi, quam alteri illam dispense, est aliquid indebitum relate ad hunc pauperem. Hinc est, quod & oremus Deum, ut beneficia juxta cursum nature hominibus debita nobis conferat, & pro iis acceptis gratias agamus, tanquam pro speciali dono distincto a dono creationis.

III. Dico 3. Absque gratia per Christum, seu ordinis supernaturalis nequit homo lapsus cogitare aliquid, quoad ad vitam æternam conducatur. Est de hæc contra Pelagianos, & Semipelagianos.

Prob. tum ex Tridentino sess. 6. can. 7. tum ex Apost. 2. ad Cor. 3. *Non quod sufficientes sumus cogitare aliquid a nobis; & 2. ad Cor. 11. Nemo potest dicere, Dominus Jesus, nisi in Spiritu Sancto; tum ex Aug. Epist. 105. ubi ait: Nemo est pie sciens, aut sciens pius, nisi acceperit Spiritum Sapientie; tum demum ratione, quia cum vita æterna sit cuius substantiæ creatæ indebita, etiam media ad vitam æternam conducentia debent excedere vires totius nature; aliter hæc media essent frustra; Sic ut frustra est potentia naturalis ad terminum non naturalem; & dispositio exigens formam, quam non potest assequi.*

IV. Dico 4. Nequit intellectus cognoscere cognitione certa, & infallibili verum aliquid intrinsece, & quoad substantiam supernaturalis absque gratia per Christum. Ita communiter apud Amicum loc. cit. ex D. Th. 1. 2. q. 109. Dixi, Verum supernaturalis quoad substantiam; Nam potest naturaliter a Dæmone cognosci verum supernaturalis quoad modum, v. gr. scientia infusa Salomoni, & Adamo; Unio inter animam, & corpus Lazari resuscitati; Humanitas Christi miraculose formata in utero Virginis &c. Conclusio constat ex dictis, cum de objecto cognitionis Angelici.

Prob. nunc, tum ex Apost. 2. ad Cor. 3.

ubi dicit, omnem sufficientiam cogitandi, nempe supernaturalis, ex Deo esse; tum ratione, quia cognoscibilitas est passio entis, seu objecti cognoscibilis; ergo in eo ordine debet esse cognoscibilitas, seu species objecti, per quam sit proxime cognoscibile, in quo est ipsum objectum; ergo si objectum est intrinsece supernaturalis, ejus cognoscibilitas, seu species impressa debet esse etiam supernaturalis, atque adeo indebita cuius intellectui creato, ergo nequit intellectus naturaliter cognoscere cognitione certa, & infallibili verum intrinsece supernaturalis; quamvis possit probabiliter illud attingere per species alienas.

V. Dico 5. Nulla gratia neque Theologica, neque Philosophica opus est, ut possint homines in natura lapsa aliquid opus honestum ponere, & tentationes aliquas superare. Ita Suar. lib. 2. de gratia, cap. 1.

Prob. ex Apost. dicente ad Roman. 2. *Gentes, quæ legem non habent, naturaliter ea, quæ legis sunt, faciunt; quod autem sit naturaliter, sit ex exigentia nature, atque adeo citra speciale beneficium; ergo citra ullam gratiam potest homo lapsus nature viribus honeste operari.* Hinc damnatæ sunt illæ propositiones Baji: *Liberum arbitrium sine gratia Dei, & adiutorio non nisi ad peccandum valet. Non nisi Pelagianis errore admitti potest usus aliquis bonus liberi arbitrii. Virtutes Philosophiarum sunt vitia: Omnia opera Infidelium sunt peccata, &c.* Neque obstat, quod habetur in Arausiano can. 22. *Nemo habet de suo, nisi peccatum, & mendacium; Nam non est sensus, quod nihil possit homo, nisi peccatum; sed quod solum peccatum ita sit proprium hominis, ut nullo pacto sit Dei.*

Confirm. quia Natura lapsa easdem vires phyficas habet, ac haberet pura; atqui in pura natura operatio aliqua honesta ordinis naturalis erat debita, & exigita; ergo etiam in natura lapsa. Quare tam in multitudine hominum naturaliter dari debent plurimi, qui possint secundum virtutem operari, quam quilibet mentis compos in decursu vite naturaliter poterit aliquid opus honestum ponere. Quod etiam ex eo constat, quia est moraliter impossibile, & quod magna hominum multitudo, & quod idem homo longo tempore uniformiter operetur; ergo est moraliter impossibile, quod magna hominum multitudo, & quod quilibet in decursu vite semper operetur inhoneste; ergo datur necessitas non solum phyfica, sed etiam moralis ad aliquam de-

perationem honestam. Præsertim quia magis appetitus rationalis inclinatur ad bonum honestum, quod est præstantius, quam appetitus sensitivus ad delectabile, quod est longe inferius; sed ratione inclinationis ad delectabile datur necessitas moralis alicujus vage peccati venialis; ergo ratione inclinationis naturalis ad honestum dabitur etiam moralis necessitas ad aliquod bonum opus morale.

VI. Dico ult. In exercitio cujusvis operis honesti ordinis naturalis requiritur speciale Dei beneficium, ac donum indebitum, separabile a dono creationis.

Prob. tum ex dictis in probatione secundæ Conclusionis; tum a pari, quia quælibet cogitatio congrua, quodlibet auxilium efficax, & operatio honesta ordinis supernaturalis est beneficium distinctum a dono elevationis, & ab eo separabile; ergo pariter quælibet cogitatio congrua, & operatio honesta ordinis naturalis est donum distinctum a dono creationis. Et ratio a priori est, quia quodcumque bonum collatum animo benevolo, & posito jure creationis negabile est beneficium speciale; hujusmodi autem est operatio honesta ordinis naturalis; ergo. Probatur minor, quia supposita omnipotentissima Dei potestate inclinandum quolibet cordium, qui honeste operatur in instanti A, posset non operari honeste, si Deus contulisset cogitationem non congruam, seu auxilium pure sufficiens, aut si ita causas secundas ab æterno ordinasset, ut hic, & nunc impediretur potentia physica ad liberam operationem.

Confirm. a posteriori, quia & petimus a Deo operationes honestas, & de illis gratias agimus: Ex Augustino autem epist. 95. *Ipsa oratio clarissima est gratia testificatio; ergo ut supra.*

VII. Objic. 1. Si naturæ viribus, præcisa gratia, possent homines actus honestos naturales elicere, possent etiam Dæmones, quibus peccatum non abstrahit naturalia. Secundo possent infideles acquirere virtutes morales. Tertio non esset verum quod Apostolus ad Titum 15. dicit: *Infidelibus nihil est mundum, sed inquinata sunt eorum mens, & conscientia.*

Resp. admisisse nos in de Angelis ex D. Dion. cum Scoto, Vasq. Amic. disp. 21. contra Aureol. & alios, habere Dæmones potentiam physicam ad opus honestum naturale, quamvis careant potentia morali; quia cum semper crucientur, semper con-

siderant Deum ut ultorem, ac repræsentant illum tanquam objectum odibile ratione mali, quod causat, & sic semper Deum odio habent, ac peccant; quod non accidit in natura lapsa. Ad 2. cum virtutes acquirantur pluribus actibus honestis, & arduis, non est necesse admittere sufficientiam morealem ad illas in natura lapsa, seclusa gratia. Ad 3. Apost. significat, infidelium operationes esse immundas, hoc est non conducentes ad vitam æternam, non vero esse moraliter malas.

VIII. Objic. 2. Si opus honestum naturaliter deberetur citra gratiam multitudini hominum, non vero mihi hic, & nunc, ut dictum est in ult. conch. sequeretur, quod possem rogare Deum, ut neget aliis gratiam ad honeste operandum, ad hoc ut illam tribuat mihi: quod non videtur admittendum.

Resp. nego sequelam. Sicut enim quamvis juxta Christi Domini oraculum necesse sit, ut veniant scandala, seu occasiones ruinæ spiritualis, non propterea possum orare, ut scandala veniant aliis, ne veniant mihi; ita in casu: & ratio est, quia quomodocumque alii operentur, semper eodem modo est libera voluntas mea ad operandum hic, & nunc; unde non pendet ab aliorum operatione mea bona operatio. Optare autem, ut si uni ex multis danda sit cogitatio congrua, mihi potius, quam aliis detur, non est illicitum, sed juxta ordinem charitatis, neque hoc est optare aliis malam operationem.

Q U Æ S T I O IV.

An possit homo lapsus totam Legem naturalem servare citra gratiam?

I. Dico 1. de facto in natura lapsa quidem ad totam legem servandam citra gratiam Theologicam intrinsicè supernaturalem.

Prob. De facto lex obligat ad querendam salutem æternam eo modo, quo potest obtineri; atqui sine fide, & charitate supernaturali, & sine baptismo obtineri non potest, & ad hæc omnia non datur potentia physica citra gratiam theologicam; ergo citra hanc gratiam non potest homo de facto in natura lapsa ne physice quidem servare totam legem; esto semper detur hæc potentia physica, quandocumque urget obli-

gatio legis. Utrum autem lex obligans ad querendam salutem æternam per hæc media supernaturalia dicenda sit lex naturalis, quatenus natura ipsa dicat, querendum esse finem ultimum; an supernaturalis, quatenus requirit media supernaturalia? est quæstio de voce.

II. Objic. si requiritur gratia supernaturalis ad totam legem servandam in natura lapsa, requiritur consequenter gratia supernaturalis ad peccandum adversus hanc legem; cum nequeat haberi peccatum absque potentia physica ad peccandum, vel non peccandum; absurdum autem est dicere, quod requiratur gratia supernaturalis ad peccandum; ergo.

Resp. conc. sequelam, & dist. min. Non potest requiri gratia supernaturalis ad peccatum, tanquam aliquid influens ad peccatum, concedo; tanquam aliquid essentialiter prærequisitum, & constitutivum potentie physice expeditæ tam ad operationem liberam naturalem præceptam, quam ad omissionem peccaminosam, nego min. & consequenter enim ad peccatum requiritur lex, non ut influens in peccatum, sed ut objectum prærequisitum in peccante; ita ad peccandum contra legem supernaturalem requiritur gratia per Christum, quæ compleat potentiam ad operationem supernaturalem præceptam.

III. Dico 2. in natura lapsa, ac reparata per Christum absque gratiæ auxilii non datur potentia moralis ad totam legem diu servandam. Conclusio est communissima, ut diximus quæstione secunda, ex Scripturis ibi laudatis, & opposita censetur apud Platellum erroris proxima.

Prob. ratione, quia in natura lapsa datur de facto ea omnia, quæ constituunt moralem impotentiam servandi diu totam legem naturalem, nempe vulnus acceptum in naturalibus per lapsum, juxta dicta in eadem quæstione laudata; multa illicia, & tentationes valde moleste, extorquentes dissentium, & captivantes nos in lege peccati; concupiscentia effrenis, vi cujus sæpe cum Apost. dicimus: *Non quod volo bonum, hoc ago, sed quod nolo malum*: veritabilis arbitrii, quod nequit longo tempore uniformiter operari; intemperies humorum orta a vitii Progenitorum, quæ procliviores nos reddit ad prosecutionem delectabilem, plurima mala exempla passim occurrentia, educatio liberorum minus apta, consilia amicorum languida, cura Pastorum minus efficax, & alia hujusmodi, quæ red-

dunt nos languidiores. Quamvis igitur per remissionem originalis tollatur reatus culpæ, & non sint ablata a nobis naturalia, adhuc tamen datur de facto impotentia moralis ad legem diu servandam in natura lapsa, quæ non data fuisset in pura natura, quod supra ostendimus.

IV. Dico 3. ad servandam totam legem naturalem brevi tempore, quousque scilicet non occurrat tentatio gravis, aut magna tentationum non gravium multitudo, non requiritur gratia theologica, seu dogmatica.

Prob. Seclufis iis tentationibus, non habetur gravis difficultas ad totam legem naturalem brevi servandam; ergo poterit id naturæ viribus præstari.

V. Dico ult. aliquando in casu particulari natura lapsa est moraliter impotens ad servandam legem graviter obligantem, seclufa Dei gratia; eaque in penam præteritarum culparum sæpe infidelibus culpabiliter non credentibus, nec non fidelibus peccatoribus denegatur; nunquam tamen denegatur justificatis, seu habentibus gratiam habitualem.

Prob. Aliquando in iis circumstantiis homo versatur, in quibus nemo prudenter judicabit, lapsum non esse secururum, si a Deo ille non præservetur auxilio speciali; puta si vir equestris, iracundus, vindictæ assuetus, alapam accipiat a plebejo, & contumeliis afficiatur; ergo in his casibus requiritur gratia specialis superativa moralis necessitatis ad peccandum, dicente Apost. 1. ad Corinth. 15. *Qui dedit nobis victoriam per Dominum nostrum Jesum Christum.*

Quod autem gratia isthæc detur fidelibus justificatis, & aliis sæpe denegetur, colligitur tum ex 1. Petri 5. *cui resistite fortes in fide*, & ad Galat. 3. ubi dicitur apertius: *conclusi scriptura omnia sub peccato, ut promissio ex fide Jesu Christi daretur credentibus*; inter promissiones autem ex Suar. lib. 1. cap. 27. est virtus ad non peccandum. Et Araficanum docet, gratiam auxiliantem ad cavenda peccata incipere a vocatione ad Fidem. Demum Tridentinum sess. 6. can. 22. damnat dicentes, *posse justificatum sine speciali Dei auxilio in accepta justitia perseverare*; ergo hæc specialia auxilia solum fidelibus justificatis non denegantur, aliter non essent auxilia specialia. Paulus etiam ad Rom. 8. dicit: *qui Spiritum Dei agunt, hi sunt filii Dei*; & D. Gregorius: *Peccatum, quod penitentia non deletur, suo pondere*

re trahit in aliud; & ratio ex D. Th. est quia carens gratia, per quam Spiritus Sanctus inhabitat in iusto, indispositus est ad hæc auxilia extraordinaria, quæ probabilis filiis suis duntaxat Deus præparavit.

VI. Objic. 1. contra ult. Conclus. Actus moraliter impossibilis non potest cadere sub præceptum positivum: unde votum de re moraliter impossibili censetur non obligare: atqui data necessitate morali ad succumbendum tentationi gravi citra gratiam per Christum, actus de tali tentatione triumphans est moraliter impossibilis; ergo non datur de illo obligatio; & consequenter sine culpa omittitur; unde necessitas ista moralis est impossibilis.

Confirm. nequit Deus homini præcipere, quod projiciendo millies talos semper numerum parem jaciatur, quia hoc est moraliter impossibile; ergo neque præcipere poterit, quod gravi tentationi non succumbat, si sit totaliter necessarius lapsus.

Resp. multos putare, necessitatem moralem esse necessitatem consequentem, quatenus semper videtur a Deo conjungi cum actu, absque necessitate ulla antecedente ad illum; Sed falluntur, quia necessitas consequens non est necessitas simpliciter dicta, ut est necessitas moralis; unde absolute dicitur Sap. 8. *Sciri, quod non possem aliter esse continens, nisi Deus det.* Quare dicendum, præceptum humanum (sicut etiam votum, quod cum ab homine fiat volente se obligare instar præcepti humani, communiter censetur obligare) non se extendere ad præcipiendum actum moraliter impossibilem, quia legislator humanus non dat vires ad tollendam impotentiam moralem: præceptum vero naturale ad id obligat ob vires, quas Deus exhibet: ita tamen ut huiusmodi vires dare teneatur ex exigentia naturæ, non supposita culpa; secus vero, culpa præsupposita, ratione cuius peccator sibi debet imputare, non Deo, virium defectum; cum Deus paratus sit illas imperitari petenti, ex Trid. sess. 6. can. 11. ubi dicitur: *Deus impossibilia non jubet, sed jubendo monet & facere quod possis, & petere quod non possis, & adiuvat ut possis.* Et Aug. lib. de gratia, & libero arbitrio hæc habet: *Ideo Deus jubet aliqua, quæ non possumus, ut noverimus quid ab illo petere debeamus.*

Adde, posse legislatorem humanum non obligare sua lege positiva ad jejunium v. gr. impossibile moraliter, & quia potest ad illud non obligare, tenetur, ac sit occa-

sio ruinæ: contra vero Deus non potest non obligare, ne vitetur, quod est intrinsece malum, v. gr. mendacium, quamvis teneatur non ponere hominem in necessitate morali ad nuntiandum; si tamen homo sua culpa sive actuali, sive originali in has angustias se conjiciat, adhuc præceptum non nuntiandi obligare debet, quin teneatur Deus ab iis angustis creaturam liberare gratia sua; quæ cum sit gratia, est indebita: fidelis tamen Deus necessitates istas morales peccandi ob solam culpam originalem, citra personalem, in natura lapsa non permittit, dicente Apostolo 1. ad Corinth. 10. *Fidelis autem Deus est, qui non patietur vos tentari supra id quod potestis; sed faciet etiam cum tentatione proventum, ut possitis sustinere.*

Ad confirm. nego consequentiam; non enim pendet a libertate hominis jactus uniformis talorum, sicut pendet a libertate hominis non succumbere in necessitate morali peccandi.

VII. Objic. 2. citra gratiam ullam Hæretici ad tuendos suos errores mortem appetunt, & ad castitatem tuendam multe ob motivum indifferens sinunt potius se interimi; ergo citra gratiam potest quilibet quodcumque arduum opus ponere: atque adeo nunquam datur necessitas moralis peccandi citra gratiam.

Resp. concessio antecedente, dist. consequ. potest quodcumque arduum opus poni ex motivo delectabili, conc. ex motivo honesto, nego consequ. In hac vita facilius inclinat voluntatem ad subeundam mortem appetitus boni delectabilis, aut inanis gloriæ, &c. quam motivum honestum a sensibus remotum. Immo hinc apparet difficultas maxima ad ponendum opus arduum ex motivo honesto, quia scilicet superari debet vis motiva sensibilium, quæ in presenti statu naturæ corruptæ adeo animum ad se abripiunt, ut præ illis vita condemnatur.

QUAESTIO V.

An requiratur gratia in natura lapsa ad diligendum Deum super omnia, & ad perseverandum finaliter?

I. Certum est, Deum posse diligere duplici amore, naturali scilicet, & supernaturali; damnata enim est propositio 34. Bani dicentis: *Distinctio illa duplicis amoris, naturalis videlicet, quo Deus amat ut auctor naturae, & gratiis, quo Deus amat ut Beatorum est, vana est, & communita, & ad illudendum Sacris literis, & pluribus veterum testimoniiis excogitata*: contra etiam est propositio 36. dicens. *Amor naturalis, qui ex viribus naturae oritur ex sola Philosophia per elationem praesumptionis humanae, cum iniuria crucis Christi defenditur a nonnullis Doctores*. Dubitatur solum, An possit in natura lapsa moraliter homo diligere Deum super omnia amore amicitiae naturali absque gratia supernaturali? Negant Vazf. Espar. & alii apud Amic. disp. 26. scēt. 5. communis tamen affirmant cum D. Th. 1. 2. qu. 109. artic. 3. ad 1. Suar. lib. 1. de necessitate gratiae cap. 3. & aliis apud eundem Amicum.

II. Dico equidem cum hac 2. sententia. Homo in ista naturae lapsae, in quo, ut diximus quæstione superiori, citra gratiam theologicam non potest moraliter totam legem diu servare, & graves tentationes vincere, potest etiam moraliter citra eandem gratiam diligere Deum super omnia, amore etiam amicitiae naturali, tum efficaci quoad affectum (hoc est tali, ut cum eo non possit stare voluntas peccandi mortaliter) tum etiam efficaci quoad effectum, brevi tempore, quo durat.

Prob. 1. ex Apost. dicente ad Rom. 2. *Genes, quæ legem non habent, naturaliter ea quæ legis sunt faciunt*: præcipuum autem legis præceptum est de dilectione Dei super omnia; ergo naturaliter Deus super omnia diligetur ab Infidelibus; ergo citra gratiam theologicam non solum datur potentia physica, sed etiam moralis ad hanc Dei dilectionem, si enim daretur solum potentia physica, eo ipso naturaliter Genes possent Deum diligere, nunquam tamen diligerent; Ubi Apost. dicit, quod naturaliter diligant, seu faciant ea, quæ legis sunt: quod etiam confirmatur ex propositionibus damna-

tis modo adductis.

Prob. 2. ratione: potest homo in statu naturae lapsae naturaliter Deum cognoscere, ut primum principium, & finem ultimum, atque adeo super omnia bonum, & amabilem; atqui sub hac ratione Deus continetur intra obiectum naturale voluntatis; ergo potest voluntas solis naturae viribus in Deum sic cognitum ferri amore proportionato, & efficaci ad breve tempus.

Confirm. Potest homo ex dictis ad breve tempus totam legem servare viribus naturalibus; ergo etiam Deum diligere super omnia, donec in contrarium occurrat gravis tentatio.

III. Dico 1. ad diuturnam amoris Dei super omnia perseverantiam non datur in natura lapsa potentia moralis.

Conclusio sequitur ex dictis; impossibile enim est amare sic Deum, & non servare totam legem; atqui ad servandam diu totam legem datur potentia moralis in natura lapsa; ergo etiam ad diuturnam Dei amorem super omnia.

IV. Objec. contra primam Conclusionem. Amor Dei super omnia, si sit efficax, debet reddere animum dispositum ad vincendas tentationes omnes, etiam gravissimas, adversus legis observantiam; sed victoria omnium tentationum contingere non potest ex dictis citra gratiam theologicam in natura lapsa; ergo nequit citra hanc gratiam dari amor Dei naturalis super omnia efficax, ne ad breve quidem tempus. Probat major: Amor Dei super omnia est virtualiter, & eminenter observantia totius legis, juxta illud Apostoli: *Qui diligit, legem implevit. Plenitudo legis est dilectio*: non potest enim quis diligere Deum super omnia, quin simul velit totam legem servare; ergo si talis amor sit efficax, totam legem servat; atqui tota lex servari non potest in natura lapsa, nisi vincendo per auxilia gratiae gravissimas tentationes; ergo nec potest Deus diligi super omnia efficaciter, nisi animus sit dispositus ad vincendas omnes etiam gravissimas tentationes.

Resp. amorem Dei super omnia, quatenus reddit animum dispositum ad superandas tentationes, quæ de facto occurrunt, dum perseveret amor, esse efficacem effective; quatenus reddit animum dispositum ad superandas tentationes, quæ occurrere possent, esse efficacem solum affective, & quoad animi preparationem: longe enim distat efficacia effectiva ab affectiva; sicut longe distat exequi quod proponitur, quam

pro-

proponere quod exequendum est. Quando aliquid proponitur, tunc occurrit animo vivida representatio boni ponendi, v. g. martyrii subeundi, & languide representantur difficultates experiende in executione propositi: Contra vero dum exequimur quod proponimus, puta dum martyrium subeundum est, representatur difficultas, quæ animum abijcit; & ideo facilius est proponere, quam exequi. Quod autem ad amorem Dei super omnia requiratur efficacia affectiva illimitata, seu propositum postponendi omnia Deo, & sufficiat efficacia affectiva limitata, v. gr. relate ad difficultates, quæ actu occurrunt, constat; quia amor Dei super omnia non debet esse perfectissimus interfive, sed solum appreciative: satis enim est, quod Deus super omnia aestimetur, etiamsi actus amoris non sit adeo intensus, ut æquivalet actui perfectiori, & perfectiori in infinitum, quo possumus efficacie efficaciter superare tentationes omnes possibiles. Illud autem interest inter amorem naturalium, & supernaturalem, quod ille firmet cor in Deo cognito ut auctore naturæ, in ordine ad contemptum bonorum naturalium; hic vero firmet cor in Deo cognito ut auctore gratiæ etiam in ordine ad ea, quæ supernaturaliter occurrere possunt, ut notat Angelicus 1. 2. quæst. 109. art. 8.

V. Dico ult. ad perseverantiam in gratiam finalem requiritur speciale Dei auxilium, & protectio.

Prob. 1. ex Tridentino sess. 6. can. 22., ubi definitur, Justificatum sine speciali Dei auxilio non posse in accepta iustitia perseverare. Quod autem per speciale auxilium intelligatur bonum supra communia auxilia connaturaliter debita iustis, constat ex cap. 12. ejusdem sessionis, ex quo Canon iste deductus est, ubi Concilium dicit, hoc auxilium aliunde haberi non posse, nisi a Deo; ergo seclusa connaturalitate.

Prob. 2. quia de facto hoc auxilium non datur omnibus iustis; ergo iustis non debetur; ergo est speciale.

VI. Obijc. 1. Si quis repentina morte post acceptam gratiam deccedat, non videtur accipere ullum donum supernaturale; quod tamen accipit, qui diu perseverat, & tandem peccat; ergo non requiritur speciale hoc auxilium ad perseverandum finaliter.

Respondendo 1. in hoc casu dari specialem protectionem, & favorem Dei in eo, qui deccedit in gratia, licet non ha-

beat plura auxilia supernaturalia, quam alius.

Resp. 2. cum Platelio num. 543. Amico, & Oviedo, non requiri donum supernaturale, ut quis per breve tempus usque ad finem vite morte repentina abrupte perseveret in gratia.

VII. Obijc. 2. Iustus cum auxiliis ordinariis gratiæ potest vitare omnia mortalia; ergo etiam perseverare finaliter; atque adeo non requiritur auxilium speciale.

Respon. cum Amic. disp. 26. sect. 9. Potest vitare omnia distributive, concedo; collective per totam vitam, nego antecedens, & consequentiam. Radix hujus impotentie est naturæ ignorantia, ratione cuius sæpe male eligimus; necnon naturæ infirmitas, ratione cuius quæ bene eligimus, exequi plerumque non valeamus.

QUÆSTIO VI.

Utrum Impotentia ad vitanda omnia venialia sit antecedens, an consequens?

Physica, an moralis? Determinata, an vaga?

I. DEFINITUM est in Trid. sess. 6. can. 23. Justificatum non posse in tota vita peccata omnia etiam venialia vitare, nisi ex speciali Dei privilegio, quem admodum de Beata Virgine tenet Ecclesia: Ubi sermo est primo de tota vita diu durante, in qua occurrant multæ occasionibus labendi, ut constat ex SS. Patribus, & ratione, quia si quis brevi vivat post usum rationis, & post gratiam acceptam, nec occurrat occasio labendi, poterit cum auxiliis ordinariis vitare omnia venialia; sicut diximus, quod possit perseverare finaliter citra auxilium speciale supernaturale: Sermo est secundo, ex Suar. l. 2. de voto, c. 5. de venialibus commissis etiam ex semiplena deliberatione: Censent enim communiter Doctores, plures Sanctos sine speciali privilegio caruisse tota vita venialibus deliberatis. Requiritur autem ex Tridentino ad vitanda omnia venialia non solum specialis gratia, sed etiam privilegium speciale, quia in præsentia providentia statuta lex est non conferendi gratiam in ea mensura, quæ hanc impotentiam tollat. His positus

II. Dico 1. Hæc impotentia non est consequens, seu ex suppositione, sed antecedens

dens ad quamcumque operationem. Ita communis.

Prob. Impotentia consequens non est impotentia simpliciter dicta; & qua parte est impotentia, non est impotentia moralis, sed metaphysica, quæ non potest per ultimum privilegium tolli; atqui impotentia ad vitanda omnia venialia est simpliciter dicta, & non est metaphysica, cum possit per privilegium tolli; ergo non est impotentia, seu necessitas consequens, sed antecedens.

Confirm. Qui habet gratiam pure sufficientem, non dicitur habere impotentiam simpliciter ad bene operandum, sed solum dicitur, quod non sit bene operaturus per hoc, quod habeat impotentiam bene operandi solum consequentem: ergo si in casu nostro daretur impotentia confimilis, seu ex suppositione, non deberet homo dici impotens vitare omnia venialia, sed solum quod non sit vitaturus.

III. Dico 2. Impotentia hæc antecedens ad vitanda omnia venialia non est physica, sed moralis. Ita communis cum Vega, Gran., Ovied., contra Zumel, & alios.

Prob. Impotentia physica ad vitandum peccatum implicat in terminis, cum nemo peccet in eo, quod vitari non potest, ex Augustino; ergo huiusmodi impotentia non est physica, sed solum moralis.

Neque dicas, impotentiam physicam istam esse vagam; sicut in collectione auxiliorum datur necessitas metaphysica vaga relate ad consensum, & diffusum inducendum. Nam contra est, quia impotentia ista physica vaga deberet reduci ad determinatam: fingamus enim, dari impotentiam ad vitanda decem venialia, vel ad vitandum veniale per decem momenta temporis, vitatis novem venialibus, daretur impotentia physica ad vitandum decimum, & elapsis novem momentis, daretur impotentia physica ad non peccandum pro decimo momento; quod tamen non accidit in collectione auxiliorum, ut diximus in loco.

IV. Dico 3. Impotentia ista antecedens moralis non est impotentia moralis secundum quid (quæ scilicet oritur ex summa difficultate, sub qua sit potentia physica pro aliquo eventu; sicut v. gr. datur impotentia moralis secundum quid ad hoc, ut projectis omnibus characteribus Aëncidis, talis concursus characterum ponatur, qui de facto hic, & nunc ex eorum projectione contingit) sed est impotentia moralis simpliciter dicta, quæ scilicet oritur a diffi-

cultate ineluctabili, sub qua nunquam erit actus oppositus: Ita Espar. qu. 5. artic. 6., & alii contra Arri. 1. part. disp. 27. num. 37. & Muncissam de Incar. disp. 7. sect. 1. num. 15.

Prob. Quia ex Scripturis, & Tridentino habemus, neminem omnia venialia vitasse, aut vitaturum esse cum auxiliis ordinariis sine privilegio speciali. (quod Ecclesia Beatissimæ Virginis tenet concessum, & nonnulli Doctores etiam B. Jo. Baptiste cum Lorino, Catherino, & aliis, apud Platellum num. 541. contra communioem) Jacobi 3. dicitur: *In multis offendimus omnes.* Ecclesi. 7. *Non est homo iustus in terra, qui non peccet;* ergo impotentia ista est simpliciter dicta. Unde sequitur, quod per scientiam mediam non prævideatur homo vitaturus venialia omnia, si dentur auxilia omnia ordinaria, sed solum per scientiam simplicis intelligentiæ videatur vitatio omnium venialium possibilis, & compossibilis cum auxiliis ordinariis: Sicut ex hoc, quod Petrus v. gr. videatur sub auxilio A consensurus libere, sequitur solum, quod per scientiam simplicis intelligentiæ videatur possibilis, & compossibilis diffusus cum auxilio A, non vero, quod per scientiam mediam videri debeat sub tali auxilio diffusus.

V. Dico 4. radix hujus moralis impotentiae reduci potest ad hæc duo capita: Primo quidem ad veritabilitatem arbitrii, & inconstantiam ejus nativam, ob carentiam formæ firmantis illud in amore honestatis, qualis esset Visio beata, vel Unio hypostatice: Secundo ad frequentiam tentationum ad venialia impellentium; quibus additur instigatio Dæmonis, propensio ad delectabilia, & infirmitas naturæ.

Quod hæc satis sint ad inducendam hanc impotentiam, probatur a pari. Ita se habet unus homo cum plena indifferentia tum physica, tum morali relate ad multas opportunitates labendi in veniale, ac multi homines plene indifferentes relate ad eandem opportunitatem; atqui multi homines relate ad eandem opportunitatem possunt ex veritabilitate arbitrii habere necessitatem morale, quod aliquis labatur, ut constat ex illo Christi Domini Matth. 18. *Necesse est enim, ut veniant scandala;* ergo etiam idem homo relate ad multas opportunitates.

Hinc sequitur, impotentiam moralem vitandi omnia venialia non oriri ex lassitudine potentiae volitivæ; tum quia voluntas, cum

cum sit potentia spiritalis, non experitur lassitudinem in operando; tum etiam quia ex habitu acquisito vitandi venialia deberet potius reddi promptior ad eadem in futurum vitanda, non vero necessitari moraliter ad succumbendum.

Confirm. quia multitudo hominum habet necessitatem moralem peccandi, quamvis nemo moraliter necessitetur, atque adeo absque lassitudine in ullo homine; ergo etiam poterit idem homo relate ad multas occasiones peccandi venialiter, citra lassitudinem, habere necessitatem moralem succumbendi aliquando.

VI. Dico ult. Impotentia moralis ad vitanda omnia venialia non est necessario determinata, sed potest esse terminative vaga. Ita Elpar. quæst. 14. & alii communius contra nonnullos Recentiores.

Prob. Quamvis Petrus haberet potentiam moralem vitandi quodvis veniale determinatum, adhuc poterit habere impotentiam moralem vitandi omnia venialia collectivè; ergo impotentia moralis vitandi omnia venialia non est necessario determinata. Antecedens probatur primo paritate impotentiarum five metaphysicarum, five saltem moralis, relate ad totam collectionem auxiliorum; bene enim tunc impotentia metaphysica, vel saltem moralis in homine ad resistendum omnibus collectivè auxiliis cum plena libertate ad resistendum cuilibet determinato; ergo etiam stare poterit impotentia moralis ad resistendum omnibus collectivè tentationibus allicientibus ad veniale cum potentia morali ad resistendum singulis: cum hoc tamen discrimine, quod in primo casu illa impotentia oriatur ex omnipotentissima potestate Dei exigentis dominari in creaturam liberam, qua liberam; in secundo vero casu oriatur ex veritate arbitrii.

Secundo probatur paritate impotentiarum moralis relate ad collectionem hominum: Bene enim stat. quod in collectione hominum datur impotentia moralis ad vitanda mortalia, cum necesse sit, ut scandala eveniant; quin tamen ullus homo habere debeat hanc moralem impotentiam; ergo poterit etiam idem homo habere impotentiam moralem ad vitanda omnia venialia collectivè, non tamen distributive; Univerſim enim comparatur eodem modo multitudo hominum relate ad idem tempus, ac idem homo relate ad diversa tempora.

Prob. 3. paritate potentiarum physicarum, quæ

pariter potest esse vaga terminative; ergo etiam potentia moralis. Antecedens probatur: causa naturalis, v. gr. ignis, relate ad quemcumque effectum in individuo non habet necessitatem, seu exigentiam physicam; habet autem relate ad aliquem effectum vague determinandum in individuo a causa prima; ergo datur potentia physica terminative vaga.

VII. Prob. demum Conclusio a priori. Si ponatur Petrus in mille occasionibus peccandi venialiter absque ulla impotentia morali pro casu particulari, eo ipso habet impotentiam moralem vitandi quodcumque veniale; ergo ad salvandam impotentiam moralem vitandi omnia venialia non est necesse recurrere ad impotentiam moralem pro casu particulari. Antecedens probatur. Si Petrus ponatur cum indifferencia æquilibri ad operandum honeste, vel ad peccandum venialiter in mille occasionibus, omnino improbabilius dicitur, quod semper uniformiter operabitur honeste; & moraliter certum erit, quod operabitur disformiter, & aliquando peccabit; ergo &c. Prob. hoc antecedens tum a pari, tum a priori: Si mille homines ponantur cum omnimoda indifferencia ad eandem operationem ponendam, vel non ponendam, v. gr. ad sedendum, vel non sedendum, omnino improbabilius dicitur, quod omnes uniformiter operabuntur; ergo a pari in casu nostro. Ratio a priori, quæ militat pro utroque casu, est, quia ad impediendam uniformem sessionem in mille hominibus, quilibet ex illis satis est; five enim non sedeat Titius, five Cajus, a quolibet impeditur, quominus omnes simul sedcant: Contra vero ad impediendam disformitatem debent concurrere omnes mille homines per modum unius causæ impeditivæ; debent enim omnes uniformiter sedere, aut omnes non sedere; atqui improbabilius dicitur, quod nulla ex mille causis potentibus impedire uniformitatem sit illam impeditura, & quod collectio omnium mille hominum, quæ unice potest impedire disformitatem, non sit illam impeditura; ergo omnino improbabilius dicitur, quod omnes mille uniformiter sint operatori, seu selsuri. Minor hæc videtur clara ex definitione probabilis, & improbabilis; illud enim dicitur probabile, quod plerumque contingit, & præbet fundamentum assensui prudenti; illud improbabile, quod fere nunquam contingit; atqui experientia constat, quod quando sunt plures causæ, quæ

pos-

possunt eodem modo effectum aliquem impedire, hujusmodi effectus proutque impediatur ab ea parte potius, pro qua stant plures causæ potentes impedire, quam ab ea parte, ubi sunt pauciores: ex. gr. Si milles projiciantur tali, facilis est, quod puncta in mille projectionibus jacentur disformiter, quam quod semper uniformiter, quia ad impediendam uniformitatem satis est qualibet disformitas; ad impediendam vero disformitatem requiritur collectio omnium projectionum uniformis; ergo sicut probabilissimum est, quod jactus talis milles, jacentur puncta disformiter, & improbabile omnino est, quod semper jacentur uniformiter; ita omnino improbabile est, quod mille homines sint uniformiter honeste operaturi, & consequenter quod idem homo in mille occasionibus peccandi venialiter semper sit vitaturus veniale.

Et sane quis neget, quod eo major sit spes, & probabilitas, quod aliquod malum sit impediendum, quo plures sunt paratæ causæ, quæ possunt illud impedire? v. gr. si plures sint parati ad sublevandam mulierem pauperis, eo major est spes, & probabilitas hujus effectus: ergo si mille homines sint parati impedire uniformitatem operationum, aut idem homo in mille occasionibus, probabilius est, quod erit impedienda uniformitas, quam disformitas, quæ ab una tantum causa impediri potest, nempe a collectione omnium mille hominum, aut occasionum.

VIII. Dices. Si paritas adducta talorum militaret, sequeretur, quod impotentia moralis vitandi venialia non esset impotentia simpliciter, quæ nunquam cum actu conjungatur, sed secundum quid, quæ scilicet aliquando conjungitur cum actu: Sequela non admittitur: ergo. Probatur sequela, quia non minus est impossibile moraliter, quod si milles projiciantur tali, semper idem numerus uniformiter jacentur, quam est impossibile moraliter, quod si milles tali projiciantur, numerus jacentur eum ea disformitate, quæ de facto hic, & nunc contingit; atqui disformitas hæc, quæ de facto hic, & nunc contingit, de facto est posita, licet ad illam daretur antecedenter impossibilitas moralis, seu summa difficultas: ergo poterit etiam de facto dari homo, qui sine speciali privilegio vitet omnia venialia, quamvis impossibile moraliter sit vitare omnia; & consequenter impotentia moralis illa hæc esset

secundum quid, non simpliciter, qualem videntur innuere Scripturæ, & Tridentinum.

Responderi possit 1. cum Arriaga, & Munitilla locis laudatis, transmutando sequelam; nam impossibilitas moralis universum stat in hoc, quod in aliquo gravissimo eventu possit actus poni; aliter esset impotentia physica, aut metaphysica: quare si quis in aliquo rarissimo casu vitaret omnia venialia cum auxiliis ordinariis gratiæ, diceretur vitasse omnia, quæ moraliter vitare non poterat. Unde staret doctrina Concilii, quod nemo possit moraliter omnia vitare.

Resp. tamen 2. juxta doctrinam tertiæ conclusionis, nego sequelam: paritas enim de projectione talorum solum deservit ad explicandum, quomodo improbabilissima sit uniformitas, quæ potest equaliter a mille causis impediri; ubi disformitas non nisi ab una tantum causa impediri potest, videlicet a collectione illarum mille causarum. Ceterum illa disformitas numerorum, quæ de facto contingit projiciendo talos milles, erat impossibilis moraliter secundum quid, quia Deus non decrevit ita disponere causas naturales, ut nunquam contingeret ea disformitas, in quo casu esset moraliter impossibilis simpliciter. At in casu nostro homo in mille tentationibus peccandi venialiter habet de facto impotentiam moralem simpliciter vitandi omnia; quia Deus ita disposuit causas secundas, & ita decrevit sua auxilia distribuere; ut nulli hominum sinat omnia venialia vitare, nisi derogando huic suæ legi, & concedendo speciale privilegium, & auxilium; quod videtur innuere Tridentinum, & docet Esparza quæstion. 5. art. 6.

IX. Objic. contra ultimam Conclusionem primo. Impotentia moralis ad vitanda venialia non potest esse vaga; ergo est determinata necessario: Antecedens probatur, quia impotentia moralis in appetitu rationali habetur per difficultatem operandi; difficultas autem non potest esse vaga, sed debet esse hic, & nunc in casu determinato; ergo si in quolibet casu determinato habetur plenissima indifferentia, non habetur difficultas in casu ullo determinato; ergo nec impossibilitas moralis.

Confirm. quia difficultas in voluntate procedit per defectum illius delectationis, & complacentiæ, quæ habetur ex cognitione boni propositi, & per trilitiam, ac mole-

stiam,

stiam, quæ habetur ex cognitione mali representati in objecto exteroqui etiam amabili; unde cum conatu oporteat operari adversus hanc tristitiam, & molestiam; ergo si in quolibet casu determinato habetur eadem delectatio, & nulla molestia, ita habetur potentia moralis determinata, ut non sit explicabile, in quo consistat impotentia moralis vaga; cum non detur aut delectatio, aut tristitia vaga in voluntate.

Resp. 1. argumentum probare, quod in natura lapsa neque dari possit impotentia moralis vaga ad vitanda omnia mortalia; quod tamen ex dictis quæst. antecedenti est falsum; quia aliter posset homo iustificatus perseverare finaliter sine speciali auxilio; cum posset homo iustus sine speciali auxilio superare singulas tentationes. Deinde directe nego antecedens: Ad probationem nego minorem; potest enim dari difficultas subjective determinata, & terminative vaga: Sicut enim exigentia physica agentis naturalis est subjective determinata, & terminative vaga, videlicet ad aliquem effectum in individuo vage determinandum a Deo; ita in voluntate datur difficultas ad vitanda omnia venialia; quæ est terminative vaga; sicut in multitudine hominum datur necessitas moralis vaga, quod aliquis peccet; etiam si nemo habeat hanc necessitatem moralem; & sicuti datur necessitas metaphysica vaga, quod consensus coniungatur cum aliquo ex auxiliis possibilibus.

Ad confirm. distinguo antecedens: impotentia moralis, & difficultas, quæ est determinata tum subjective, tum terminative, procedit a molestia, quam experitur voluntas ad operandum ex propositione mali representati in objecto prosequendo, concedo; difficultas, quæ est subjective determinata, & terminative vaga, nego antecedens, & consequentiam. Sic in causis physicis exigentia determinata in igne ad producendum hunc effectum in specie, nempe calorem, est ab ipsa natura ignis; exigentia vero vaga terminative, relate ad aliquem calorem in individuo, est a subordinatione agentis naturalis ad causam primam, ad quam spectat determinare individuationem. Sic etiam necessitas metaphysica determinata consensus non potest esse, nisi vel a prædeterminatione physica, vel a Visione beata, vel ab aliqua simili forma essentialiter connexa cum consensu; at necessitas metaphysica vaga alicujus consensus

non est ab auxiliis indifferentibus, sed ab Omnipotentia: Eodem modo relate ad hominum multitudinem, necessitas moralis, ut veniant scandala, seu difficultas abstinendi a peccato, cum sit impotentia moralis vaga, non procedit a tristitia, & molestia orta hic, & nunc a cognitione mali in objecto propositi, sed ab ipsa hominum fragilitate, quæ posita in plurimis occasionibus cum omnimoda indifferentia, impossibile moraliter est, quod uniformiter operetur, ex eo, quod plurimæ causæ sint paratæ impedire uniformitatem, & non nisi una (videlicet omnes per modum unius) possit impedire disformitatem operationum. Idem itaque dicendum in casu.

X. Obje. 2. Si daretur necessitas ista moralis vaga ad patrandum aliquod veniale, eo ipso deberet redigi ad determinatam; ergo non potest dari ista necessitas vaga. Probat sequela; fingamus, dari necessitatem istam vagam relate ad decem occasiones; vitatis novem venialibus, haberet homo in decima occasione impotentiam moralem vitandi veniale; ergo jam redigeretur ad determinatam.

Resp. nego sequelam. Ad probationem distinguo antecedens; in decima occasione haberet impotentiam moralem antecedentem, nego, consequentem, seu ex suppositione, quod vitaverit novem venialia, concedo antecedens, & nego consequentiam. Idem dicas de necessitate, quod in mundo veniant scandala; si ea sit in decem hominibus, & novem homines vitaverint scandalum, datur in decimo necessitas moralis solum consequens, non antecedens: non quia vitatio reliquorum hominum influit ad peccatum decimi, sed quia ipsa hominum fragilitas, & veritabilis voluntatis necessitas ad disformiter operandum: Ita prorsus vitatio venialis in novem occasionibus non influit in veniale per decima occasione, immo potius ex habitu acquisito deberet influere ad vitandum veniale in decima occasione, in qua tamen datur necessitas consequens. Ubi notandum, quod sicut relate ad decimam occasionem datur impotentia consequens, seu ex suppositione, quod sint vitata novem; ita etiam in prima occasione datur impotentia consequens, seu ex suppositione, quod sint vitanda reliqua novem.

XI. Ex dictis sequitur primo ex Grando, votum de vitandis omnibus venialibus deliberatis esse validum; cum ad hæc vitanda detur potentia moralis; votum vero de

de vitandis omnibus omnino venialibus etiam non plene deliberatis esse nullum; cum nec votum, nec lex humana obliget ad moraliter impossibile, ne sit occasio lapsus: obligat tamen Deus ad vitanda omnia venialia, quia non potest non obligare ad vitandum quod est intrinsece malum. Alii tamen putant, posse votum ad id se extendere, quia potest votum se extendere ad vitandum id quod est intrinsece malum, & antecedenter prohiberetur; Unde tantum firmat, & auget obligationem naturalem. Sed non sunt audiendi, quia cum votum obliget instar legis humanæ, & lex humana non obliget ad id, quod est moraliter impossibile (quamvis ad hoc aliquando obliget lex Divina, quæ dat vires, si petantur, sufficientes ad legem implendam) ideo votum de vitandis omnibus omnino venialibus, quod per modum unius nunciatur, non obligat. Propositum autem de vitandis omnibus dari debet, quia datur physica potentia vitandi omnia venialia.

Sequitur secundo, quod cum petimus a Deo, ut nos a venialibus præservet, non petamus speciale illud privilegium Beatæ Virginis concessum, sed quod nos a deliberatis præservet, & a multitudine venialium, quæ dicuntur fieri ex subreptione, & esse imperfecte deliberata.

Sequitur 3. quod cum hæc impotentia moralis vitandi omnia venialia fundetur in vertibilitate voluntatis, adhuc in statu puræ naturæ daretur, quamvis in eo statu non daretur impotentia moralis vitandi omnia venialia; cum enim hæc impediunt affectionem ultimi finis, tenetur Deus suis

auxiliis in pura natura hanc impotentiam depellere, ne hominem condant cum necessitate amittendi suum ultimum finem.

Sequitur ultimo, impotentiam moralem vitandi omnia venialia dicendam esse vagam, non vero semper determinatam; cum non detur ratio cogens ad dicendum, quod debeat esse semper determinata, nec detur ratio ad dicendum, quod de facto sit semper determinata, quamvis de possibili posset esse vaga: De facto enim, ut notat Esparza, facilius vitare possumus quodvis veniale determinatum, quam resistere tentationibus omnibus impellentibus ad mortalia; cum experientia constet, magis nos impelli ad graviter peccandum a tentationibus gravissimis, quam ad leviter peccandum a tentationibus occurrentibus; Atqui datur in natura reparata potentia moralis ad vitanda omnia mortalia, imo etiam ad perseverandum finaliter, si minus cum auxiliis ordinariis gratiæ, saltem cum illo speciali auxilio, quod Deus in præsentem providentia non denegat, si petatur prout oportet, juxta illud Tridentini sess. 6. can. 11. *Deus impossibilia non jubet, sed jubendo monet*, &c. ergo a fortiori datur in natura reparata potentia moralis ad vitandum quodvis veniale determinatum, cum auxiliis gratiæ ordinariis; & solum requiritur speciale privilegium ad vitanda omnia omnino collective venialia, etiam indeliberata. Effet hic agendum de Merito, quatenus est effectus gratiæ sanctificantis, sed de hoc commodius in tractatu de Justitia, & Jure, ac de Incarnatione. Hæc impræsentiarum satis, Sit itaque hujus annui pensæ,

(Sed oh ubi æternisatis!)

F I N I S.

L. D. & V. sine labe Conceptæ.

THESES PROPUGNATÆ

EX HOC TRACTATU
DE DIVINA GRATIA.

I. **G**ratia preste dicta Theologica est donum supernaturale gratuitum, superans omnem naturæ exigentiam, ac debitum tum physicum, tum morale, ad supernam conferens Beatitatem. Præter habitum datur Actualis, seu auxiliatrix, quæ communiter dividitur in Prævenientem, Commutantem, Subsequentem, in Excitantem, & Adjuvantem; in Operantem, & Cooperantem: eadem tamen entitative Gratiæ secundum diversos respectus considerata potest omnia isthæc munera sortiri; per eadem enim Deus & præparat voluntatem ad actus salutares, & adjuvat præparatam, & ad perseverandum promovet. Eadem etiam entitative gratia actualis sufficiens simul esse potest, & efficax; ita ut dicatur sufficiens, quatenus dat posse velle, & operari salutariter; dicatur vero efficax, quatenus confert ipsum velle, & operari infustrabiliter.

II. Metaphysica necessitas, quod quilibet creata voluntas videatur per scientiam mediam sub aliquo vage auxilio consensura, non derogat plenæ libertati consensus. Admittimus proinde in collectione auxiliorum non solum moralem, sed etiam metaphysicam infustrabilitatem relate ad consensum liberum inducendum, ut salvetur, quod in Deo sit Omnipotentissima potestas inclinandorum quo placet cordium. Hinc repugnat Creatura inemollibilis, seu quæ per scientiam mediam videatur omnibus auxiliis restituta: Repugnat pariter Creatura inobdurabilis, seu quæ per scientiam mediam videatur omnibus Divinæ gratiæ auxiliis consensura; omnis quippe creata voluntas est in manu Dei, sicuti lutum in manu figuli; adeo ut possit ex ea fieri tam vas ad honorem, quam ad contumeliam. Si fiat hypothesis, quod Deus possit aut simul, aut in infinitis partibus proportionalibus v. g. horæ, non solum infinita, sed etiam omnia sua auxilia conferre, non posset in collectione auxiliorum dari metaphysica necessitas relate ad consensum: nec deberet voluntas per scientiam mediam videri sub aliquo vage auxilio dissenfura; un-

de non repugnaret Creatura inobdurabilis: Ea tamen hypothesis absolute repugnat, non solum quia inferret Omnipotentis exhaustionem, quod hic supponimus, sed ex hoc etiam, quia subtraheret Creaturam liberam a subiectione debita Divino domino.

III. Ratio Gratiæ auxiliatricis unice competit actibus intellectus, & voluntatis, seu piis, & supernaturalibus cogitationibus, quibus apparet quod latebat, ac sanctis inspirationibus, quibus suave fit quod non delectabatur: Rejicimus propterea, tanquam incongruam naturæ rationali, Gratiæ prævenientem in qualitate quacumque mortua, & non vitali repositam. Auxilia gratiæ non solum moralem, ac formalem exercent casualitatem erga actus salutares, sed etiam physicam: Non sunt tamen tota ratio agendi; cum illis enim etiam voluntas physice, & immediate concurrat. Comprincipia isthæc supernaturalia connaturalia sunt voluntati intrinseca; potest tamen voluntas divinitus in actum supernaturalem erumpere citra ullum comprincipium supernaturale intrinsecum sub assistentia Omnipotentis speciali. Liberum arbitrium potest influxum gratiæ auxiliariis prout libuerit modificare, eliciendo actum aut magis, aut minus perfectum, solum intra mensuram comprincipii elevantis.

IV. In natura lapsa, ac reparata per Christum omnibus omnino adultis per Baptismum justificatus confertur de facto auxilium sufficiens ad non peccandum, & ad salutariter operandum, usque ad vitæ terminum. Adultis vero infidelibus, ac barbaris confertur auxilium sufficiens ad credendum fide stricta Deum Remuneratorem, & ad Baptismum saltem haminis suscipiendum: Fides autem late dicta ex testimonio Creaturarum, simile motivo, necnon Dei dilectio consequens ad hujusmodi fidem, non sunt gratia Theologica, nec ad fidem strictè dictam, aut ad justificationem disponunt. Obduratis etiam juxta opportunitates, quæ passim occurrunt, sufficientia physica confertur ad resurgendum,

& la-

& salutariter operandum; quamvis saepe in poenam denegeret iisdem sufficientia moralis. Providit denique Deus parvulis omnibus de sufficienti remedio ad salutem, adeo ut dici nequeat, per Divinam voluntatem peccati vindicem stare, quominus infantibus in utero matris decedentibus Baptismus conferatur, & salvetur.

V. Nequit homo viribus propriis ad Gratiā ullatenus se disponere; Opera quippe naturalia neque physicā exercere possunt causalitatem erga Gratiā, neque moralem; adeo ut nec de condigno illam promereri possint, neque de congruo; nec impetratione strictē dicta impetrare; quinimo nec possunt ad Gratiā positive disponere per connexionem cum illa fundatam in quadam congruitate, consistētiā ab exigentia, & merito; nec possunt disponere negative, per hoc scilicet, quod Deus ex mera sua liberalitate decreverit Gratiā infallibiliter conferre non ponentibus obicem, & bene operantibus per vires naturae, citra ullam operum naturalium intrinsicā connexionem, exigentiam, & conducentiam, esto illam saepe etiam ponentibus obicem conferat: qualitercumque enim disponent, semper Gratiā diceretur Naturae pedissequa; & initium salutis esset a nobis, si Deus ad Gratiā conferendam nostras operationes expectaret. Admittimus solum, operationes honestas naturae viribus positas ad Gratiā disponere indirecte, & remote; quatenus per habitum acquisitum virtutis moralis potest homo se disponere ad facilius, ac intensius operandum cum Gratiā operationes salutares: Carentia etiam obicis confert pariformiter ad Gratiā indirecte, & remote, quatenus ceteris paribus minorem patitur difficultatem ad cooperandum Gratiā, qui caret habitibus vitiosis.

VI. Hinc axioma illud, *Faciens quod in se est Deus non denegat Gratiā suam*; non est in eo sensu accipiendum; quod Deus facienti quantum est in se per vires naturae infallibiliter suam Gratiā conferat, sive efficacem, sive pure sufficientem; videtur enim id sapere semipelagianissimum; sed quod Deus facienti quantum in se est per vires Gratiā praeveniens, & vocantis infallibiliter ulteriorem Gratiā conferat, usque ad justificationem, & salutem obtinendam; sicut etiam quod ponenti per vires Gratiā actus supernaturales ultimo disponentes ad justificationem infallibiliter gratia illuc conferatur.

VII. Sicut de facto sub praedestinatione Dei efficacem, & absolutam cadunt effectus necessarii, sive a solo Deopendentes, sive etiam a causis secundis, independentes tamen a libertate creati; ita pariter actus liberi honesti efficaciter praedestinantur praedestinatione consequente scientiam mediam, aeventente scientiam visionis de iisdem. Est autem huiusmodi praedestinatio, Praelectio aeterna actus liberi boni sui efficaciacia inducens illum tempore praedestinito per causas proportionatas naturae talis actus; propterea illum physice & natura antecedit, quamvis logice, & intentionaliter consequatur. Non solum autem in praesenti providentia actus liberi honesti efficaciter praesiniuntur, sed in omni providentia eorum praesinitio est necessaria; non quidem ex parte ipsius actus, qui adhuc citra praesinitioem est possibilis, sed ex parte Divinae voluntatis, quippe quae attingit omnia a fine usque ad finem fortiter, disponitque suavitur; nequit proinde non efficaciter intendere actum bonum, dum confert auxilium praevium efficacem.

VIII. Universim Deus conferendo auxilium praevium efficacem confert illud ex motivo efficaciacie, intendendo efficaciter consensum; etiam si non esset paratus aliud auxilium conferre, si quod confert praevideretur inefficax. Utrovis autem pacto conferat auxilium praevium efficacem, sive scilicet paratus aliud dare in hypothēsi inefficaciae, sive non, semper illud confert cum benevolentia speciali, cum qua non confert auxilia praevia inefficacia. Everteretur libertas actus praedestinati, si Deus conferret auxilium efficacem qua efficacem simpliciter, hoc est eo animo, ut si illud praevideretur inefficax, esset daturus aliud efficacem seligendum ex omni auxiliorum collectione; esto autem incolumis esset libertas talis actus, non propterea dici posset, sic de facto confertur auxilia efficaciacia. Probabilius enim conferuntur qua efficaciacia secundum quid, hoc est eo animo, ut si praeviderentur inefficacia, alia darentur eiusdem rationis: quod si & illa praeviderentur inefficacia, non proinde danda essent extraordinaria, usque ad efficaciaciam deprehendendam.

IX. Necessitas mere consequens ad actum non laedit ejus libertatem, quotiescumque hic prodit a principiis indifferētibus; ea quippe est impediibilis, saltem indirecte. Hinc scientia media de consensu sub auxilio A, etiam si dirigat Deum ad con-

ferendum tale auxilium, quando prædefinit consensus, atque adeo sit in priori natura ad actum, non proinde hujus libertatem violat; eo quod sit logice posterior ad eundem consensus conditionate futurum, ac propterea indirecte impedibilis ab arbitrio munito eodem auxilio. Ipsa etiam Divina prædefinitio consequens ad scientiam mediam tum in essendo, tum in operando, coheret cum libertate actus prædefiniti. etenim quamvis illum natura antecedit, ut causa videlicet remota, sed non determinate requisita; nihilominus logice pariter, & intentionaliter ad eundem consequitur, atque adeo est indirecte impedibilis.

X. Prædefinitio vero anteverrens scientiam mediam in essendo, & consequens in operando, non solum dissonat Deo decernenti; quippe qui minus perfecte objectum scientiæ mediæ cognosceret, ac minus sapienter decerneret; sed præterea adimit libertatem actus prædefiniti. Univerſum enim omne antecedens, omnino antecedens actum voluntatis create, si essentialiter cum una parte connedatur, & sit inimpedibile, est eversivum libertatis; estque impedimentum rigorose dictum in ordine ad alteram partem ponendam; ac propterea se tenet ex parte principii proximi, non tanquam ejus constitutivum, sed tanquam destructivum potentie proxime expeditæ ad utramque partem. Hinc negamus coherere cum libertate consensus prædefiniti decretum disjunctivum, quo scilicet Deus velit vel conferre auxilium A, si per scientiam mediam prævideatur efficax, vel prædeterminare ad consensus, si illud prævideatur inefficax.

XI. Actus liberos inhonestos citra amorem peccati Deus prædefinire nullatenus potest, non solum quoad formale, sed nec etiam quoad materiale eorum entitatem. Quare peccata ex directione scientiæ mediæ solum permittit, volendo illa voluntate duntaxat signi, non beneplaciti; quatenus auxilium per scientiam mediam prævisum sufficiens, & inefficax confert animo sincero, ut bona operatio consequatur; quamvis deinde ex voluntatis pravitate sine intento fraudetur: propterea quando Deus obdurat, aut obsecrat, non præstat id adjuvando, sed, ut loquitur Augustinus, deterendo, non impertiendo malitiam, sed non impertiendo misericordiam, hoc est non conferendo auxilia prævisa efficacia, sed pure sufficien-

tia, citra ullam prædefinitionem culpe. Hinc dicimus, auxilium inefficax numquam conferri qua inefficax; imo nec posse de potentia absoluta sic conferri, quin Deus dicatur peccati Auctor, sed auxilium prævisum inefficax ita Deus confert, ut illud ipsum esset libentius collaturus, si prævisum fuisset efficax.

XII. Formalis malitia peccati commissionis ne inadæquate quidem consistit in privativo, seu negativo. Nec apte reponitur in positivo morali superaddito entitati physice actus peccaminosi, aut in relatione disconvenientiæ cum natura rationali eidem entitati superaddita: quare consistit adæquate in positivo morali cum entitate physica actus identificato, ad quod consequitur privatio rectitudinis debite voluntari, dum libere operatur cum advertentia ad regulam morum. Idemque dicendum putamus de peccato omissionis supposita repugnantia pure omissionis liberæ.

XIII. Repugnat Divina Prædefinitio, quæ nullo habito respectu ad scientiam mediam, efficaciter actum liberum intendat, illum prædeterminando, aut condeterminando. Physica siquidem præmotio libertatem arbitrii evertit; quinimo destruit conceptum Gratiae pure sufficientis in male operantibus; ut proinde vacent culpa, dum peccant: ac demum reddit Deum peccati Auctorem, si ex coherencia doctrinæ detur tum ad consensus, tum etiam ad disensus. Decretum etiam condeterminans vel libertatem evertit arbitrii creati, si ponatur inimpedibile; vel infrustrabilitatem Divinæ voluntatis, si ponatur impedibile: utrovis autem modo ponatur formale peccati, non minus Deo imputaretur, quam Creaturæ, si uterque simultanee ad illud determinaret.

XIV. Præcindimus hic a via conciliandi libertatem creatam in infrustrabili Divinæ Gratiae efficacia: asserimus tamen, præter Gratiam efficacem in actu secundo, quæ cooperationis Gratia nuncupatur, importans auxilium, quod consensui annectatur, dari etiam Gratiam Prævenientem in actu primo efficacem; quæ involvit tum auxilium indifferens, tum etiam futuritionem consensus conditionatam, seu scientiam mediam de consensu sub tali auxilio. Huic autem Gratiae, dum superadditur voluntas Dei specialiter benevola, confertur hujusmodi auxilium ex intentione consensus secuturi, competit ratio specialis beneficii realiter ad consentientem præ non con-

consentiente. Porro Gratia præveniens in actu primo efficax, antequam intelligatur in uno conjungenda cum consensu, in altero non conjungenda, quoad suam entitatem non est necessario diversa: propterea potest eadem entitative invariata esse tam in consentiente, quam in dissentiente.

XV. Præter Gratiā Actuale datur Habitualis justificans, quæ est qualitas supernaturalis physice, ac permanentiter anime inherens, reddens hominem Dei filium adoptivum, amicum, & vitæ æternæ hæredem. Est quippe participatio Divinæ naturæ, non solum eo modo, quo Creaturæ omnes sunt etiam per participationem Dei, sed speciali ratione, juxta quam D. Petrus habet: *Propterea nobis promissa donavit, ut per hæc Divina efficiamini consortes naturæ*. Participat enim Divinam naturam tum ethice, & moraliter sumptam, quatenus ad bonos mores disponit, & indisponit ad malos; tum sumptam physice, per hoc quod Gratia sit natura supernaturalis ut quo, tribuens nobis radicaliter posse Deum clare intueri, quod soli Deo naturaliter convenit: quare quod est proprium Divinæ naturæ, & cuilibet naturæ creatæ, aut creabilis repugnat, posse scilicet Deum propriis viribus intueri; hoc homo per Gratiā participat, quæ radix est habituum, & actuum supernaturalium, quibus ad Dei visionem disponimur. Negamus tamen esse participationem Divinæ naturæ in suo esse reali, & adductivam Divinitatis, in quantum cum Spiritu Sancto identificatur, in animam, adeo ut de formali veniat Spiritus Sanctus ad constitutionem filiationis adoptivæ, quæ iusticiam, & sanctitatem radiceat. Est enim Divinæ naturæ participatio solum similitudinaria, ut proinde Spiritus Sanctus tam ad denominationem filii adoptivi, quam ad denominationem iusti se habeat tantum de causali. Esto autem verum esset, Personam Spiritus Sancti anime donatam, & appropriatam de formali se habere ad denominationem filii Dei adoptivi, non per hoc posset Creatura affecta huiusmodi gratia condigne satisfacere pro mortali alieno, quamvis hoc supponatur finitæ gravitatis in linea injuriæ.

XVI. Gratia justificans præsentis ordinis independentem a quolibet Dei favore extrinsecò, ex natura sua, & essentialiter reddit hominem Dei filium adoptivum, amicum, hæredem, & iustum. Hinc dicimus, illam non solum esse naturam super-

naturalem, seu primam radicem habituum, ac operationum supernaturalium, sed etiam esse veluti externam Dei promissionem, quæ Deus se obligat ad amandum iustum amore amicabile, & ad gloriam illi conferendam, nisi velit amicum rescindere, & gratiam amittere per peccatum. Ex quo fit, Gratiā præsentis ordinis ex intrinsicis suis esse impossibilem cum mortali. Possibile tamen censuimus in alio ordine Gratiā habitualem, quæ sit solum pura, ac specialis Divinæ naturæ participatio, seu radix omnis supernaturalitatis, & compossibilis cum culpa gravi.

XVII. Habitus Charitatis non solum ratione ratiocinata, sed etiam realiter distinguitur a Gratia Sanctificante, cuius est proprietas. Neque huiusmodi habitus, neque Actus Charitatis, nec Visio ipsa beata iustificat formaliter. Potest in alio ordine mortale condonari per condonationem mere extrinsecam, citra Gratiæ infusionem. Potest etiam peccatum remitti citra præviam peccatoris retractationem. Denique quamvis effectus formales intrinseci, qui habentur per Gratiā præsentis ordinis, haberi divinitus non possint per formam extrinsecam, effectus tamen formales, quos Gratia præsentis ordinis communicat iusto, communicando se illi intrinsece, possunt in alio ordine haberi per formam extrinsecam; atque adeo potest homo esse Sanctus, Dei filius adoptivus, amicus, & hæres per Sanctitatem extrinsecam.

XVIII. Status puræ naturæ non elevatur ad finem supernaturalem esse possibilis; Sic ut etiam status naturæ puræ non integrè, excludentis subjectionem concupiscentiæ. Isthæ enim integritas non est homini conaturalis; ut nec immunitas a morte, & a mortis vestigiis. Natura lapsa est debiliore pura; adeo ut liberum arbitrium pro peccatum sit attenuatum, & inclinatum, ut loquitur Tridentinum; & homo non solum sit spoliatus donis gratuitis, sed etiam vulneratus in naturalibus, juxta communem intelligentiam parabole hominis descendentis in Jericho.

XIX. In natura lapsa potest homo naturæ viribus aliquas veritates tum practicas, tum speculativas attingere; non tamen omnes collectivè; Nihilominus ad quancumque veritatem determinatam hic, & nunc attingendum opus est aliqua gratia, seu auxilio debito Dei providentiæ, ut Auctoris naturæ, conditanda a dono

creationis. Ad cogitationes vero salutares requiritur Gratia per Christum, seu ordinis supernaturalis; sicut etiam ad cognoscendum cognitione certa, & infallibili verum aliquod intrinsece, & quoad substantiam supernaturale. Pariformiter ad ponendum in natura lapsa opus aliquod honestum, & ad aliquas tentationes superandas sufficientes vires naturales; in exercitio tamen cuiusvis operis honesti ordinis naturalis requiritur speciale Dei beneficium conditum a dono creationis; & ad opus honestum salutare requiritur Gratia per Christum ordinis supernaturalis.

XX. Natura lapsa de facto citra Gratiam Theologicam caret potentia etiam physica ad totam legem servandam, prout hac complectitur praecepta tam naturalia, quam supernaturalia. Ad servandam vero totam legem naturalem, completentem videlicet praecepta dumtaxat naturalia, datur potentia physica: & quamvis non detur potentia moralis ad eam diu servandam, datur tamen isthac potentia ad illam brevi servandam; quousque scilicet non occurrat tentatio gravis, aut tentationum non gravium multitudo. Hinc potest homo etiam moraliter in statu naturae lapsae

diligere Deum super omnia amore non concupiscentiae, quatenus nostrum bonum beatificum est, tum etiam amicitiae naturali; & quidem efficaci, non solum quoad affectum, sed etiam quoad obiectum, brevi tamen tempore; ad diuturnam enim huiusmodi amoris continuationem potentia moralis non datur. Porro ad perseverandum in gratia finaliter requiritur speciale Dei auxilium, & specialis protectio; quoniam sicut qui caret Fide non potest moraliter diu servare totam legem naturalem, quia deest ei specialis protectio, quam Deus circa Fideles exercet; ita Fidelis, qui caret Dei amicitia, nequit moraliter diu servare Divina praecepta, quia deest ei protectio specialis, quam Deus exercet circa amicos. Citra speciale privilegium nequit homo vitare omnia venialia in tota vita; Huiusmodi tamen impotentia non est physica, sed moralis; & quidem simpliciter dicta, non secundum quid: Est antecedens, non consequens; nec est necessario determinata, sed potest esse vaga; oriturque ex arbitrii vertibilitate, & inconstantia, ex frequentia tentationum impellentium ad venialia, ex propensione ad delectabilia, ex Dei monis instigatione, ex naturae imbecillitate.

F I N I S.

I N D E X

RERUM NOTABILIUM,

Quæ in hac Tertia Parte

DE GRATIA

Continentur.

*Primus numerus designat Disputationem, Secundus Quaestionem,
Tertius numerum Marginalem.*

A

B

Actus charitatis non justificat formaliter in præfenti providentia, quamvis possit in alia. 4. 8. 3.

Actus vitales dependere possunt a potentia vitali tum per actionem ab iis indistinctam, tum etiam per distinctam. 4. 6. 8.

Adjutorium quo, & Adjutorium sine quo non quid importent ad mentem D. Augustini? 3. 2. 9.

Adoptio quid sit, & in quo differat humana a Divina. 4. 3. 2. Adoptio rigorosa consistere non potest sine amicitia. 4. 6. 2.

Adultus non damnatur sine proprio personali peccato. 1. 8. 10.

Amicitia in quonam consistat? Et in quonam inimicitia? 4. 6. 2.

Amicitia, quæ dari potest inter Deum, & Creaturam, non est fodalitatis, sed dignationis, supereminentiæ, ac excellentiæ. 4. 6. 3.

Auxilia gratiæ consistunt unice in actibus intellectus, & voluntatis. 1. 3. 1. Recensentur actus intellectus, & voluntatis, quibus competere potest ratio gratiæ. ib.

Auxiliorum infruitabilitas relate ad voluntatem creatam emolliendam est admittenda, tanquam Divino dominio consona. 1. 2. 3. Et similiter relate ad voluntatem obdurandam. 1. 2. 11.

Auxilium inefficax non potest a Deo dari ut inefficax. 2. 8. 2.

Axioma illud, *Faciens quod in se est Deus non denegat gratiam suam*, quomodo intelligendum sit? 1. 9. 1.

Baptismus conferri debet sub conditione parvulis in utero matris existentibus, si possunt physice ablui, quando sunt in discrimine vite. 1. 7. 4.

Barbarus illustratus lumine fidei, si velit credere, quomodo in promptu habebit Predicatore, a quo de mysteriis credendis instruarur? 1. 8. 10.

C

Charitatis actus, & Habitus, sicut etiam Visio beata, de facto non justificant formaliter; possunt tamen in alio ordine formaliter justificare. 4. 8. 3.

Charitatis habitus realiter distinguitur a Gratia justificante. 4. 7. 2.

Condonatio peccati extrinseca in alio ordine non repugnat. 4. 9. 5.

Creatura inemollibilis per auxilia gratiæ, aut inobdurabilis repugnat. 1. 2. 6.

D

Decretum prædeterminans evertit arbitrii libertatem. 3. 2. 2. Sicut etiam decretum concomitans. 3. 3. 2.

Deo competit Omnipotentissima potestas inclinandorum quolibet cordium. 1. 2. 3.

Deus providit de sufficientia ad salutem etiam parvulis, qui in utero Matris decedunt. 1. 6. 2.

Deus prædestinat omnes effectus dependentes ab ipso adæquare, necnon omnes actus nostros liberos honestos. 2. 7. 3. Peccatum

I N D E X

rum præfrire non potest neque secundum formale, neque secundum ejus **mareriale**, sed solum potest illud permittere. **1. 6. 3.** Deus quoniam pacto eligit, & discernat electos a Reprobis? **2. 3. 7.** Dilectio Dei super omnia naturalis dari potest in natura lapsa ad breve tempus citra gratiam Theologicam. **5. 5. 2.** Ad diuturnam tamen hujus amoris perseverantiam datur impotentia moralis sine gratiæ auxilii. **ib.**

E

Errores præcipui Hæreticorum in materia gratiæ recensentur. **1. 1. 6.**

F

Filiatio adoptiva quid importet tam humana, quam Divina? **4. 2. 1.**

G

Gratia quid, & quotuplex sit? **1. 1. 1.** Gratia auxilia in quonam consistant? **4. 6. 2.** Ea sit in nobis sine nobis, hoc est sine nobis libere operantibus. **1. 3. 6.** Gratia auxiliatrix relate ad actus salutes exercet causalitatem non solum moralem, seu formalem, sed etiam physicam. **1. 4. 2.** Quamvis ea connaturaliter sit intrinseca voluntati, potest tamen Divinitus ejus defectus suppleri per concursum specialem Omnipotentis; non secus ac potest sine lumine intrinseco gloriæ Deus videri. **1. 4. 10.** Potest voluntas sub auxilio gratiæ actum salutarem intensiorem, aut minus intentum ad arbitrium ponere saltem intra mensuram intentionis gratiæ. **1. 4. 13.**

Gratia sufficiens ad salutem datur omnibus omnino adultis. **1. 5. 2.** Etiam Infidelibus, & Barbaris omnibus datur auxilium sufficiens, ut credant, baptizentur, & salventur. **1. 1. 3.** Sufficiens ad salutem pariter datur obduratis, & obsecratis; nec non Infidelibus, ac Barbaris, qui naturæ legem violant.

Ad Gratiam istam non possunt operationes naturales disponere neque positive, neque negative; possunt tamen aliquatenus disponere indirecte, & remote. **1. 8. 6.**

Gratiæ efficacia in quonam consistat, hic non disputatur: Explicantur tamen quatuor celebriores sententiæ. **1. 1. 6.** Præferim sententia Societatis reponens illam in collatione auxilii prævisi per scientiam mediæ efficacis. **2. 4. 4.** Gratia efficiat

in actu primo per quid discriminetur ab efficaci in actu secundo? **3. 5. 1.** Gratia habitualis quid sit; & in quonam prædicato ejus essentia reponatur? **4. 1. 2.** In quonam sensu sit participatio Divinæ naturæ? **4. 2. 2.** Ea non habetur per participationem naturæ Divinæ in suo esse reali; sed solum participat illam ut quo similitudinariæ. **4. 3. 4.**

Gratia præsentis ordinis est impossibilis cum mortali habituali. Potest tamen dari gratia, quæ sit etiam Natura Supernaturalis, ac specialis participatio naturæ Divinæ, & simul possit cum mortali coherere. **4. 5. 2.** Independentem ab ullo favore extrinseco gratia præsentis ordinis reddit hominem Dei amicum, adoptivum, & hæredem. **4. 6. 6.** Idque, quia est veluti externa Dei promissio de dando Creatura rationali suum amorem amicabilem, & gloriam, tanquam hæreditatem. **4. 6. 7.**

Gratia sanctificans realiter distinguitur ab habitu Charitatis. **4. 7. 2.** Potest homo per gratiam physicæ extrinsecam in alio ordine sanctificari. **4. 9. 2.**

Gratia ordinis naturalis constituitur a dono Creationis necessaria est in statu naturæ lapsæ ad cognoscendam quamcumque veritatem in particulari, tum speculativam, tum practicam. **5. 3. 2.** Sicut etiam ea requiritur in exercitio cujuscumque operis honesti naturalis. **5. 3. 6.** Debetur tamen naturæ lapsæ sufficientia ad aliquas veritates cognoscendas, & ad aliquod opus honestum ponendum. **5. 3. 5.**

Gratia Theologica non est necessaria in natura lapsa ad totam legem naturalem servandam brevi tempore. **5. 4. 4.** Ea tamen requiritur, ut detur potentia moralis ad totam legem naturalem diu servandam; Sicut etiam ad diuturnam amoris Dei super omnia perseverantiam. **5. 1. 2.**

H

Habitus Charitatis realiter a Gratia distinguitur. **4. 7. 2.** De facto non justificat formaliter; potest tamen in alia providentia formaliter justificare. **4. 8. 3.**

I

Impotentia vitandi omnia venialia collatæ. **V. Venialia.** Inimicitia non fert mutuum jus ad odium, quamvis amicitia ferat mutuum jus ad amorem. **4. 6. 21.**

Ma

Maxima isthæc in Schola Societatis videtur debere esse ineluctabilis, videlicet: Omne antecedens, omnino antecedens actum, incompatibile cum ejusdem omissione, & inimpedibile a voluntate, evertit ejus libertatem. 1. 5. 2. Regulis Summularum ea Maxima fit perspicua. 2. 5. 10. Possibilitas scientiæ mediæ reflexæ huic Maximæ non refragatur. 2. 5. 17.

Naturæ multiplex status. 5. 1. 1. Naturæ puræ status est possibilis. 5. 1. 4. Necnon status naturæ integræ. 5. 1. 8.

Natura lapsa debilior est, quam pura, circumscriptis auxiliis uberrimis, quæ habentur per Christum. 5. 2. 1. Idque ex triplici capite. 5. 2. 2.

Naturales operationes non possunt ad Gratiâ disponere neque positive, neque negative. 1. 8. 4. Possunt solum indirecte, & remote, quatenus per habitus acquisitos virtutis moralis potest homo se disponere ad facilius, ac intensius operandum cum gratia. 1. 8. 6.

Necessitas Gratiæ in statu naturæ lapsæ ad cognoscendas veritates sive speculativas, sive practicas; necnon ad ponendum opus honestum; aut ad servandam totam legem; & ad diligendum Deum super omnia. V. Gratiâ ordinis naturalis; & V. Gratiâ Theologica.

Necessitas metaphysica, quod quælibet creata voluntas per Scientiam mediam videatur a Deo sub aliquo vage auxilio, immo sub infinitis consensura, & sub alio, immo sub infinitis aliis dissensura, non videtur negari posse citra coarctationem Divini dominiæ erga Creaturas liberas, quæ liberas. 1. 2. 6.

Oratio, elemosynæ, & alia pia opera in Paganis non deserviunt ad fidem promerendam, sed ut facilius Gratiâ co-operentur. 1. 8. 9.

Parvulus in utero Matris decedentibus non deest auxilium sufficiens ad salutem. 1. 6. 2. Sententia opposita Vasquii apte potest emolli. 1. 6. 5.

Parvulus in utero Matris existentibus potest; ac debet baptizari sub conditione conferri, si possunt physice abluï, quando sunt in discrimine vite. 1. 7. 4. Peccati malicia formalis consistit in positivo, non in negativo. 2. 7. 2.

Peccatum in priori naturæ signo ad infusionem gratiæ deletur in Sacramentis mortuorum formaliter per applicationem Satisfactionum Christi D. 4. 6. 14.

Peccati retractatio in præsentis providentiæ est prærequisita ad ejus remissionem; potest tamen in alia providentiâ citra retractationem remitti. 4. 9. 8.

Perseverare non potest justificatus in accepta iustitia sine speciali Dei auxilio. 5. 5. 4.

Prædefiniri non possunt a Deo peccata quod eorum materiale, sed solum ea possunt a Deo permitti. 2. 6. 3.

Prædefinit Deus actus liberos nostros honestos. 2. 1. 3. Hæc autem prædefinitio, utpote directâ a scientiâ mediâ, ita est physice prior relatæ ad eos actus, ut sit logice, & intencionaliter posterior. 2. 1. 4.

Prædefinitio actus boni consequens ad scientiam mediam non solum datur in præsentem, sed etiam est necessaria in quacunque providentiâ. 2. 2. 2. Ea non evertit libertatem actus prædefiniti. 2. 4. 8. Prædefinitioem istam relatæ ad proprios actus potest voluntas impedire, non tamen sibi acquirere. 2. 4. 11.

Prædefinitio antecedens scientiam mediam in essendo, & consequens in operando est inimica libertati consensus prædefiniti. 2. 5. 2.

Prædefinitio actus honesti fert collationem auxilii prævisi per scientiam mediam efficacis intendendo ejus efficaciam. Non est necesse, quod auxilium efficax conferatur a Deo eo animo, ut si illud prævisum fuisset inefficax, daretur aliud efficax; de facto tamen probabilius est ita conferri auxilium efficax, ut in hypothesi inefficaciæ darentur alia ejusdem ordinis efficaciam. 2. 3. 2.

Prædeterminatio physica pro eodem sumitur, ac præmotio physica. 2. 7. 2. Ea non est de mente D. Thomæ. 3. 2. 26. Evertitque arbitrii libertatem. 3. 2. 3. Si admittatur ut necessaria, sequitur, quod peccans careat sufficientia ad non peccandum, atque adeo non peccet, dum peccat. 3. 2. 10. Et si ex coherentia doctrinæ admittatur etiam ut necessaria ad actum malum, reddit Deum Auctorem peccati. 3. 2. 15.

Prædeterminatio physica ad mentem Neotico-

INDEX RERUM.

ricorum, quæ non deitur ad salvandam subordinationem creature libere Deo Primo libero, prout illam admittunt Bagneziani, sed solum deitur in statu naturæ lapsæ ad salvandam gratiam Christi medicinalem, & ut sit *Admirum Quæ*, non vero in statu naturæ integræ, pro quo tantum daretur *Admirum sine quo non*, explicetur. §. 2. 9.

Probabilioritas tenetur in nonnullis casibus sequi opinionem minus probabilem. 1. 7. 9.

R

Retractio peccati est prerequisite in præsentis providentia ad ejus remissionem: Potest tamen in alio ordine peccatum citra retractationem condonari. 4. 9. 8.

S

Sanctificari potest homo in alio ordine per gratiam mere extrinsecam. 4. 9. 2. Satisfactio condigna prælitæ a iusto pro mortali alieno repugnat, etiam si Gratia constimeretur per donationem Spiritus Sancti. 4. 4. 1.

Scientia media de consensu conditionate futuro, licet sit infallibilis, & præcedat naturam ipsam consensum absolute ponendum, quia tamen est illo logice, & intentionaliter posterior, ideo non violat ejus libertatem. 2. 4. 5.

Scientia media reflexa non derogat Maxime illi, quæ in Schola Societatis debet esse ineluctabilis, quod scilicet Omne anteceden-

dens, omnino antecedens actum, impossibile cum ejusdem omissione, & impedibile a voluntate, violet ejus libertatem. 2. 5. 13.

Sufficiens gratia ad salutem confertur a Deo omnibus omnino adultis. 1. 5. 2.

Sufficiens remedium ad salutem contulit Deus, etiam parvulis decedentibus in utero matris. 1. 6. 2.

Status naturæ multiplex. §. 7. 1. Naturæ puræ status, non elevatur ad finem supernaturalem, non repugnat. §. 1. 4. Sicut etiam status naturæ puræ integræ. §. 1. 8. Natura lapsa est debiliior, quam pura, circumscripto uberrimo auxilio, quod nobis per Christum confertur. §. 2. 1.

T

Tentationum victoria in natura lapsa non requirit gratiam per Christum. §. 4. 4.

V

Vasquæ sententia de Parvulis destitutis remedio ad salutem quomodo emolliiri possit. 1. 6. 5. Victoria tentationum in natura lapsa quam gratiam requirat. §. 4. 4. Venialia omnia in tota vita citra speciale Dei privilegium declinari non possunt. §. 6. 1. Hæc tamen impotentia non est consequens, sed antecedens, non physica, sed moralis; neque est necessario determinata, sed potest esse terminative vaga. ibid. Quænam sit radix hujus impotentia? §. 6. 5.

FINIS.